

30
25

রা মা য় ৭।

মহর্ষি বাল্মীকি প্রণীত

২১- ১২৮
৫-

~~অ-মহা-ভারত-কাণ্ড।~~

~~১১-৮-১১৮~~

শ্রীযুক্ত প্রতাপচন্দ্র রায় কর্তৃক

প্রকাশিত

এবং বিনামূল্যে বিতরিত।



কলিকাতা।

ভারতমন্ড্রে শ্রীপ্রতাপচন্দ্র রায় কর্তৃক

মুদ্রিত।

সন ১২৮৮ সাল

বা ল্পী কি রা মা য় গ ।

আ র গ্য কা গু ।

প্রথম সর্গ ।

রাম সম্যক রূপে চিত্ত বশ করিয়াছিলেন এবং শক্তিগণ তাহাকে পরাভব করিতে সমর্থ হইত না । তিনি মহারণ্য দণ্ডকারণ্যে প্রবেশ করিয়া, তাপসগণের আশ্রমগুল অবলোকন করিলেন । ঐ আশ্রমগুলের ইত্যন্ততঃ কুণ ও চীর সকল পরিক্ষিপ্ত রহিয়াছে । ব্রহ্মবিদ্যার অভ্যাস-জনিত তেজের পরিপূর্ণজ্যোতিঃ; গগনমণ্ডলস্থ অতীব দুর্দর্শ ও পরম-দীপ্তিবিশিষ্ট সূর্য্যমণ্ডলের স্থায়, উহার প্রতিভা প্রাদুর্ভূত হইয়াছে । প্রাণিমায়েই বিলম্বাপন্ন হইলে, উহার আশ্রয়ে পরিভ্রাণ পাইতে পারে । উহার প্রাক্কনভূমি সর্বদাই সুমার্জিত ও চতুর্দিক নানাজাতীয় ফুল ও বিহঙ্গমগণে পরিব্যাপ্ত । অপরোগণ নিত্য উহার সমীপে নৃত্য ও উহার উপাসনা করিয়া থাকে । সুবিস্তৃত অগ্নিমালা, অক্লান্ত প্রভৃতি যজ্ঞীয় উপকরণ, অজিন, কুশ, সগিধ, জল-কলস, ফলমূল, এই সকলে উহার শোভা সমুদ্ভূত হইয়াছে । সুস্ব-কল-বিশিষ্ট, পরম পবিত্র, নানাজাতীয় আরণ্য মহাবৃক্ষে উহার চতুর্দিক আচ্ছন্ন । উহাতে প্রতিনিয়ত বেদ-পাঠ-শব্দ উচ্ছিন্ন হইতেছে ; পুষ্প সকল বিকশিত রহিয়াছে এবং রিচিহ্ন-পদ্ম-শালিনী পদ্মিনী বিরাজমান হইতেছে । সর্বদা রবি ও ধোম

হওরাতে, ঐ আশ্রমমণ্ডল যেক্রপ পবিত্র, সেইরূপ, লোকমাত্রেয়ই
বহুমানানন্দ । এবং কল-মূলাহারী, দান্ত-স্বভাব, কৃষ্ণাজিনাস্বর,
বকলধারী, সূর্য্যাস্ত-সম তেজস্বী প্রাচীন মুনিগণ ও সংযতাহার
পুত্রিগণের সমষ্টিগণ সর্বদাই বাস করাতে, উহার অতিশয়
হইয়াছে ।

পরম তেজস্বী শ্রীমান্ রাম, সাক্ষাৎ ব্রহ্মলোকের ন্যায় মহা-
মহিমাময়, ও মূর্ত্তিভাগ ব্রহ্মবিদ ব্রাহ্মণগণে অলঙ্কৃত উল্লিখিত
মহিমাময় দর্শন করিয়া, স্বীয় সুবিশাল শরাসন জ্যানুভূত করিয়া,
তথায় প্রবেশ করিলেন । দিব্যজ্ঞানবিশিষ্ট মহর্ষিগণ রামকে
দেখিবামাত্র তৎক্ষণাৎ তাঁহার সম্মুখীন হইলেন । অনন্তর সেই
দৃঢ়ব্রত মহর্ষিগণ, উদীয়মান চন্দ্রের স্থায় প্রিয়দর্শন ধর্মপরায়ণ
রাম, বশস্বিনী জ্ঞানকী এবং লক্ষ্মণ, ইহাদিগকে সম্মর্শন করিয়া,
প্রীত চিত্তে আশীর্বাদপ্রয়োগপূর্ব্বক সভাজিত করিলেন । তৎ-
কালে রামের রূপ, সুল্লিষ্ট সন্ধি-বন্ধন, সৌকুমার্য্য, কান্তি ও
সুন্দর বেশবিচ্ছাদ দর্শন করিয়া, বনবাসিমাত্রেয়ই আকারে
বিস্ময়-রসের আবির্ভাব হইল । তাঁহারা রাম লক্ষ্মণ সীতা সক-
লকেই, সাক্ষাৎ আশ্চর্য্যের স্থায়, নিতান্ত অনিমিষ নেত্রে দর্শন
করিতে লাগিলেন ।

পরে সর্বভূত-হিতৈষী, পাবক-প্রতিম-তেজস্বী, ধর্মচারী,
ব্রহ্মজ্ঞান ঋষিগণ রামকে পর্ণশালায় লইয়া গিয়া, যথাবিধানে
সংস্কার করিয়া, পূজার্থ সলিলাদি আহরণ করিলেন । এবং
মিরতিশয়-প্রীতি-প্রকাশ-পুরঃসর আশীর্ষচন প্রয়োগ করিয়া,
কল, মূল, পুষ্প ও সমুদায় আশ্রম নিবেদন করত, কৃতাজ্ঞনিপুটে
কহিতে লাগিলেন, রঘুনন্দন ! রাজা, সাক্ষাৎ ইন্দ্রের চতুর্থ অংশ
রূপে, প্রজালোকের রক্ষা, ধর্মের পালন, লোক সকলের বিপদ
মিরাকরণ এবং দুষ্টগণের নিগ্রহ করেন ; এইজন্ত সকলেরই
পূজনীয়, দান্ত, গুরু ও নমস্কৃত এবং এইজন্যই পরমোৎকৃষ্ট
পরম মনোহর ভোগ্য পদার্থ সকল ভোগ করিয়া থাকেন ।

আমরা আপনাদের অধিকারে বাস করি। অতএব আমাদের রক্ষা করা আপনাদের অবশ্য কর্তব্য। নগরে বা বনে বেখানেই থাকুন, আপনিই আমাদের লোকপতি রাজা। রাজনু! আমরা ক্রোধ ও ইন্দ্রিয় সকল জয় এবং ভূতগণে জোহ ত্যাগ করিয়াছি। অতএব, জননী যেমন গর্ভস্থ জীবকে রক্ষা করেন; সেই রূপে আমাদের সর্বদাই রক্ষা করা আপনাদের কর্তব্য। এই বলিয়া তাঁহার ফল, মূল, পুষ্প ও নীবারাদি নানাপ্রকার অরণ্যজাত আহারীয় প্রদান পূর্বক লক্ষ্মণের সহিত রামের পূজা করিলেন। অগ্নির স্নায় তেজস্বী ও সর্বদা ধর্মাচার-পরায়ণ অস্ত্রান্ত্র সিদ্ধ তাপসগণও স্নায়ানুসারে সাক্ষাৎ ঈশ্বর রামের কৃষ্টি সম্পাদন করিলেন।

দ্বিতীয় সর্গ ।

ঋষিগণ এই রূপে আতিথ্যবিধান করিলে, রাম সূর্যোদয়-সময়ে তাঁহাদের সকলের অনুমতি লইয়া, লক্ষ্মণের সমভিব্যাহারে বনমধ্যে প্রবেশ করিয়া দেখিলেন, নানাজাতীয় যুগ চতুর্দিক্ আচ্ছন্ন করিয়া আছে; ঋক্ষ ও ব্যাঘ্রগণ ইত্যন্ততঃ অবস্থিতি করিতেছে; রক্ষ লতা ও গুল্ম সকল বিনষ্ট এবং জলাশয় সকল দুর্নিরীক্ষ্য হইয়াছে; পক্ষিগণের শব্দমাত্র নাই; কিল্লিকাগণই কেবল শব্দ করিতেছে। অনন্তর তিনি সীতার সহিত ঘোর-যুগ-পরিপূর্ণ সেই অরণ্যমধ্যে গিরিশেখর-সদৃশ উন্নতাকৃতি এক রাক্ষস দর্শন করিলেন। তাহার স্বর অতি উচ্চ, লোচনমুগ্ধল কূপের স্নায় গভীর, বদন অতি বিশাল, দৃশ্য অতি ভয়ঙ্কর এবং উদর বিকট-ভাবাপন্ন। তাহাকে দেখিলে, মনে যুগপৎ ভয় ও স্থণার উদয় হয়। সেই বিষম, বিকট, দীর্ঘাকৃতি, বিকৃতাকার রাক্ষস-বসা ও রুধির-রাগিতে অতিশয় ব্যাঘ্রচর্ম্ম পরিধান করিয়া, লক্ষ্যভূত-ভয়াবহ ব্রহ্মদিত-বদন কৃতান্তের স্নায়,

লৌহময়ী শূলে তিন সিংহ, চারি ব্যাঘ্র, দুই বৃক, দশ চিত্রাঙ্গ-
এবং বসালিগু সদন্ত রূহং গজমন্তক বিক্র করত উচ্চ স্বরে
শব্দ করিতেছিল। রাম, লক্ষ্মণ ও সীতাকে দেখিয়া, যুগান্তে
কৃতান্ত যেমন নিতান্ত ফ্রোদভরে প্রজাদিগকে লক্ষ্য করিয়া
ধাবমান হয়, তদ্রূপ, সুগভীর-গর্জন-সহকারে তাঁহাদের অভি-
মুখে দ্রুত পদে গমন করিল। পৃথিবী তাহার চরণ-চালনে যেন
কম্পিত হইয়া উঠিলেন !

অনন্তর সে তাঁহাদের সম্মুখীন হইয়াই, জানকীকে কোড়ে
গ্রহণপূর্বক, তথা হইতে কিঞ্চিৎ সরিয়া গিয়া, কহিতে লাগিল,
তোমরা অতি ক্ষীণজীবী, জটাবকল ধারণ করিয়াছ। অথচ, স্ত্রীর
সমভিব্যাহারে ধনুঃ, শর ও খড়্গ গ্রহণ পূর্বক দণ্ডকারণ্যে প্রবিষ্ট
হইয়াছ। তপস্বী হইয়া তোমরা কি রূপে স্ত্রীর সহিত বাস
করিতেছ? বুকিলাম, তোমরা অতি দুরাত্মা ও অধর্মাচারী।
সেইজন্য, বিরুদ্ধ বেশ-বিশ্বাস-পূর্বক মুনিকূলে কলঙ্ক আরোপ
করিতেছ। তোমরা কে? আমি রাক্ষস বিরোধ, প্রতিদিন
ঋষিমাংসে উদর পূর্ণ করিয়া, সশস্ত্রে এই বনভূর্গে বিচরণ করিয়া
থাকি। এক্ষণে, এই বরারোহা রমণী আমার ভার্য্যা হইবে।
আজ, তোমরা অতি দুরাত্মা। সংগ্রামে তোমাদের রক্ত পান
করিব।

দুরাত্মা বিরোধ এইপ্রকার গর্ক সহকারে দুর্ভঙ্গর বাক্য প্রয়োগ
করিতে লাগিল; শুনিয়া জনকভৃত্তি সীতা সান্তিশয় শঙ্কিতা
হইয়া, বাতান্ত্রিক কদম্বীর আয়, উদ্বেগবশতঃ কম্পিতা হইয়া
উঠিলেন। নিরাতশয় মনোহারিণী জনকনন্দিনীকে বিরোধের
অঙ্গগামিনী দর্শন করিয়া, রামের মুখমণ্ডল নিতান্ত মলিন-ভাবা-
পন্ন হইল। তিনি লক্ষ্মণকে সম্বোধন করিয়া কহিলেন, সৌম্য !
যিনি রাজ্য জনকের নন্দিনী, আমার সহধর্মিণী ও স্বভাবতঃ
সদাচারশালিনী, তিনি বিরোধের অঙ্গগামিনী হইয়াছেন, দেখ।
আহা, এই যশস্বিনী রাজনন্দিনী অত্যন্ত সুখে সংবর্দ্ধিতা হইয়া-

• ছেন! কৈকেয়ী আগাদিগকে যে দুঃখ দিতে মানস করিয়া-
ছিলেন এবং তজ্জন্য, যে অভীষ্ট বর প্রার্থনা করেন, লক্ষ্মণ ! অদ্যই
তাহা সুসিদ্ধ হইল ; কিছুমাত্র কালবিলম্ব হইল না ! মধ্যমঈশ্বরা
কৈকেয়ী অতি দূরদর্শিনী । তিনি স্পষ্টই দেখিলেন, আমি সৰ্ব্ব
ভূতের পরম-প্রণয়াস্পদ । অতএব আমার বিনাশ না হইলে,
ভরতের রাজপদ স্থায়ী হয় না । এইজন্য, তিনি ভরতের রাজ্য-
মাত্রে সন্তুষ্ট না হইয়া, আমাকে বনে পাঠাইলেন । অদ্য তাঁহার
কামনা পূর্ণ হইল, আমরা সকলেই বিনষ্ট হইলাম ! পিতার
মরণে অথবা নিজের রাজ্যহরণে, আমার যত না দুঃখ হইয়াছে,
জানকীর পরাঙ্গ-স্পর্শবশতঃ ততোধিক দুঃখে আমি অভিভূত
হইলাম ।

ককুৎস্থ-কুলোদ্ভব রাম এইপ্রকার বলিতে আরম্ভ করিলে,
লক্ষ্মণ শোকে ও বাস্পভারে সমাচ্ছন্ন হইয়া, মদ্রবদ্ধ ভুজঙ্গের
ন্যায়, নিশ্বাস ত্যাগ করিয়া কহিলেন, আপনি সাক্ষাৎ ইন্দ্রের
ন্যায়, সকল লোকের রক্ষাকর্তা । বিশেষতঃ, আমি আপনার
নিতান্ত বশংবদ ভৃত্য, সৰ্ব্বদা সমভিব্যাহারে রহিয়াছি । অতএব
আপনি কিজন্য অনাথের ন্যায়, পরিতাপ করিতেছেন ? অদ্য
আমি ক্রোধভরে শরপ্রহারে বিরোধের প্রাণ সংহার করিয়া,
পৃথিবীকে ইহার রুধির পান করাইব । পূর্বে রাজপদ-প্রার্থী
ভরতের প্রতি আমার যে ক্রোধের আবির্ভাব হয়, অদ্য আমি,
অচলশিরে ইন্দ্রের বজ্র-নিষ্ক্ষেপের ন্যায়, সেই ক্রোধ বিরোধে
মোচন করিব । অদ্য এই বিরোধের সুবিপুল হৃদয়ে সুবিপুল শর
মদ্য বাহুবলবেগে বেগবান হইয়া, পাতত হউক এবং দেহ
হইতে প্রাণ বিযোজিত করুক । বিরোধও দারুণ প্রহারে
নিতান্ত ঘর্ণায়মান হইয়া, পৃথিবীতলে নিপতিত হউক ।

অনন্তর বিরোধ তার স্বরে সমুদায় অরণ্যানী প্রতিধ্বনিত করিয়া, পুনরায় কহিল, তোমরা দুই জনে কে, কোথায় বাইবে, বল, জিজ্ঞাসা করিতেছি। এই কথা বলিবার সময় তাহার মুখ-গহ্বর হইতে অগ্নির শিখা বহির্গত হইতে লাগিল। পরম তেজস্বী রাম তাহাকে কহিলেন, আমরা সদাচারসম্পন্ন ক্ষত্রিয়; ইক্ষ্বাকুবংশে জন্মিয়াছি, এবং হেতু-বিশেষবশতঃ অরণ্যচারী হইয়াছি। এক্ষণে, তুমি কে, কিজন্য দণ্ডকবনে বিচরণ করিতেছ, জানিতে অভিলাষ করি। বিরোধ আক্ষেপ করিয়া, সত্য-পরাক্রম রামকে কহিতে লাগিল, রাজন্ রঘুনন্দন! বলিতেছি শ্রবণ কর। আমি জবের ঔরসে শতহুদার গর্ভে জন্ম গ্রহণ করিয়াছি। পৃথিবীর ষাবতীয় রাক্ষস আমাকে বিরোধ বলিয়া থাকে। আমি তপোবলে ব্রহ্মাকে প্রসন্ন করিয়া, এই বর লাভ করিয়াছি, যে, জীবলোকে কেহই আমার ছেদ, ভেদ এবং কোনরূপ শাস্ত্রাঘাতেও বধ করিতে পারিবে না। অতএব, তোমরা এই প্রমদার মমতা ত্যাগ করিয়া ও সকল আশায় জলাঞ্জলি দিয়া, যেখান হইতে আসিয়াছ, শীঘ্রই তথায় পলায়ন কর। তাহা হইলে, আমি তোমাদের প্রাণ সংহার করিব না।

রাম রোষভরে নয়নদ্বয় নিতান্ত রক্তবর্ণ করিয়া, বিকটমূর্তি ও বিকৃতমতি বিরোধকে প্রত্যুত্তর করিলেন, রে ক্ষুদ্র! তুমি পর-দার-স্পর্শরূপ নীচকর্মে প্রবৃত্ত হইয়াছ, তোমাতে দিক্। বুঝ-লাম, তুমি নিশ্চয়ই মৃত্যু অন্বেষণ করিতেছ। ক্ষণকাল অপেক্ষা কর, সংগ্রামে সেই মৃত্যু প্রাপ্ত হইবে। জীবিত থাকিতে, আমার হস্তে কোনমতেই নিস্তার পাইবে না। এই বলিয়া তিনি তৎক্ষণাৎ শরাসনে জ্যারোপণ করিয়া, সুশাণিত সায়ক-পরস্পরা সকান পূর্বক রাক্ষসকে প্রহার করিলেন। তৎকালে

• তিনি জ্যাকপ-রজ্জু-সংযুক্ত শরাসন সহায়ে এক কালে সপ্ত শর
মোচন করিলেন । ঐ সকল শর স্বর্ণময়-পুষ্প-বিশিষ্ট, বিশিষ্টরূপ-
বেগ-সম্পন্ন, গরুড় ও পবনের ন্যায় গতিশীল, এবং ময়ূরপুচ্ছে
মণ্ডিত ও অগ্নির ন্যায় তেজঃপুঞ্জ । তাহারা বিরোধের শরীর
• ভেদ করিয়া, রক্তলিপ্ত হইয়া ধরাতে পতিত হইল । বিরোধ
তদ্বারা বিদ্ধ হইয়া, জ্ঞানকীরে ত্যাগ ও শূল উদ্যত করিয়া,
নিরতিশয় রোষভরে দ্রুতপদ সঞ্চারে রাম লক্ষ্মণের অভিনুখে
ধাবমান হইল । তৎকালে সে, ইন্দ্রধ্বজের ন্যায় সমুন্নত শূল
হস্তে, ঘোরগভীর গর্জ্জন পূর্বক ধাবমান হইলে, বোধ হইল,
যেন, ক্রুতাস্ত্র বদন ব্যাদান করিয়া, মূর্ত্তিমান্ হইয়াছে । তদর্শনে
রাম লক্ষ্মণ উভয় ভ্রাতা কালান্তক-যমোপম নিশাচর বিরোধের
উপরি প্রদীপ্ত মায়ক সকল বর্ষণ করিতে আরম্ভ করিলেন ।
অতীব-প্রচণ্ড-স্বভাব বিরোধ কিছুমাত্র বিচলিত না হইয়া, উচ্চৈঃ-
স্বরে হাস্য করিয়া, জৃম্ভা ত্যাগ করিল । জৃম্ভা ত্যাগ করিবা-
মাত্র, দ্রুতগামী শর সকল তাহার শরীর হইতে নিষ্পতিত হইল ।
শাণিত-মায়ক-স্পর্শে নিরতিশয় ক্লেশ উপস্থিত হইলেও, লক্ষ্মণ
বরদান প্রযুক্ত তাহার প্রাণ বহির্গত হইল না । তদবস্থায় সে
শূল সমুদ্যত করিয়া, রাম লক্ষ্মণের অভিনুখে ধাবমান হইল ।
গাফাৎ অশনি সদৃশ ঐ শূলের সমুজ্জ্বল শিখাভাগ গগনে সংলগ্ন
হওয়াতে, বোধ হইল, যেন তথায় অগ্নি প্রজ্বলিত হইতেছে ।
শস্ত্রভৃদ্-বরিষ্ঠ রাম দুই শরে তাহা ছেদন করিলেন । মেরু
পর্বতের শিলাতল যেমন বজ্রাঘাতে ছিন্ন হইয়া, পতিত হয়,
বিরোধের শূলও তেমনি রাম-শরে ছিন্ন হইয়া, ধরাশাৎ হইল ।
তদর্শনে, সে ক্ষণমাত্র বিলম্ব না করিয়া, দংশনোদ্যত দুই কৃষ্ণ
সর্পের ন্যায়, খড়্গাঘর গ্রহণ পূর্বক তৎক্ষণাৎ যেমন নিক্ষেপ
করিল, রাম লক্ষ্মণও তেমনি বলপূর্বক সমকালেই তাহা ছেদন
করিয়া ফেলিলেন । এবং কিছুমাত্র বিচলিত না হইয়া, তাহাকে
অতিমাত্র প্রহার করিতে আরম্ভ করিলেন । তখন সে নিরুপায়

ভাবিয়া, পুরুষপ্রবর রাম ও লক্ষ্মণকে ভুজ্যুগলে গ্রহণ করত
প্রস্থানের উপক্রম করিল। রাম তাহার অভিপ্রায় জানিতে
পারিয়া, লক্ষ্মণকে কহিলেন, হে সুমিত্রানন্দন ! এই রাক্ষস
যে রূপে আমাদিগকে বহন করিতে ইচ্ছা করিয়াছে, সেই
ভাবেই বহন করিয়া লইয়া যাউক। কেন না, এ, যে পথে
লইয়া যাইতে উদ্যত হইয়াছে, আমাদিগকে ঐ পথেই গমন
করিতে হইবে।

এই কথা বলিতে বলিতে, বলমদে নাতিশয় উদ্ধত নিশাচর
বিরোধ স্বকীয় বলবীৰ্য্যে তাঁহাদিগকে, বালকের ন্যায়, অনা-
য়াসেই উদ্ধে উত্তোলিত করিয়া, স্কন্ধে স্থাপন করিল। এবং
তাঁহাদের দুইজনকেই স্কন্ধে আরোপিত করিয়া, ঘোর গর্জনে
পূৰ্ব্বক অরণ্যের অভিমুখে গমন করিতে লাগিল। ঐ অরণ্য
প্রকাণ্ডাকৃতি পাদপপুঞ্জে পরিপূর্ণ, বিবিধজাতীয় বিহঙ্গম ব্যূহের
আবাস বশতঃ বিচিত্র ভাবে পরিণত ; হিংস্র মৃগ ও শিবাগণে
আচ্ছন্ন এবং ঘোরতর ঘনঘটার ন্যায় সুনিবিড়-ভাব-সম্পন্ন।
বিরোধ তন্মধ্যে প্রবেশ করিল।

—•—

চতুর্থ নর্গ।

বিরোধ রঘুতম রাম ও লক্ষ্মণকে হরণ করিয়া, লইয়া যাইতে
লাগিল, দেখিয়া, সীতা স্বীয় সুবিশাল ভুজ্যুগল সমুদ্যত করিয়া,
এই বলিয়া উচ্চৈঃস্বরে চীৎকার আরম্ভ করিলেন, এই রাম
দশরথের ঔরসে জন্মিয়াছেন এবং সত্য, সুশীলতা ও শুদ্ধচারিত্র্য
ইত্যাদি গুণে অলঙ্কৃত। ভীষণমূর্তি রাক্ষস ইহাকে লক্ষ্মণের
সহিত হরণ করিয়া লইয়া যাইতেছে। শার্দূল, দ্বীপী (চিতা-
বাঘ), ও ব্লক (নেকড়ে) গণ এখন একাকিনী পাইয়া আমায়
ভয় করিবে। অতএব, হে রাক্ষসোত্তম ! তোমায় নমস্কার
করি, তুমি ইহাদিগকে ত্যাগ করিয়া, আমাকেই হরণ কর।

বীর রাম ও লক্ষ্মণ জ্ঞানকীর এই কথা শুনিয়া, চুরাঙ্গা বিরাধের প্রাণসংহারে দ্বরাপর হইলেন । সুমিত্রাপুত্র লক্ষ্মণ সেই ক্রুরপ্রকৃতি রাক্ষসের বাম হস্ত এবং রাম বলপূর্ব্বক তাহার দক্ষিণ বাহু ভগ্ন করিয়া দিলেন । বাহু ভগ্ন হইলে, মেঘবর্ণ বিরাধ নিতান্ত শ্বিন্ন ও একান্ত জ্ঞানশূন্য হইয়া, তৎক্ষণাৎ পতিত হইল । বোধ হইল যেন, কোন পর্ব্বত বজ্রাঘাতে বিদীর্ণ হইয়া, ধরাতল আশ্রয় করিল । সে পতিত হইলে, রাম লক্ষ্মণ বাহু, মুষ্টি ও পদাঘাতে তাহাকে প্রপীড়িত করিয়া, বারংবার উত্তোলন পূর্ব্বক স্থণ্ডিলে বিশেষরূপে পেষণ করিতে লাগিলেন । সে পূর্ব্বে সায়কসমূহে বিক্র ও খড়্গের আঘাতে ক্ষত বিক্ষত হইয়াছিল ; এক্ষণে আবার বারংবার ভূমিতে নিষ্পিষ্ট হইল ; তথাপি তাহার প্রাণত্যাগ হইল না ।

বিপন্নের শরণ জীমান্ রাম পর্ব্বতের প্রায় প্রকাণ্ডাকৃতি বিরাধকে নিতান্তই অবধ্য দেখিয়া, লক্ষ্মণকে কহিলেন, পুরুষ-প্রবর ! রাক্ষসের তপোবল আছে ; যুদ্ধ করিয়া শস্ত্রের সাহায্যে ইহাকে জয় করা সাধ্য হইবে না । অতএব ভূমিতে গর্ভমধ্যে নিপাতিত করিব । লক্ষ্মণ ! তুমি এক্ষণে বনমধ্যে হস্তীর স্থায়, প্রচণ্ড স্বভাব ও প্রচণ্ড প্রতাপ বিশিষ্ট এই রাক্ষসের পাতনোপযোগী অতি বৃহৎ গর্ভ খনন কর । বীৰ্য্যবান্ রাম লক্ষ্মণকে এইরূপে গর্ভখননে আদেশ করিয়া, স্বয়ং পদ দ্বারা রাক্ষসের কণ্ঠদেশ আক্রমণ করত দণ্ডায়মান রহিলেন ।

ঐ সময়ে নিশাচর বিরাধ পুরুষপ্রবর রামের প্রোক্তপূর্ব্ব প্রশ্রয়যুক্ত কথা শ্রবণ করিয়া, কহিতে লাগিল, হে পুরুষোত্তম ! আমি তোমার ইচ্ছাভুল্য পরাক্রমেই মৃতপ্রায় হইয়াছি । হে নর-শ্রেষ্ঠ ! আমি ইতিপূর্ব্বে অজ্ঞান-প্রযুক্ত তোমায় জানিতে পারি নাই । তাত ! এক্ষণে অবগত হইলাম, তুমি কৌশল্যার গর্ভ-শোভা সাধন করিয়াছ । আর, এই পরম ভাগ্যশালিনী জ্ঞানকী এবং পরম কীর্তিশালী লক্ষ্মণ, ইহাদিগকেও এখন প্রকৃত রূপে

বিদিত হইলাম। আমি পূর্বে তুষ্কর নামে গন্ধর্ব ছিলাম।
 বিশ্রবর পুত্র কুবের আমায় শাপ প্রদান করেন। সেই শাপে
 আমার পাপীয়সী নিশাচর-যোনি সংঘটিত হইয়াছে। শাপদান-
 সময়ে আমি প্রসাদ ভিক্ষা করিলে, মহাযশা বৈশ্রবণ আমায় বলি-
 লেন, দশরথপুত্র রাম যুদ্ধে তোমায় বধ করিলে, পুনরায় স্বীয়
 স্বরূপ প্রাপ্ত হইয়া, তুমি স্বর্গে গমন করিবে। আমি তাঁহার সেবা
 করি নাই। এইজন্য, তিনি গাতিশয় রুষ্ট হইয়া, রাক্ষস হও,
 বলিয়া, আমায় অভিশপ্ত করিয়াছিলেন। রস্তার প্রতি আগন্ত
 হওয়াতেই, আমায় রাজা বৈশ্রবণ ঐপ্রকার বাক্য প্রয়োগ করেন।
 এক্ষণে আমি তোমার প্রসাদে সুদারুণ অভিশাপ হইতে মুক্ত
 হইলাম। হে পরম্প্র! তুমি সুখে থাক। আমি স্বীয় লোকে
 গমন করিব। তাত! সূর্য্যসমতেজস্বী, প্রতাপশালী, পরম-
 ধর্মনিষ্ঠ মহর্ষি শরভঙ্গ এখান হইতে নার্কযোজন দূরে অবস্থিতি
 করিতেছেন। তুমি আর বিলম্ব না করিয়া তাঁহার শরণাপন্ন
 হও। তিনি তোমার শ্রয়োবিধান করিবেন। রাম! এক্ষণে
 আমায় গর্ত্তমধ্যে নিক্ষেপ করিয়া, কুশলে গমন কর। গর্ত্তে
 নিক্ষিপ্ত হওয়াই মৃত রাক্ষসগণের সনাতন ধর্ম। তদ্বারা,
 তাহাদের অক্ষয় লোক সকল লাভ হইয়া থাকে। শর-পীড়িত
 মহাবল বিরাধ রামকে এই কথা বলিয়া, শরীর বিসর্জন পূর্ব্বক
 স্বর্গে গমন করিল।

রাম রাক্ষসের বাক্যশ্রবণপূর্ব্বক লক্ষ্মণকে আজ্ঞা করিলেন,
 লক্ষ্মণ! তুমি এই বনমধ্যে হস্তীর ন্যায়, প্রচণ্ড-স্বভাব ও প্রচণ্ড-
 ব্রীহি রাক্ষসের নিক্ষেপজন্য সুরহং গর্ত্ত খনন কর। লক্ষ্মণকে
 গর্ত্তখননে আদেশ দিয়া, তিনি স্বয়ং পদ দ্বারা বিরাধের কণ্ঠ-
 দেশ আক্রমণ পূর্ব্বক অবস্থান করিলেন। তখন লক্ষ্মণ খনিজ
 গ্রহণ করিয়া, প্রকাণ্ডাকৃতি বিরাধের পার্শ্বে বৃহৎ গর্ত্ত খনন
 করিলেন, এবং তদ্রূপে রাম কণ্ঠদেশ মোচন করিলে, শকুর
 ন্যায় কঠিন কণ ও সুগভীর স্বর বিগিষ্ট সেই রাক্ষসকে উৎক্ষেপ

করিয়া, তিনি ঐ গর্ভের নিম্নে নিপাতিত করিলেন । বিরোধ
অতি ভয়ঙ্কর শব্দে চীৎকার করিতে লাগিল । যুদ্ধে দৃঢ়চিত্ত ও
ক্ষিপ্তকারী রাম ও লক্ষ্মণ উভয়ে হর্ষাবিষ্ট হইয়া, দারুণপ্রকৃতি
ভীষণস্বভাব রাক্ষসকে সংগ্রামে পরাজয় ও স্ববাহুবীৰ্য্যে উৎ-
ক্ষেপণ করিয়া, ঐরূপ অবস্থায় গর্ভমধ্যে নিহিত করিলেন ।
তঁাহারা উভয়েই সকল বিষয়ে সাতিশয় সুনিপুণ এবং উভয়েই
সকল লোকের শ্রেষ্ঠ, সুশাসিত শস্ত্রে মহাসুর বিরোধকে
সংহার করা সাধ্য নহে, দেখিয়া, সবিশেষবিচারপূর্ব্বক গর্ভে
নিক্ষেপ করিয়া বদ করিলেন । রাম নিজ প্রয়োজনানুরূপে
বিরোধকে যেমন হঠাৎ হৃদ্যমুখে নিক্ষেপ করিতে অভিলাস
করিলেন ; কাননচারী বিরাদও তেমনি, আপনার মৃত্যু
লক্ষ্য করিয়া, নিজেই তাঁহার গোচর করিল, যে, শস্ত্র দ্বারা
আমায় বধ করিতে পারিবেন না । রাম এই কথা শুনিয়া
তাঁহাকে গর্ভমধ্যে নিক্ষেপ করিতে কৃতসংকল্প হইলেন । অন-
ন্তর, নিক্ষেপসময়ে মহাবল বিরাদের ঘোর গভীর চীৎকারে
সমুদায় বন ও গর্ভ এককালেই প্রাতিধ্বনিত হইয়া উঠিল ।
এইরূপে, বিরোধকে ভুগর্ভে প্রোথিত করিয়া, রাম ও লক্ষ্মণ
উভয়েরই রূপ হর্ষভরে বিকশিত হইয়া উঠিল এবং সমুদায় ভয়
তিরোহিত হইল । তখন তাঁহারা সেই সুবিস্তৃত অরণ্যপ্রান্তরে,
আকাশ-বিহারী চন্দ্র ও সূর্য্যের ন্যায়, বিরাজমান হইয়া, পরম
শ্রীতি অনুভব করিতে লাগিলেন ।

অনন্তর বীৰ্য্যবান্ রাম বনমধ্যে মহাবল রাক্ষস বিরাধকে সংহার করিয়া, সীতাকে আলিঙ্গন ও আশ্বাস প্রদান পূৰ্ব্বক পরম তেজস্বী ভ্রাতা লক্ষ্মণকে कहিলেন, এই বন স্বভাবতঃ দুৰ্গম ও পীড়াজনক । ইতঃপূৰ্বে কখনও এপ্রকার বন আমাদের দর্শনগোচর হয় নাই । অতএব আর বিলম্ব না করিয়া, তপোধন শরভদ্রের আশ্রয়ে গমন করি, চল । এই বলিয়া তিনি শরভদ্রের আশ্রম উদ্দেশে প্রস্থান করিলেন । তথায় সমাগত হইয়া, তপোবলে শুদ্ধচিত্ত ও দেবতার ন্যায় প্রভাববিশিষ্ট মহর্ষি শরভদ্রের সমীপে এক অত্যশ্চর্য্য দর্শন করিলেন, — সূৰ্য্য ও অগ্নির ন্যায় তেজঃপুঞ্জ-কলেবর দেবরাজ ইন্দ্র স্বীয় শরীরপ্রভায় সমুদ্ভাসিত ও দেবগণে অনুগত হইয়া, শ্রেষ্ঠতম রথে আরোহণ পূৰ্ব্বক, ধরাতল স্পর্শ না করিয়াই, শূন্যে অবস্থিতি করিতেছেন । তাঁহার আভরণ সকল অতিশয় উজ্জ্বল এবং পরিধেয় বস্ত্র নিরতিশয় নিৰ্ম্মল । অন্যান্য অনেক মহাত্মা তদনুরূপ বস্ত্র ও অলঙ্কার ধারণ পূৰ্ব্বক, তাঁহার পূজায় ব্যাপৃত রহিয়াছেন । তদীয় রথ শ্যামবর্ণ তুরঙ্গমগণে সংযোজিত হইয়া, অন্তরিক্ষে অবস্থিতি করিতেছে । তাঁহার ছত্র সাতিশয় নিৰ্ম্মল ও বিচিত্র মাল্যপরম্পরায় অলঙ্কৃত এবং নবোদিত সূৰ্য্য, শুভ্রবর্ণ মেঘ ও চন্দ্রমণ্ডলের ন্যায়, অতিশয় কাণ্ডি ও দীপ্তিবিশিষ্ট । তাঁহার চামর ও ব্যঞ্জন স্বর্ণদণ্ডে মণ্ডিত, বহুমূল্য ও অতিশয় উৎকৃষ্ট-ভাবাপন্ন । দুই জন বরবর্ণিনী রমণী ঐ ছত্র ও চামর ধারণ পূৰ্ব্বক তাঁহার মস্তকোপরি মুদু মন্দ আন্দোলিত করিতেছে । বহুসংখ্য গন্ধৰ্ব্ব, দেবতা, সিদ্ধ ও পরমর্ষিগণ একত্র মিলিত হইয়া, অভ্যুৎকৃষ্ট-বচনপরম্পরা-প্রয়োগ-পূৰ্ব্বক তাঁহার উপাসনায় প্ররম্ভ রহিয়াছেন । রাম দূর হইতে এই সকল অবলোকন করিলেন ।

তৎকালে দেবরাজ, মহর্ষি শরভঙ্গের সহিত কথোপকথনে প্রবৃত্ত হইয়াছিলেন। রাম তাঁহাকে দর্শন করিয়া, তাঁহার রথের দিকে অঙ্গুলিপ্ৰয়োগপূর্বক ভ্রাতা লক্ষ্মণকে আশ্বর্ষ্য প্রদর্শন করত বলিতে লাগিলেন, ভাই ! অবলোকন কর, পরম দীপ্তিময় ও নিরতিশয় শোভানিলয় বিচিত্র রথ ঐ অন্তরীক্ষ আশ্রয় করিয়া অবস্থিতি করিতেছে। বোধ হয় যেন, আদিত্য-মণ্ডল স্থলিত হইতেছে। পূর্বে, শতক্রতু ইন্দ্রের যে সকল অশ্বের কথা শ্রবণ করিয়াছিলাম, ঐ অন্তরীক্ষ-চর দিব্য অশ্বগণ, নিশ্চয়ই সেই সকল অশ্ব হইবে। হে পুরুষব্যাত্র ! এই যে চতুর্দিকে শত শত খড়াপাণি ও কুণ্ডলমণ্ডিত যুবা পুরুষ অবস্থিতি করিতেছেন, ইহাদের সকলেরই হৃদয়দেশ অতিশয় বিশাল, বাহু অর্গলের ন্যায় আয়ত ও পরিধেয় বসন রক্তবর্ণ ; সকলেরই হৃদয়ে প্রস্থলিত-পাবক-প্রতিম হার শোভা পাইতেছে এবং সকলেই পঞ্চবিংশতি-বর্ষীয় পুরুষের রূপ ধারণ করিতেছেন। এই সকল পুরুষশ্রেষ্ঠকে যেষ্রকার প্রিয়দর্শন দেখা যাইতেছে, সচরাচর দেবগণেরই ঈদৃশ বরোরূপাদি সম্ভব হইয়া থাকে। অতএব আমি যে পর্য্যন্ত না সুস্পষ্ট জানিয়া আসিতেছি, এই রথস্থ তেজস্বী পুরুষ কে, তাবৎ তুমি এইখানেই জ্ঞানকীর সহিত অপেক্ষা কর।

এইরূপে ককুৎস্থনন্দন রাম লক্ষ্মণকে তথায় অপেক্ষা করিতে অনুমতি করিয়া, শরভঙ্গের আশ্রমাভিমুখে গমন করিতে লাগিলেন। তদদর্শনে শচীপতি ইন্দ্র শরভঙ্গের নিকট বিদায় গ্রহণ করিয়া, অনুচর দেবগণকে কহিলেন, ঐ, রাম আমাদের নিকটেই আসিতেছেন। এক্ষণে, আমার সহিত আলাপ না করিতে করিতেই, তোমরা আমাকে লইয়া স্বর্গে গমন কর। ঈদৃশ বনচর অবস্থায়, আমার সহিত সাক্ষাৎ করা ইহঁার বিধেয় হয় না। ইহঁাকে এখন অন্য লোকের নিতান্ত দুঃসাধ্য গুরুতর কার্য্যবিশেষ সম্পাদন করিতে হইবে। ইনি যখন রাক্ষস জয়

করিয়া, কৃতকার্য হইবেন, সেই সময়েই ইহাকে দেখা দিব । অনন্তর বজ্রধর ইন্দ্র মহর্ষি শরভদ্রের আমন্ত্রণ ও সবিশেষ পূজা বিধান পূর্বক অখ্যোজিত রথে আরোহণ করিয়া, স্বর্গে গমন করিলেন ।

সহস্রাক্ষ প্রস্থান করিলে, রাম ভ্রাতা ও ভাৰ্য্যার সহিত শরভদ্রের সমীপস্থ হইলেন । তৎকালে ঋষি নিত্য-হোমক্রিয়ায় দীক্ষিত ছিলেন । রাম লক্ষ্মণ গীতা সকলেই তাঁহার চরণবন্দনাপূর্বক তদীয় অনুমতি গ্রহণান্তে উপবেশন করিলেন । এবং মহর্ষি তাঁহাদিগকে বাসস্থান প্রদান ও ভোজনাতির নিমিত্ত নিমন্ত্রণ করিলেন । অনন্তর, রঘুনন্দন রাম ইন্দ্রের আগমনপ্রয়োজন জিজ্ঞাসা করিলে, তিনি সমস্ত ঘটনা তাঁহার গোচর করিয়া, কহিলেন, কঠোর তপস্যা প্রভাবে বাহা প্রাপ্ত হওয়া যায় এবং ভগবানের উপাসনায় পরাঙ্গুখ হইলে, বাহা লাভ করা দুঃসাধ্য, তাদৃশ ব্রহ্মলোকে আমাকে এই বরদ ইন্দ্র লইয়া যাইতে ইচ্ছা করেন । কিন্তু, হে পুরুষপ্রবর ! তুমি নিকটেই অবস্থিতি করিতেছ, যোগবলে জানিতে পারিয়া, তোমার ন্যায় প্রিয় অতিথির সহিত সাক্ষাৎ না করিয়া, তথায় গমন করিলাম না । হে পুরুষব্যাজ ! তুমি পরম ধৰ্ম্মনিষ্ঠ ও মহাত্মা । তোমার সহিত সাক্ষাৎ করিয়া, স্বর্গে বা অন্ত্র গমন করিব, ইহাই আমার অভিলাষ । হে নরশ্রেষ্ঠ ! আমি স্বর্গ ও ব্রহ্মলোক প্রভৃতি পরম পবিত্র অক্ষয় লোক সকল জয় করিয়াছি । এক্ষণে আমার অধিকৃত তৎসমস্ত লোকই তোমায় প্রদান করিতেছি, প্রীতিগ্রহ কর ।

মহর্ষি শরভদ্র এইপ্রকার কহিলে, সৰ্ব্বশাস্ত্রবিশারদ পুরুষপ্রবর রাম তাঁহাকে বলিলেন, হে মহর্ষে ! আমি নিজেই তৎসমস্ত লোক আহরণ করিব । তবে, এই অরণ্যে আপনি আমাদের থাকিবার উপযুক্ত কোন স্থান নির্দিষ্ট করিয়া দেন, ইহাই প্রার্থনা করি ।

সাক্ষাৎ ইন্দ্রতুল্য-পরাক্রম রঘুনন্দন রাম এইপ্রকার কহিলে, পরমপ্রাজ্ঞ শরভঙ্গ পুনরায় কহিলেন, রাম ! এই অরণ্যে স্তুতীকৃত নামে পরম তেজস্বী, ধার্মিক ও নিয়মপরতন্ত্র কোন মহর্ষি বাস করেন । তিনি তোমার শ্রৈয়োবিধান করিবেন । এই যে কুশুম-কুলশোভিনী তরঙ্গিনী মন্দাকিনী পূর্বাভিমুখ-প্রবাহিনী হইয়া-ছেন, পশ্চিমাভিমুখে ইহার অনুগমন করিলেই, তুমি মহর্ষি স্তুতীকৃতের আশ্রমে গমন করিতে পারিবে । হে নরোত্তম ! তথায় যাইবার ঐ পথ দেখা যাইতেছে । তাত ! সর্প যেমন জীর্ণ ত্বক মোচন করে, সেইরূপ, আমি অধুনা এই জীর্ণ দেহ ত্যাগ করিব । অতএব তুমি মুহূর্ত্তমাত্র রূপাকটাক্ষে আমায় নিরীক্ষণ কর । এই বলিয়া পরম তেজস্বী শরভঙ্গ অগ্নিপ্রস্থালন-পূর্ব্বক মন্ত্রোচ্চারণ সহকারে আহুতি দান করিয়া, তাহাতে প্রবেশ করিলেন । ভগবান্ পাবক ক্ষণমধ্যেই সেই মহাত্মার সমুদায় রোম, কেশ, অস্থি, মাংস, শোণিত ও জীর্ণ ত্বক্ দহন করিয়া ফেলিলেন । তখন শরভঙ্গ সাক্ষাৎ অগ্নির ন্যায় ভাস্কর-মূর্ত্তি কুমার রূপে প্রাদুর্ভূত হইয়া, সেই অগ্নিরাশি হইতে উপান পূর্ব্বক পরম শোভা বিস্তার করিলেন ; তাঁহার পূর্ব্বরূপ তিরো-হিত হইয়া গেল । অনন্তর তিনি আহিতাগ্নি মহাত্মা ঋষিগণের ও দেবগণের লোক সমুদায় অতিক্রম করিয়া, ব্রহ্মলোকে আরো-হণ করিলেন । তথায় গিয়া পুণ্যকর্মা দ্বিজশ্রেষ্ঠ শরভঙ্গ অনুচর-বেষ্টিত পিতামহকে সন্দর্শন করিলেন । ব্রহ্মাও তাঁহাকে দর্শন করিয়া, আজ্ঞাদিত হইলেন এবং জিজ্ঞাসা করিলেন, তুমি স্তুখে আনিয়াছ ?



ষষ্ঠ সর্গ।

শরভঙ্গ ব্রহ্মলোকে গমন করিলে, দণ্ডক-বনবাণী মুনিগণ পরস্পর মিলিত হইয়া, পরম প্রদীপ্ত-তেজা রামের শরণাপন্ন হইলেন। এই সকল ঋষির মধ্যে কেহ প্রজাপতির মুখ হইতে প্রাচুর্যভূত ও কেহ তাঁহার লোম হইতে উৎপন্ন; কেহ ভগবানের পাদপ্রক্ষালন হইতে উদ্ভূত; কেহ সূর্য্য চন্দ্রাদির কিরণমাত্র পান করিয়া জীবন ধারণ করেন; কেহ অপকু কুটিত অন্ন ভক্ষণ করেন; কেহ পত্রমাত্র আহার করেন; কেহ দন্ত দ্বারাই উলুখলের কার্য্য নির্বাহ করেন; কেহ কঠপর্য্যন্ত জলমগ্ন থাকিয়া তপস্যা করেন; কেহ বিনা আন্তরণেই শয়ন করেন; কেহ একবারেই নিদ্রা ত্যাগ করিয়াছেন; কেহ এক পাদেই দিবা রাত্রি অবস্থিতি করেন; কেহ জলমাত্র আহার ও কেহ বায়ুমাত্র ভক্ষণ করেন; কেহ অনারত প্রদেশে অবস্থান ও কেহ স্থণ্ডিলে শয়ন করেন; কেহ পর্কতশিখর প্রভৃতি অত্যাচ্ছ স্থান সকলে নিত্য বাস করেন; কেহ সর্ষদাই আর্দ্র বস্ত্র পরিধান ও কেহ সর্ষদাই জপ করেন; কেহ প্রতিনিয়ত বেদপাঠ ও কেহ বা পঞ্চতপা করেন এবং সকলেই ব্রহ্মবিদ্যার অনুষ্ঠানজন্য অসামান্য-তেজঃপ্রভাব-সম্পন্ন ও সর্ষদাই একাধি হৃদয়ে অবিচলিত যোগচর্য্যায় প্ররুস্ত। তাঁহারা শরভঙ্গের আশ্রমে আগমন পূর্ব্বক রামের শরণাপন্ন হইলেন।

এই রূপে ধর্ম্মজ্ঞ ঋষিগণ সকলে সংমিলিত হইয়া, ধর্ম্মভূদবরিষ্ঠ রামের অভিগমন পূর্ব্বক বলিতে লাগিলেন, হে পরম ধর্ম্মজ্ঞ! তুমি রষিগণের শ্রেষ্ঠ, ইক্ষ্বাকুকুলের ও পৃথিবীর মধ্যে প্রধান এবং ইন্দ্র যেমন দেবতাগণের, তুমিও তেমনি সকল লোকের, রক্ষাকর্ত্তা। যশে ও বিক্রমে তিন লোকেই তোমার পরম প্রতিষ্ঠা প্রাচুর্যভূত হইয়াছে। অকৃত্রিম পিতৃবাৎসল্য, সত্য বাক্য এবং সর্ষাদসম্পূর্ণ ধর্ম্ম তোমাতেই প্রতিষ্ঠিত। তুমি ধর্ম্মের সন্ম সম্যকপ্রকারে অবগত আছ ও সর্ষাস্তঃকরণে তদনুষ্ঠানে

তুংপন হইয়া থাক । তোমার আত্মাও আতিশয় সমুন্নত । অত-
এব, নাথ ! আমরা তোমার শরণাগী হইয়া, যাহা বলিব, তাহা
কুর হইলেও, অর্থী ভাবিয়া আমাদিগকে সে বিষয়ে তোমায়
ক্ষমা করিতে হইবে । হে লোকপতে ! যে রাজা কররূপে
• প্রজাগণের আয়ের যষ্ঠাংশ গ্রহণ করিয়াও, তাহাদিগকে পুত্রবৎ
পালন না করেন, তাঁহার আতিশয় অধর্ম হইয়া থাকে । আর,
যে রাজা সর্বতোভাবে যত্নবান হইয়া, স্বাধিকারবানী প্রজা-
দিগকে, স্বকীয় প্রাণের ন্যায়, অথবা প্রাণ অপেক্ষাও অধিক
প্রীতিভাজন পুত্রের ন্যায়, সর্বদা সাবধানে রক্ষা করেন, তিনি
বহু-বর্ষব্যাপিনী শাস্ত্রী কীর্তি লাভ করিয়া, ব্রহ্মলোকে গমন
পূর্বক তথায় সবিশেষ সম্মানিত হইবেন । ঋষিগণ ফলমূল ভক্ষণ
করিয়া, যে উৎকৃষ্ট ধর্ম অর্জন করেন, ধর্ম্যানুসারে প্রজা-রক্ষায়
প্রবৃত্ত হইলে, নরপতি সেই ধর্মের চতুর্থাংশভাগী হইয়া থাকেন ।
সেই এই বহুসংখ্য বানপ্রস্থ ঋষি সমাগত হইয়াছেন । ইহাদের
মধ্যে অধিকাংশই ব্রাহ্মণ । এবং তুমিই ইহাদের রক্ষাকর্তা ।
কিন্তু রাক্ষসগণ নিত্যন্ত অনাথের ন্যায়, ইহাদিগকে বধ করিতে
আরম্ভ করিয়াছে । আসিয়া দেখ, ঘোরস্বভাব রাক্ষসগণ কর্তৃক
বিনষ্ট হইয়া নিদিধ্যাসন-নিষ্ঠ বহুসংখ্য ঋষির শরীর সমস্ত বন
মধ্যে নানাস্থানে পতিত রহিয়াছে । রাক্ষসেরা পম্পা-সরোবর
ও তল্লি-সুত-নদী-তীরবাসী, মন্দাকিনী-গল্লিহিত-নিবাসী এবং
চিত্রকূটবাসী বহুসংখ্যক ঋষির প্রাণসংহার করিতেছে । বন
মধ্যে রাক্ষসগণের হস্তে তপস্বিদিগের যে এতাদৃশ দুঃখ
সাধিত হইতেছে, আমরা ইহা নহ্য করিতে পারিতেছি না ;
এইজন্য আমরা শরণ্য তোমার শরণলাভার্থ উপস্থিত হইলাম ।
রাম ! আমাদিগকে রক্ষা কর, রাক্ষসেরা আমাদিগকে বধ
করিতেছে । বীর ! তোমা অপেক্ষা উৎকৃষ্টতর আশ্রয় পৃথি-
বীতে আর প্রাপ্ত হওয়া যাইতেছে না । হে রাজনন্দন ! রাক্ষস-
গণের হস্ত হইতে আমাদিগের সকলকে রক্ষা কর ।

ধর্মাত্মা ককুৎস্থনন্দন রামচন্দ্র তপোবলযুক্ত ঋষিদিগের উক্ত-
প্রকার বাক্য শ্রবণ করিয়া সকলকে কহিলেন, আমাকে এতদূর
বলা আপনাদিগের উচিত হয় না ; আমি তপস্বীদিগের আজ্ঞা-
পাত্র । আমি নিজ কর্তব্য কার্যের সাধন জন্যই বনে প্রবেশ
করিয়াছি । রাক্ষসেরা আপনাদিগকে যে দুঃখ দান করিতেছে,
এই দুঃখ দূর করিবার উদ্দেশ্যেই আমি পিতার আজ্ঞানুবর্তী হইয়া,
এই মহাবনে প্রবেশ করিয়াছি । আপনাদিগের কার্যসাধন
করিবার জন্যই আমি ঘটনাক্রমে আগমন করিয়াছি ; আমার
এই বনবাসের অতি মহৎ ফল উৎপন্ন হইবে । আমি বনে
তপস্বিদিগের অত্র রাক্ষসদিগকে সংহার করিতে অভিপ্রায় করি-
য়াছি ; তপোবল ঋষিগণ আমার ও আমার ভ্রাতার বীৰ্য্য
প্রত্যক্ষ করুন ।

ধর্মনিষ্ঠ বীর রামচন্দ্র তপোধনদিগকে উত্তরূপ বর দান
করত তাঁহাদিগের পূজা প্রাপ্ত হইয়া, তাঁহাদিগকে সমভিব্যাহারে
লইয়া লঙ্কণের সহিত সূতীক্ষের আশ্রমভিমুখে যাত্রা করিলেন ।

—০—

সপ্তম সর্গ ।

শত্রু-তাপন রাম ভ্রাতা লঙ্কণ, সীতা এবং দ্বিজগণ সমভি-
ব্যাহারে সূতীক্ষের আশ্রমে গমন করিলেন । বহুদূর গমন
করত বিবিধ-সলিলশালিনী বিবিধ নদী পার হইয়া, মহামেরুর
ন্যায় সমুদ্রত এক বিমল শৈল দর্শন করিলেন । অনন্তর ইক্ষাকু-
বংশীয় প্রধান দুই রত্ননন্দন সীতা-সমভিব্যাহারে বিবিধ পানপে
সমাকীর্ণ ঐ পর্বতস্থ কানন মধ্যে প্রবেশ করিলেন । বহু-পুষ্প ও
কলশালি-রক্ষ-ভূষিত ঘোর বনে প্রবেশ করিয়া দেখিলেন, চীর-
মালা-কিভূষিত সুভীক্ষ সর্কপাপশাস্তির নিমিত্ত হৃদয়ে ঐশ্বর্য বোণ
ধারণা করিয়া আশ্রম-মধ্যে এক নিভৃতস্থানে উপবেশন করিয়া
আছেন । দেখিয়া যথাবিধি সন্তোষণ করিয়া কহিলেন, ভগ-

বনু ! আমার নাম রাম, আপনাকে দর্শন করিতে আসিয়াছি ।
অতএব হে ধর্ম্মজ্ঞ ! হে অকৃত-তপঃ-প্রভাবসম্পন্ন মহর্ষে ! আমার
সহিত বাক্যালাপ করুন ।

তখন গম্ভীরস্বভাব সেই ঋষি ধার্ম্মিকশ্রেষ্ঠ রামের দিকে
দৃষ্টি নিক্ষেপ করত বাহুযুগল দ্বারা আলিঙ্গন করিয়া কহিলেন,
রাম ! এস, এস । হে রঘুশ্রেষ্ঠ ! হে ধার্ম্মিকবর ! তুমি পদার্থ
করাতে আজ এই আশ্রম সফল হইল ! হে মহাযশ ! হে বীর !
আমি তোমার অপেক্ষাতেই এতদিন পৃথিবীতে দেহ ত্যাগ
করিয়া দেবলোকে আরোহণ করি নাই । আমি শুনিয়াছি,
তুমি রাজ্যভ্রষ্ট হইয়া চিত্রকূটে উপস্থিত হইয়াছ ।* হে কাকুৎস্থ !
শতক্রতু দেবরাজ এবং সুরেশ্বর মহাদেব এই আশ্রমে আগমন
করিয়া আমাকে বলিয়া গিয়াছেন যে, আমি পুণ্য কৰ্ম্মানুষ্ঠান
দ্বারা সমস্ত লোক উপার্জন করিয়াছি । আমি প্রসন্ন হইয়া
তোমাকে দান করিতেছি, তুমি আমার তপস্যা দ্বারা লব্ধ সেই
সকল দেবর্ষিগেবিত লোকে গীতা ও লক্ষ্মণের সহিত আনন্দে
কালযাপন কর ।

পুরন্দর যেমন ব্রহ্মাকে, মনস্বী রামচন্দ্র তেমনি কঠোর তপ-
তেজে প্রদীপ্ত সত্যবাদী মহর্ষিকে কহিলেন, হে মহামুনে ! আমি
নিজেই লোক সকল উপার্জন করিব ; এক্ষণে আমি প্রার্থনা
করি, আপনি এই কানন মধ্যে দাসের বাসস্থান নির্দিষ্ট করিয়া
দেন । গৌতমবংশীয় মহাত্মা শরভঙ্গ বলিয়াছেন, আপনি সর্ব্ব
বিষয়ে বিজ্ঞ ; এবং সর্ব্বপ্রাণীর হিতসাধনে রত ।

লোকবিখ্যাত মহর্ষি রামের এই বাক্য শ্রবণ করত সান্ত্বিত্য
আনন্দিত হইয়া মধুর বাক্যে কহিলেন, রাম ! এই আশ্রমই
সর্ব্বাংশে বাসের উপযুক্ত ; ইহাতে অনেকানেক ঋষিগণ বাস
করিয়া থাকেন ; ফল এবং মূলও এই আশ্রমে যথেষ্ট পাওয়া
যায় । তবে অতি রুহং রুহং বিবিধপ্রকার পশু পালে পালে
এই আশ্রমে আগমন করিয়া থাকে, কিন্তু কাহাকেও প্রাণে

সংহার করে না; স্ব স্ব দেহ-বৈচিত্র্যাদি দ্বারা প্রলোভিত করিয়া প্রস্থান করে। অতএব জানিও, এক পশুগণ হইতেই বাহা কিছু ভয়, তন্নিম্ন এখানে অন্য কোন ভয়ই নাই।

লক্ষ্মণাশ্রয় বীর রাম সেই মহাবীর বাক্য শ্রবণ করত সশর ধনুর্দ্ধারণ করিয়া কহিলেন, হে সূর্য্যভাগ! আমি সেই সমস্ত সমাগত পশুদিগকে আনতপর্ক শাণিতদার শর দ্বারা নংহার করিব। কিন্তু তাহাতে আপনার মনে পীড়া দেওয়া হইবে, অতএব আমার ইচ্ছা নহে যে, বহুদিন এই আশ্রমে বাস করি।

রাম সেই ঋষিকে উক্তরূপ যাথার্থ্য নিবেদন করিয়া, নক্ষ্যা করিবার জন্য গমন করিলেন এবং সায়ং নক্ষ্যা সমাপন করিয়া, সীতা ও লক্ষ্মণের সহিত সূতীক্ষের ঐ মনোরম আশ্রমে বাস করিলেন।

অনন্তর নক্ষ্যা উত্তীর্ণ হইয়া, রজনী আগত হইল, দেখিয়া নক্ষ্যা সূতীক্ষ স্বয়ং তাপস জনোচিত বিশুদ্ধ অন্ন স্তুপাক করিয়া, দুই-পুরুষশ্রেষ্ঠকে প্রদান করিলেন।

অষ্টম সর্গ।

রাম সূতীক্ষের আতিথ্যগ্রহণপূর্ব্বক লক্ষ্মণসমভিব্যাহারে ঐ আশ্রমে বাসিনী স্থাপন করিয়া, প্রাতঃকালে জাগরিত হইলেন। এবং গাজোথান করিয়া যথাকালে সীতা সমভিব্যাহারে উৎপল-গন্ধ সুশীতল বারি দ্বারা স্নান করিলেন। পরে রাম লক্ষ্মণ ও বৈদেহী উপস্থিজনাস্থিত বনমধ্যে অগ্নি ও দেবতাদিগের কালোচিত বিধানানুসারে ওর্চনা করিয়া, উদয়-প্রায়ত্ত-দিনকর-দর্শনে বিগত পাপ হইয়া, সূতীক্ষের নিকট গমন পূর্ব্বক বিনীত বাক্যে কহিলেন, ভগবন্! পূজনীয় আপনার নিকট আতিথ্য লাভ করিয়া, আমরা সুখে বাসিনী স্থাপন করিয়াছি, এক্ষণে বিদায়

প্রার্থনা করি, আমরা প্রস্থান করিব; মুনিগণ আমাদের সহর হইতে কহিতেছেন । দণ্ডকারণ্যবানী পুণ্যশীল ঋষিদিগের সমস্ত আশ্রমমণ্ডল দর্শন করিবার জন্য আমরা ব্যগ্র হইয়াছি । ইচ্ছা করি, আপনি অনুমতি করুন, আমরা এই সকল নিধূম-পাবক-কল্প সতানিষ্ঠ তপোদাস্ত নুনিশ্রেষ্ঠদিগের সহিত গমন করি । নীচকুলোৎপন্ন ব্যক্তি অন্যায়পথে আগতা লক্ষ্মীকে প্রাপ্ত হইয়া যেমন অসহ্য হইয়া উঠে, সূর্য্যের উদ্ভাপ তেমনি অসহ্য না হইতে হইতেই আমরা গমন করিতে ইচ্ছা করি ।

রাম এই কথা কহিয়া লক্ষ্মণ ও সীতার সমভিব্যাহারে মুনির চরণ বন্দনা করিলেন । নুনিশ্রেষ্ঠ চরণস্পর্শকারী তাঁহাদিগের দুই জনকে উত্থাপন করিয়া, গাঢ় আলিঙ্গন পূর্ব্বক সম্মুখে বাক্যে কহিলেন, রাম ! সৌমিত্রি এবং ছায়ার ন্যায় অনুগতা এই সীতার সহিত নিরুপদ্রবে পথে গমন কর । বীর ! যোগনিবিষ্ট-চেতা দণ্ডকারণ্যবানী এই সকল ঋষির আশ্রম দর্শন কর । যথায় বিবিধ ফলমূল অতি সুলভ, ও যথায় উৎকৃষ্ট উৎকৃষ্ট মৃগ-যুথ ও পক্ষি সকল শাস্ত্রভাবে বিচরণ করিতেছে এতাদৃশ বিবিধ বন, প্রফুল্ল-পঙ্কজ শোভিত প্রসন্ন মলিল, তটে কারণ্ডবকুল সমা-কীর্ণ হইয়া রহিয়াছে, এতাদৃশ সরোবর, দৃষ্টিমনোহর গিরি-প্রাশ্রবণ এবং নম্বরনাদিত অরণ্যানী সকল দেখিতে পাইবে । বৎস সৌমিত্রে ! গমন কর । রাম ! তুমিও গমন কর; দর্শন করিয়া পুনর্বার এইস্থানে প্রত্যাগমন করিবে ।

কাকুৎস্থ যে আজ্ঞা বলিয়া, লক্ষ্মণ সমভিব্যাহারে মুনিকে প্রদক্ষিণ করিয়া যাইবার জন্য উদযুক্ত হইলেন । অনন্তর আরত-লোচনা সীতা দুই ভ্রাতাকে শুভতর দুই তুণ ও ধনু এবং দুই নিশ্চল খড়্গ প্রদান করিলেন । তখন রাম লক্ষ্মণ দুইজনে দুই শুভ তুণীর ও দুই সশব্দ শরাসন বন্ধন করিয়া যাইবার জন্য আশ্রম হইতে সহিগন্ত হইলেন ।

রূপবানু দুই রঘুনন্দন মহর্ষির অনুজ্ঞা পাইয়া, ধনু শর ধারণ পূৰ্ণক সীতা-সমভিব্যাহারে যাত্রা করিলেন ।

—•—

নবম সর্গ ।

রঘুনন্দন রাম সূতীক্ষ্ণের অনুমতি লইয়া প্রস্থান করিলে, সীতা স্নেহপূর্ণ মনোজ্ঞ বাক্যে তাঁহাকে কহিলেন, আপনি যদিও অতিশয় মহাত্মা, কিন্তু পরম সূক্ষ্ম রূপে বিচার করিয়া দেখিলে, আপনার অধর্ম সঞ্চিত হইতেছে । এক্ষণে, কামজ ব্যসন হইতে নিরন্ত হইলেই, ঐ অধর্মে পরিহার পাইতে পারেন । কামজ ব্যসন তিনপ্রকার, মিথ্যাবাক্য, পরদারাভিগমন এবং শত্রুতা ব্যতিরেকে রৌদ্রভাবাবলম্বন । শোষোক্ত দুইটী, প্রথমোক্ত অপেক্ষাও গুরুতর । হে রঘুনন্দন ! আপনি কখন মিথ্যা বাক্য প্রয়োগ করেন নাই এবং করিবেনও না । পরস্ত্রী অভিলাষ করিলে ধর্ম নাশ হয় । হে মনুজেশ্বর ! আমি জানি, তুমি কোন কারণ বশতঃ মনোমধ্যেও কখন পরদার অভিলাষ কর নাই । এখনও তোমার মনে সে অভিলাষ নাই ; অতএব পরেও কখন হইবে না । হে রাজনন্দন ! তুমি নিয়ত স্বদার-নিরত, ধর্মিষ্ঠ ও সত্যপ্রতিজ্ঞ ; পিতৃ আজ্ঞা পালন করিতেছ । ধর্ম এবং সর্ব সত্য তোমাতে প্রতিষ্ঠিত । হে মহাবাহো ! বাঁহারা জিতে-জিয়, তাঁহারাই ঐ সমস্ত পালন করিতে পারেন । হে শুভদর্শন ! প্রাণিগণের মধ্যে তোমার জিতেজিয়তা প্রদিক্টি পাইয়াছে । কিন্তু অজ্ঞানবশতঃ বিনাপরাধে প্রাণিহিংসারূপে সে তৃতীয় ব্যসন, এক্ষণে তোমার সেই ব্যসন উপস্থিত হইয়াছে । হে বীর ! তুমি প্রীতজ্ঞা করিয়াছ, দণ্ডকারণ্যবাসী ঋষিদিগকে রক্ষা কর-বার জন্য যুদ্ধে রাক্ষসগণকে সংহার করিবে । এইজন্যই তুমি ধনুঃশর ধারণ পূৰ্ণক ভ্রাতৃসমভিব্যাহারে দণ্ডক নামে বিখ্যাত বনে যাত্রা করিয়াছ । অতএব তোমাকে প্রস্থান করিতে দর্শন

করিয়া, তোমার পারলৌকিক ও ঐহিক সুখ বিষয়ে আমার মন চিন্তায় আকুল হইতেছে। বীর! দণ্ডকারণ্য গমনে আমার ইচ্ছা হইতেছে না, কারণ বলিতেছি শ্রবণ কর। তুমি ধনুঃশর হস্তে জ্বাতার সমভিব্যাহারে বনে গমন করিবে; অতএব রাক্ষসদিগকে দেখিতে পাইলে কোন না কোন স্থলে অবশ্যই শরত্যাগ করিবে। নিকটস্থিত ইন্ধন যেমন অগ্নির তেজ সান্ধিশয় বৃদ্ধি করে, তেমনি ক্ষত্রিয়দিগের এই ধনু যাহার নিকটে থাকে, তাহার তেজ ও বল নিরতিশয় বদ্ধিত করে। হে মহাবাহো! পূর্বে কোন মুগপক্ষিসেবিত পুণ্য বন মধ্যে এক জন সত্যশীল পবিত্রাচারী তপস্বী ছিলেন। শচীপতি ঐ তপস্বীর তপোবিস্ম করিবার জন্য যোদ্ধার বেশে ঋজুহস্তে আসিয়া আশ্রমে উপস্থিত হইলেন। এবং ঐ পবিত্র আশ্রমে ঐ তপোনিষ্ঠ মুনির নিকট ন্যাস স্বরূপে ঐ ঋজু রক্ষা করিয়া প্রস্থান করিলেন। মুনি ঐ অস্ত্র, নিক্ষেপ স্বরূপে প্রাপ্ত হইয়া, উহার রক্ষা বিষয়ে বিশেষ যত্নবান হইলেন, এবং বিশ্বাসঘাতক না হইতে হয়, এইজন্ত ঐ অস্ত্র সমভিব্যাহারে লইয়া বন মধ্যে বিচরণ করিতে লাগিলেন। তিনি ন্যস্ত বস্তুর রক্ষায় বিলক্ষণ যত্নবান হইয়াছিলেন, অতএব ফল মূল আহরণের জন্য যে কোন স্থানে যাইতেন, ঐ ঋজু না লইয়া যাইতেন না। নিয়ত ঋজু বহন করাতে ক্রমে ক্রমে মুনির তপোনিষ্ঠা দূর হইয়া স্বভাব উগ্র হইয়া উঠিল। তদনন্তর তিনি রৌদ্রকর্মে রত ও প্রমত্ত হইয়া উঠিলেন, তাঁহার ধর্ম ও স্মৃতির ঋক্ষ হইয়া আসিল। এইরূপে ঐ শস্ত্রের সহবাস হেতু মুনি নরকে গমন করিলেন।

শস্ত্র-সাহচর্য্য হেতু পূর্বে এই প্রকার ঘটয়াছিল। অগ্নিসংযোগ যেমন কাষ্ঠকে বিকৃত করে, শস্ত্রসংযোগ তেমনি শস্ত্রধারীকে প্রমত্ত করিয়া তুলে। আমি তোমাকে নিতাস্ত ভালবাসি, এইজন্ত তোমাকে স্মরণ করাইয়া দিলাম; এবং আমার প্রতি তোমার শ্রদ্ধা আছে, এইজন্ত তোমাকে শিক্ষাও দিতেছি,

যে তুমি ধনুর্দ্ধারণ করিয়া বিনাপরাধে দণ্ডকবাগী রাক্ষসদিগকে
 সংহার করিবে মনেও কখন এরূপ কল্পনা করিও না । হে বীর !
 অপরাধ বিনা কাহাকেও বধ করা আপনার উচিত হয় না ।
 বনবাসী তপস্বিগণ বিপদে পতিত হইলে তাহাদিগকে রক্ষা
 করাই ক্ষত্রিয় বীরদিগের ধনুর্দ্ধারণের প্রয়োজন । বনবাসীর
 কি শাস্ত্রধারণ উচিত হয় তপস্বীর কি ক্ষত্রিয় স্বভাব শোভা
 পায় ? সুতরাং আমাদিগের পক্ষে এই উভয় প্রকার ধর্ম পর-
 স্পর বিরুদ্ধ হইয়া পড়িয়াছে ; অতএব এক্ষণে যেস্থানে রহিয়া-
 ছেন, সেইস্থানের ধর্মই প্রতিপালন করুন । শস্ত্র ব্যবহার
 করিলে বুদ্ধি কদর্য ও কলুষিত হইয়া উঠে । অযোধ্যায় প্রত্যা-
 গমন করিয়া পুনর্বার ক্ষত্র ধর্ম প্রতিপালন করিও । যদি তুমি
 রাজ্য পরিত্যাগ করিয়া, স্বধর্মনিরত ঋষি হইতে, তাহা হইলে,
 আমার স্বর্গ ও স্বর্গের উভয়েরই অক্ষয় প্রীতি জন্মিত । ধর্ম
 হইতে অর্থ লাভ হয় ; ধর্ম হইতে সুখোৎপত্তি হয়, ধর্ম হইতে
 সমস্ত প্রাপ্ত হওয়া যায় এবং সংসারে ধর্মই একমাত্র সার বস্তু ।
 তত্ত্ব নির্দিষ্ট বিশিষ্ট রূপ নিয়মানুসারে সর্বিশেষ যত্ন পূর্বক
 আত্মাকে কর্ষিত করিলে, সুখের মূল সাধন স্বরূপ ধর্ম সঞ্চিত
 হইয়া থাকে ; ভোগবিলাসাদি সুখোপায়ে কখন ধর্ম লাভ
 সম্ভব নহে । অগ্নি প্রিয়দর্শন ! তুমি সর্বদা সজ্ঞচিত্ত হইয়া,
 তপোবন আশ্রয় করত ধর্মানুষ্ঠানে তৎপর হও । ত্রিভুবনের
 সমস্ত বিষয়ই সূক্ষ্মাসূক্ষ্মরূপে তোমার বিদিত আছে । অতএব
 কোন্ ব্যক্তি তোমায় ধর্মবিষয়ে অনুশাসন করিতে পারে ?
 আমি কেবল স্ত্রীস্বভাবমূলভ চপলতা বশতই এইপ্রকার কহি-
 লাগ । এক্ষণে অনুজ লক্ষ্মণের সহিত বুদ্ধিপূর্বক বিচার করিয়া,
 বাহা অভিরূচি হয়, বিলম্ব না করিয়া, তাহার অনুষ্ঠান কর ।

পতির প্রতি সাতিশয় ভক্তিমতী মৈথিলী এইপ্রকার বাক্য
প্রয়োগ করিলে, পরম ধর্মনিষ্ঠ রাম তাহা শ্রবণ পূর্বক প্রত্যুত্তর
করিলেন, অগ্নি ধর্মজ্ঞে দেবি জানকি ! তুমি আমার প্রতি
সাতিশয়-স্নেহ-সম্পন্ন । ক্ষত্রিয়কুলের ধর্ম নির্দেশ পূর্বক যাহা
বলিলে, তাহা সর্বাংশেই অনুরূপ ও হিতজনক । কিন্তু দেবি ! কেহ
আর্তনাদ না করে, এইজন্যই ক্ষত্রিয়গণ ধনুর্দ্ধারণ করিয়া থাকেন ;
এইপ্রকার উল্লেখ করিয়া তুমি নিজেরই আপনার কথার উত্তর
করিয়াছ । অতএব আমি আর কি উত্তর করিব ? ফলতঃ,
দণ্ডকারণ্যবাসী দৃঢ়ব্রত ঋষিগণ আর্ত হইয়া, স্বয়ং আগমন
করিয়া, শরণাগতপ্রতিপালক জ্ঞানে আমার শরণাপন্ন হইয়া-
ছেন । অগ্নি ভীক ! তাঁহারা নিত্য ফল মূল ভক্ষণ করিয়া,
অরণ্য মধ্যে বাস করেন ; ক্রুরকর্ম্মা রাক্ষসগণের উৎপাতে
সুখী হইতে পারিতেছেন না । ভীমস্বভাব রাক্ষসগণ মনুষ্য-
মাংসে জীবন ধারণ করে । তাহারা ঐ সকল ঋষিকে ভক্ষণ
করিতে আরম্ভ করিয়াছে । এইজন্য, তাঁহারা আমার অনুগ্রহ
প্রার্থনা করায়, আমি সেই দ্বিজসন্তমগণের মুখবিনিঃসৃত উল্লি-
খিত প্রার্থনাবাক্য শ্রবণ পূর্বক তদনুরূপ অনুষ্ঠান দ্বারা তাঁহা-
দের শুশ্রূষা করিতে রুতসংকল্প হইয়া, এইপ্রকার বাক্য প্রয়োগ
করিয়াছি, যে, আপনারা আমার প্রতি প্রসন্ন হউন । আমার মার
পর নাই লজ্জা উপস্থিত হইয়াছে । যেহেতু, আপনারাই স্বভা-
বতঃ আমাদের উপাস্য । কিন্তু এক্ষণে আমার শরণাপন্ন
হইয়াছেন । অনন্তর আমি তাঁহাদের সমক্ষে কহিলাম, আমায়
কি করিতে হইবে, আজ্ঞা করুন ।

তখন সকলেই একত্র মিলিত হইয়া কহিলেন, রাম ! দণ্ডকা-
রণ্যে বহুসংখ্য কামরূপ নিশাচর সমবেত হইয়া, অতিশয় উৎ-
পীড়ন আরম্ভ করিয়াছে ; তুমি তাহাদের হস্তে আমাদিগকে

রক্ষা কর। হে অনঘ ! হোমসময় এবং পর্কসময় উপস্থিত হইলে, সেই মাংসাশী রাক্ষসগণ আমাদেরকে অভিভূত করে। তাহাদিগকে পরাভব করা দুঃসাধ্য। তপোনিরত ঋষিগণ এই রূপে রাক্ষসহস্তে অভিভূত হইয়া, পরিত্রাণলাভবাসনায় তোমার শরণাপন্ন হইয়াছেন। তুমিই আমাদের পরম গতি। আমাদের যে তপোবল আছে, তদ্বারা আমরা স্বয়ং রাক্ষসদিগকে সংহার করিতে পারি। কিন্তু বহু যত্নে অর্জিত তপস্যার ক্ষয় করিতে আমাদের অভিলাষ নাই। হে রঘুনন্দন ! তপস্যা যেমন অনেক কষ্টে সঞ্চিত হয়, সেইরূপ, সংগ্রামসময়ে অনেক বিঘ্ন ও ঘটন্য থাকে। সেইজন্য, রাক্ষসেরা ভক্ষণ করিলেও, তাহাদিগকে শাপ দান করি না। এক্ষণে তুমি ভ্রাতা লক্ষ্মণের সহিত আমাদেরকে দণ্ডকবনবাসী নিশাচরগণের উৎপীড়ন হইতে মোচন কর। কেননা, তুমিই আমাদের রক্ষাকর্ত্তা।

অগ্নি জ্ঞানকি ! আগি দণ্ডকারণ্যবাসী তপস্বীগণের এই কথা শুনিয়া, সম্যক্রূপে তাহাদের রক্ষা করিতে প্রতিক্ষত হইয়াছি। প্রাণ থাকিতে, এই অঙ্গীকার পালনে কোন মতেই পরাজুখ হইতে পারিব না। বিশেষতঃ, ঋষিগণের সমক্ষে প্রতিজ্ঞা করিয়াছি, এবং সর্বদা সত্যই আমার পরম অভীষ্ট বিষয়। হে সীতে ! তোমাকে, লক্ষ্মণকে এবং নিজের প্রাণ পর্য্যন্তও ত্যাগ করিতে পারি; প্রতিজ্ঞা করিয়া, বিশেষে, ব্রাহ্মণের সমক্ষে প্রতিশ্রুত হইয়া, তাহা কখন ত্যাগ করিতে পারি না। ফলতঃ, ঋষিগণ না বলিলেও, যখন সর্বতোভাবেই তাহাদের রক্ষা করা আমার অবশ্য কর্তব্য; তখন প্রতিজ্ঞা করিয়া, কিরূপে তদ্বিষয়ে পরাজুখ হইতে পারি ? যাহা হউক, সীতে ! তুমি আমার প্রতি স্নেহ ও সৌহার্দবশতঃ যাহা বলিলে, ইহাতে আমি অতিশয় সন্তুষ্ট হইলাম। যাহার প্রতি যাহার প্রীতি নাই, সে কখন তাহাকে উপদেশ করে না। বিশেষতঃ, তুমি সর্বদা ধর্মানুষ্ঠান কর এবং তজ্জন্ম, আমার প্রাণ অপেক্ষাও অধিকতর প্রণয়পাত্রী।

অগ্নি শোভনে ! আমার প্রতি তোমার যে স্নেহ আছে এবং যে বংশে তুমি জন্মিয়াছ, তোমার কথা সকল, সেই স্নেহের ও সেই বংশেরই সমুচিত ।

পরমধর্মী মহানুভাব রাম জনকছুহিতা দয়িতা সীতাকে এই-
প্রকার বাক্যে সন্তুষ্ট করিয়া, লক্ষ্মণের সহিত পরম মনোহর
তপোবন সকলে প্রস্থান করিলেন ।

—•—

একাদশ সর্গ ।

রাম অগ্রে, সুশোভনা সীতা মধ্যভাগে এবং লক্ষ্মণ ধনুর্দ্ধারণ
পূর্বক পশ্চাৎ পশ্চাৎ যাইতে লাগিলেন । তাঁহারা সীতার
সহিত গমনসময়ে বিবিধ শৈলপ্রস্থ, অরণ্য, রমণীয় নদী, নদী
তীর-বিহারী সারস ও চক্রবাক, জলচর-বিহঙ্গমপূর্ণ পদ্ম-সম-
লঙ্কৃত সরোবর, যুথবদ্ধ চিত্রমুগ, সুবিশাল-শৃঙ্গ-বিশিষ্ট মদোন্মত্ত
মহিষ, বরাহ ও ক্রম-বৈরী হস্তী সকল সন্দর্শন করিলেন । এই
রূপে তাঁহারা সকলে একত্র হইয়া বহুদূর অতিক্রম পূর্বক, সায়াক্ষ
সময়ে যোজন-বিস্তৃত এক তড়াগ দেখিতে পাইলেন । ঐ
তড়াগ হস্তিযুথে অলঙ্কৃত, রাশি রাশি রক্তোৎপল ও শ্বেতোৎপ-
লে পরিপূর্ণ, জলজাত সারস ও কাদম্বসমূহে পরিব্যাপ্ত,
এবং উহার জল অতিশয় স্বচ্ছ । তাঁহারা ঐ রমণীয় সরোবরে
গীত ও বাদ্য শব্দ শ্রবণ করিলেন, কিন্তু, কাহাকেও দেখিতে
পাইলেন না । তখন, রাম ও লক্ষ্মণ উভয়ে কৌতূহল-বশবৎ
হইয়া, ধর্মভূৎ-নামধেয় ঋষিকে জিজ্ঞাসা করিলেন, মহর্ষে !
ঈদৃশ অত্যাশ্চর্য্য শব্দ শুনিয়া, আমাদের সকলেরই সাতিশয়
কৌতূহল উদ্ভূত হইয়াছে । অতএব এই ঘটনার সবিশেষ সমস্ত
বর্ণন করুন ।

রাম এইপ্রকার কহিলে, ধর্মাত্মা ঋষি তৎক্ষণাৎ ঐ সরো-
বরের প্রভাব বর্ণন করিতে প্ররৃত্ত হইলেন, কহিলেন, রাম !

তড়াগের নাম পঞ্চাঙ্গর। কোন কালেই কোন রূপে ইহার ক্ষয় নাই। মহর্ষি মাণ্ডুক্য তপোবলে ইহার সৃষ্টি করিয়াছেন। সেই মহামুনি মাণ্ডুক্য দশ সহস্র বৎসর বায়ুমাত্র ভক্ষণ করিয়া, জলাশয়ে অবস্থান পূর্বক কঠোর তপশ্চরণে প্ররুত হইলে, অগ্নি-প্রভৃতি দেবগণ তদীয় তপস্যায় নিতান্ত ব্যথিত হইয়া, পরস্পর ঐকমত্য অবলম্বন পূর্বক বলিতে লাগিলেন, এই ঋষি আমাদেরই মধ্যে কাহারও পদপ্রার্থনার তপস্যা করিতেছেন। এইপ্রকার অবধারণ পূর্বক দেবগণের অন্তঃকরণ একান্ত উৎকলিকাকুল হইয়া উঠিল। তখন তাঁহারা সকলে একত্রিত হইয়া, তদীয় তপোবিষ্মের অভিলাষে, চঞ্চল-চপলা-রূপিণী পাঁচ জন প্রধান অঙ্গরাকে নিয়োজিত করিলেন। অঙ্গরাগণও দেবগণের কার্য্য-সিদ্ধির নিমিত্ত ঐহিক ও পারলৌকিক ধর্ম্মাধর্ম্মের সবিশেষ মর্ম্মজ্ঞ মহর্ষি মাণ্ডুক্যকে মদনমদে অভিভূত করিল। ঋষি তাহাদের পাঁচ জনকেই পত্নীরূপে পরিগ্রহ পূর্বক, তাহাদের জন্য এই সরোবরে অন্তর্হিত গৃহ নির্মাণ করিলেন। পাঁচ জন অঙ্গরা যথাস্থে ঐ গৃহে বাস করিয়া, ঋষির চিন্তাবিনোদনে প্ররুত হইল। ঋষিও তাহাদের মনস্তৃষ্টির জন্য তপোবলে যুবা ভাব আশ্রয় করিলেন। মুনির সহিত ক্রীড়াপরায়ণ সেই অঙ্গরাগণেরই এই সুমধুর বাদ্যশব্দ এবং বলয়াদি-ভ্রূষণধ্বনি-মিশ্রিত এই মনোহর সঙ্গীতধ্বনি শ্রুত হইতেছে। পরমবশস্বী রাম ভ্রাতা লক্ষ্মণের সহিত বিস্ময়চকিত মহর্ষির এই কথা প্রত্যাশ করিলেন। এবং বলিলেন, ইহা অতিশয় বিস্ময়াবহ।

এইপ্রকার বলিতে বলিতে, চতুর্দিকে কুশ ও বকুলে পরি-
 যাপ্ত এবং ব্রহ্মবিদ্যার অভ্যাস-জনিত দিব্য ক্রীতে সমাচ্ছন্ন
 আশ্রমমণ্ডল তাঁহার দর্শনগোচর হইল। তিনি অবিলম্বে ভ্রাতা ও
 ভাৰ্য্যার সহিত সেই ক্রীমান্ আশ্রমমণ্ডলে প্রবেশ পূর্বক মহর্ষিগণ
 কর্তৃক পূজ্যমান হইয়া, পরম সুখে তথায় অবস্থিতি করিলেন।
 অনন্তর তিনি পর্য্যায়ক্রমে সমুদায় ঋষিরই আশ্রমে পদার্পণ

।

করিলেন । সেই মহাজ্ঞবিৎ রাম পূর্বে যাঁহাদের আশ্রমে বাস করিয়াছিলেন, এই উপলক্ষে তাঁহাদেরও আশ্রমে পুনরায় গমন করিলেন । তিনি কোন আশ্রমে পূর্ণ দশ মাস, কোথাও সম্পূর্ণ এক বৎসর, কোথাও চারি মাস, কোথাও পাঁচ মাস, কোথাও ছয় মাস, কোথাও এক বৎসরের অধিক, কোথাও মাসাঙ্কের অধিক, কোথাও তিন মাস এবং কোথাও বা আট মাস অবস্থিতি করিলেন । সর্বত্রই তাঁহার স্মৃথে অতিবাহন হইল । তত্তৎ আশ্রম-বাসকালে সাহায্য দান দ্বারা তত্ততঃ ঋষিগণের চিত্ত-বিনোদন করত তাঁহার দশ বৎসর অতীত হইয়া গেল ।

এইরূপে ধর্মজ্ঞ রাম সীতার সহিত সমুদায়-পুণ্যাশ্রম-পর্যটন-পূর্বক পুনরায় মহর্ষি স্মৃতীক্লের আশ্রমপদে পদার্পণ করিলেন ! তথায় সমাগত হইলে, ঋষিগণ বিশেষরূপে তাঁহার পূজা করিলেন । তিনিও কিঞ্চিৎকাল তথায় বাস করিলেন । অনন্তর ঐ আশ্রমে অবস্থিতি করিতে করিতে, কোন সময়ে মহর্ষি স্মৃতীক্লের সমীপস্থ হইয়া, বিনয়পূর্বক জিজ্ঞাসা করিলেন, ভগবন্ ! আমি লোকের মুখে নিত্যই শুনিতে পাই, মুনিসত্তম অগস্ত্য এই অরণ্যেই অবস্থিতি করেন । তাঁহারা কথোপকথন সময়ে এই-প্রকার বলিয়া থাকে । কিন্তু এই অরণ্য অতিশয় রূহৎ বলিয়া, তাঁহার আশ্রম আমার জ্ঞান নাই । অতএব, ধীমান্ মহর্ষি অগস্ত্যের রমণীয় আশ্রমপদ কোথায়, বলিয়া দিন । আমি ভ্রাতা ও ভাৰ্য্যার সহিত মিলিত হইয়া, তদীয় অনুগ্রহ লাভ ও অভিবাদনার্থ গমন করিব । এবং তথায় গিয়া, স্বয়ং মুনিবরের শুদ্ধা করিব ; এইপ্রকার মহান্ মনোরথ মদীয় হৃদয়ে পদ গ্রহণ করিয়াছে ।

মহর্ষি স্মৃতীক্ল পরমধার্মিক দশরথাজ্ঞ রামের এই কথা শুনিয়া, প্রত্যুত্তর করিলেন, হে রঘুনন্দন ! এক্ষণে তুমি সীতার সহিত ভগবান্ অগস্ত্যের শরণাপন্ন হও, এই কথা আমিও তোমায় ও লক্ষ্মণকে বলিবার জন্য উৎসুক হইয়াছিলাম । ভাগ্য-

বশতঃ ভূমি নিজমুখেই এই কথা ব্যক্ত করিলে । রাম ! মহর্ষি অগস্ত্য যেখানে অবস্থিতি করেন, তাহা বলিতেছি, শ্রবণ কর । তাত ! এই আশ্রম হইতে দক্ষিণ মুখে যোজন-চতুষ্টয় গমন কর ; অগস্ত্য জাতা ঈগুৰাহের পরমসৌন্দর্য্যসম্পন্ন মহান্ আশ্রম দেখিতে পাইবে । যাহার অধিকাংশই স্থূল এবং যেখানে পিপ্পলী বৃক্ষের বন শোভা পাইতেছে ও নানাজাতীয় বিহঙ্গম শব্দ করিতেছে, তাদৃশ পরম মনোহর ও পুষ্প-ফল-ভূয়িষ্ঠ বন-বিভাগে ঐ আশ্রমপদ প্রতিষ্ঠিত । তথায় স্বচ্ছসলিলসম্পন্ন বিবিধ পুষ্করিণী হংস ও কারণ্ডবগণে পরিপূর্ণ এবং চক্রবাকসমূহে বিরাজমান রহিয়াছে । রাম ! সেই আশ্রমে তুমি এক রাত্রি বাস করিয়া, প্রভাতে দক্ষিণ দিক্ আশ্রয় করত বনখণ্ডের পার্শ্ব দিয়া গমন করিবে । এক-যোজন পথ গমন করিলেই, পাদপরাজি-বিরাজিত রমণীয় বনবিভাগে মহর্ষি অগস্ত্যের আশ্রমপদ দেখিতে পাইবে । ঐ বনোদ্দেশ বহু বৃক্ষে অলঙ্কৃত এবং অতিশয় মনোহর । সীতা ও লক্ষ্মণ তোমার সহিত তথায় অবস্থিতি করিয়া, পরম প্রীতি প্রাপ্ত হইবেন । অয়ি মহামতে ! মহর্ষি অগস্ত্যকে দর্শন করিতে যদি বুদ্ধি করিয়া থাক, তাহা হইলে, অদ্যই গমনে কৃতসংকল্প হও ।

রাম ঋষির এই কথা শুনিয়া, তাঁহার অভিবাদন পূর্ব্বক জাতা ও ভার্য্যার সহিত অগস্ত্যের উদ্দেশে প্রস্থান করিলেন । পথে যাইবার সময় বহুসংখ্য বিচিত্র বন, মেঘসন্নিভ ভূধর, এবং সরিৎ ও সরোবর সকল তাঁহার দৃষ্টিপথে উপস্থিত হইতে লাগিল । এই রূপে তিনি স্ত্রীভীক্ষুর উপদিষ্ট পথে যথাস্থখে গমন করিয়া, পরে পরম পুলকিত হইয়া, লক্ষ্মণকে কহিলেন, নিশ্চয়ই পুণ্য-কর্মা মহাত্মা অগস্ত্য ঋষির জাতার ঐ আশ্রমপদ দেখা যাইতেছে । কেননা, যেমন শুনিয়াছিলাম, সেই রূপেই পথিমধ্যে এই অরণ্যের ফলপুষ্পভারে অবনত সহস্র সহস্র পাদপ আমার জ্ঞান-বিষয়ীভূত হইতেছে । ঐ দেখ, পক্ষ পিপ্পলী সকলের

কটুরস-সম্পৃক্ত গন্ধ এইবন হইতে বায়ুবেগে উৎক্ষিপ্ত হইয়া, জাগরকে প্রবেশ করিতেছে। কাষ্ঠ সকল স্থানে স্থানে বিক্ষিপ্ত রহিয়াছে, দেখিতে পাওয়া যাইতেছে, এবং বৈদূর্য্যমণি-বর্ণ দর্ভ সকলও ছিন্ন রহিয়াছে, লক্ষিত হইতেছে। আশ্রমস্থ পাব-কের ঐ সেই ধূমশিখা, নীলাম্বুদ চুম্বিত শিখরের ন্যায়, বনমধ্যে দেখা যাইতেছে। এবং ঐ দ্বিজাতিগণ সুনির্ম্মল তীর্থসলিলে স্নান করিয়া, স্বয়ং অর্জ্জিত কুসুমসমূহে দেবপূজার্থ পুষ্পের উপহার বিধান করিতেছেন। হে সৌম্য! মহর্ষি সূতীক্কের প্রামুখ্যে ষ্ঠেরূপ শ্রবণ করিয়াছিলাম, তদনুসারে, এই সকল দর্শন করিয়া, আমার নিশ্চয় বোধ হইতেছে, ইহাই, অগস্ত্য ভ্রাতার আশ্রম। মহর্ষি অগস্ত্য লোক সকলের হিতকামনা-বশংবদ হইয়া, বলপূর্ব্বক সাক্ষাৎ মৃত্যু সম দৈত্যকে নিগৃহীত করিয়া, এই দক্ষিণ দিক্ বাসযোগ্য করিয়াছেন।

এইরূপ প্রসিদ্ধি আছে, পূর্ব্বে কোন সময়ে মহাসুর বাতাপি ও ইন্দ্ৰল দুই ভ্রাতা ব্রাহ্মণ হত্যা করত, একত্রে এই অরণ্যে বাস করিয়া ছিল। উহাদের মধ্যে নিঘূর্ণ ইন্দ্ৰল শ্রাদ্ধ উপলক্ষ করিয়া, ব্রাহ্মণবেশ ধারণ ও সংস্কৃত উচ্চারণ পূর্ব্বক ব্রাহ্মণদিগকে নিমন্ত্রণ করিত এবং তাঁহারা উপস্থিত হইলে, স্বীয় ভ্রাতা মেঘরূপী বাতাপিকে শ্রাদ্ধবিহিত অনুষ্ঠানানুসারে উত্তমরূপে পাক করিয়া, তাঁহাদিগকে ভোজন করাইত। অনন্তর, ব্রাহ্মণগণ ভোজন করিলে, ইন্দ্ৰল তার স্বরে, বাতাপি! নির্গত হও, এই কথা বলিত। বাতাপি ভ্রাতার কথা শুনিয়া, ব্রাহ্মণদিগের শরীর ভেদ করিয়া, মেঘের ন্যায় শব্দ করিতে করিতে বহির্গত হইত। তাহারা ইচ্ছানুসারে নানাপ্রকার মূর্ত্তি ধারণ করিতে পারিত এবং সর্ব্বদা মাংস আহার করিত। এই রূপে প্রতিদিন পরস্পর মিলিত হইয়া, সহস্র সহস্র প্রাণিহত্যা করিয়াছিল। তদদর্শনে মহর্ষি অগস্ত্য দেবগণের প্রার্থনাপরতন্ত্র হইয়া, শ্রাদ্ধব্যাপার অনুভব করত, মহাসুর বাতাপিকে ভক্ষণ করেন, এইরূপ জনশ্রুতি আছে।

তিনি ভক্ষণ করিলে, ইষল, ব্রাহ্ম সম্পন্ন হইল, এইপ্রকার कहিয়া, তাঁহাকে হস্তপ্রক্ষালনার্থ জলদান পূর্বক, বহির্গত হও, বলিয়া, জাতাকে আশ্বান করিতে লাগিল । তদর্শনে মুনিসত্তম ধীমান্ অগস্ত্য হাস্য করিয়া, ব্রাহ্মহত্যাকারী ইষলকে कहিলেন, আমি তোমার মেঘরূপী জাতা বাতাপিকে জীর্ণ করিয়াছি ; সে ষম-ভবনে গমন করিয়াছে ; তাহার আর বাহির হইবার শক্তি কোথায় ?

নিশাচর ইষল জাতুবধ বার্তা শ্রবণ করিয়া, ক্রোধবশতঃ মহর্ষি অগস্ত্যকে বিশেষরূপে পরাভব করিতে উদ্যত হইল । অনন্তর সে আক্রমণ করিবামাত্র, পরম তেজস্বী মহর্ষির প্রজ্বলিত-পাবক-প্রতিম দৃষ্টিপাতে এক বারেই দহ হইয়া, প্রাণত্যাগ করিল । যিনি ব্রাহ্মগণের প্রতি অনুকম্পা-বশংবদ হইয়া, এইপ্রকার ছুর অন্বেষণ করেন, সেই অগস্ত্যের জাতুদেবেরই এই তড়াগ-বন-সমলকৃত আশ্রম ।

রাম লক্ষ্মণের সহিত এইপ্রকার কথোপকথন করিতে করিতে, ভগবান্ ভাস্কর অস্তাচলচূড়া অবলম্বন ও সঙ্ক্যা আগমন করিল । তখন তিনি জাতার সহিত যথাবিধানে সাংসঙ্গ্য সমাপন করিয়া, অগস্ত্য জাতার আশ্রমে প্রবেশ ও তাঁহার অভিবাদন করিলেন । এবং ঋষি কর্তৃক বিশিষ্টরূপে সভাজিত হইয়া, কল মূল ভক্ষণ পূর্বক সেই রাজি তথায় অবস্থিতি করিলেন । অনন্তর রজনীর অবসানে সূর্য্যমণ্ডল সমুদিত হইলে, রাম-বিদায় প্রার্থনাপূর্বক ঋষিকে নিবেদন করিলেন, ভগবন্ ! আপনার অভিবাদন করি, আমরা সুখে রাজি বাপন করিয়াছি । এক্ষণে বিদায় প্রার্থনা করিতেছি ; ভবদীয় অগ্রজ গুরুদেব অগস্ত্যের দর্শনে অভিলাষ হইয়াছে । এই বলিয়া ঋষির অনুজ্ঞা লইয়া, তদীয় আশ্রম-কানন সন্দর্শন করত, যথোদ্দিষ্ট পথে প্রস্থান করিলেন । যাইবার সময় কান্তারমধ্যে শত শত নীবার, পনস, নাল, বঙ্গুল, তিনিশ, চিরিবিষ, মধুক, বিষ ও তিস্কুক ইত্যাদি

পাদপ-পরম্পরা তাঁহার দর্শনপথে পতিত হইতে লাগিল । ঐ সকল রক্ষণ কুসুম সকল প্রস্ফুটিত রহিয়াছে ; নানাজাতীয় বিহঙ্গম গন্ত হইয়া প্রাতিধ্বনি করিতেছে ; কুসুমিত-শিখর লতা ও বানরগণের সান্নিধ্যবশতঃ অতিশয় শোভা সমুদ্ভূত হইয়াছে, এবং হস্তিগণের গুণ্ডাদণ্ডের আঘাতে তাহাদের শাখা প্রাশাখা ছিন্ন ভিন্ন হইয়াছে ।

তদর্শনে রাজীবলোচন রাম আপনার পুষ্কাদ্গামী সমাপন্থ লক্ষ্মীবর্দ্ধন লক্ষ্মণকে সম্বোধন করিয়া কহিলেন, এই পাদপপুঞ্জের পত্র সকল যেরূপ স্নিগ্ধবর্ণ এবং মৃগ ও বিহঙ্গম সকল যেরূপকার শাস্তস্বভাব-সম্পন্ন, তাহাতে, পরমপবিত্রচিত্ত মহর্ষি অগস্ত্যের আশ্রমপদ অধিকদূরবর্তী নহে, বোধ হইতেছে । যিনি স্বকীয় কৰ্ম্মবলে সংসারে অগস্ত্য নামে বিখ্যাত হইয়াছেন, সেই মহর্ষির ঐ আশ্রম লক্ষিত হইতেছে । এই আশ্রমে প্রবেশ করিলে, নিতান্ত শ্রান্ত জনেরও সমুদায় শ্রম দূর হইয়া থাকে । তত্রত্য বনস্থলী প্রচুর ধূমভারে আচ্ছন্ন ও চতুর্দিক্ বঙ্কলমালায় অলঙ্কৃত, এবং মৃগগণ অতি শাস্তভাবে তথায় বিচরণ ও বিবিধজাতীয় বিহঙ্গম কলরব করিতেছে । যিনি ভুবন-হিত-কামনা-বশংবদ হইয়া, যমস্বরূপ দৈত্যকে বলপূর্ব্বক সংহার করিয়া, দক্ষিণ দিক্ বাগের উপযুক্ত করিয়াছেন, এবং যাঁহার প্রভাবে রাক্ষসগণ এই দক্ষিণ দিক্ দর্শনমাত্র করে, ভয়ে বাস করিতে পারে না । সেই অগস্ত্যের এই আশ্রমপদ বিরাজমান হইতেছে । পুণ্যকৰ্ম্মা অগস্ত্য যে অবধি এই দিক্ আশ্রয় করিয়াছেন, সেই অবধি রাক্ষসগণ প্রাদিগণে শত্রুতা ত্যাগ ও নিতান্ত শাস্ত্যভাব অবলম্বন করিয়াছে । ভগবানু অগস্ত্যের নামেই এই দক্ষিণ দিক্ অগস্ত্য-দিক্ বলিয়া ত্রিভুবনে খ্যাতি লাভ করিয়াছে এবং তাঁহার সান্নিধ্য-যোগবশতঃ লোকমাত্রেয়ই পরম অনুকূল হইয়াছে ; ভূরকৰ্ম্মা রাক্ষসগণ সহজে ইহাকে পরাভব করিতে পারে না । অচল-রাজ বিষ্ণু ক্রমশঃ বর্দ্ধিত হইয়া, সূর্য্যের পথরোধে প্রবৃত্ত

হইয়াছিল ; পরে অগস্ত্যের আদেশবশবর্তী হইয়া, নিরন্তর হইয়াছে। সৰ্বলোক-বিখ্যাতকীর্তি দীর্ঘজীবী সেই অগস্ত্যের এই শ্রীমানু আশ্রম। ইহাতে যুগ সকল সৰ্বদা শান্তভাবে বিচরণ করে। এই অগস্ত্য সৰ্বলোকের পুজিত, সাধু ও সাধুগণের হিতানুষ্ঠানে সৰ্বদাই তৎপর। তদীয় আশ্রমে গমন পূৰ্বক শরণাপন্ন হইলে, আমাদের তিনি মঙ্গলবিধান করিবেন। হে পরম শ্রিয়দর্শন! হে সৰ্বকার্য্য-সুদক্ষ! আমি এই আশ্রমে থাকিয়া, মহর্ষি অগস্ত্যের শুশ্রূষায় বনবাসের অবশিষ্ট সময় যাপন করিব। এই আশ্রমে দেবগণ, গন্ধৰ্বগণ, সিদ্ধগণ ও পরমর্ষিগণ আহারসংযমসহকারে সত্য অগস্ত্যদেবের বিশিষ্টরূপ উপাসনা করেন। ভগবানু অগস্ত্য কাহারই দুৰাচারিত্ব সহিতে পারেন না। সুতরাং, এখানে মিথ্যাবাদী, শঠ, কুরস্বভাব, নির্দয় অথবা পাপাচার লোক কোন মতেই জীবিত থাকিতে পারে না। দেবগণ, যক্ষগণ, নাগগণ ও পতঙ্গগণ আহারসংযমপূৰ্বক ধর্ম-সংযমকামনায় সৰ্বদা এই আশ্রমপদে অবস্থিতি করেন। মহানুভাব পরমর্ষিগণ এই আশ্রমে সিদ্ধিলাভপূৰ্বক কলেবর বিসর্জন করিয়া, সূর্য্যসমভ্যুতি বিমানপরম্পরায় আরোহণান্তর স্বর্গে গমন করিয়াছেন। পবিত্রকর্মা প্রাণিগণ এইস্থানে দেবগণের আরাধনা করিয়া, তাঁহাদের প্রসাদে দেবত্ব, যক্ষত্ব এবং বিবিধ রাজত্ব প্রাপ্ত হইয়া থাকেন। হে লক্ষ্মণ! আমরা এখন ঐ আশ্রমে আগমন করিয়াছি। তুমি অগ্রে প্রবেশ কর এবং সীতার সহিত মদীয় আগমনবৃত্তান্ত ঋষির গোচর কর।

দ্বাদশ সগ ।

রামানুজ লক্ষ্মণ আশ্রমে প্রবেশ করিয়া, অগস্ত্যের শিষ্যের সহিত সাক্ষাৎ করিয়া কহিলেন, দশরথ নামে রাজা ; তাঁহার জ্যেষ্ঠপুত্র মহাবল রাম মহর্ষির চরণদর্শনার্থ ভার্য্যার সহিত আগমন করিয়াছেন । আর, আমার নাম লক্ষ্মণ । আমি তাঁহার হিতানুষ্ঠান-তৎপর ও পরম অনুরাগবান্ অনুকূলবর্তী অনুজ ভ্রাতা । বোধ হয়, আমার কথা আপনার শ্রুতিপথে উপস্থিত হইয়া থাকিবে । বাহা ইউক, আগরা পিতার আজ্ঞায় অতীব ভীষণ অরণ্যে প্রবেশ করিয়াছি, ভগবান্ অগস্ত্যকে দর্শন করিতে অভিলাষ করি ; আপনি এ বিষয় তাঁহার গোচর করুন ।

ঋষি লক্ষ্মণের কথা শুনিয়া, আচ্ছা, তাহাই হইবে, বলিয়া, এবিষয় নিবেদন করিবার জন্য অগ্নি-গৃহে প্রবেশ করিলেন । এবং প্রবেশ করিয়া, কৃতাজ্জলি হইয়া, তৎক্ষণমাত্রে তপোবলে ছুস্প্রস্থ্য মুনিশ্রেষ্ঠ অগস্ত্যের নিকট রামের আগমনসংবাদ নিবেদন করিলেন । অগস্ত্য তাঁহাকে অতিশয় বহুমান করেন । লক্ষ্মণ ষে রূপ বলিয়াছিলেন, তদনুসারে তিনি কহিতে লাগিলেন, দশরথের পুত্র রাম লক্ষ্মণ সীতার সহিত আশ্রমপদে প্রবেশ করিয়াছেন । অরিন্দম রাম লক্ষ্মণ আপনার দর্শন ও শুশ্রূষা জন্য আগমন করিয়াছেন । এক্ষণে এবিষয়ে যাহা কর্তব্য, আজ্ঞা করুন ।

শিষ্যের প্রমুখাৎ রাম লক্ষ্মণ ও মহাভাগা জানকীর আগমনসংবাদ শ্রবণ করিয়া, মহর্ষি অগস্ত্য কহিলেন, অনেক দিনের পর রাম আমার দর্শনার্থ অদ্য আগমন করিয়াছেন, ইহা গিরতিশয় সৌভাগ্যের বিষয় । আমিও অন্তরের সহিত ইহঁার সমাগম আকাঙ্ক্ষা করিয়া ছিলাম । অতএব গমন করিয়া, সৎকার-বিধান পূর্ব্বক, ভ্রাতা ও ভার্য্যার সহিত রামকে প্রবেশ করাও ; কিজন্য ইহঁাকে আশ্রমে প্রবেশ করাও নাই ?

মহানুভাব ধর্মজ্ঞ অগস্ত্য এইপ্রকার কহিলে, শিষ্য কুতাঞ্জলি করে যে আজ্ঞা বলিয়া, অভিবাদন পূর্বক তৎক্ষণাৎ তথা হইতে নিষ্ক্রান্ত হইয়া, নগরসমে লক্ষ্মণকে কহিলেন, আপনাদের মধ্যে রাম কে ? তিনি ভগবান্ অগস্ত্যের দর্শনার্থ আগমন ও স্নয়ংই প্রবেশ করুন, এবিষয়ে শিষ্যের মুখাপেক্ষা করিবার প্রয়োজন নাই ।

তখন লক্ষ্মণ শিষ্যের সহিত আশ্রমপদে গমন করিয়া, রাম ও জনকদ্বহিতা সীতাকে দেখাইয়া দিলেন । শিষ্য সার্বনয় বাক্যে, অগস্ত্য যেপ্রকার কহিয়াছেন, তাহা বর্ণন করিয়া, যথা-বিধানে বিশিষ্টরূপ সৎকারান্তে সৎকারযোগ্য রামকে প্রবেশ করাইলেন । রামও সীতা ও লক্ষ্মণের সহিত তথায় প্রবেশ করিলেন । প্রবেশ করিবার সময় অবলোকন করিলেন, পরম শাস্তস্বভাব হরিণগণ চতুর্দিক আচ্ছন্ন করিয়া আছে । এবং ব্রহ্মা, বিষ্ণু, অগ্নি, ইন্দ্র, সূর্য্য, চন্দ্র, ভগ, কুবের, ধাতা, বিধাতা, বায়ু, পাশহস্ত মহাত্মা বক্রণ, গায়ত্রী, বসু, নাগরাজ বাসুকি, গরুড়, কার্ত্তিকেয় ও ধর্ম, ইহাদের পূজার্থ পৃথক্ পৃথক্ স্থান সকল কল্পিত রহিয়াছে । তিনি তৎসমস্ত দেখিতে লাগিলেন ।

ঐ সময়ে ভগবান্ অগস্ত্য শিষ্য-মণ্ডলী-মণ্ডিত হইয়া, বহির্গত হইতেছিলেন । বীর রাম তাঁহাকে পরম তেজস্বী তপস্বিগণের অগ্রভাবে অবস্থিত, দর্শন করিয়া, লক্ষ্মীবর্দ্ধন লক্ষ্মণকে কহিলেন, লক্ষ্মণ ! ভগবান্ অগস্ত্য ঋষি বাহিরে আনিতেছেন । অতু্যন্ত-তেজোবিশেষ-দর্শনে আমি এই তপোনিধিকে চিনিতে পারিয়াছি । এই বলিয়া মহাবাহু রাম আশ্রম হইতে বহির্দিশে সমাগত সূর্য্য সম-তেজস্বী মহর্ষির চরণস্পর্শপূর্বক নমস্কার করিলেন । এবং সীতা ও লক্ষ্মণের সহিত চরণবন্দনান্তে কুতাঞ্জলিপুটে দণ্ডায়মান রহিলেন । তদর্শনে মহর্ষি তাঁহাকে সবিশেষ সম্বাজন এবং আসন ও উদক দ্বারা অর্চনা করিয়া, কুশল জিজ্ঞাসা করত বসিতে অনুমতি করিলেন । অনন্তর তিনি অগ্নিতে

আছতি দিয়া, সেই সমাগত অতিথিদিগকে অর্ঘ্যদান ও প্রতি-
পূজা করিয়া, বানপ্রস্থ ধর্ম্মানুগারে আহারীয় প্রদান করিলেন ।

অনন্তর ধর্ম্মজ্ঞ মহর্ষিঃ স্বয়ং প্রথমে উপবেশন করিয়া, পশ্চাৎ
কৃতাজ্জলিপুটে উপবিষ্ট ধর্ম্মকোবিদ রামকে কহিলেন. হে কা-
কুৎস্থ ! তপস্বী অতিথিসেবায় পরাঙ্গুখ হইয়া স্বীয়-ধর্ম্মবিরুদ্ধ
ব্যবহার করিলে, কুট-শাস্ত্রীর স্মায়, পরলোকে আপনার মাংস
ভক্ষণ করিয়া থাকেন । ফলতঃ, তুমি সকল লোকের ধর্ম্ম-
প্রবর্তক রথিপ্রধান রাজা, পরম প্রীতিভাজন অতিথিরূপে
আমার আশ্রমে আগমন করিয়াছ ; অতএব তোমার পূজা ও
সম্মান করা সর্ব্বতোভাবে কর্তব্য । এই বলিয়া মহর্ষি ফল, মূল,
পুষ্প ও অন্যান্য বস্তু দ্বারা যথাভিলষিতরূপে রামের পূজা করিয়া,
পরে বলিতে লাগিলেন, হে পুরুষপ্রবর ! স্বয়ং বিশ্বকর্মা এই
স্বর্ণ ও হীরকভূষিত দিব্য মহৎ বৈষ্ণব ধনু নির্মাণ করিয়াছেন ।
এবং স্বয়ং ব্রহ্মা এই সূর্য্যসমদ্ব্যতি অব্যর্থ শরপ্রধান প্রদান
করিয়াছেন । আর, স্বয়ং দেবরাজ ইন্দ্র এই অক্ষয় নায়কদ্বয়,
প্রজ্বলিত-পাবক-প্রতিম সুশাণিত নায়কপরম্পরায় পরমপূর্ণ এই
ভূগীরযুগল এবং এই স্বর্ণময়-কোষবদ্ধ সুবর্ণালঙ্কৃত অগ্নি দান
করিয়াছেন । রাম ! পূর্বে ভগবান্ বিষ্ণু এই বৈষ্ণব ধনু সহায়ে
যুদ্ধে মহাবল পরাক্রান্ত অশুরদিগকে নংহার করিয়া, দেবগণের
সুবিপুল সমৃদ্ধি সাধন করিয়াছিলেন । অগ্নি মানদ ! বজ্রধর
ধেমন বজ্র ধারণ করেন, তুমিও তেমনি বিজয়লাভনিমিত্ত সেই
এই ধনু, শর, খড়্গ ও দুই ভূগীর প্রতিগ্রহ কর । পরমভেজস্বী
ভগবান্ অগস্ত্য এইপ্রকার বাক্যপ্রয়োগপূরঃসর রামকে সমস্ত
অতু্যৎকৃষ্ট বৈষ্ণব আনুধ প্রদান করিয়া, পুনরায় কহিলেন ।

ত্রয়োদশ সর্গ ।

রাম ! তুমি যে নীতা সমভিব্যাহারে আমাকে অভিবাদন করিতে আসিয়াছ, তাহাতে, আমি তোমার প্রতি প্রীত হইয়াছি, তোমার মঙ্গল হউক । লক্ষ্মণ ! তোমার উপরেও সন্তুষ্ট হইয়াছি । পথশ্রম জন্ত তোমাদিগের সাতিশয় কষ্ট হইয়াছে, স্পষ্টই দেখা যাইতেছে । জনকনন্দিনী মৈথিলী বিশ্রামজন্য ব্যগ্র হইয়াছেন । ইনি অতি কোমলাঙ্গী ; পূর্বে কখনও দুঃখপীড়া সহ্য করেন নাই ; স্বামিস্নেহের বশবর্তিনী হইয়াই বহুকষ্টগ্রস্ত বনে আগমন করিয়াছেন । রাম ! বনে নীতার মন যাহাতে তুষ্ট থাকে, তাহা করিবে । তোমার সহিত বনে আগমন করিয়া ইনি অতি দুষ্কর কার্য্য করিয়াছেন । হে রঘুনন্দন ! সৃষ্টিকাল হইতে দেখা যায়, নারীর স্বভাবই এইরূপ, যে, সমৃদ্ধ ব্যক্তিতে অনুরক্ত হয় ; আর দুরবস্থাপন্নকে ত্যাগ করে । স্ত্রীজাতি বিদ্যুতের চপলতা, অস্ত্রের তীক্ষ্ণতা, এবং গরুড় ও অনিলের ক্ষীভ্রতা অনুকরণ করিয়া থাকে । কিন্তু তোমার এই ভার্ঘ্যার সে সকল দোষের কোন দোষই নাই । দেবগণমধ্যে অরুদ্ধতীর ন্যায় ইনি প্রশংসনীয় ও পতিব্রতাদিগের অগ্রগণ্য । হে শত্রুদমন ! তুমি সুমিত্রানন্দন ও নীতার সহিত যেখানে বাস কর, সেইস্থানই অলঙ্কৃত হইয়া থাকে ।

রঘুনন্দন ঋষির উক্ত বাক্য শ্রবণ করিয়া, কৃতাজলিপুটে বিনীত বচনে প্রদীপ্তপাবকতুল্য ঋষিকে কহিলেন, আপনি মুনিশ্রেষ্ঠ ও গুরু, আমার এবং আমার ভার্ঘ্যার ও জাতার গুণে যে পরিতুষ্ট হইয়াছেন, ইহাতেই আমি ধন্য ও অনুগ্রহীত হইলাম । কিন্তু আরও কিছু প্রার্থনীয় আছে ; আজ্ঞা করুন, এরূপ কোন স্থান আছে, যেখানে কানন অনেক এবং জল অনায়াসে পাওয়া যায় ; আমরা সেইস্থানে আশ্রম নির্মাণ করিয়া মনঃসুখে স্বচ্ছন্দে বাস করিব ।

ধৰ্ম্মাত্মা মুনিশ্রেষ্ঠ রামের বাক্য শ্রবণ করত ক্ষণকাল চিন্তা করিয়া, পরে হিতসাধক বাক্যে কহিলেন, বৎস ! এইস্থানের দুই বোজন অন্তরে পঞ্চবটী নামে বিখ্যাত এক অতি সুন্দর স্থান আছে ; ঐ স্থানে ফল মূল ও জল যথেষ্ট পাওয়া যায় এবং নানা-বিধ মৃগ ঐস্থানে বাস করে । লক্ষ্মণসমভিব্যাহারে সেই স্থানে গমন করত আশ্রম নির্মাণ করিয়া, যথাস্থখে পিতৃসত্য পালন করিতে থাক । হে অনঘ ! আমি স্নেহবশতঃ তপোবলে তোমার এবং দশরথের বৃত্তান্ত সমস্ত অবগত হইয়াছি । আমার নিকট এই বনে বাস করিবে, তুমি পূর্বে এইরূপ প্রীতিজ্ঞা করিয়া, আবার আগাকে বাসস্থানের কথা জিজ্ঞাসা করিলে, ইহাতেই তোমার মনোগত অভিপ্রায় আমি বুঝিতে পারিয়াছি । সেই-জন্তই আমি তোমাকে বলিতেছি, পঞ্চবটীতে গমন কর ; সেই বন অতি রমণীয়, তথায় সীতার মনস্তৃষ্টি জন্মিবে । পঞ্চবটী রমণীয় বটে, অথচ অতি দূরবর্তীও নহে, এই গোদাবরীর নিকটে, মৈথিলী তথায় প্রীতি অনুভব করিবেন । হে মহাবাহো ! উৎকৃষ্ট উৎকৃষ্ট ফল মূল তথায় প্রচুর ; বিবিধ পক্ষী তথায় বাস করিয়া থাকে । এতদ্ভিন্ন ঐস্থান অলি নির্জ্ঞন, পবিত্র ও মনো-হর । তুমিও শুদ্ধাচারী এবং রক্ষা কার্ষ্যে সঙ্গ ; ঐস্থানে বাস করিয়া তপস্বিজনের পরিপালন করিতে পারিবে । বীর ! এই মধুক বৃক্ষের মহাবন দৃষ্টিগোচর হইতেছে । ইহার উত্তর দিয়া যাইতে যাইতে ন্যগ্রোধ আশ্রম প্রাপ্ত হইবে ; তদনন্তর স্থলবিশেষে উপস্থিত হইয়া এক পর্কত দেখিতে পাইবে । ঐ পর্কতের অবিদূরেই বিখ্যাত পঞ্চবটী বন ; উহা নিয়তই পুষ্পিত হইয়া আছে ।

অগস্ত্যের উক্ত বাক্য শ্রবণ করিয়া, রাম লক্ষ্মণসমভিব্যাহারে সত্যবাদী ঋষিকে প্রণামাদি করিয়া বিদায় প্রার্থনা করিলেন । ঋষি অনুমতি করিলে পর, দুইজনে তাঁহার পাদ-বন্দনা করিয়া সীতাসমভিব্যাহারে পঞ্চবটী আশ্রমে যাত্রা করিলেন ।

সমরে অকাতর দুই নৃপনন্দন ধনুর্দ্ধারণ এবং তুণীর বন্ধন করিয়া মহর্ষি যে পথ বলিয়া দিলেন, অতি সাবধানে সেই পথে পঞ্চবটী প্রস্থান করিলেন ।

— ০ —

চতুর্দশ সর্গ ।

অনন্তর রাম পঞ্চবটী গমন করিতে করিতে পশ্চিমদ্যে এক ভীম-পরাক্রমশালী মহাকায় গৃধ্রকে দেখিতে পাইলেন । মহা-ভাগ রাম লক্ষ্মণ বনমধ্যে ঐ গৃধ্রকে দর্শন করত রাক্ষস জ্ঞান করিয়া জিজ্ঞাসা করিলেন, তুমি কে ? গৃধ্র মধুর কোমল বাক্যে তাঁহাদিগকে সন্তুষ্ট করিয়া কহিলেন, বৎস ! জানিবে, আমি তোমার পিতার বয়স্য । তিনি পিতার সখা জানিতে পারিয়া পূজা করত অতি ধীরভাবে তাঁহার বংশ ও নাম জিজ্ঞাসা করিলেন ।

রামের বাক্য শ্রবণ করিয়া গৃধ্র সর্সজীবের উৎপত্তি-বর্ণনা ক্রমে নিজের কুল ও নাম বলিতে আরম্ভ করিলেন । কহিলেন, হে মহাবাহো ! হে রাঘব ! পূর্নকালে যে সকল প্রজাপতি উৎপন্ন হইয়াছিলেন, আমি প্রথম হইতে তাঁহাদিগের সকলের নাম করিতেছি, শ্রবণ কর । কর্দম তাঁহাদিগের সর্স জ্যেষ্ঠ তাঁহার পর বিকৃত, শেষ, সংশ্রয়, বীৰ্য্যবান্ বহুপুত্র, স্থাপু, মরীচি, অত্রি, মহাবল ক্রতু, পুলস্ত্য, অঙ্গিরা, প্রচেতা, পুলহ, দক্ষ, বিবস্বান্, অরিষ্টনেমি ক্রমান্বয়ে উৎপন্ন হয় । মহাতেজা কশ্যপ তাঁহাদিগের সর্সকনিষ্ঠ ছিলেন । রাম ! দক্ষপ্রজাপতির যশস্বিনী লোক-বিশ্রুতা ষষ্টি কন্যা জন্মে । কশ্যপ তাঁহাদিগের মধ্যে অদিতি, দিতি, দনু, কালকা, তাম্রা, কোধবশা, মনু ও অনলা এই আট স্তুমধ্যমার পাণিগ্রহণ করেন । পাণিগ্রহণের পর কশ্যপ তুষ্ট হইয়া ঐ সকল দক্ষকন্যাকে কহিলেন, তোমরা আমার সদৃশ পুত্র সকল প্রাপ্য করিবে । ঐ সকল পুত্র

ত্রিলোকের জ্ঞাতা হইবে । রাম ! অদিতি, দিতি, দনু ও কালকা ইহারা তৎসদৃশ পুত্র লাভের অভিলাষিণী হইলেন, আর কয় জন গ্রাহ্য করিলেন না । হে অরিন্দম ! অদিতির গর্ভে আদিত্যগণ, বসুগণ, রুদ্রগণ ও অশ্বিনীকুমারযুগল, এই ত্রয়ত্ৰিংশৎ দেবতা উৎপন্ন হইলেন । বৎস ! দিতি বশস্বী দৈত্যদিগকে প্রসব করিলেন । পূর্বে এই সমাগরা বনকাননপূর্ণা বসুন্ধরা তাহাদিগেরই ছিল । দনু অশ্বগ্ৰীব এবং কালকা নরক ও কালক নামে পুত্র প্রসব করিলেন । তাম্রার লোকবিখ্যাত পাঁচ কন্যা জন্মিল, ক্রৌঞ্চী ভাসী, শ্যেনী, ধৃতরাষ্ট্রী ও শুকী । ক্রৌঞ্চী উল্লুক, ভাসী ভাস, শ্যেনী মহাতেজা শ্যেন ও গৃধ্র এবং ধৃতরাষ্ট্রী যাবদীয় হংস ও কলহংসদিগকে প্রসব করেন । চক্রবাকদিগকেও সেই ভামিনীই প্রসব করিয়াছিলেন । শুকী নতাকে প্রসব করেন । নতার কন্যা বিনতা । ক্রোধবশা মৃগী, মৃগমন্দা, হরী, ভদ্রমদা, মাতঙ্গী, শার্দুলী, শ্বেতা, নর্কলক্ষণসম্পন্ন সুরভি, সুরসা ও কজ্র এই দশ কন্যা প্রসব করেন । হে নরবরোত্তম ! সমস্ত মৃগ মৃগীর সম্তান । আর ক্লৃষ্ণ ও শ্বেত ভল্লুক সকল মৃগমন্দার পুত্র । ভদ্রমদা ইরাবতী নামে কন্যা প্রসব করেন, তাঁহার পুত্র লোকনাথ মহাগজ ঐরাবত । সিংহ, জড়বুদ্ধি বানর এবং হনুমানগণ হরীর সম্তান । শার্দুলী ব্যাঘ্রদিগকে প্রসব করেন । হে মনুজশ্রেষ্ঠ কাকুৎস্থ ! মাতঙ্গ সকল মাতঙ্গীর পুত্র । শ্বেতা দিগগজদিগকে প্রসব করেন । সুরভি দুই কন্যা প্রসব করেন, বশস্বিনী রোহিণী ও গঙ্ঘকী । রোহিণী গো এবং গঙ্ঘকী অশ্বদিগকে প্রসব করেন । রাম ! সুরসার গর্ভে নাগ ও কজ্রর গর্ভে পন্নগ সকল উৎপন্ন হয় । মহাত্মা কশ্যপের অন্যতর পত্নী মনু ব্রাহ্মণ, ক্ষত্রিয়, বৈশ্য ও শূদ্র এই সকল মনুষ্য প্রসব করেন । এইরূপ জ্ঞানশ্রুতি আছে যে, মুখ হইতে ব্রাহ্মণ, বক্ষঃস্থল হইতে ক্ষত্রিয়, উদ্র হইতে বৈশ্য এবং পদ হইতে শূদ্রগণের জন্ম হইয়াছে । অনলা পরমপ্রশস্ত-ফলসম্পন্ন বৃক্ষ সকল প্রসব করেন ।

বিনতা শুকীর পৌত্রী এবং কঙ্ক সুরসার ভগিনী । তন্মধ্যে কঙ্ক সহস্র নাগ পুত্র প্রসব করেন । ইহারাই পৃথিবী ধারণ করিয়া আছে । আর, বিনতার দুই পুত্র, গরুড় ও অরুণ । আমি এই অরুণের ঔরসে জন্মিয়াছি । সম্প্রতি আমার জ্যেষ্ঠ সহোদর । আমার নাম জটায়ু এবং আমি শ্যেনীর পুত্র, জানিবে । হে অরিন্দম ! যদি ইচ্ছা কর, তাহা হইলে, আমি তোমার অরণ্যবাসের সহায় হইব এবং তুমি লক্ষ্মণের সহিত যুগয়া জন্য প্রস্থান করিলে, সীতার রক্ষা করিব ।

রাম সহর্ষে জটায়ুর পূজা ও আলিঙ্গন করিয়া, মন্তক অবনত করিলেন এবং পিতার সহিত যে তাঁহার সখিতা ছিল, তাহা তাঁহার মুখে বারংবার শ্রবণ করিতে লাগিলেন । অনন্তর তিনি মহাবল জটায়ুর হস্তে সীতার রক্ষাভার ন্যস্ত করিয়া, তাঁহার এবং লক্ষ্মণের সহিত শত্রুকুল নির্মূল ও অরণ্যের রক্ষণার্থ সুপ্রসিদ্ধ পঞ্চবটীতে গমন করিলেন ।

—•—

পঞ্চদশ সর্গ ।

অনন্তর তিনি নানাজাতীয়-স্থাপদসংকুল পঞ্চবটীতে গমন করিয়া, পরমতেজস্বী জাতা লক্ষ্মণকে কহিলেন, সৌম্য ! মহর্ষি বাহার কথা বলিয়াছিলেন, আমরা সেই যথোদ্দিষ্ট প্রদেশে সমাগত হইয়াছি । বাহার বনভূমি বিকসিত কুমুমসমূহে অলঙ্কৃত, এইস্থানই সেই পঞ্চবটী । আশ্রমের উপযুক্ত-স্থান-নির্ণয়ে তোমার সবিশেষ দক্ষতা আছে । অতএব এই অরণ্যের চতুর্দিকেই দৃষ্টি লক্ষ্যালন কর, কোন্ স্থানে আমাদের মনোমত আশ্রম হইতে পারে । লক্ষ্মণ ! যেস্থানে আশ্রমবন্ধন করিলে, তুমি, আমি, ঐশদেহী সকলেরই বিশেষ ক্রীতি জন্মিতে পারে, এবং বাহার নিকটেই জলাশয়, তাদৃশ স্থান দর্শন কর । ফলতঃ, যে প্রদেশে

বন ও জল উভয়ই রমণীয় এবং সমিধ, পুষ্প, কুশ ও সলিল অনা-
য়াসেই প্রাপ্ত হওয়া যায়, তাদৃশ স্থানই মনোনীত কর ।

রাম এইপ্রকার কহিলে, লক্ষ্মণ কৃতাজ্জলি হইয়া, সীতার সমক্ষে
তঁাহাকে বলিলেন, কাকুৎস্থ ! আপনি বিদ্যমানে, কোন কালেই
• স্বয়ংসিদ্ধ হইয়া, কার্য্য করিবার আমার ক্ষমতা নাই । অতএব
আপনি নিজেই মনোমত স্থান নির্ণয় করিয়া, আমাকে তথায়
আশ্রম স্থাপন করিতে আজ্ঞা করুন । পরম তেজস্বী রাম লক্ষ্মণের
এই বাক্যে নিরতিশয় প্রীতিমান হইয়া, সবিশেষ বিচার পূর্বক
সর্বগুণসম্পন্ন স্থান মনোনীত করিলেন । ঐ স্থান আশ্রমিক
ব্যাপারে সর্বাংশেই মনোমত । তথায় তিনি পদার্পণ করিয়া, স্বহস্তে
লক্ষ্মণের হস্তধারণপূর্বক কহিতে লাগিলেন, এই স্থান পরম সুন্দর
ও সম-তলে সন্নিবিষ্ট এবং কুসুমিত পাদপ-পরম্পরায় পরিবৃত্ত
অতএব তুমি এই স্থানে যথাবিধানে রমণীয় আশ্রমপদ নির্মাণ
করিতে পার । ইহার অদূরে ঐ পুষ্করিণী লক্ষিত হইতেছে । সূর্য্য-
সমছাতি সুরভি-গন্ধি পদ্মসমূহের সন্নিধানপ্রযুক্ত উহার অতিশয়
শোভা ও রমণীয়তা হইয়াছে । পরমপবিত্রচিত্ত অগস্ত্য ঋষি য়ে-
প্রকার কহিয়াছিলেন, তদনুসারে দূরেও নয়, নিকটেও নয়, ঐ
রমণীয় গোদাবরী লক্ষিত হইতেছে । উহার চতুর্দিক্ কুসুমিত
পাদপগুঞ্জে পরিব্যাপ্ত ; হংস ও কারণ্ডবগণে আচ্ছন্ন, ও চক্র-
বাক পক্ষিগণে অলঙ্কৃত । এবং মৃগগণ দলে দলে জলপানার্থ
আগমন করাতো, উহা একপ্রকার অবকাশশূন্য হইয়া উঠিয়াছে ।
কুসুমিত-পাদপ-বেষ্টিত, পরম মনোহর, দিব্যদর্শন, অভ্যুন্নত,
গিরি সকলও ঐ দেখা যাইতেছে । তথায় ময়ূরগণ শব্দ করিতেছে,
ভূরি ভূরি কন্দর বিরাজমান হইতেছে এবং গজ সকল স্থানে
স্থানে বিচরণ করিতেছে । উহাদের শরীরে স্বর্ণ, রজত ও
তাম্রের ন্যায় দ্যুতিবিশিষ্ট পরমবিচিত্র রচনা ; তদ্বারা উহারা
যেন স্বর্ণ-রজতাদি-খচিত গবাক্ষ-পরম্পরায় অনুপ্রবিষ্ট বলিয়া
প্রতীয়মান হইতেছে । এতন্নিম্ন, সাল, তাল, তমাল, খজুর পনস,

নীবার, তিনিশ, পুন্নাগ, চূত, অশোক, তিলক, কেতক, চম্পক, স্যন্দন, চন্দন, নীপ, লকুচ, ধব, অশ্বকর্ণ, খদির, শমী, কিংশুক, পাটল এবং অন্যান্য পুষ্প, গুল্ম ও লতায়ুক্ত পাদপ পরম্পরা উল্লিখিত পৰ্ব্বত সমস্ত আবৃত ও অলঙ্কৃত করিয়া রহিয়াছে। হে সৌমিত্রে ! এই স্থল অতিশয় প্রশস্ত, অতিশয় মনোহর এবং নানা-বিধ যুগ ও বিহঙ্গমে পরিপূর্ণ ; জটায়ুর সহিত এই স্থলেই আমরা বাস করিব।

পর-বীর-নিম্মদন, অতিশয় মহাবল লক্ষ্মণ জাতার এইপ্রকার-নিয়োগ-বশবর্তী হইয়া, অচিরকালমধ্যেই তথায় আশ্রম নির্মাণ করিলেন। তিনি শমীরক্ষের শাখাসমূহে আস্তরণ, দৃঢ়বন্ধনে বন্ধন, কুশ কাশ শর ও পত্র দ্বারা উত্তমরূপে আচ্ছাদন এবং তল-ভূমি সমান করিয়া, যে মনোহর পর্ণশালা নির্মাণ করিলেন, উহা অতিশয় বিস্তৃত ও নিরতিশয় শোভা বিশিষ্ট। এবং উহার মুক্তিকা অতিশয় সংহত ও স্তম্ভ সকল পরম সুন্দর। তিনি দীর্ঘ দীর্ঘ বংশ দ্বারা উহার বংশকার্য্য বিধান করিলেন। এই রূপে তিনি রামের জন্য, দেখিতে অতি সুন্দর অত্যুৎকৃষ্ট নিবাস রচনা করিলেন। অনন্তর তিনি গোদাবরীনদীতে গমন ও স্নান করিয়া, পদ্ম সকল চয়ন এবং পথমধ্যস্থ রক্ষ হইতে ফল আহরণ পূর্ব্বক পুনরায় সমাগত হইলেন। পরে স্বহস্তে পুষ্পোপহার প্রদান ও যথাবিধানে বাস্তবশাস্তি বিধান করিয়া, রামকে সেই আশ্রমপদ প্রদর্শন করিলেন। রঘুনন্দন রাম সীতার সহিত লক্ষ্মণের নির্ম্মিত উল্লিখিত দিব্যরূপ আশ্রমপদ নিরীক্ষণ করিয়া, পর্ণশালায় প্রবেশ পূর্ব্বক পরম প্রীতি প্রাপ্ত হইলেন। এবং নিরতিশয় হর্ষাবিষ্ট হইয়া, বাহ্যযুগলে লক্ষ্মণকে অতি স্নেহভরে গাঢ়তর আলিঙ্গন করিয়া, কহিলেন, হে কার্য্যদক্ষ ! আমি তোমার প্রতি প্রীতি হইলাম। তুমি অতি গুরুতর কার্য্য করিয়াছ। এ বিষয়ে তোমার পুরস্কার করা কর্তব্য। সেইজন্য, এই আলিঙ্গন করিলাম। হে লক্ষ্মণ ! তোমার ন্যায় ভাবজ্ঞ, কৃতজ্ঞ ও ধর্ম্মজ্ঞ পুত্র বিদ্যামানে,

ধর্ম্মাত্মা পিতা দশরথের মৃত্যু কোথায় ? তিনি নিঃসন্দেহই জীবিত আছেন । লক্ষ্মীবর্দ্ধন রাম লক্ষ্মণকে এইপ্রকার কহিয়া, পরম সুখভোগে সেই প্রচুরফলসম্পন্ন প্রদেশে বাস করিতে লাগিলেন । দেবলোকে দেবতা যেমন, সেই ধর্ম্মাত্মা রামও তেমনি তথায় কিছুকাল বাস করিলেন । সীতা ও লক্ষ্মণ সঙ্গীত ঠাঁহার অনুগত হইয়া রহিলেন ।

ষোড়শ সর্গ ।

মহানুভাব রাম তথায় সুখে বাস করিতে লাগিলেন । ঐ সময়ে শরৎ ঋতুর পর্য্যবসানে সকল-লোক-বাস্তিত হেমন্তকাল প্রাদু-ভূত হইল । তিনি একদা রাত্রিপ্রভাতে স্নান করিবার জন্য রমণীয় গোদাবরী নদীতে গমন করিলেন । বীৰ্য্যবানু জ্ঞাতা লক্ষ্মণ সীতার সহিত জলকলস হস্তে পশ্চাৎ পশ্চাৎ গমন করত, নম্রভাবে বলিতে লাগিলেন, হে প্রিয়স্বদ ! আপনি যাহায় বিশেষ অনুরক্ত, সেই হেমন্তকাল উপস্থিত হইয়াছে । হেমন্তের সমাগমে চতুর্দিকে শস্যাদি সুপক্ব হওয়াতে, এই শুভ সংবৎসর যেন অল-কার ধারণ করিয়াছে, বোধ হইতেছে । শিশিরের প্রাদুর্ভাব বশতঃ লোকমাত্রেই শরীর পরুষভাবাপন্ন এবং পৃথিবী শস্যমালায় অলঙ্কৃত হইয়াছেন । জল আর কাহাকেও ভাল লাগে না ; অগ্নিই লোকের বিশেষ প্রিয় হইয়া উঠিয়াছেন । সাধুগণ নবান্ন উপলক্ষে পূজাবিধানপূর্ব্বক দেবগণ ও পিতৃগণের বিশেষরূপ অর্চনা করিয়া, নবান্নসমাপনান্তে নিম্পাপ হইয়াছেন । জনপদ সকলে অর্থ-সমৃদ্ধির সীমা নাই এবং দধি দুগ্ধ ও ক্ষীরাদিও প্রচুর পরিমাণে প্রাপ্ত হওয়া যায় । বিজীগিষু ভূপালগণ যাত্রার জন্য তত্তৎ জনপদে বিচরণ করিতেছেন । সূর্য্য দক্ষিণ দিকে নাড়তর আসক্ত হওয়াতে, উত্তর দিক, তিলকহীন জীর ন্যায়, শোভাশূন্য হইয়াছে । ভাস্করদেব উত্তর দিক হইতে দূরবর্তী হওয়াতে, ঘনীভূত

হিমজালে স্বভাবতঃ আচ্ছন্ন হিমালয় সংপ্রতি স্পষ্টই হিমালয় এই বার্থ নাম ধারণ করিয়াছেন । দিবসে মধ্যাহ্নসময়ে বিচরণ করিলে, সুখবোধ হয় । তৎকালে আতপস্পর্শেও সুখ অনুভূত হইয়া থাকে । এইজন্য, সূর্য্য সকলেরই সুখসেব্য হইয়াছেন, এবং ছায়া ও জল এক বারেই অসেব্য হইয়া উঠিয়াছে । সূর্য্যের আর সে তেজ নাই এবং কুজ্ঝটিকা ও শীতের প্রাচুর্ভাবে দিবসের জড়তা উপস্থিত হইয়াছে । রক্ষের পত্র গলিত হওয়াতে, অরণ্য সকলও শূন্যপ্রায় এবং পদ্ম সকল হিমের আবির্ভাবে এক বারেই নষ্ট হইয়া গিয়াছে । সম্প্রতি শীতের সম্পর্কে রাত্রি অতিশয় বর্দ্ধিত ও হিমে আচ্ছন্ন হওয়াতে, ধূসরবর্ণ হইয়াছে । রাত্রিতে পুষ্যানক্ষত্র উদিত হইয়া, কিরণ বিকিরণ দ্বারা আলোক বিতরণ করে এবং আর কেহই অনারত স্থানে শয়ন করে না । নিশ্বাস-মলিন দর্পণ যেমন প্রকাশ পায় না, সেইরূপ, সুখসেব্যতাদি সমুদায় সৌভাগ্য সূর্য্যে সংক্রমিত ও মণ্ডল-প্রদেশে তুষারসম্পর্কে ধূসরবর্ণ হওয়াতে, চন্দ্রেরও আর সে দীপ্তি নাই । হিমের আবির্ভাবে মলিন হওয়াতে, জ্যোৎস্না আর পৌর্ণমাসী নিশীথিনীতেও ক্ষুণ্ণমতী হয় না, এবং আতপপ্রভাবে নিতান্ত বিবর্ণা সীতার ন্যায়, সত্ত্বামাত্রে পরিণত হইয়াছে ; আর ইহার সে শোভা নাই । স্বভাবতঃ শীতলস্পর্শ পাশ্চাত্য সমীরণ সম্প্রতি হিমে আচ্ছন্ন ও তৎপ্রযুক্ত দ্বিগুণ শীতল হইয়া, প্রবাহিত হইতেছে । অরণ্য সকল যব ও গোধূমে পূর্ণ হইয়াছে, সূর্য্য উদিত হইলে, বাষ্পভারে সমাচ্ছন্ন এবং শব্দায়মান সারস ও ক্রৌঞ্চসমূহে পরিব্যাপ্ত হইয়া, শোভা বিস্তার করিয়া থাকে । ফলভারে ঈষৎ নম্র স্বর্ণবর্ণ শালিসমূহ, ঋজুরপুষ্পের ন্যায়, 'আকারসম্পন্ন তণ্ডুলপূর্ণ মন্তকপরম্পরায় নিরতিশয় বিরাজমান হইতেছে । ইত্যন্তঃ সুবিস্তৃত ময়ূখমালা হিম ও নীহারে সমাচ্ছন্ন হওয়াতে, সর্কীবয়বে সমুদিত সূর্য্য-মণ্ডলও চন্দ্রের ন্যায়, লক্ষিত হইয়া থাকে । রৌদ্রের তেজ পূর্ক্সে প্রায়ই থাকে না, মধ্যাহ্নে স্পর্শ করিলে সুখবোধ হয় ।

এবং বর্ণ দ্বয় পাণ্ডু হওয়াতে, পৃথিবীতে সংস্কৃত হইয়া, উহার শোভা প্রাদুর্ভূত হইয়া থাকে । শিশিরবিন্দুর নিপতনে হরিদ্বর্ণ তৃণশ্রী দ্বয় আর্দ্র হইয়া উঠিয়াছে । তাহাতে, তরুণাতপ প্রতিকলিত হওয়াতে, বনভূমির শোভার সীমা নাই । অরণ্যচর হস্তী নিতান্ত পিপাসিত হইয়া, সুবিপুল শীতল সলিল স্পর্শমাত্র তৎক্ষণাৎ শুণ্ড সংকোচ করিয়া থাকে । ভীরুস্বভাব পুরুষ যেমন রণস্থলে প্রবেশ করে না, সেইরূপ, ঐ জলচর বিহঙ্গমসমূহ জলসমীপে উপবিষ্ট রহিয়াছে, কোন মতেই সলিলে অবগাহন করিতেছে না । বনরাজি একে ত পুষ্পশূন্য, তাহাতে আবার, রাত্রিতে শিশির ও অন্ধকারে আচ্ছন্ন এবং প্রভাতে কুজ্ঝটিকাতিমিরে গাঢ়-বিদ্ধ হওয়াতে, যেন ঘুমাইয়া রহিয়াছে, বোধ হয় । সমুদায় সলিল বাষ্পভারে আচ্ছন্ন, পুলিনদেশের ঝালুকারাশি হিমে আর্দ্রভাবাপন্ন এবং যে সকল সারস বিচরণ করিতেছে, তাহাদিগকে কেবল শব্দ দ্বারাই জানিতে পারা যায়, এইপ্রকার অবস্থা উপস্থিত হওয়াতে, নদী সকলের শোভাবিশেষ প্রাদুর্ভূত হইয়াছে । ভূষাররাশি নিপতিত ও সূর্য্যের তেজ মন্দীভূত হওয়াতে, শৈত্যবশতঃ পর্ব্বতের শিখরভাগস্থ জলও প্রায় সুরস হইয়া উঠিয়াছে । জরাবশতঃ পত্র সকল নিৰ্গলিত, কেশর ও কর্ণিকা সকল বিলীর্ণ ; এবং হিমের আবির্ভাবে ক্ষয়দশা উপস্থিত হওয়াতে, কমল সকল নালমাত্রে অবশিষ্ট হইয়া, আর কোন মতেই শোভা পাইতেছে না ।

হে পুরুষব্যাজ ! এই দারুণ হেমন্তকালে ধৰ্ম্মাত্মা ভরত আপনার প্রতি ভক্তিবশতঃ নগরে থাকিয়াও, দুঃখভারবহনপূৰ্ব্বক তপশ্চরণে প্ররুত হইয়াছেন এবং রাজ্য, মান ও বহুবিধ রাজভোগ ত্যাগ করিয়া, আহারসংযমপূৰ্ব্বক তপস্বী হইয়া, সুশীতল মহীতলে শয়ন করিয়া থাকেন । তিনিও নিশ্চয় প্রতিদিন এই সময়ে নিরালস্য ও প্রকৃতিগণে বেষ্টিত হইয়া, সরযুনদীতে স্নান করিতে গমন করেন । তিনি স্বভাবতঃ সুকুমার ও পরম সুখে সংবাসিত

হইয়াছেন। কিরূপে ক্ষীণে অভিভূত হইয়া, শেষরাত্রে সরস্বতী নদীতে অবগাহন করেন! তাঁহার লোচনযুগল পদ্মপত্রের ন্যায় আয়ত, বর্ণ শ্যাম, সৌন্দর্যের সীমা নাই, উদর নাতিশূল, আকার প্রকার মাহাত্ম্যব্যঞ্জক, স্বভাব মধুর এবং তাঁহার বাহু আঙ্গুল-লব্ধিত। তিনি ইন্দ্রিয় সকল জয় করিয়াছেন, ধর্মের মর্ম অবগত আছেন, সত্য কথা বলিয়া থাকেন, সকলকেই প্রিয়বাক্যে সম্ভাষণ করেন, অরাতিদিগকে দমন করিয়াছেন এবং লজ্জাবশতঃ কোনরূপ গর্হিত-অনুষ্ঠানে প্রবৃত্ত হইবেন না। তিনি সমুদায় ভোগ-সুখ ত্যাগ করিয়া, সর্কাস্তঃকরণে আপনাকেই আশ্রয় করিয়াছেন। এই রূপে ভবদীর ভ্রাতা মহাত্মা ভরত তাপসধর্ম অবলম্বন পূর্বক, বনবাসী হইলেও আপনার আনুগত্য করিয়া, স্বর্গ জয় করিয়াছেন। মনুষ্য পিতার স্বভাব প্রাপ্ত হয় না, মাতৃস্বভাবেরই অনুবর্তন করে, এই যে লোকপ্রবাদ প্রচলিত আছে, ভরত তাহার অন্যথা করিলেন। কিন্তু রাজা দশরথ ষাঁহার স্বামী এবং সাধুশীল ভরত ষাঁহার পুত্র, সেই জননী কৈকেয়ী কি রূপে ক্রুরবুদ্ধি হইলেন।

দার্শনিক লক্ষণ ভ্রাতৃস্নেহবশংবদ হইয়া, এইপ্রকার বাক্য-প্রয়োগে প্রবৃত্ত হইলে, রাম, জননী কৈকেয়ীর সেই নিন্দাবাদ সহ্য করিতে না পারিয়া, কহিতে লাগিলেন, তাত! মধ্যমা মাতা কৈকেয়ীর নিন্দা করা কোন রূপেই তোমার উচিত হয় না। তুমি কেবল ইক্ষ্বাকুনাথ ভরতেরই গুণের কথা সকল কীর্তন কর। যদিও আমার বুদ্ধি একমাত্র বনবাসেই নিশ্চিত ও দৃঢ়ত্ব হইয়াছে, তথাপি ভরতের স্নেহে সন্তপ্ত হইয়া, চঞ্চল হইয়া থাকে। ভরতের প্রিয়, মধুর, হৃদয়ের অমৃত স্বরূপ ও মনের আচ্ছাদজনক কথা সকল আমার মনে পড়িতেছে। না জানি, কতদিনে আবার মহাত্মা ভরত ও বীর শত্রুঘ্নের সহিত মিলিত হইব।

কাকুৎস্থ রাম এইপ্রকার বিলাপ করিতে করিতে, ভ্রাতা ও ভাৰ্য্যার সহিত গোদাবরীতে গমন পূর্বক স্নান করিলেন। অনন্তর

সকলে গোদাবরীসলিলে পিতৃদেবগণের তর্পণ করিয়া, সমুদিত সূর্য্যমণ্ডল ও দেবগণের স্তব সমাধা করিলেন । ভগবান্ ভবদেব ভগবতী পার্শ্বতী ও নন্দির সহিত স্নানান্তে যেষ্রকার বিরাজমান হন, সীতা ও লক্ষ্মণের সহিত কৃতস্নান হইয়া রামও সেইরূপ শোভাধারণ করিলেন ।

সপ্তদশ সর্গ ।

অনন্তর রাম, সীতা ও লক্ষ্মণ সকলে স্নান করিয়া, গোদাবরী-তীর হইতে স্বকীয় আশ্রমে প্রত্যাগমন করিলেন । রাম আশ্রমে আসিয়া লক্ষ্মণের সহিত প্রাতঃকৃত্যসমাপনান্তে পর্ণশালায় প্রবেশ করিলেন । এবং মহর্ষিগণ কর্তৃক পূজ্যমান হইয়া, তথায় সুখে বাস করিতে লাগিলেন । তৎকালে সীতার সহিত পর্ণশালায় আসীন হওয়াতে, মহাবাক্ত রাম, চিত্রাসমেত চন্দ্রের ন্যায়, বিরাজমান হইলেন । অনন্তর তিনি ভ্রাতা লক্ষ্মণের সহিত নানা প্রকার কথোপকথন আরম্ভ করিলেন । এই রূপে তিনি উপবেশনপূর্ব্বক এক মনে কথাবার্ত্তায় প্রযুক্ত আছেন, এমন সময়ে কোন রাক্ষসী যদৃচ্ছাক্রমে তথায় সমাগত হইল । ঐ রাক্ষসী রাবণের ভগিনী, নাম শূর্ণ-নখা । সে আসিয়া সাক্ষাৎ দেবতার ন্যায়, রামকে দর্শন করিল । দেখিল, তাঁহার মুখমণ্ডল অতিশয় উল্লসিত, বাহু আজানুলম্বিত, লোচনযুগল কমলদলের ন্যায় আয়ত, গতি মদমত্ত মাতঙ্গবৎ মৃদুমন্দ, মস্তক জটামণ্ডলে মণ্ডিত, অঙ্গ প্রত্যঙ্গ অতিশয় কোমল, বল বিক্রম অসীম, শরীর রাজলক্ষণে লক্ষিত, বর্ণ নীলপদ্মের ন্যায় শ্যাম ও প্রভা কন্দর্পের সদৃশ । সাক্ষাৎ ইন্দ্রের ন্যায় রামকে দর্শন করিয়া, রাক্ষসী কামে মোহিত হইল । রামের মুখমণ্ডল পরম সুন্দর, রাক্ষসীর মুখ অতি কদাকার ; রামের মধ্যদেশ গোলাকার, রাক্ষসীর উদর অতি বৃহৎ ; রামের লোচনযুগল বিশাল, রাক্ষসীর নয়ন অতি কুৎসিত ; রামের আচার ব্যবহার ন্যায়সদৃশ,

স্বাধীন ।

রাক্ষসীর অতি জঘন্য ; রামের কেশকলাপ সূচিক্ত, রাক্ষসীর কেশ তাম্রবর্ণ ; রামের রূপ দেখিতে অতি মনোহর, রাক্ষসীর রূপ নিতান্ত কদর্য ; রামের স্বর অতি মিষ্ট, রাক্ষসীর নিতান্ত কঠোর ও ভয়ঙ্কর ; রামের প্রকৃতি অতি কোমল, রাক্ষসীর প্রকৃতি অতি কঠিন ; রাম যুবা, রাক্ষসী বৃদ্ধা ; রাম অতি মিষ্টভাষী, রাক্ষসী নিতান্ত কৰ্কশভাষিণী, এবং রাম দেখিতে যেমন সুন্দর, রাক্ষসী দেখিতে তেমনি কুৎসিত । সে নিতান্ত কামাতুর হইয়া, রামকে কহিল, এই স্থানে রাক্ষসেরা বাস করে । তুমি শর ও শরাসন ধারণ পূৰ্ব্বক জটায়ুর তাপসবেশে স্ত্রীর সহিত কি জন্য এখানে আসিয়াছ ? তোমার উদ্দেশ্য কি, যথাঞ্চ করিয়া বল ।

পরম্পর রাম স্বভাবতঃ সরলবুদ্ধি । রাক্ষসী শূৰ্পণখার এই কথা শুনিয়া, কিছুমাত্র গোপন না করিয়া, সমুদায় ঘটনা বলিতে আরম্ভ করিলেন । কহিলেন, মাৰ্কাৎ দেবতার ন্যায় বিক্রমবিশিষ্ট দশরথ নামে রাজা ছিলেন । আমি তাঁহার জ্যেষ্ঠ পুত্র, আমার নাম লোকবিখ্যাত রাম । আর, ইহার নাম লক্ষ্মণ । ইনি আমার পরম অনুগত কনিষ্ঠ ভ্রাতা । এবং এই বিদেহনন্দিনী আমার ভার্য্যা । ইনি সীতা নামে বিখ্যাতা । পিতা ও মাতার নিম্নোক্ত পরতন্ত্র হইয়া, ধৰ্ম্মলাভপ্রত্যাশায় ধৰ্ম্মরক্ষানুরোধে বনে বাস করিবার জন্য আমি এই প্রদেশে সমাগত হইয়াছি । এক্ষণে তোমার পরিচয় জানিতে ইচ্ছা হইতেছে । তুমি কে, কাহার পুত্রী, এবং কাহারই বা পরিগ্রহ ? হে মনোজ্ঞাঙ্গি ! আমার ত তোমায় রাক্ষসী বলিয়া বোধ হইতেছে । তুমিই বা কিনিমিত্ত এখানে আসিলে, সত্য করিয়া বল ।

শূৰ্পণখা কামে অভিভূত হইয়াছিল । এই কথা শুনিয়া, বলিতে লাগিল, রাম ! আমার বাক্যে কর্ণপাত কর । আমি সত্য বলিতেছি । আমি শূৰ্পণখানাম্নী কামরূপিণী রাক্ষসী । সকলের ভয়োৎপাদনপূৰ্ব্বক একাকিনী এই অরণ্যনীতে বিচরণ করিয়া

থাকি । আমার জাতার নাম রাবণ । বোধ হয়, তুমি তাঁহার কথা শুনিয়া থাকিবে । আমার অপর দুই জাতার নাম কুম্ভকর্ণ ও বিভীষণ । কুম্ভকর্ণ অতিশয় বলশালী এবং সৰ্বদাই দীৰ্ঘনিদ্রায় যাপন করেন । আর, বিভীষণ পরম ধার্মিক । তাঁহার ব্যবহার রাক্ষসের মত নহে । খর ও দুষণ এই দুইজন্মও আমার জাতা । ইহাদের যুদ্ধবিক্রম সবিশেষ বিখ্যাত । রাম ! তুমি সকল পুরুষের শ্রেষ্ঠ । তোমায় প্রথম দেখিয়া অবধিই আমি তাহাদের সকলকেই অতিক্রম করিয়া, মনে মনে তোমাকে স্বামিরূপে আশ্রয় করিয়াছি । আমার অতিশয় প্রভুতা আছে এবং ইচ্ছা ও বলপূৰ্ব্বক আমি সৰ্ব্বত্রই গমন করিয়া থাকি । অতএব তুমি চিরকালের জন্য আমার স্বামী হও । সীতাকে লইয়া আর কি করিবে ? ইহার রূপ ও স্বভাবাদি সমুদায়ই অতি কুৎসিত । কোন মতেই তোমার যোগ্য নহে । আমিই তোমার রূপবতী মদুশী ভার্যা । আমার প্রতি দৃষ্টিপাত কর । এই সীতার রূপ নাই, সতীত্ব নাই, উদর গর্ভপ্রায় এবং আকার প্রকারও নিতান্ত ভয়াবহ । আমি তোমার এই জাতার সহিত এই মানুষী সীতাকে ভক্ষণ করিব । তুমি কামপরবশ হইয়া, আমার সহিত বিরোধ বন ও পৰ্ব্বতশৃঙ্গ দর্শন করত দণ্ডকারণ্যে বিচরণ করিবে ।

বাগ্‌বিন্যাস-বিশারদ ককুৎস্থনন্দন রাম এই কথা শুনিয়া, উঠেঃস্বরে হাস্য করিয়া, মদিরলোচনা শূৰ্পণখাকে বলিতে আরম্ভ করিলেন ।

— * —

অষ্টাদশ সর্গ ।

শূৰ্পনখা কামপাশে নিতান্ত বদ্ধ হইয়াছিল । রাম পরিহাস-বাসনায় স্নিতপূৰ্ণ স্নমধুর বাক্যে তাহাকে কহিলেন, অগ্নি কল্যাণি ! আমি দারপরিগ্রহ করিয়াছি । এই সীতা আমার প্রিয়তমা ভার্যা । তোমার ন্যায় রমণীগণের সপত্নী থাকা নিতান্ত দুঃখের

বিষয় । ইনি আমার কনিষ্ঠ ভ্রাতা, নাম লক্ষণ । ইনি সচ্চরিত্র, শ্রীমান্, শ্রিয়দর্শন ও বীৰ্য্যবান্ । ইহঁার দারপরিগ্রহ নাই এবং পূর্বেও কখন ভার্য্যাসুখসম্ভোগ হয় নাই । এইজন্য ইনি ভার্য্যার্থী হইয়াছেন । বিশেষতঃ, ইনি যুবা, অতএব, তোমার এই রূপের অনুরূপ পতি হইবেন । হে বিশালাক্ষি ! সূর্য্যপ্রভা যেমন সূর্যের সহচরী হয়, তুমিও তেমনি আমার এই ভ্রাতাকে স্বামিরূপে সেবা কর । অগ্নি বরারোহে ! ইহঁার পত্নী হইলে, সম্প্রতি তোমার সপত্নীর আশঙ্কা থাকিবে না ।

রাক্ষসী কামে জ্ঞানশূন্য হইয়াছিল । রামের এই কথা শুনিয়া, তাঁহাকে ত্যাগ করিয়া, তৎক্ষণাৎ লক্ষণকে গিয়া বলিতে লাগিল, আমি সুন্দরী রমণীকুলের রত্নস্বরূপা, অতএব, তোমার এই রূপের অনুরূপ ভার্য্যা । তুমি আমার সহিত সুখে সমুদায় দণ্ডক-কানন বিচরণ করিবে ।

সুমিত্রাসুত লক্ষণ সাতিশয় বাগ্বিন্যাস-বিশারদ । তিনি রাক্ষসীর এই কথায় মৃদুমন্দ হাস্য করিয়া, যুক্তিযুক্ত বাক্যে তাহাকে কহিলেন, আমি দাস । অতএব, তুমি আমার ভার্য্যা হইয়া, কিরূপে দাসী হইতে অভিলাষিণী হইয়াছ ? অগ্নি অমলবর্ণিনি ! আমি এই জ্যেষ্ঠ ভ্রাতা রামের দাসত্বে নিযুক্ত আছি । হে বিশালাক্ষি ! এই রাম সকল লোকের পূজনীয় এবং সর্বতোভাবেই সিদ্ধকাম । অতএব হে অমল-বর্ণিনি ! তুমি ইহঁারই কনিষ্ঠা সহ-ধর্ম্মিণী হও । তাহা হইলে, তোমার অভীষ্টসিদ্ধি ও নিরতিশয় শ্রীতি অনুভূত হইবে । ইহঁার এই ভার্য্যা রক্ষা হইয়াছেন । ইহঁার রূপ নাই, সতীত্ব নাই, উদর অত্যন্ত নিম্ন এবং স্বভাব অতি ভয়ঙ্কর । অতএব ইনি এই ভার্য্যাকে পরিত্যাগ করিয়া, তোমাকেই ভজনা করিবেন । অগ্নি বরবর্ণিনি ! অগ্নি বরারোহে ! কোন ব্যক্তি সবিশেষ জানিয়া শুনিয়াও, তোমার এই শ্রেষ্ঠ রূপে অনাদর পূর্ব্বক মানুষীতে আসক্ত হইতে পারে ?

লক্ষণ এইপ্রকার কহিলে, অত্যন্ত নিম্নোদরী সর্বলোক-ভয়ঙ্করী

নিশাচরী শূর্ণগা, পরিহাসবিষয়ে অনভিজ্ঞতা প্রযুক্ত, তাঁহার কথা সত্য বলিয়া বোধ করিল। অনন্তর সে কামে মোহিত হইয়া, পর্ণশালায় সীতার সহিত উপবিষ্ট শত্রুদমন দুর্দ্ধৰ্ষ রামকে কহিতে লাগিল, তুমি এই রুদ্ধা, বিরূপা, নিম্নোদরী, ভয়ঙ্করী, অসতী স্ত্রীকে আশ্রয় করিয়া, আমাকে বহুমান করিতেছ না। অতএব তোমার সমক্ষেই এই মুহূর্ত্তে আমি এই মানুষীকে ভক্ষণ করিব এবং শত্রুহীন হইয়া, যথাস্থে তোমার সহিত বিচরণ করিব। এই বলিয়া, প্রজ্বলিত-অঙ্গার-সদৃশ-লোচনশালিনী নিশাচরী নিতান্ত ক্রুদ্ধ হইয়া, মৃগ-শাবক-লোচনা সীতার অভিমুখে ধাবমান হইল; বোধ হইল, মহোক্ষা যেন রোহিণীর সম্মুখে গমন করিতেছে। মহাবল রাম সাক্ষাৎ যমপাশের ন্যায়, তাহাকে আসিতে দেখিয়া রোষভরে নিগৃহীত করত, লক্ষ্মণকে কহিলেন, সৌমিত্রে! তুর-স্বভাব অনাধ্যগণের সহিত পরিহাস করাও কোনরূপে কর্তব্য হয় না। দেখ, এই পরিহাস প্রযুক্তই জানকীর জীবনসংশয় হইয়া উঠিয়াছে। হে পুরুষব্যাজ! এক্ষণে তুমি এই অতিমত্তা মগোদরী বিরূপা রাক্ষসীকে আরও বিরূপ করিয়া দাও। মহাবল লক্ষ্মণ এই কথায় ক্রুদ্ধ হইয়া, খড়্গা উত্তোলন করিয়া, রামের সমক্ষেই রাক্ষসীর নাসা কর্ণ ছেদন করিয়া দিলেন। নাসাকর্ণ ছিন্ন হওয়াতে, ঘোরশ্রাবা রাক্ষসী কঠোরস্বরে চীৎকার করিয়া, যেখান হইতে আসিয়াছিল, সেই অরণ্যভিমুখে দ্রুতপদে ধাবমান হইল। তাহার সর্কশরীর শোণিতে অভিষিক্ত এবং নাসাকর্ণ অভাবে বিরূপ হওয়াতে, তাহার মূর্ত্তি আরও ঘোরতর হইয়াছিল। সেই অবস্থায় সে বর্ষাকালীন জলধরের ন্যায়, বিবিধ নাদে শব্দ করিতে লাগিল। অনন্তর সে বাহু উদ্যত করিয়া, বেগভরে রুদ্রি-রাশি বর্ষণ ও গর্জন করিতে করিতে, মহাবনে প্রবেশ করিল। তথায় প্রবেশ করিয়া, সেই বিরূপিত বশে, রাক্ষসগণে পরিবেষ্টিত জনস্থানবাসী অতিমাত্র তেজস্বী ভাতা খরের সমীপস্থ হইয়া, আকাশদ্রষ্ট বজ্রের ন্যায়, ভূমিতে পতিত হইল। ভয়ে

ও মোহে তাহার জ্ঞানচৈতন্য রহিত হইয়াছিল। সে রক্তাক্ত-
দেহে ভূমিতে পতিত থাকিয়া, খরের নিকটে জ্ঞাতা ও ভাৰ্য্যার
সহিত রামের অরণ্যে আগমন এবং আপনার নাসাকর্ণ ছেদন
ঘটনা সমুদায় বর্ণন করিল।

উনবিংশ সর্গ।

ভগিনী বিরূপ বেশে, শোণিতাক্ত কলেবরে, উক্ত একারে
আসিয়া পতিত হইল দেখিয়া খর ক্রোধে উষ হইয়া জিজ্ঞাসা
আরম্ভ করিল। কহিল, গাত্রোখান কর, বৃত্তান্ত বল; মূর্ছা ও
চিত্ত চাঞ্চল্য পরিত্যাগ কর; স্পষ্ট করিয়া বল, কে তোমাকে
এরূপে বিরূপ করিয়াছে। কোন্ ব্যক্তি গম্মুখস্থিত বন্ধমণ্ডল
নিরপরাধী দম্ভ-বিষ ক্লেশসৰ্পকে ক্রীড়াচ্ছলে অঙ্গুলি দ্বারা পীড়ন
করিতেছে। আজ তোমাকে পাইয়া যে ভীষণ বিষ পান করি-
য়াছে; সে অজ্ঞানবশতঃ বুঝিতে পারে নাই, যে সে কঠে কাল-
পাশই বন্ধন করিয়াছে। বলবিক্রমশালিনী, কামগাগিনী, কাম-
রূপিণী অন্তকসমা তুমি কাহার নিকটে গমন করিয়াছিলে, যে
তোমার এই দশা করিয়াছে। দেব, গন্ধৰ্ব্ব, ভূত ও মহাত্মা
ঋষিগণের মধ্যে কোন্ ব্যক্তির এত অধিক বীৰ্য্য, যে তোমাকে
বিরূপ করিয়াছে। দেবগণ মধ্যে পাকশাসন সহস্রলোটন মহেশ্বর
ভিন্ন, ব্রহ্মাও মধ্যে আমি এরূপ কাহাকেও দেখি না যে আমার
অনিষ্ট করে। হংস যেমন সলিল হইতে মিশ্রিত দুগ্ধ আকর্ষণ
করে, আজ আমি তেমনি জীবিতনাশক সায়কসমূহ দ্বারা তাহার
প্রাণ হরণ করিব। যুদ্ধে মৎকর্তৃক নিহত বাণ দ্বারা ছিন্নগর্ম্ম কোন্
ব্যক্তির সফেন রুধির পৃথিবী পান করিতে ইচ্ছা করিয়াছেন?
পক্ষী সকল একত্রিত হইয়া রণে মৎকর্তৃক নিহত কোন্ ব্যক্তির
মাংস আনন্দে ছিন্ন করিয়া ভক্ষণ করিবে? আমি যুদ্ধে বাহাকে
সংহার করিতে ইচ্ছা করিব, সেই হতভাগ্যকে কি দেবতা, কি

গন্ধর্ব্ব, কি পিশাচ, কি রাক্ষস, কেহই পরিজ্ঞাণ করিতে পারিবে না । এক্ষণে তুমি অল্পে অল্পে চেতনা লাভ করিয়া আমাকে বল, কোন্ অহঙ্কৃত ব্যক্তি বিক্রম প্রকাশ করিয়া, তোমাকে পরাজয় করিয়াছে ।

• জাতার উক্ত বাক্য শ্রবণ করিয়া, এবং সে বিশেষ জুড় হইয়াছে জানিয়া, শূর্ণগথা কাদিতে কাদিতে কহিল, দশরথের পুত্র রাম ও লক্ষ্মণ নামে দুই জাতা । তাহারা দুইজনেই যুবা, রূপবান্, কোমলদেহ এবং মহাবললম্পন্ন । তাহাদিগের লোচন-পদ্মের ন্যায় আয়ত, পরিধান চীর ও কৃষ্ণাজিন । তাহারা ফল মূল আহাৰ করত জিতেজ্জিয় তাপসবেশে ধর্ম্মাচরণ করিতেছে । কিন্তু দেখিলে দুইজনকে গন্ধর্ব্বরাজের তুল্য বোধ হয় ; রাজচিহ্ন দুইজনেই লক্ষিত হইতেছে । তাহারা দুইজনে দেব কি দানব, স্থির করিতে পারি না । আমি দেখিয়াছি, ঐশ্বানে তাহাদিগের দুই জনের সমভিব্যাহারে এক রূপবতী সর্কাদর-ভূষিতা, ক্ষীণমধ্যা তরুণী রমণী আছে । ঐ নারীর অনুরোধে একের আজ্ঞায় আর একজন অনাথা কুলটার ন্যায় আমার এই অবস্থা করিয়াছে । আমি খলস্বভাবা সেই নারীর এবং অল্পাষু সেই দুইজনের সফেন রুধির রণস্থলে পান করিতে ইচ্ছা করি । আমার প্রথম ইচ্ছা এই ; তোমাকে এই ইচ্ছা সফল করিতে হইবে ; আমি রণস্থলে সেই নারীর ও সেই দুই জনের রুধির পান করিব ।

শূর্ণগথা এই কথা কহিলে পর, খর জুড় হইয়া অন্তকোপম চতুর্দশ মহাবল রাক্ষসকে আজ্ঞা করিল, শ্রদ্ধাধারী, চীর ও কৃষ্ণাজিনবাসী দুইজন মানুষ প্রমদা সমভিব্যাহারে ঘোর দণ্ডকারণে প্রবেশ করিয়াছে । তাহাদিগের দুইজনকে সংহার করিয়া সেই প্রমদাকে আনয়ন করিবে ; আমার এই ডগিনী তাহাদিগের রুধির পান করিবে । হে রাক্ষসগণ ! তোমরা শীঘ্র গমন করত নিজ ভেজে সেই দুইজনকে সংহার করিয়া, আমার

ভগিনীর এই অভীষ্ট মনোবাসনা পূর্ণ কর । তোমরা ভাহাদিগের দুই ভাতাকে সমরে সংহার করিয়াছ, দেখিলে, এই ভগিনী অতিশয় হৃষ্ট ও তুষ্ট হইয়া যুদ্ধস্থলে রুধির পান করিবে ।

এইপ্রকার আজ্ঞা পাইয়া, ঐ চতুর্দশ রাক্ষস, পবনচালিত মেঘের ন্যায়, শূর্ণখাসমভিব্যাহারে ঐস্থানে যাত্রা করিল ।

— • —

বিংশ সর্গ ।

অনন্তর ঘোরা শূর্ণখা রাঘবের আশ্রমে উপস্থিত হইয়া রাক্ষসদিগকে সীতাসমভিব্যাহারী দুই ভাতাকে দেখাইয়া দিল । তাহারা দেখিল, মহাবল রাম পর্ণশালা মধ্যে উপবেশন করিয়া আছেন । সীতা ও লক্ষ্মণ তাঁহার পরিচর্যা করিতেছেন ।

এদিকে ক্রীমান্ রঘুনন্দন ঐ সকল রাক্ষসদিগকে উপস্থিত দেখিয়া দীপ্ততেজা ভাতা লক্ষ্মণকে কহিলেন, সৌমিত্রে ! মুহূর্ত্তকাল সীতার নিকটে আসিয়া দাঁড়াও । এই সকল রাক্ষস ইহাঁরই লোভে আমাদিগকে বধ করিতে আসিয়াছে, আমি ইহাদিগকে সংহার করিব ।

তখন লক্ষ্মণ জিতেজ্জিয় রামের বাক্য শ্রবণ করিয়া, যে আজ্ঞা বলিয়া, বাক্যানুসারে কার্য্য করিলেন । এদিকে ধর্ম্মাজ্ঞা রামচন্দ্রও সুবর্ণবিভূষিত মহাধনুতে জ্যা রোপণ করিলেন এবং ঐ সকল রাক্ষসকে কহিলেন, আমরা দুই ভাতা রাম লক্ষ্মণ দশরথের পুত্র, সীতা সমভিব্যাহারে দুষ্চর দণ্ডকারণ্যে প্রবেশ করিয়াছি ; কলমূল আহার করিয়া জিতেজ্জিয় তাপসরূপে ধর্ম্মাচরণ করত দণ্ডকারণ্যে বাস করিয়া থাকি, তোমরা আমাদিগের হিংসা কর কেন ? তোমরা পাপপ্রকৃতি, মহাবনে ঋষিদিগের অপকার করিয়া থাক । আমি ঋষিদিগের নিয়োগক্রমে তোমাদিগকে বিনাশ করিবার জন্য ধনুর্হস্তে আগমন করিয়াছি । সন্তুষ্ট হইয়া ঐস্থানেই অবস্থিতি কর ; আর অগ্রবর্তী হইতে সাহস

করিও না । নিশাচরগণ ! যদি প্রাণে তোমাদিগের প্রয়োজন থাকে, তাহা হইলে ফিরিয়া যাও ।

ব্রহ্মঘাতী শূলপাণি সংরক্তলোচন পরুষভাবী ভীষণ ঐ চতুর্দশ রাক্ষস তাঁহার ঐ বাক্য শ্রবণ করিয়া সাতিশয় জুঁক হইল, এবং তখনও রামের পরাক্রম দর্শন করে নাই, এইজন্য স্রষ্ট পুষ্ট হইয়া সংরক্তলোচন মধুরভাবী রামকে কহিল, তুমি আমাদিগের অদিপতি স্রুমহাত্মা খরের ক্রোধোৎপাদন করিয়াছ ; অতএব এখনই যুদ্ধে আমাদিগের দ্বারা নিহত হইয়া তোমাকে প্রাণ পরিত্যাগ করিতে হইবে । তুমি একাকী আর আমরা বহু ; অতএব রণস্থলে যুদ্ধ করা দূরে থাকুক, রণে আমাদিগের সম্মুখে দণ্ডায়মান হইতেই বা তোমার কি শক্তি আছে ? আমাদিগের এই সমস্ত বাহনিসমৃদ্ধ পরিষ, শূল ও পাউশ দ্বারা আহত হইয়া তোমাকে প্রাণ, বীৰ্য্য ও করম্বত ধনু ত্যাগ করিতে হইবে ।

ঐ চতুর্দশ রাক্ষস এই কথা কহিয়া সাতিশয় জুঁক হইয়া শূল ও অন্যান্য অস্ত্র শস্ত্র উদ্যত করিয়া রামের প্রতি ধাবিত হইল । এবং ঐ সকল চুর্জয় শূল রামের উপর নিক্ষেপ করিল । রাম ঐ চতুর্দশ শূলই চতুর্দশসংখ্যক কাঞ্চনভূষিত শর দ্বারা ছেদন করিয়া ফেলিলেন । তদনন্তর মহাতেজা, সূর্য্যসমিভ রাক্ষসগণের প্রতি দৃষ্টি নিক্ষেপ করিয়া সাতিশয় জুঁক হইয়া ধনুরানয়ন পূর্ব্বক শিলাশাণিত্ত বাণ সকল যোজনা করত ইন্দ্র যেমন বজ্র নিক্ষেপ করেন, তেমনি লক্ষ্য উদ্দেশ করিয়া নিক্ষেপ করিলেন । ঐ সকল বাণ বেগে রাক্ষসগণের বক্ষ বিদারণ করত রূপিদের আগ্রুত হইয়া বক্ষীকমধ্য হইতে মৰ্ণগণের ন্যায় ভূমিতে পতিত হইল । রাক্ষসগণও ঐ সকল বাণ দ্বারা বক্ষস্থলে বিদ্ধ, শোণিতে স্নাত, বিরুদ্ধ ও বিগতপ্রাণ হইয়া, ছিন্নমূল বৃক্ষ সকলের ন্যায়, ধরত্বীতলে পতিত হইল । তাহাদিগকে পতিত দেখিয়া রাক্ষসী শূৰ্ণগণা কোপে মুগ্ধিত হইয়া খরের নিকটে গমন করিয়া পুনরায় কবীরজ্যে পতিত হইল ; তখন তাহার গাত্রে রক্ত কিঞ্চিৎ শুষ্ক হইয়াছিল ;

অতএব সে সনির্ব্যাস লতার ন্যায় লক্ষিত হইতেছিল। রাক্ষসী ভাতার সমীপে শোকে কাতর হইয়া ঘোর চীৎকার করিল, এবং বিবর্ণ মুখে সম্বরে ক্রন্দন করিতে লাগিল।

খরের ভগিনী শূর্ণগা রাক্ষসদিগকে নিপতিত দর্শন করত বেগে দৌড়িয়া আসিয়া নিবেদন করিল, রাক্ষসগণ সকলেই বিনষ্ট হইয়াছে।

একবিংশ সর্গ।

শূর্ণগা রুংশের মূর্তিমান্ অনর্থরূপে পুনরায় আসিয়া পতিত হইল, দেখিয়া, খর ক্রোধভরে পুনর্বার স্পষ্টাভিধানে বলিতে লাগিল, আমি তোমার প্রিয়ানুষ্ঠাননিমিত্ত মাংসাশী বীর রাক্ষসদিগকে সম্প্রতি নিযোজিত করিয়াছি; তবে তুমি কিজন্য আবার রোদন করিতেছ? - ঐ সকল রাক্ষস আমার ভক্ত, অনুরক্ত ও লক্ষ্যদায়ী হিতকারী, হন্যমান হইয়াও কোন মতে নিহত হয় না এবং সর্কাস্তঃকরণে আমার আজ্ঞা পালন করিয়া থাকে। অতএব, যেজন্য তুমি পুনরায়, হা নাথ, বলিয়া চীৎকার করত, সর্পের ন্যায়, ক্ষতিতলে লুণ্ঠিত হইতেছ, সেই কারণ কি, শুনিতে অভিলাষ করি। আমি রক্ষাকর্তা থাকিতে, তুমি কিজন্য অন্যথের ন্যায়, বিলাপ করিতেছ? গাত্রোথান কর, গাত্রোথান কর এবং শোকব্যাকুলতা পরিহার কর।

খর এইপ্রকার কহিয়া, বিশেষরূপে সাস্তুনা করিলে, দুর্জয় শূর্ণগা নেত্রমার্জ্জন পূর্বক তাহাকে কহিতে লাগিল, আমার নামাকর্ষ উভয়ই গিয়াছে। এবং সর্কশরীর শোণিতভারে নিতান্ত আর্দ্র হইয়াছে। এই অবস্থায় আমি পূর্বের ন্যায় পুনরায় তোমার সমীপস্থ হইলাম। তুমিও আমাকে সবিশেষ সাস্তুনা করিলে। কিন্তু তুমি আমার প্রিয়ানুষ্ঠানবাসনায়, লক্ষ্যণের সহিত ঘোর-অভ্যর্থ রামকে বধ করিবার জন্য, যে চৌদ্দজন শৌর্যশালী রাক্ষস

প্রেরণ করিয়াছিলে, রাম, মর্মভেদী সায়কপরম্পরা প্রায়োগপূর্বক শূল-পাতিশ-পাণি অমর্ষপরায়ণ সেই রাক্ষসদিগের সকলকেই যুদ্ধে নিহত করিয়াছে । নিরতিশয় বেগবান্ রাক্ষসগণ ক্ষণমধ্যেই ধরাশায়ী হইল এবং রাম মহৎ কার্য সাধন করিল, দেখিয়া, অত্যন্ত আশ উপস্থিত হওয়াতে, আমি ভীত, উদ্ভিগ্ন ও বিষণ্ণ হইয়া, সর্বতঃ ভয় দর্শন পূর্বক, পুনরায় তোমার শরণার্থিনী হইয়াছি । তুমি কিজন্য আমার উদ্ধার করিতেছ না ? দেখ, আমি বিষাদ রূপ নক্স ও মহাভয়রূপ তরঙ্গমালায় পরিপূর্ণ সুবিপুল শোক-নাগরে মগ্ন হইয়াছি । যে সকল মাংসাশী রাক্ষস আমার পদ-বীর অনুসরণ করিয়াছিল, রাম সুশাসিত-সায়ক-প্রহারে তাহাদের সকলকেই ধরাশাৎ করিয়াছে । যদি আমার প্রতি এবং সেই সকল রাক্ষস সন্তানের প্রতি তোমার অনুকম্পা থাকে, অথবা, রামের সহিত যুদ্ধ করিতে তোমার যদি তেজ ও ক্ষমতা থাকে, তাহা হইলে, রাক্ষসকুলের কণ্টকস্বরূপ দণ্ডকবাণী রামকে সংহার কর । আর, যদি অরাতি-নিপাতন রামকে আঙ্গি-সংহার না কর, তাহা হইলে, তোমার সমক্ষেই প্রাণত্যাগ করিব । নাসাকর্ণ ছিন্ন হওয়াতে, আমার আর কিছুমাত্র লজ্জা নাই । আমি নিজের বুদ্ধি দ্বারা স্পষ্টই দেখিতে পাইতেছি, যে, তুমি চতুরঙ্গ বল লইয়াও যুদ্ধে রামের সম্মুখে তিষ্ঠিতে পারিবে না । তুমি মহাযুদ্ধে আপনা আপনি শূন্য বলিয়া অভিমান কর ; কিন্তু প্রকৃত পক্ষে তোমার শৌর্য্য নাই । তোমার বিক্রমও মিথ্যা আরোপিত মাত্র । হে মুড় ! হে কুলপাংসন ! তুমি এই মুহূর্ত্তেই সবাঞ্ছবে জনস্থান হইতে দূর হও । নতুবা, রাম ও লক্ষ্মণকে সংগ্রামে সংহার কর । রাম লক্ষ্মণ মানুষ, তাহাদিগকে যদি বধ করিতে সমর্থ না হই, তাহা হইলে, সঙ্কীর্ণ ও বীর্য্যহীন হইয়া, তুমি আর কিরূপে এখানে থাকিতে পারিবে ? রামের তেজে অভিভূত হইয়া, অচিরকালমধ্যেই তোমাকে বিনষ্ট হইতে হইবে । দশরথনন্দন রাম স্বভাবতই অতিশয়

তেজস্বী এবং তাঁহার অমুজ্জ্বল লক্ষণও অতিশয় বীর । ঐ লক্ষণই আমাকে বিরূপ করিয়াছে । অত্যন্ত-নিম্নোদরী নিশাচরী শূর্ণ-
গণা শোকে অভিভূত হইয়া, জাতার সমীপে এইরূপ বহুরূপ
বিলাপ করিয়া, জ্ঞানচৈতন্যরহিত হইয়া পড়িল, এবং অত্যন্ত
দুঃখভরে উদরে করদ্বয়ের আঘাত করিয়া, রোদন করিতে
লাগিল ।

— :: —

দ্বাবিংশ সর্গ ।

শূর্ণগণা রোষভরে উক্ত প্রকারে অবমাননা করিলে, তীক্ষ্ণ-
স্বভাব শৌর্য্যশালী খর রাক্ষসসভামধ্যে তীক্ষ্ণতর বাক্যে বলিতে
লাগিল, ভগিনি ! তোমার অপমানে আমার যে ক্রোধ হইয়াছে,
তাঁহার তুলনা নাই । ক্ষতমধ্যে নিক্ষিপ্ত অভ্যুৎকট ক্ষার-সলি-
লের দ্যায়, ঐ ক্রোধ ধারণ করিতে আমার শক্তি হইতেছে না ।
যাহা হউক, রাম ক্ষীণজীবী মানুষ ; আমার যে পরাক্রম আছে,
তাঁহাতে, রামকে গণনাই হয় না । সে যে কুকৰ্ম্ম করিয়াছে,
তদ্বারা অদ্যই নিহত হইয়া, প্রাণত্যাগ করিবে । অতএব,
তুমি ক্রন্দন সংবরণ ও ভয় ত্যাগ কর ; আমি রামকে লক্ষ্যণের
সহিত ঘমালয়ে নীত করিব । অগ্নি রাক্ষসি ! অদ্য ক্ষীণপ্রাণ
রাম মদীয় পরশ্বধে হত হইয়া, পতিত হইলে, তুমি তাঁহার অতি-
শয় লোহিতবর্ণ উষ্ণ শোণিত পান করিবে ।

শূর্ণগণা খরের বচনবিগলিত এই কথা কৰ্ণগোচর করিয়া,
অজ্ঞানপ্রযুক্ত নিতান্ত হর্ষাবিষ্ট হইয়া, পুনরায় সেই রাক্ষসশ্রেষ্ঠ
সহোদরের প্রশংসাবাদে প্রযুক্ত হইল । নিশাচরী এই রূপে প্রথমে
পরুষবাক্যপ্রয়োগপূর্ব্বক পশ্চাৎ প্রশংসা করিলে, খর, দূষণ-
নামক সেনাপতিকে তৎক্ষণাৎ কহিল, সৌম্য ! যাহারা সৰ্ব্বতো-
ভাবে আমার মনোমত অনুষ্ঠান করে, যাহারা সমরে কখন
পরাজুত হয় না, যাহারা লোকের হিংসা করিয়া, সৰ্ব্বদা ক্রীড়া

করিয়া থাকে, যাহাদেব বেগ অতিশয় ভয়ঙ্কর এবং যাহাদেব বর্ণ নীলমেঘসদৃশ, তাদৃশ চতুর্দশসহস্র রাক্ষসকে সৰ্ব্ব প্রকারে সুসজ্জিত করিয়া, তুমি আমার নিকট আনয়ন কর । তুমি, ক্রতগামী রথ, ধনু ও বিচিত্র শরসমূহ, সুশাসিত বিবিধ শক্তি ও খড়্গ সকলও উপস্থিত কর । আমি রণপণ্ডিত ! আমি ছুর্গিণীত রামের সংহারার্থ মহানুভব রাক্ষসগণের অগ্রে প্রস্থান করিতে ইচ্ছা করি । খর এই কথা বলিতে বলিতেই, দুষণ বিচিত্রবর্ণ উৎকৃষ্ট অশ্বসমূহে সংযোজিত করিয়া, সূর্য্যাসমবর্ণ এক মহারথ আনয়ন পূর্ব্বক তাহার গোচরে নিবেদন করিল । ঐ রথের আকার মেরু-শিখরের ন্যায়, ভূষণ সকল তপ্তকাক্ষনময়, চক্র সকল স্বর্ণময় এবং যুগন্ধর-যুগল বৈদূর্য্যমণিময় । মংস্য, পুষ্প, ক্রম, গৈল, চক্রকাস্তমণি, অলঙ্কারার্থ কাক্ষন, পক্ষিসমূহ ও তারকাস্তবক, এই সকলে ঐ রথ সমাচ্ছন্ন, এবং ক্ষুদ্র-ঘণ্টিকা-শব্দে অলঙ্কৃত । খর ক্রোধভরে ক্ষণবিলম্বব্যতিরেকেই স্বজ ও নিস্ত্রিংগসম্পন্ন, উৎকৃষ্ট-তুরঙ্গম-চালিত উল্লিখিত রথে আরোহণ করিল । তদদর্শনে দুষণ রথ চর্ম্ম আবুধ ও ধ্বজশালী সুবিপুল সৈন্যকে যুদ্ধার্থ যাত্রা করিতে আদেশ করিল । সে, সমুদায় রাক্ষসকে ঐপ্রকার কহিলে, ভয়ঙ্কর চর্ম্ম, আবুধ ও ধ্বজসম্পন্ন সেই রাক্ষসসৈন্য মহাবেগে ও মহাশব্দে জনস্থান হইতে নির্গত হইল । এই রূপে, খরের ছন্দানুবর্তী অতিমাত্র ভীষণস্বরূপ চতুর্দশ সহস্র রাক্ষস মুদার, পাউশ, স্তম্ভীক শূল, পরশুধ, খড়্গ, চক্র, পরম বিরাজমান বাণ, তোমর, শক্তি, পরিঘ, অতিমাত্র ভয়ঙ্কর কাম্বুক, গদা, অগি, মুঘল ও ভীমদর্শন বজ্র ইত্যাদি অস্ত্র শস্ত্র গ্রহণ করিয়া, জনস্থান হইতে বহির্গমন পূর্ব্বক মহাবেগে ধাবমান হইলে, খরের রথ তদদর্শনে অব্যবহিত পরক্ষণেই প্রস্থান করিল । সারথি খরের অভিপ্রায় জানিয়া, বিচিত্রবর্ণ তপ্তকাক্ষন-ভূষিত অশ্বদিগকে কষাঘাত করিল । তখন ত্রিপুরাস্তী খরের রথ সঞ্চালিতহইয়া, স্রীয় শব্দে তৎক্ষণাৎ দিক্ বিদিক সমুদায়

পরিপূরিত করিয়া তুলিল খরের স্বর অতি কঠোর। তৎকালে
তাহার ক্রোধও অতিশয় বর্দ্ধিত হইয়াছিল। সে সাক্ষাৎ ক্রুড়া-
স্ত্রের ন্যায়, শক্রসংহারবাসনায় সবিশেষ ত্বরান্বিত হইয়া, শিলা-
বর্ষা মহামেঘের ন্যায়, পুনরায় ঘোরগভীর গর্জনে সহকারে
স্বার্থকে উত্তেজিত করিল।

ত্রয়োবিংশ সর্গ।

এই রূপে ভয়ঙ্কর রাক্ষসেনৈন্য যুদ্ধার্থ প্রস্থান করিলে, গর্দ-
ভের স্তায় ধূসরবর্ণ অতীব ভীষণ জলধর সমুদিত হইয়া, তুমুল
শব্দে শোণিতমিশ্রিত অশ্বি বনিল বর্ষণ করিতে লাগিল।
তাহার স্তখে যে সকল বেগবান্ অশ্ব যোজিত ছিল, তাহারা
রাজমার্গে গমন সময়ে যদৃচ্ছাক্রমে পুষ্পযুক্ত মমতল ভূমিতেও
পতিত হইতে লাগিল। দিবাকরমণ্ডল সর্কতোভাবে শ্যামবর্ণ
পরিবেশে পরিবেষ্টিত হইয়া উঠিল। ঐ পরিবেশের প্রান্তভাগ
রক্তবর্ণ এবং আকার, অলাতচক্রের ন্যায়, বর্জুল-ভাবাপন্ন।
প্রকাণ্ডাকৃতি ভীষণপ্রকৃতি গৃধ্র হেমদণ্ড-মণ্ডিত অতুলিত রথ-
স্বজের নিকটস্থ হইয়া, বিশিষ্টরূপে আক্রমণ পূর্বক তাহাতে
উপবেশন করিল। কঠোরকণ্ঠ মাংসালী মুগ ও পক্ষিগণ জন-
স্থানসমীপে অধিষ্ঠান পূর্বক, বিবিধ কঠোর শব্দে চীৎকার
করিতে লাগিল। ঘোরস্বভাব শিবা সকল পূর্ব দিক্ আশ্রয়
করিয়া, রাক্ষসকূলের অমঙ্গলস্বরূপ ভয়ঙ্কর স্বরে তুমুল শব্দ আরম্ভ
করিল। মন্ত-মাতঙ্গ-সমাকৃতি ভীমমূর্তি মেঘমণ্ডলী জলের ন্যায়
রাশি রাশি শোণিত বর্ষণ করিয়া, সমুদায় আকাশ একবারেই
প্রচ্ছন্ন করিয়া ফেলিল। দেখিলে শরীর রোমাঞ্চিত হইয়া উঠে,
ঈদৃশ অতিনিবিড় ভয়ঙ্কর তিমিরের আবির্ভাবে দিক্ বিদিক
সমুদায় এককালেই প্রচ্ছন্ন হইয়া গেল, আর অনুমাত্রও প্রকাশিত
হইল না। সন্ধ্যা, রুধিরার্জ বস্ত্রাদির সমান বর্ণ ধারণ পূর্বক

অকালেই প্রাতুভূত হইল। ভীষণপ্রকৃতি যুগ ও পক্ষিগণ পূর্কদিব্ধ অভিনুখে কঠোর স্বরে চীৎকার আরম্ভ করিল। কঙ্ক, গোমায়ু ও গৃধ্রগণ ভয়সুচনা পূর্কক উচ্চৈঃস্বরে শব্দ করিতে লাগিল। এবং যুদ্ধে নিত্য অন্তঃশংখী শিবা সকল বিভীষিকা প্রদর্শন সহকারে নৈন্যগণের অভিনুখে চীৎকার করিতে প্রবৃত্ত হইল। তৎকালে তাহাদের মুখগম্ভীর হইতে অগ্নিশিখা সকল বহির্গত হইতে লাগিল। ভাস্করের সমীপদেশে আয়ুধ-সদৃশ-কৃতি কবন্ধ দেখা যাইতে লাগিল। মহাগ্রহ রাহু পর্ক-ব্যতিরিক্ত সময়েও সূর্য্যদেবকে গ্রাস করিল। সমীরণ প্রচণ্ড ভাবে প্রবাহিত হইতে লাগিল। দিবাকর প্রভাশূন্য হইলেন। খদ্যোত-সবর্ণা তারকাসমূহ, স্নাত্তি না হইলেও, উৎপাতিত হইতে লাগিল। পুষ্করিণী সকলে পদ্মসমূহ শুষ্ক হইয়া গেল এবং মীন ও বিহঙ্গম সমুদায় অন্তর্হিত হইল। বৃক্ষ সকল নেই ক্ষণে ফল-পুষ্প-বিহীন হইয়া উঠিল। জলধরের ন্যায় ধূসরবর্ণ ধূলিরাশি, বায়ু না বহিলেও, উথিত হইল। তৎকালে সারিকা সকল শিক্ষিত শব্দ ভ্যাগ করিয়া, চীচী কুচি ইত্যাদি অব্যক্ত ধ্বনি করিতে লাগিল। ঘোরদর্শন উষ্ণা সকল শব্দে পতিত হইতে লাগিল। এবং বন, কানন ও পর্কত সহিত সমগ্র মেদিনী কম্পিত হইতে লাগিলেন। ধীমানু খর রথে থাকিয়া, গর্জন করিতেছিল। তাহার বাম বাহু নিতান্ত কম্পমান ও স্বর রুদ্ধ হইয়া উঠিল। ঐ অবস্থায় ইতস্ততঃ দর্শন করিতে করিতে, তাহার দৃষ্টি অশ্রুসলিলে পূর্ণ, ললাট রক্তভাবাপন্ন এবং বারংবার মোহের আবির্ভাব হইতে লাগিল। কোন মতেই তাহার নিরুত্তি হইল না।

এই সকল রোমাঞ্চকর মহোৎপাত উপস্থিত দেখিয়া, খর হাস্য করিয়া, সমুদায় রাক্ষসকে কহিল, বলবানু যেমন চূর্কল-দিগকে গণনা করে না, আমিও সেইরূপ বীর্য্যবশতঃ এই উপস্থিত ঘোরদর্শন উৎপাত সকল মনোমধ্যে স্থান দিতেছি না। আমি ক্রুদ্ধ হইলে, সুভীক্স সায়ক প্রাহারে নভস্কল হইতে তারাও পাতিত

করিতে পারি; এবং যত্নরও যত্ন সংঘটন করিয়া থাকি। বল-
সদমত রামকে জ্ঞাতা লক্ষ্মণের সহিত, সুভীক্স শরাঘাতে সংহার
না করিয়া, নিহত হইতে আমার উৎসাহ হইতেছে-না। যে
শূৰ্ণখার জন্য রাম ও লক্ষ্মণের যুদ্ধ-বৈপরীত্য জন্মিয়াছে, সেই
ভগিনী শূৰ্ণখা জ্ঞাতার সহিত রামের রক্ত পান করিয়া, নিদ্রা-
ক্রান্ত হইল। আমি ইতিপূর্বে কখন যুদ্ধে পরাজয় প্রাপ্ত হই
নাই, ইহা ভোমরা প্রত্যক্ষ করিয়াছ; অতএব আমি মিথ্যা
বলিতেছি না; আমি ক্রুদ্ধ হইলে, মৃত ঐরাবত্রে অধিকৃত বজ্র-
হস্ত ইন্দ্রকেও যুদ্ধে বধ করিতে পারি; রাম লক্ষ্মণ মানুষ, তাহা-
দের কথা আর কি কহিব? মহাবল রাক্ষস-বল যত্ন-পাশে
নিস্তাভ হই বদ্ধ হইয়াছিল। খরের এই গর্জন কর্ণগোচর করিয়া,
অতুল হর্ষ লাভ করিল।

এদিকে যুদ্ধদর্শনবালনায় মহাত্মা অসিগণ, দেবগণ, গন্ধর্ব-
গণ, সিদ্ধগণ ও চারণগণ সমবেত হইলেন। সেই পুণ্যকর্মা-
সকল সমবেত হইয়া, পরস্পর এক বাক্যে কহিতে লাগিলেন,
গো ও ব্রাহ্মণ সকল সুখে থাকুন; তন্ত্রিণ, আর যাহারা
লোকগণের মাননীয়া, তাঁহারাও সুখে থাকুন। চক্রবাক্ত বিষ্ণু
যেমন সমুদ্রের অনুর-প্রধানকে পরাভূত করিয়াছিলেন, সেইরূপ
রমুনন্দন রাম যুদ্ধে পুলস্ত্যবংশীয় নিশাচরদিগকে জয় করুন।
পরমর্ষিগণ এইরূপ ও অন্যরূপ বহুরূপ বাক্য প্রয়োগ করিতে
লাগিলেন। দেবগণ কৌতুহলপরতন্ত্র হইয়া, বিমানে আরো-
হণ পূর্বক গতায়ু রাক্ষসগণের সুবিপুল সৈন্য দর্শন করিতে
লাগিলেন।

ঐ সময়ে খর রথারোহণে বেগভরে মৈন্যের অগ্রভাগ হইতে
বিমর্গিত হইলে, শ্যেনগামী, পৃথুশ্যাম, মজ্ঞশত্রু, বিহঙ্গম, তুর্জয়,
পরবীরাক্ষ, পুরুষ, কালকামুক, মেঘমালী, মহাগামী, রাসাত্য,
ও রুধিরাক্ষ এই বার জন মহাবীর তাহাকে বেষ্টন পূর্বক
প্রস্থান করিল। মহাকপাল, স্কলাক্ষ, প্রমাথি ও জিশিরা,

এই চার জন, সেনার অগ্রে দূরগর পশ্চাৎ পশ্চাৎ যাইতে লাগিল। অংশুগী যেমন চন্দ্র ও সূর্য্যের সন্নিধানবর্তী হয়, সেইরূপ, মহাবল রাক্ষসবল সমরাভিলাষে সহসা রাজপুত্র রাম লক্ষ্মণের সকাশে সমুপস্থিত হইল। তাহাদের বেগ অতিশয় ভয়াবহ এবং স্বভাব নিরতিশয় ক্রুর।

চতুর্দশ সর্গ।

খর-পরাক্রম খর আশ্রমাভিমুখে প্রস্থান করিলে, রাম ভ্রাতার সঙ্গিত উল্লিখিত উৎপাতপরম্পরা অবলোকন করিলেন। তিনি প্রজাগণের অমঙ্গলকর অতীব ভয়ঙ্কর ঐ সকল উৎপাত দর্শনে নিতান্ত অস্বস্থ চিত্তে লক্ষ্মণকে কহিলেন, অগ্নি মহাবাহো ! সর্দভূতের প্রাণান্তকর এই মহোৎপাত সকল রাক্ষসকুলের সংহার-সূচনার্থ সমুপস্থিত হইয়াছে, অবলোকন কর। গর্দভের স্থান ধূমরবর্ণ অত্যাংকট মেঘগণ্ডুলী ঐ আকাশে ইতস্ততঃ ধাবমান হইয়া, কঠোর শব্দে রুধিররাশি বর্ষণ করিতেছে। আমার শর সকল ধূমোদ্ধারসহকারে যুদ্ধানন্দপ্রদর্শনপূর্ব্বক ভূগীরমধ্যে বিচলিত হইতেছে এবং স্বর্ণপৃষ্ঠ শরাসনগমুহও প্রক্ষুরিত হইয়া উঠিতেছে। বনচারী পক্ষিগণ যেরূপ শব্দ করিতেছে, তাহাতে, আমাদের ভয় ও প্রাণসংশয় নিতান্ত আশ্রয় হইয়া উঠিয়াছে; অবিলম্বেই ভূমূল যুদ্ধ উপস্থিত হইবে, সন্দেহ নাই। কিন্তু হে বীর ! আমার এই দক্ষিণবাহু বারংবার স্পন্দিত হইয়া, সূচনা করিতেছে, যে, আমাদের জয় ও শত্রুপক্ষের পরাজয় হইবার বিলম্ব নাই। তোমার মুখগণ্ডলও সুপ্রসন্ন ও সুপ্রভ, লক্ষিত হইতেছে। লক্ষ্মণ ! যুদ্ধার্থ সমুদ্যত যে সকল ব্যক্তির মুখ নিম্প্রভ হয়, তাহাদের আয়ুক্ষয় হইয়া থাকে। রাক্ষসগণের ঘোর গভীর গর্জননির্ব্বোধ ঐ কর্ণকুহরে প্রবেশ করিতেছে। সেই ক্রুরকর্ম্মা নিশাচরগণের ভেরীধ্বনিও ঐ প্রতিগোচর হইতেছে। কল্যা-

ধার্মী বিচক্ষণ পুরুষ বিপদ আশঙ্কায় ভাবী অনিষ্টের প্রতিবিধান করিবেন । অতএব তুমি শর ও শরাসন ধারণ পূর্বক সীতাকে লইয়া পাদপপ্রস্ফাদিত দুর্গম গিরিগুহা আশ্রয় কর । তুমি আমার এই কথার অবাধ্য হইবে, এরূপ ইচ্ছা করি না । বৎস ! আমার চরণের দিব্য, তুমি অবিলম্বেই সীতাকে লইয়া গমন কর । তুমি শূর ও বলবান, নিশ্চয়ই এই রাক্ষসদিগকে বধ করিতে পার, সন্দেহ নাই । কিন্তু আমি নিজেই ইহাদের সকলকে সংহার করিতে ইচ্ছা করি ।

রাম এইপ্রকার কহিলে, লক্ষ্মণ শর ও শরাসন গ্রহণ করিয়া, সীতাকে লইয়া, দুর্গম গিরিগুহা আশ্রয় করিলেন । তিনি সীতার সহিত পর্বতগুহায় প্রবিষ্ট হইলে, রাম তজ্জন্ত নিরতিশয় আনন্দ প্রকাশ পুরঃসর কবচ পরিধান করিলেন । অগ্নিবর্ণ কবচে বিভূষিত হওয়াতে তিনি, অন্ধকারমধ্যে প্রাচুর্ভূত মহাশ্মির স্মার, শোভা ধারণ করিলেন । অনন্তর তিনি শরাসন সমুদ্যত ও শর সকল সংগ্রহ করিয়া, জ্যাশব্দে সমস্ত দিক প্রাতিধ্বনিত করত তথায় সম্যক প্রকারে অধিষ্ঠিত হইলেন ।

ঐ সময়ে মহাত্মা দেবগণ, গন্ধর্ভগণ, সিদ্ধগণ ও চারণগণ যুদ্ধদর্শনকামনায় তথায় সমাগত হইলেন । ত্রিভুবনে ব্রহ্মর্ষি-সন্তম বলিয়া যাহাঁদের বিখ্যাতি আছে, সেই সকল মহানুভাব ঋষিও আগমন করিলেন । ঐ সকল পুণ্যকর্মা সমবেত হইয়া, পরস্পর এক বাক্যে বলিতে লাগিলেন, গো ব্রাহ্মণ ও অন্যান্য লোক সকলের সর্বাঙ্গীন মঙ্গল হউক । চক্রহস্ত বিষ্ণু বেগম অমুরপ্রধানদিগকে জয় করিয়াছিলেন, রঘুনন্দন রাম তেমনি যুদ্ধে পুলস্ত্যবংশীয় নিশাচরদিগকে জয় করুন । এইপ্রকার বাক্যবিনিয়াস পূর্বক তাঁহারা পুনরায় পরস্পর অবলোকন করত কহিতে লাগিলেন, রাক্ষসেরা চৌদহাজার এবং ইহাদের কার্য্যও অতি ভয়ঙ্কর । কিন্তু রাম একাকী এবং পরম ধার্মিক । কিরূপে যুদ্ধ হইবে, বলা যায় না । এইপ্রকার কৌতু-

হলপরতন্ত্র হইয়া রাজর্ষিগণ, সিদ্ধগণ, বিদ্যাধরাদি সমুদায় দেবযোনিগণ, প্রধান প্রধান ব্রাহ্মণগণ ও দেবগণ বিমানে আরোহণ করিয়া, অবস্থিতি করিতে লাগিলেন । তৎকালে ভগবান্ রামচন্দ্র স্বভাবসিদ্ধ তেজে আবিষ্ট হইয়া, সংগ্রাম-শির আশ্রয় করিলেন, দেখিয়া, প্রাণিমায়েই ভয় বশতঃ ব্যথিত হইয়া উঠিল । মহাত্মা রুদ্ধ ক্রুদ্ধ হইলে, তাঁহার রূপ যেরূপ অতুলনীয় হইয়া থাকে, অক্লিষ্টকর্মা রামের রূপও সেইরূপ অপ্রতিম হইয়া উঠিল । সমাগত দেব, গন্ধর্ব্ব ও চারণগণ এই বিষয় লইয়া পরস্পর কথোপকথন করিতেছেন, এমন সময়ে রাক্ষসসৈন্য ভয়ঙ্কর চর্ম্ম, আয়ুধ ও ধ্বজ গ্রহণ করিয়া, গভীর নিষেধে চতুর্দিক্ কাপিয়া প্রাচুর্ভূত হইল । তাহারা পরস্পর অভিমুখে গমন পূর্ব্বক বীরবাক্যে সম্ভাষণ, শরাসন সকল বিষ্কারণ, বারংবার জ্জ্বলন্তাগ, উচ্চৈঃস্বরে চীৎকার এবং দুন্দুভি সকলে আঘাত করাতে, সুবিপুল শব্দ সমুথিত হইয়া, সমস্ত কাননপ্রদেশ প্রতিক্ষণিত করিয়া তুলিল । বনচারিগণ সেই শব্দে ভীত ও ব্যাকুলিত হইয়া, পশ্চাদ্দিকে আর দৃষ্টিপাত না করিয়া, যেখানে ঐ শব্দ শুনিতে পাওয়া যায় না, তথায় পলায়ন করিল ।

এদিকে, রাক্ষস সৈন্য বিবিধ গ্রহরণ ধারণ পূর্ব্বক সাগর-সদৃশ গম্ভীর ভাবে মহাবেগে রামের অনুবর্ত্তী হইল । রণপণ্ডিত রাম চতুর্দিকে চক্ষু চালনা করত খরসৈন্য দর্শন করিলেন । এবং যুদ্ধের জন্য তাহাদের অভিমুখীন হইয়া, ভয়ঙ্কর ধনুবিষ্কারণ ও তুণ হইতে সায়কসমূহ নমুদ্রণ পূর্ব্বক রাক্ষসকূলের সংহার বাসনায় যারপর নাই রোষাবিষ্ট হইলেন । ক্রোধাবির্ভাব প্রযুক্ত, প্রলয়কালপ্রাচুর্ভূত প্রজ্বলিত পাবকের ন্যায়, তদীয় রূপ দুর্নিরীক্ষ্য হইয়া উঠিল । বনদেবতাগণ তাঁহাকে তেজোময় দর্শন করিয়া নিতান্ত ব্যথিত হইলেন । তাঁহারা দেখিলেন দক্ষযজ্ঞবিনাশোদ্যত পিনাকীর ন্যায়, রামের রূপ রোষাবেশবশে নিতান্ত ভয়ঙ্কররূপ ধারণ করিয়াছে । নীলবর্ণ নীরদনিচয় যেরূপ

সূর্যোদয়ে সূর্যোভিত হয়, রাক্ষস সৈন্য ও অগ্নিসমবর্ণ কবচ, রথ, আভরণ ও কার্ম্মকপরম্পরার নান্নিপ্যবশতঃ সেইরূপ শোভা ধারণ করিল ।

— ০:০ —

পঞ্চবিংশ সর্গ ।

খর পরিচরবর্ণের সহিত আশ্রমে আগমন পূর্বক অবলোকন করিল, রিপুঘাতী রাম ক্রোধভরে শরাসন গ্রহণ করিয়াছেন । তদর্শনে সে কঠোরনিশ্বন জ্যারোপিত ধনু ধারণ করিয়া, নারথিকে রানের অভিমুখে রথ লইয়া বাইতে আদেশ করিল । নারথি তদীয় আজ্ঞানুসারে, মহাবাহু রাম ধনুর্নিষ্কারণপূর্বক একাকী যেখানে অবস্থিতি করিতেছেন, তথায় অশ্বদিগকে চালনা করিল ।

এদিকে, খর সেনামুখ হইতে নির্গত হইল, দেখিয়া তদীয় অমাত্যপক্ষীয় নিশাচরগণ ঘোরতর গভীর গজ্জন পূর্বক চতুর্দিকে তাহাকে পরিবেষ্টিত করিল । রথারোহী খর রাক্ষসগণের মধ্যে থাকিয়া, তারাগণমধ্যবিহারী উদ্ধত মঙ্গলগ্রহের ন্যায়, শোভা ধারণ করিল । অনন্তর সে যুদ্ধে প্রবৃত্ত হইয়া, শরসহস্রে অপরিগণ্যমতেজস্বী রামকে নিপীড়িত করিয়া, গভীর গজ্জন পরিত্যাগ করিল । তদর্শনে সনুদায় নিশাচর ক্রুদ্ধ হইয়া, ভয়ঙ্কর-ধনুর্ধর দুম্পরাজেয় রামকে লক্ষ্য করিয়া, বিবিধ শরবর্ষণে প্রবৃত্ত হইল । তাহার রোষপরায়ণ হইয়া, ভূরি ভূরি লৌহময় মুকার, শূল, প্রাগ, খড়্গ ও পরশু প্রয়োগপূর্বক তাহাকে প্রহার করিতে লাগিল । মহাবল মহাকায় মেঘাকৃতি ঐ নিশাচরগণ অশ্ব, রথ ও গিরিশূঙ্গাকৃতি হস্তিসমূহে আরোহণ করিয়া, যুদ্ধে কাকুৎস্থ রামকে বধ করিবার বাসনায় তাঁহার অভিমুখে ধাবমান হইল । এবং মহামেঘ যেমন পর্কতশ্রেষ্ঠে বারিধারা বর্ষণ করে, তদ্রূপ, তাঁহার প্রতি শরবৃষ্টি আরম্ভ করিল । রাম

ক্লরদর্শন রাক্ষসগণে পরিবৃত হইয়া, ত্রিধিসমূহে পারিষদ-
পরিবেষ্টিত মহাদেবের ন্যায়, বিরাজমান হইলেন । এবং সাগর
সেমন নদী সকলকে প্রাতিগ্রহ করেন, সেইরূপ তিনি শরপ্রয়োগ
সহকারে রাক্ষসগণের পরিত্যক্ত শাস্ত্র সকল প্রাতিহত করিলেন ।
তাহাদের ভয়ঙ্কর গ্রহরংগমূহে গাত্র ক্ষতবিক্ষত হইলেও তিনি
কিছুমাত্র ব্যথিত হইলেন না ; বহুসংখ্য প্রদীপ্ত বজ্রাঘাতে মহা-
চণ্ড এইরূপ ব্যথিত হয় না । সর্কশরীর শরদ্বিক্ত হওয়াতে,
শোণিতে পরিপূর্ণ হইয়া উঠিল । তাহাতে, সন্ধ্যামেঘসমারূত
দিনমণির ন্যায়, রচুনন্দন রামের শোভা হইল । তৎকালে,
একাকী রাম মহত্স মহত্স রাক্ষসে পরিবৃত হইয়াছেন, দশন
করিয়া, সমবেত দেব, গন্ধর্ভ, দিক্ত ও পরমর্ষিগণ নিম্ন হইয়া
উঠিলেন ।

অনন্তর রাম নিরতিশয় বোমানবেশবশে কার্ম্মক মণ্ডনীকৃত
করিয়া, শত শত ও মহত্স মহত্স সুশাণিত শর গোচন করিতে
লাগিলেন । ঐ সকল বাণ সহজে নিবারণ করা বা মহ্য করা
সাধ্যাত্ত নহে, এবং দেখিতে ক্রুতান্তের পাশাপ্রদৃশ । তিনি
অবলীলাক্রমে কাঞ্চনভূমিত বঙ্গপত্রাংকৃত ভংসমস্ত শর শত্রু-
নৈন্যমধ্যে গোচন করিলে, তাহার, কানপ্রক্ষিপ্ত পাশসমূহের
ন্যায় রাক্ষসগণের প্রাণহরণ ও দেহভেদ পূর্ব্বক তাহাদের
শোণিতে আশ্লুত হইয়া, অন্তরীক্ষে গমন করত প্রাঙ্কলিত পাবক-
সম তেজে বিরাজ করিতে লাগিল । এইরূপে রামের ধনুর্ম্মণ্ডল
হইতে, রাক্ষসগণের প্রাণসংহর খরতর অসংখ্য শর বিনি-
স্পতিত হইতে লাগিল । তিনি তাহাদের নাহাব্যে রাক্ষসগণের
শত শত ও মহত্স মহত্স শরাসন, ধ্বজাগ্র, চন্দ্ৰ, বর্ষ, হস্তাভরণ
সহিত বাহু এবং করিকরদৃশ উরু সকল ছেদন করিলেন ।
তাহার শর সকল গুণ চ্যুত হইয়া, সারথিগহিত কাঞ্চন-কবচ-
লাঙ্ঘিত রণযুক্ত অশ্ব, গজারোহিনিসহিত গজ এবং অশ্ব সহিত
অশ্বারোহিদিগকে ছিন্ন ভিন্ন করিয়া ফেলিল । তিনি পদাতি-

দিগকে সমরে সংহার করিয়া, শমনসদনে সমানীত করিলেন ।
 রাক্ষসগণ ভীক্ষধার নালীক, নারাচ ও বিকর্ণিগমূহে ছিদ্যমান
 হইয়া, ভয়ঙ্কর আর্তনাদ আরম্ভ করিল । শুষ্ক অরণ্যানী যেমন
 অগ্নিসংযোগে সাতিনায় অস্বস্থ হইয়া উঠে, রাক্ষসসৈন্যও সেই-
 রূপ রামের মর্ষভেদী শরসমূহে অর্দ্ধিত হইয়া, সুখলাভে সগর্ভ
 হইল না । তাহাদের মধ্যে কোন কোন ভীমবল শৌর্যশালী
 রাক্ষস নিরতিশয় রোষাবিষ্ট হইয়া, রামের প্রতি প্রাস, পরশুধ
 ও শূল সকল নিক্ষেপ করিল । মহাবাহু বীর্যবান্ রাম
 শরপরম্পরাগ্রয়োগপূর্বক তাহাদের শত্রু সকল প্রতিহত করিয়া,
 তাহাদের প্রাণ হরণ ও শিরোধর সমস্ত ছেদন করিয়া ফেলি-
 লেন । গরুড়ের পক্ষপবনে পরিক্ষিপ্ত হইয়া, পাদপপুঞ্জ যেরূপ
 পৃথিবীতলে পতিত হয়, সেইরূপ, রাক্ষসগণ ছিন্নমস্তকে ধরা-
 শায়ী হইতে লাগিল ; তাহাদের ধনু ও চর্ম ও ছিন্ন হইয়া
 গেল । হতাবশিষ্ট নিশাচরগণ রামশরে আহত হইয়া, নিতান্ত
 মলিনভাবে আত্মরক্ষাবাসনায় খরের অভিমুখে ধাবমান
 হইল । দুষণ নিতান্ত ক্রুদ্ধ হইয়া, শরাসনগ্রহণপূর্বক, তাহাদের
 সকলকে আশ্বাস দিয়া, কুপিত ক্রুতান্তের স্রায়, ক্রোধান্বিত রামের
 সম্মুখে বেগভরে গমন করিল । তখন রণপরাক্রম নিশাচরগণ
 দুষণের আশ্রয়ে নির্ভয় হইয়া, গাল, তাল ও শিলা সকল আয়ুধ-
 স্বরূপ ধারণ করিয়া, রামের অভিনুখে ধাবমান হইল । তাহারা
 সকলেই মহাবল এবং সকলেরই হস্তে পাশ, মুদগর ও শূল ।
 তাহারা শরবৃষ্টি, শত্রুহৃষ্টি, বৃক্ষবৃষ্টি ও শিলাবৃষ্টি আরম্ভ করিল ।
 তখন, রাম ও রাক্ষসগণে পুনরায় অতীব ভয়াবহ ও বিস্ময়া-
 বহু ভুমূল বুদ্ধ উপস্থিত হইয়া, সকলেরই শরীর রোমাঞ্চিত
 করিল । রাক্ষসগণ রোষাবিষ্ট হইয়া, পুনর্বার চারি দিক্ হইতেই
 তাহাকে পীড়ন করিতে লাগিল । তিনি দেখিলেন, সমুদায়
 দিক্ ও বিদিক এবং নিজেও শরবর্ষা নিশাচরগণে সমাচ্ছন্ন
 হইয়াছেন । তদর্শনে তিনি ভয়ঙ্কর শব্দ করিয়া, রাক্ষসগণের

উদ্দেশ্যে পরমদীপ্তিমান গাক্ষসীগ্র যোজনা করিলেন । তখন ধনুর্মণ্ডল হইতে সহস্র সহস্র শর নির্গত হইতে লাগিল । সেই সমাগত শরসমূহে সমুদায় দিক্ পূর্ণ হইয়া গেল । রাক্ষসেরা তদীয় শরে নিতান্ত নিপীড়িত হইতে লাগিল । ঐ সময়ে তিনি যেন ভয়ঙ্কর উৎকৃষ্ট শর সকল গ্রহণ ও মোচন করিতে লাগিলেন, তাহা তাহারা দেখিতে পাইল না ; কেবল তাঁহাকে ধনু আকর্ষণ করিতেই দেখিল । তাঁহার শরে শরে অন্ধকার প্রাচুর্ভূত হইয়া, দিবাকরসহিত আকাশমণ্ডল আচ্ছন্ন করিয়া ফেলিল । রাম অনবরত রাশি রাশি শর প্রক্ষেপ করিতে লাগিলেন । তদ্বারা ভূরি ভূরি রাক্ষস, কেহ হত ও কেহ পতিত হইল এবং কেহ বা পতিত হইতে লাগিল । এই সকল ব্যাপার এককালেই সম্পন্ন হইল । পৃথিবী হত, পতিত ও পতনপ্ররুত রাক্ষসগণে আচ্ছন্ন হইয়া উঠিলেন । রণভূমির সর্বত্রই সহস্র সহস্র হত, পতিত, ছিন্ন, ভিন্ন, বিদারিত ও কণ্ঠগতপ্রাণ নিশাচর লক্ষিত হইতে লাগিল । উষ্মীষসহিত মস্তক, অঙ্গদসহিত বাহু, শুদ্ধ বাহু, ঊরু, বিবিধ আভরণ, প্রধান প্রাধান ইষ্টী, অশ্ব, রথ, চামর, ব্যঞ্জন, ছত্র, ধ্বজ, শূল ও পটিশ, এই সকল রাশি রাশি, রামের বাণাঘাতে ছিন্ন হইয়া, চতুর্দিক ব্যাপ্ত করিলে, পৃথিবী ভয়ঙ্কর হইয়া উঠিলেন । তাহাদিগকে পতিত দেখিয়া, হতাবশিষ্ট রাক্ষসগণ নিরতিশয় ব্যাকুল হইয়া, পরপূরবিজয়ী রামের সম্মুখে গমন করিতে আর সমর্থ হইল না ।

— :: —

ষড়বিংশ সর্গ ।

মহাবাহু দূষণ স্বীয় সৈন্য নিহত হইতেছে, দেখিয়া, সহজে পরাজিত ও কখন সমরে পরাঙ্গুখ হয় না, তা'দৃশ ভয়ঙ্করবেগ-শালী পঞ্চসহস্র রাক্ষসকে যুদ্ধার্থ আদেশ করিল । তাহারা চতুর্দিক হইতে রামের উপরি অনবরত রাশি রাশি শূল, পটিশ

খড়া, শিলা, রক্ষ ও শর বর্ষণ করিতে লাগিল। ধর্ম্মাত্মা রাম সুশাসিত নায়কসমূহে সেই প্রাণান্তকর অগ্নিপুল রক্ষ ও শিলায়ুষ্টি প্রতিহত করিলেন। এবং রুষ যেমন নিম্নলিখিতলোচনে বর্ষধারা প্রতিগ্রহ করে, তদ্রূপে তাহা সহ্য করিয়া, সমুদায় রাক্ষসের সংহার নিমিত্ত নিরতিশয় রোষাবিষ্ট হইলেন। অনন্তর ক্রোধভরে ও তেজে প্রস্থলিত হইয়া, শরজালে দুষণের সহিত যাবতীয় নিশাচরসৈন্য সর্ব্বতোভাবে সমাচ্ছন্ন করিলেন। তদ্বশনে শত্রু-দুষণ সেনাপতি দুষণ ক্রুদ্ধ হইয়া, বজ্রসদৃশ শরসমূহে রামকে এক বারেই প্রচ্ছাদিত করিল। তখন রাম নিরতিশয় রোষভরে ক্ষুরাস্ত্রপ্রয়োগপূর্ব্বক দুষণের একাণ্ড কোদণ্ড ছেদন করিয়া, চারি শরে চারি অশ্ব বধ করিলেন। অশ্বদিগকে তীক্ষ্ণ শরে বধ করিয়া, অর্দ্ধচন্দ্র বাণ দ্বারা সারথির মস্তক ছেদন এবং তিন শরে রাক্ষসের বক্ষঃস্থল দিক্র করিলেন। দুষণ হতধনু, হত-বরধ, হতসারথি ও হতাস্ব হইয়া, গিরিশৃঙ্গসদৃশ এক পরিঘ গ্রহণ করিল। ঐ পরিঘ দেখিলে শরীর রোগাঞ্চ হয়। উহা কাঞ্চন-মটে বেষ্টিত, দেবসৈন্ত্যবিনাশন, লৌহনির্ম্মিত শাণিতধার শঙ্কু-পরম্পরায় পরিব্যাপ্ত, শত্রুগণের বসায় অভিষিক্ত, বজ্র ও অশনির ন্যায় স্পর্শবিশিষ্ট এবং অনায়াসেই বিপক্ষের পুরদ্বার বিদীর্ণ করিয়া থাকে। ক্রুরকর্ম্মা নিশাচর দুষণ মহোরগসদৃশ ঐ পরিঘ ধারণ করিয়া, রামের অভিনুখে ধাবমান হইল। রাম সেই ধাবমান অবস্থায় দুই শরে দুষণের হস্তাভরণসম্বলিত দুই বাহু ছেদন করিলেন। হস্ত ছিন্ন হওয়াতে, তাহার সেই একাণ্ড-কৃতি পরিঘ স্বস্থানভ্রষ্ট হইয়া, ঈশ্রদ্ধাজের ন্যায়, রণাগ্রে পতিত হইল। ছিন্নহস্ত দুষণও ধরাতল আশ্রয় করিল। বোধ হইল, দশনদ্বয় বিগলিত হওয়াতে, যেন কোন মনস্বী মহাগজ পতিত হইয়াছে। দুষণ যুদ্ধে নিহত ও ধরাশায়ী হইল দেখিয়া, প্রাণি-মাত্রেই সাধু সাধু, বলিয়া রামের প্রশংসা করিতে লাগিল।

এই অবসরে সৈন্যের অগ্রভাগবর্তী তিন জন নিশাচর পর-

স্মার মিলিত ও মূঢ়্যপাশে বদ্ধ হইয়া, ক্রোধভরে রামের অভি-
মুখে গমন করিতে লাগিল । ইহাদের নাম মহাকপাল, স্মূলান্ধ
ও মহাবল প্রমাথী । তন্মধ্যে মহাকপাল সুবিপুল শূল উদ্যত,
স্মূলান্ধ পটিশ গ্রহণ এবং প্রমাথী পরশ্বধ ধারণ করিয়া, ধাব-
মান হইল । রাম তীক্ষ্ণধার সুশাণিত সায়কপরম্পরা প্রয়োগ
পূৰ্ব্বক অভ্যাগত অতিথির ন্যায়, অভিমুখে ধাবমান সেই রাক্ষস-
দ্বয়কে প্রতিগ্রহ করিয়া, গরে অসংখ্য বাণবর্ষণ সহকারে মহা-
কপালের মস্তক ছেদন, প্রমাথির গ্রামখন এবং স্মূলান্ধের স্মূল
অক্ষিদ্বয় পরিপূরণ করিলেন । স্মূলান্ধ তাণ্ডাতেই নিহত হইয়া,
শাখাবিশিষ্ট প্রকাণ্ড পাদপের ন্যায়, ভূমিতলে প্রাতিত হইল ।
অনন্তর রাম কুপিত হইয়া পঞ্চ সহস্র সায়ক প্রহারে দুষণের
অনুযায়ী পঞ্চ সহস্র রাক্ষসকে ক্ষণমধ্যেই ষমভবনে প্রেরণ
করিলেন ।

দুষণ ও তাহার অনুযাত্রিক সৈন্য নিহত হইয়াছে, শুনিয়া,
খর ক্রুদ্ধ হইয়া, মহাবল সেনাধ্যক্ষদিগকে এইপ্রকার আদেশ
করিল, দুষণ স্বীয় অনুগামিবর্গের সহিত বিনষ্ট হইয়াছে ।
অতএব তোমরা সকল রাক্ষসে মিলিত হইয়া, সুবিপুল সৈন্য
সমভিব্যাহারে বিবিধাকার শস্ত্র-প্রয়োগ-পুরঃসর কুমানুষ
রামকে যুদ্ধে নিপাতিত কর । খর এইপ্রকার আদেশপূৰ্ব্বক
ক্রোধভরে স্বয়ং রামের অভিমুখে ধাবমান হইলে, শ্যেনগামী,
পৃথুগ্রীব, যজ্ঞশত্রু, বিহঙ্গম, তুর্জয়, পরবীরাক্ষ, পরাশ,
কালকামুক, হেমমালী, মহামালী, সর্পাস্য, রুধিরশান, এই
বার জন অতিশয় বীর্য্যশালী সৈন্যাধ্যক্ষ সৈনিকগণ সমভি-
ব্যাহারে উৎকৃষ্ট শরজাল বিস্তার করত তদীয় পদবীর অনুসরণ
করিল । তদ্বশনে তেজস্বী রাম হেমবজ্রবিভূষিত পাবকপ্রতিম
সায়কসমূহে খরের ঐ হতশেষ সৈন্যদিগকে প্রহার করিতে
আরম্ভ করিলেন । বজ্র বেক্রপ প্রকাণ্ডকায় পাদপপুঞ্জ পাতিত
করে, তদ্রূপ রামের স্বর্ণপুঙ্খ সায়ক সমস্ত সধুম অগ্নির ন্যায়,

রাক্ষসদিগকে সংহার করিতে লাগিল । তিনি একশত কর্ণি দ্বারা ভাবৎসংখ্যক রাক্ষস এবং সহস্র কর্ণি দ্বারা সহস্র নিশাচরের প্রাণ হরণ করিলেন । রাক্ষসগণ শোণিতাক্ত কলেবরে ধরাভূলে পতিত হইল । তাহাদের বর্ম, আভরণ ও শরাসন সকল ছিন্ন ভিন্ন ও বিদীর্ণ হইয়া গেল । যজ্ঞীয় মহাবেদি যেমন কুশলরম্পরায় পরিব্যাণ্ড হয়, তদ্রূপ সমস্ত পৃথিবী শোণিতাক্ত-দেহ মুক্তকেশ নিশাচরগণে একবারেই প্রচ্ছন্ন হইয়া উঠিলেন । রাক্ষসকুল নিমূল হওয়াতে, বনভূমি তাহাদের মাংসশোণিত-কর্দমে প্রচ্ছন্ন হইয়া, ক্ষণমধ্যেই অতীব ভয়ঙ্কর নরকের আকার ধারণ করিল । মানুষ রাম একাকীই বিনারথে চতুর্দশ সহস্র ক্রুরকর্মা রাক্ষস নিধন করিলেন । সমুদায় সৈন্যের মধ্যে মহারথ খর, ত্রিশিরা ও রিপুশূদন রাম এই তিন জন মাত্র অবশিষ্ট রহিলেন । অবশিষ্ট রাক্ষসগণ সকলেই লক্ষ্মণাশ্রয় রামের হস্তে নিহত হইল । ঐ সকল রাক্ষস অতিশয় বীর্যশালী এবং ভয়ঙ্কর ও দুঃসহ স্বভাব সম্পন্ন ।

এইরূপে ভূমূল সংগ্রামে সমুদায় ভীমবল রাক্ষসবল বলবান্ ধর্ম্য কর্তৃক নিহত হইল, দর্শন করিয়া, খর প্রকাণ্ড রথে আরোহণ পূর্বক উদ্যতবজ্র বজ্রীর ন্যায়, রামকে আক্রমণ করিল ।



সপ্তবিংশ সর্গ ।

খর রামের অতিমুখে প্রস্থান করিলে, বাহিনীপতি ত্রিশিরা তৎক্ষণাৎ তাহার নিকটস্থ হইয়া, কহিতে লাগিল, তুমি এই সাহসের কার্য্যে প্ররত্ত হইও না । আমার বিক্রম আছে, আমাকেই নিযুক্ত কর । দেখিবে, মহাবাহু রাম যুদ্ধে নিহত হইয়াছে । আমি আনুধ স্পর্শ করিয়া, সত্য প্রতিজ্ঞা করিতেছি, রাক্ষসমাজেরই বধা রামকে বধ করিব । হয়, আমিই রণে রামের বৃত্ত্য, না হয়, রামই আমার মৃত্যু অভাব তুমি রণোৎসাহ

ত্যাগ করিয়া, ক্ষণকাল আমাদের উভয় পক্ষের যুদ্ধ দর্শন কর ।
 রাম নিহত হইলে, হয়, তুমি অতিমাত্র আত্মদিত হইয়া,
 জনস্থানে গমন করিবে, না হয়, আমি বিনষ্ট হইলে, যুদ্ধের জন্য
 রামের সম্মুখীন হইবে । ত্রিশিরা মৃত্যুলোভে খরকে প্রায়
 করিয়া, যুদ্ধের জন্য তাহার অনুমতি লইয়া, রামের অভিযুখে
 গমন করিল । সে অশ্বযুক্ত উজ্জ্বল রথে আরোহণ করিয়া,
 ধাবমান হইলে, বোধ হইল, যেন ত্রিশূঙ্গ পর্কত গমন
 করিতেছে । মহামেঘ যেমন বারিধারা বর্ষণ করে,
 সেইরূপ, সে শরধারা বর্ষণ করিয়া, জলাদ্র' হুসুভির
 ন্যায়, শব্দ করিতে লাগিল । রাম রাক্ষস ত্রিশিরাকে আগমন
 করিতে দেখিয়া, শরাসন সহায়ে সূশাণিত সায়ক সকল
 বিধূনিত করিয়া, তাহাকে প্রতিহত করিলেন । তখন, অতিশয়
 বলশালী সিংহ ও হস্তীর ন্যায়, রাম ও ত্রিশিরা উভয়ে তুমুল
 যুদ্ধ আরম্ভ হইল । ত্রিশিরা শরপরম্পরা প্রয়োগ করিয়া
 ললাটে আঘাত করিলে, রাম তাহা সহ্য করিতে না পারিয়া,
 রোষ ও উৎসাহ ভরে কহিতে লাগিলেন, বিক্রম শূর নিশাচরের
 দৈবশ বল নিরতিশয় বিস্ময়ের বিষয় ! কেননা, এই রাক্ষস
 পুষ্পের ন্যায়, শরাঘাতে আমার ললাট বিদ্ধ করিল । এক্ষণে,
 তুমি আমারও ধনুগুণবিনিঃসৃত শর সকল প্রতিগ্রহ কর । এই
 বলিয়া তিনি ক্রোধ ও উৎসাহভরে আশীবিষ সদৃশ চতুর্দশ
 শরে ত্রিশিরার বক্ষস্থলে আঘাত করিলেন । পরে আনতপর্ক
 শরচতুষ্টয়ে ত্রিশিরার বেগবান অশ্বচতুষ্টয়কে নিপাতিত
 করিয়া, আট বাণে সারথিকে রথোপস্থে শায়িত এবং এক বাণে
 অত্যাশ্রিত ধ্বজ ছেদন করিলেন । সারথি ও অশ্ব হত হওয়াতে,
 ত্রিশিরা রথ হইতে লক্ষ দিয়া ভূমিতে পতিত হইবার উপক্রম
 করিল । রাম সেই সময়েই শরপরম্পরা প্রয়োগ করিয়া,
 তাহার হৃদয় ছিন্ন করিলেন । সে আর আত্মপ্রাণে সমর্থ
 হইল না । অনন্তর অপ্রমেয়জ্ঞা রাম নিরতিশয় রোষভরে

বেগনিশিষ্ট শরত্ৰয় সন্ধ্যায় তাহার মস্তকত্ৰয় নিপাতিত করিলেন । এইরূপে মস্তক পতিত হইলে, সমরস্থ নিশাচর ত্রিশিরা রাম-বাণে নিরতিশয় আহত হইয়া, গধূম শোণিত উদ্ধার করত ধরাতল আশ্রয় করিল । তদর্শনে খরের আশ্রিত হতশেষ রাক্ষসগণ যুদ্ধে ভঙ্গ দিয়া, ব্যাভ্রতাড়িত মুগযুথের ন্যায়, পলায়ন করিল ; কোন মতেই তিষ্ঠিতে পারিল না ।

খর তাহাদিগকে পলায়নপর নিরীক্ষণ করিয়া, নিবৃত্ত করত রোষভরে দ্রুতপদ গম্ভাবে, চত্বের উদ্দেশে রাহুর ন্যায়, রামের অভিমুখে গবেগে ধাবমান হইল ।

অষ্টাদিংশ দর্শ ।

যুদ্ধে ত্রিশিরার সহিত দূষণ নিহত হইল, দেখিয়া, রামের বিক্রম দর্শনে খরেরও ভয় গম্ভীর হইল । সে দেখিল, একাকী রাম দুর্বিষহ-পরাক্রম-সম্পন্ন মহাবল রাক্ষসবল এবং দূষণ ও ত্রিশিরাকেও সংহার করিলেন । এইরূপে স্বীয় নৈন্য স্বল্লাব-শিষ্ট দর্শন করিয়া, নিশাচর খর, বিসমায়মান হইয়া, নমুচি যেমন ইন্দ্রকে, তদ্রূপ রামকে আক্রমণ করিল । অনন্তর বলপূর্বক শরায়ন আকর্ষণ করিয়া, রামের উদ্দেশে ক্রুদ্ধ আশীবিষকল্প শোণিতপায়ী নারীচ সকল নিক্ষেপ করিতে লাগিল । এবং বারম্বার ধনুগুণ বিধূনন ও শর সকল সন্ধান করিয়া, শিক্ষাবলে বহুবিধশরপ্রয়োগমার্গপ্রদর্শনপূর্বক রথারোহণে সমরভূমিতে বিচরণ করিতে আরম্ভ করিল ।

এই রূপে মহারথ খর বাণ পরম্পরায় দিক্ বিদিক্ সমুদায় আচ্ছন্ন করিলে, রাম প্রকাশ্য কোদণ্ড আকর্ষণ করিয়া, অগ্নি-ক্ষুলিঙ্গের ন্যায় দুর্বিষহ গায়কসমূহে, হুষ্টিধারায় গেঘের ন্যায়, আকাশমণ্ডল এক বারেই নীরঞ্জিত করিলেন । তৎকালে, রাম ও খর উভয়ের বিনুক্ত শাণিত শরনিকরে চতুর্দিক্গবন্তী

সমুদায় আকাশ নিরবকাশ ও শরময় হইয়া উঠিল । সূর্য্যও শরজালে আচ্ছন্ন হইয়া, অদৃশ্য হইলেন । তাঁহারা পরস্পরের সংহারজন্য পরসং উৎসাহে তুমুল যুদ্ধ করিতে লাগিলেন ।

অনন্তর অক্ষুশ দ্বারা যেমন মদমত্ত হস্তীকে আঘাত করে, রাক্ষস তক্রপ নালীক, নারাচ ও তীক্ষ্ণধার বিকর্ণিপরম্পরায় যুদ্ধে রামকে প্রহার করিতে আরম্ভ করিল । সে ধনুর্ধারণপূর্ব্বক রথারোহণে অবস্থিতি করাত্তে, প্রাণিমাভেই তাহাকে সাক্ষাৎ পাণহস্ত কৃতান্তের ন্যায়, দর্শন করিতে লাগিল । তৎকালে সমুদায় রাক্ষসসৈন্যের নিহস্তা, পুরুষকারসম্পন্ন, পরমবৈর্য্যশালী রামকে পরিশ্রান্ত বলিয়া, খরেন্ন মনে হইল । কিন্তু, ক্ষুদ্রমৃগদর্শনে সিংহ যেমন উদ্বিগ্ন হয় না, সিংহের ন্যায় বিক্রমসম্পন্ন এবং সিংহের ন্যায় বিক্রান্তগতিবিশিষ্ট নিশাচর খরকে দর্শন করিয়া, রামেরও তক্রপ উদ্বিগ্ন উপস্থিত হইল না । অনন্তর খর সূর্য্যাসমুদ্যতি সুবিপুল রথারোহণে, পাবককে পতঙ্গের ন্যায়, রামকে আক্রমণ করিল । এবং লঘুহস্ততা প্রদর্শন পূর্ব্বক সেই মহাত্মার সশর শরাসন মুষ্টিদেশে ছিন্ন করিয়া ফেলিল । তৎপরে ক্রুদ্ধ হইয়া, ইন্দ্রের বজ্রসদৃশ প্রভাবিশিষ্ট অপর গুপ্ত শর সন্ধানপূর্ব্বক রামের গম্ভস্থল আঁহত করিল । এবং পুনরায় অপরিদীপ্তেজস্বী রামকে শরসহশ্রে সন্তাড়িত করিয়া, ঘোর গভীর গর্জ্জন করিতে লাগিল । ঐ সময়ে তাহার পরিত্যক্ত সুন্দরপর্কবিশিষ্ট সায়কসমূহে আঁহত হইয়া, রামের সূর্য্যাসমপ্রভানসম্পন্ন কবচ ভূপতিত হইল । সর্কশরীর শরাহত হওয়াতে, তিনি ক্রুদ্ধ হইয়া, ধূমহীন প্রাঙ্কলিত অগ্নির শোভা ধারণ করিলেন । অনন্তর শক্রনিসূদন রাম শত্রুর সংহার জন্য আর এক প্রকাণ্ড ধনুতে জ্যারোপণ করিলেন । ঐ ধনুর শব্দ গভীরভাবাপন্ন । মহর্ষি অগস্ত্য যাহা দান করিয়াছিলেন, তিনি সেই সর্কশ্রেষ্ঠ সুবিপুল বৈষ্ণব ধনু উদ্যত করিয়া, খরের অভিমুখে বেগে ধাবমান হইলেন । এবং নিরতিশয় রোষতরে

স্বর্ণময়গুণাবিশিষ্ট আনন্তপর্শ শরসমূহে তাহার ধ্বজ ছেদন করিয়া ফেলিলেন। পরমসুন্দর উল্লিখিত কাঞ্চনময় ধ্বজ বহুশ ছিন্ন হইয়া, দেবগণের আন্তর্যমুখ্যের ন্যায়, ধরাতল আশ্রয় করিল। তদদর্শনে মর্ম্মজ্ঞ খর ক্রুদ্ধ হইয়া, শরচতুষ্টয়-প্রয়োগপূর্ব্বক, অক্লুশ দ্বারা মাতঙ্গের ন্যায়, রামের সমুদায় গাত্র ও হৃদয় বিদ্ধ করিল। তিনি খর-কার্ম্মুক-নিঃসৃত বহু-সংখ্য শরে বিদ্ধ ও রক্তাক্তকলেবর হইয়া, নিরস্ত্রিয় রঞ্জিত হইয়া উঠিলেন। অনন্তর দক্ষি-শ্রেষ্ঠ পরম ধনুর্ধর রাম সেই ঘোরতর যুদ্ধে সগ্যক্ বিধানে ধনুঃগ্রহণপূর্ব্বক, বিশিষ্টরূপে লক্ষ্যে সজ্জিত করিয়া, ছয় শর ত্যাগ করিলেন। তন্মধ্যে এক বাণে খরের মস্তক, দুই বাণে দুই বাহু এবং অর্দ্ধচন্দ্রের ন্যায় বক্রাকৃতি বাণদ্বয়ে তাহার বক্ষস্থল আহত করিলেন। তদনন্তর সেই মহাতেজা ক্রুদ্ধ হইয়া, ভাস্করপ্রতিম, শিলাশাণিত ত্রয়োদশ নারাচ গ্রহণ পূর্ব্বক, তাহাকে গ্রাহার করিয়া, এক নারাচে তাহার রথের যুগ, চারি নারাচে বিচিত্রবর্ণ অশ্ব সকল, ষষ্ঠ নারাচে সারথির মস্তক, তিন নারাচে রথের সম্মুখস্থ যুগাশারদণ্ড, দুই নারাচে অক্ষ এবং দ্বাদশ নারাচে খরের ধনুঃসহ হস্ত ছেদন করিলেন। অনন্তর ইন্দ্রসম মহাবল রাম হান্য করিয়া, বজ্রদশ ত্রয়োদশ নারাচে খরকে বিদ্ধ করিলে, সে হতধনুঃ হতরথ, হতসারথি ও হতাশ্ব হইয়া, গদা গ্রহণ করিয়া, লক্ষপ্রদানপূর্ব্বক ভূমিতলে অবস্থিতি করিল।

সমবেত দেবতা ও মহর্ষিগণ বিমানশিখরে আরূঢ় হইয়া, মহারথ রামের এই কার্য্য দর্শন পূর্ব্বক কৃতাজ্জলিপুটে প্রহুষ্ঠ চিত্তে এক বাক্যে প্রশংসা করিতে লাগিলেন।

উল্লিখিত সর্গ ।

পরমতেজস্বী রাগ, গদাহস্তে ভূমিতলে অবস্থিত রথহীন
 খরকে যুদ্ধপূর্ব পুরুষ বাক্যে কহিতে লাগিলেন, ভূমি অশ্ব গজ ও
 রথসঙ্কুল সুবিপুল সৈন্যের অধিপতিপদে প্রতিষ্ঠিত হইয়া, সর্ব-
 লোকবিগর্হিত দারুণ কার্য্য সকলের অনুষ্ঠান করিয়াছ। কিন্তু
 যে ব্যক্তি নির্দয় ও সর্বদা পাপকর্মে প্রবৃত্ত হইয়া, লোকের
 উদ্বেগ উৎপাদন করে, সে ত্রিলোকের দৈত্য হইলেও, স্বপদজুটে
 হইয়া থাকে। হে নিশাচর! যে ব্যক্তি লোকবিরুদ্ধ অতি
 দারুণ কর্ম্মের অনুষ্ঠান করে, সকল লোকেই তাহাকে, সমাগত
 দুষ্ট সর্পের ন্যায় বধ করিয়া থাকে। যে ব্যক্তি লোভ বা কাম-
 বশতঃ পাপানুষ্ঠান করত তাহা বুঝিতে পারে না, লোক
 সকল হুষ্ট হইয়া, করকা-ভিক্ষিণী ভ্রাম্মণীর ন্যায়, তাহার বিনাশ
 দেখিয়া থাকে। হে রাক্ষস! দণ্ডকবনবাণী ধর্ম্মচারী মহা-
 ভাগ তাপসদিগকে বধ করিয়া, তোমার যে কি ফল লাভ হইবে,
 বলিতে পারি না। অথবা, যে ক্রুরস্বভাব ব্যক্তিগণ চিরকাল
 পাপকর্ম্ম করিয়া, লোকের নিন্দাভাজন হয়, তাহারা প্রভু
 লাভ করিয়া, শীর্ণমূল বৃক্ষের ন্যায়, স্বপদে তিষ্ঠিতে পারে না।
 যে ব্যক্তি পাপ করে, সময় উপস্থিত হইলে, বৃক্ষ যেমন তন্তু-
 ঝড়-মূলভ পুষ্প প্রাপ্ত হয়, সেই পাপকর্ত্তাকেও তেমনি দুঃখরূপ
 ফল ভোগ করিতে হয়। হে নিশাচর! বিষমিশ্রিত অন্ন ভক্ষণ
 করিলে, যেমন অচিরকালমধ্যেই তাহার ফলপ্রাপ্তি হইয়া থাকে,
 পাপকর্ম্মের ফলও সেইরূপ আশু ফলিত হয়। হে রাক্ষস!
 রাক্ষসগণ ভয়ঙ্কর পাপানুষ্ঠান করত লোকের অশ্রিয়সাধনে
 উদ্যত হওয়াতে, আমি দুষ্টের নিগ্রহাধিকারী রাজা বলিয়া,
 ঋষিগণ তাহাদের প্রাণদণ্ডবাসনায় আমায় শরণাপন্ন হইয়াছেন।
 অদ্য আমার শরাসনমুক্ত সুবর্ণালঙ্কৃত শর সকল স্বদীর কলেবর
 ভেদ করত বনুধা বিদীর্ণ করিয়া, সর্ব সকল যেমন বন্দীকমধ্যে

লীন হয়, তদ্রূপ পাতালগঙ্ধারে প্রবেশ করিবে। তুমি পূর্বে দণ্ডকারণ্যে যে সকল ধর্মচারী ঋষিকে ভক্ষণ করিয়াছ, অদ্য যুদ্ধে মনৈন্যে নিহত হইয়া, তোমাকে তাহাদের অনুগামী হইতে হইবে। যে সকল পরমর্ষি তোমার হস্তে নিহত হইয়াছেন, অদ্য তাঁহারা বিমানে আগিয়া অবলোকন করুন, তুমি আগার শরপরম্পরায় দিনষ্ট হইয়া, নরকে পতিত হইয়াছ। রে কুলধর্ম! এক্ষণে তুমি ইচ্ছানুসারে আমাকে প্রহর ও তজ্জন্য যত্ন কর। অদ্য আমি তাকালের ন্যায়, তোমার মস্তক পাতিত করিব।

রাম এই কথা কহিলে, ক্রোধাবেশবশতঃ খরের লোচনযুগল নিতান্ত রক্তবর্ণ ও জ্ঞান শূন্য হইয়া গেল, সে উচ্চৈঃস্বরে হাস্য করিয়া, প্রত্যুত্তর করিল, হে দশরথাক্ষ! তোমার প্রশংসার কিছুই নাই। তুমি যুদ্ধে কতিপয় সামান্য রাক্ষস হত্যা করিয়াছমাত্র; কিরূপে আপনার প্রশংসা করিতেছ? স্বভাবতঃ বলবিক্রমসম্পন্ন পুরুষশ্রেষ্ঠ ব্যক্তিগণ তেজে গর্জিত হইয়া, কিছুমাত্র অতিবাদে প্রহত হইয়েন না। অকৃতান্তা ইতর ক্ষত্রিয়কুলাদ্যেরাই, তোমার ন্যায়, অনর্থক গর্জ প্রকাশ করিয়া থাকে। মৃত্যুকাল উপস্থিত হইলে, যখন আত্মপ্রশংসার অবসর থাকে না, কোন্ বীর আভিজাত্য উল্লেখ করিয়া তৎকালে নিজের প্রশংসা করে? স্বর্ণাদির শোধনার্থ প্রস্তুত কুশাগ্নিতে স্বর্ণতুল্যরূপ পিত্তল যেমন নিক্ষিপ্ত হইলে, কৃষ্ণবর্ণ ধারণ পূর্বক লঘুতা প্রদর্শন করে, তুমিও তেমনি আত্মপ্রশংসাপূর্বক সর্বতোভাবে নীচত্ব প্রকাশ করিলে। আমি যে গদাধারণপূর্বক ধাতুর্মিশ্রিত ধরাধর পর্ত্তের ন্যায়, অবিচলিতভাবে এখানে অবস্থিতি করিতেছি, তুমি তাহা দেখিতে পাও নাই; সেইজন্যই গর্জ করিতেছ। পাশধর অস্ত্রকের ন্যায়, আমি গদাহস্তে যুদ্ধে তোমার এবং তিন লোকেরও প্রাণসংহার করিতে পারি, তাহাতে কিছুমাত্র লজ্জা নাই। তোমার বিষয়ে আগার আরও অনেক কথা

বলিবার আছে। কিন্তু তাহা আর বলিতেছি না। কেননা, সূর্য্য অন্ত যাইতেছেন; অতঃপর যুদ্ধবিজয়ের সম্ভাবনা। তুমি যে চতুর্দশ সহস্র রাক্ষস বিনাশ করিয়াছ, অদ্য তোমাকে সংহার করিয়া, তাহাদের স্ত্রী পুত্রাদির অশ্রু প্রসার্কন করিব।

• এই বলিয়া সে নিরতিশয় ক্রুদ্ধ হইয়া, অত্যাশ্রুত কনক-বলয়-বিশিষ্ট সেই হস্তস্থিত গদা, স্বলম্ব অশনির ন্যায়, রামের উদ্দেশে নিক্ষেপ করিল। ঐ প্রাদীপ্ত মহতী গদা তাহার বাহ-
বিনিমুক্ত হইয়া রক্ষ ও গুল্ম সকল ভস্ম শেষ করিয়া, রামের সমীপে আগমন করিতে লাগিল। তিনি শরজালপ্রয়োগপূর্ব্বক, সাক্ষাৎ মৃত্যুপাশের ন্যায়, নিকটে সমাগত ভূস্তরিক্ষচারিণী সেই সুবিশাল গদা বহুদা ছেদন করিয়া ফেলিলেন। অতীব-
হিংস্রস্বভাবা সর্পী যেমন গজ ও ওষধিবলে বিনিপাতিত হয়, তদ্রূপ, ঐ গদা শরপরম্পরায় ছিন্ন ও বিণীর্ণ হইয়া, ধরাতেলে নিপতিত হইল।

—

ত্রিংশ সর্গ।

ধর্ম্মবৎসল রাঘব বাণসমূহে গদা ছিন্ন করিয়া, ক্রৈমৎ হান্য করত সক্রোধ বাক্যে কহিতে লাগিলেন, রে রাক্ষসাদম! তোমার যাহা কিছু বল ছিল, তৎসমস্তই তুমি এই প্রদর্শন করিলে। আর তোমার কিছুমাত্রও শক্তি নাই। তুমি মত হইয়া, স্বধা গর্জন করিতেছ কেন? তুমি নাম মাত্রে বলবান। তোমার বিশ্বাস ছিল, এই গদা তোমার বিপরীত পক্ষ সংহার করিবে। কিন্তু, উহা আমার বাণে ছিন্ন তিন্ন হইয়া, ধরাভ্রমে শয়ন পূর্ব্বক, তোমার বিশ্বাস বিনষ্ট করিল। আর, তুমি যে বলিয়াছিলে, বিনষ্ট রাক্ষসগণের স্ত্রী পুত্রাদির অশ্রু প্রসার্কন করিব, তোমার সে কথাও মিথ্যা হইল। গরুড় যেমন অমৃত হরণ করিয়াছিলেন, এক্ষণে আমিও সেইরূপ, নীচ, ক্ষুদ্রস্বভাব

ও মিথ্যাচারী তোমার প্রাণ হরণ করিব। অদ্য মদীয় শর-
সমূহে বিদারিত হইয়া, ত্বদীয় কণ্ঠদেশে ছিন্ন হইলে, পৃথিবী
তোমার কেনবৃদ্ধদশোভিত শোণিত পান করিবেন। অদ্য
তুমি স্বস্থানভ্রষ্ট ও ভূমিতলন্যস্ত বাহুযুগলে এবং ধূলিধূসরিত
সর্কাদ্বে, দুর্লভা প্রমদার ন্যায়, পৃথিবীর বক্ষে শয়ন করিবে। রে
রাক্ষসকুলনাশক! তুমি দীর্ঘ নিজা লাভ পূর্বক শয়ন
করিলে, এই দণ্ডকপ্রদেশ, সকল লোকের শয়নীয় ঋষিগণের
শরণীয় হইবে। হে নিশাচর! মদীয় শরসমূহে জনস্থান
হইতে রাক্ষসগণের বাসস্থান বিলীন হইলে, মুনিগণ নির্ভয়
হইয়া, সর্ককোভাবে বনে বিচরণ করিবেন। বাহারা অপরের
ভয় উৎপাদন করিয়া থাকে, সেই সকল রাক্ষসী অদ্য পতি-
পুঞ্জাদিবিহীন হইয়া, বাষ্পার্জ বদনে আমার ভয়ে জনস্থান
হইতে পলায়ন করিবে। তুমি যাহাদের এইপ্রকার চরাভ্রা
পতি, তোমার সদৃশ দুষ্কুলশালিনী সেই সকল পত্নী অদ্য
শোকরসের মর্ষজ ও কামাদিপুরুষার্থবিহীন হইবে। রে
নির্দয়প্রকৃতি ক্ষুদ্রাত্মা ব্রাহ্মণকণ্টক! মুনিগণ তোমার জন্য
শঙ্কিত হইয়া, অগ্নিতে হবিঃ প্রক্ষেপ করেন।

রঘুকুমার রাম নিরতিশয় ক্রোধবশে এইপ্রকার বাগ্-
বিন্যাসে প্রবৃত্ত হইলে, নিশাচর খর রোষতরে খরতর স্বরে
ভৎসনা করিয়া কহিল, তুমি নিশ্চয়ই অতিশয় গর্কিত এবং
ভয়েও ভয় কর না। সেইজন্য, মৃত্যুর বশতাপন্ন হইয়াও
বাচ্যাব্যচ্য বিচার করিতেছ না। বুঝিলাম, যে সকল পুরুষ
কাঁপাশে বদ্ধ হয়, অন্তঃকরণাদি ছয় ইঞ্জিয়ের নিরোধ প্রযুক্ত
ভাঁহাদের কার্যাকার্যজ্ঞান রহিত হইয়া যায়। নিশাচর খর
স্বামকে এই কথা কহিয়া, অকুটিলজনপূর্বক, অনতিদূরে
অতিপ্রকাণ্ড সালতরু অবলোকন করিল। সেই সুবিস্তৃত
শালিতরু দর্শনে, যুদ্ধে আবুধ করিবার জন্য, অধরদংশনপূর্বক
ভাঁহা সমুৎপাতিত করিল। এবং ঘোর গভীর চীৎকার

পূরক, বাহুদ্বয় সহায়ে এই তরু সমুৎক্ষেপণ করিয়া, ভূমি হত হইলে, বলিয়া, রামের উদ্দেশে প্রয়োগ করিল। এতাপশালী-রাম, আত্মোপরি পতনোন্মুখ এই শালতরু শর-সমূহে ছেদন করিয়া, যুদ্ধে খরের সংহার জন্য নিরতিশয় •রোষ আহরণ করিলেন। ক্রোধভরে তাঁহার নয়নপ্রান্ত লোহিতবর্ণ হইয়া উঠিল। তখন তিনি নিরতিশয় ছিন্ন হইয়া, সহস্র শরে খরকে ছিন্ন ভিন্ন করিয়া ফেলিলেন। পর্কতশ্রবণ হইতে যেরূপ ধরাপ্রবাহ নির্গলিত হয়, তদ্রূপ, তাঁহার শর সকলের ক্ষতমুখ হইতে ফেনগয় রুধিররাশি বিনিঃসৃত হইতে লাগিল। খর রামের শরজালে বিকলভাবাপন্ন ও রুধির-গন্ধে মত্ত হইয়া, দ্রুতপদ সঞ্চারে তাঁহার সম্মুখে ধাবমান হইল। সে রুধিরে পরিপ্লুত ও নাতিশয় রোষান্বিত হইয়া, ঐরূপে ধাবমান হইলে, শিক্ষিতান্ব রাম কিয়ৎপরিমাণ ভ্রমিত গতিতে তথা হইতে দুই তিন পদ সরিয়া গেলেন। অনন্তর স্তাহার সংহার জন্য, দ্বিতীয় ব্রহ্মদেবের ন্যায়, অগ্নিসদৃশ শর প্রহণ করিলেন। ধীমান্ দেবরাজ ইন্দ্র এই শর সম্প্রদান করেন। ধর্ম্মাত্মা রাম শরাসনে সন্ধান পূরক উহা খরের প্রতি প্রয়োগ করিলেন। তিনি ধনু আনত করিয়া, মহাবাণ মোচন করিলে, উহা বজ্রগম শব্দে খরের বক্ষস্থলে পতিত হইল। খর শরানলে দহমান হইয়া, শ্বেতারণ্যে মহাদেব কর্তৃক বিনির্দক্ষ অন্ধক অসুরের ন্যায়, ধরাতে পতিত হইল। রত্ন যেমন বজ্র দ্বারা, নমুচি যেমন ফেন দ্বারা এবং বলাসুর যেমন ইন্দ্রের অশনি দ্বারা হত ও পতিত হইয়াছিল, খরও, সেই রূপে রামের শরাঘাতে বিনষ্ট ও ধরাশায়ী হইল।

এই অবসরে দেবগণ চারণগণের সহিত মিলিত হইয়া, নিরতিশয় হর্ষ ও বিস্ময় সহকারে তুমুভি সকল নিনাদিত্ত করিয়া, রামের উপরি পুষ্পরষ্টি আরম্ভ করিলেন।

রাম সুশাণ্ডিত সাংকসমুদ গন্ধিত করিয়া, কিকিঙ্কন ঘণ্টায়

তুমুল সংগ্রামে খরদুষণপ্রমুখ কামরূপী চতুর্দশ মহত্স রাক্ষস
সংহার করিলেন । তদর্শনে সমবেত দেবতারা সকলেই,
হায়, সাক্ষাৎ বিকুর ন্যায়, রামের কি অত্যাশ্চর্য্য মহৎ কার্য্য,
কি অদ্ভুত বীর্য্য, কি বিস্ময়াবহ দৃঢ়তাই দর্শন করিলাম, এই
কথা বলিতে বলিতে স্ব স্ব স্থানে প্রস্থান করিলেন । অনন্তর
রাজর্ষিগণ ও পরমর্ষি সকল পরস্পর মিলিত হইয়া, অগস্ত্যের
সহিত আজ্ঞাদিত চিতে রামের সভাজন করিয়া, বলিতে
লাগিলেন, পরমতেজস্বী পাকশাসন পুরন্দর মহেন্দ্র
এইজন্যই শরভঙ্গের পরমপবিত্র আশ্রমে আসিয়াছিলেন ।
এবং মহর্ষিগণ এই সকল পাপকর্ম্ম বিপক্ষ রাক্ষসের সংহার
জন্যই কৌশলক্রমে তোমাকে এই স্থানে আনয়ন করিয়াছেন ।
হে দশরথনন্দন ! তুমি আমাদের সেই এই অতিমহৎ কার্য্য
সম্পাদন করিলে । মহর্ষিগণ এক্ষণে দণ্ডকারণ্যে স্ব স্ব ধর্ম্ম
আচরণ করিবেন ।

নুনিগণ এই কথা বলিতেছেন, এমন সময়ে বীর লক্ষ্মণ
সীতার সহিত গিরিদুর্গ হইতে বিনির্গত হইয়া, সুখে আশ্রমে
প্রবেশ করিলেন । অনন্তর বিজয়ী রাম মহর্ষিগণ কর্তৃক পূজ্য-
মান হইয়া, আশ্রমে প্রবিষ্ট হইলেন । লক্ষ্মণও তাঁহার যথোচিত
পূজা করিলেন । জানকী মহর্ষিগণের সুখাবহ শত্রুহস্তা স্বামী
রামকে সন্দর্শন করিয়া, আজ্ঞাদিত হইয়া অলিঙ্গন করিলেন ।
রাক্ষসগণ নিহত হইয়াছে এবং রাম সর্ব্বথা নিরাপদে আছেন,
দেখিয়া, তিনি অতিশয় প্রীতি ও সন্তোষ প্রাপ্ত হইলেন ।
অনন্তর জনকনন্দিনী পুনরায় পুত্রম প্রীতি ও হর্ষ ভরে রাক্ষসকুল-
মর্দন স্বামীকে আলিঙ্গন করিলেন । মহাত্মা ঋষিগণ আজ্ঞাদিত
হইয়া, বিশেষ রূপে রামের পূজা করিতে লাগিলেন ।

একত্রিংশ সর্গ।

অনন্তর অকম্পন নামে রাক্ষস ভূরাপূরক জনস্থান হইতে প্রস্থান করিয়া, বেগভরে লঙ্কায় প্রবেশ করত রাবণকে কহিল, রাজন্! জনস্থানবাণী বহুসংখ্য রাক্ষস এবং স্বয়ং খরও যুদ্ধে নিহত হইয়াছে, আমি কোনরূপে বাঁচিয়া আনিয়াছি। সে এই কথা কহিলে, ক্রোধভরে রাবণের লোচনদ্বয় রক্তবর্ণ হইয়া উঠিল। দশানন ভেঙ্গে যেন দগ্ধ করিয়া, তাহাকে বলিল, কোন্ ব্যক্তির আশু শেষ হইয়াছে; কোন্ ব্যক্তি আর কোন লোকেই আশ্রয় পাইবে না; সেইজন্য সে আশ্রয় অধিকৃত ভয়ঙ্কর জনস্থান ধ্বংস করিল। আমার অপকার করিয়া, ইন্দ্র, যম, কুবের অথবা বিষ্ণুও সুখলাভে সমর্থ হইবেন না। আমি কালেরও কাল, অগ্নিরও অগ্নি; এবং মৃত্যুরও মৃত্যু বিধান করিতে পারি। আমি ক্রুদ্ধ হইলে, ভেঙ্গে অগ্নি ও সূর্য্যকেও দগ্ধ এবং বেগে বায়ুরও বেগ রুদ্ধ করিতে পারি।

দশগ্রীব রাবণ এই প্রকারে ক্রুদ্ধ হইলে, অকম্পন ভয়ে কৃতজ্ঞ হইয়া, সন্দিক্ষ বাক্যে অভয় প্রার্থনা করিল। রাক্ষস-প্রবর দশানন তাহাকে অভয় প্রদান করিল। তখন সে বিস্মৃত হইয়া, অসন্দিক্ষ বাক্যে কহিতে লাগিল, দশরথের রাম নামে পুত্র আছেন। তিনি যুবা, সুবিশালশুদ্ধবিশিষ্ট এবং সাতিশয় শ্রীসম্পন্ন। তাঁহার অঙ্গ ও রূপ অত্যাংকুষ্ঠ, বাহুযুগল, হস্তায়ত ও সুবিস্তৃত, বর্ণ শ্যামল, বশ বহুবিস্তৃত, এবং তাঁহার বল-বিক্রমের তুলনা নাই। তিনিই জনস্থানে দুষ্টগহিত খরের সংহার করিয়াছেন।

রাক্ষসবীর রাবণ অকম্পনের কথা শুনিয়া, নাগরাজের ন্যায়, নিশ্বাস ত্যাগ করিয়া, কহিতে লাগিল, অকম্পন! তুমি বলিতে পার, রাম সমুদায় দেবতা ও ইন্দ্রের সহিত মিলিত হইয়া, জনস্থানে উপস্থিত হইয়াছেন?

অকম্পন রাবণের কথা শুনিয়া, পুনরায় মহাত্মা রামের বল বিক্রম বর্ণন করিয়া কহিল, রাম অতিশয় হেজম্বী, সমুদায় ধর্ম্মের শ্রেষ্ঠ, দিব্যাত্ম গুণ-বিশিষ্ট এবং যুদ্ধে অসাধারণশৌর্য্যসম্পন্ন। তাঁহার কনিষ্ঠ ভ্রাতা লক্ষ্মণও তাঁহার সমান বলবান্। তাঁহার স্বর দুন্দুভিবৎ সুগভীর; লোচনযুগল রক্তবর্ণ এবং তাঁহার বদনমণ্ডল পৌর্ণমাসী-শশধর-সদৃশ। বায়ু যেমন অগ্নির সহিত, শ্রীমান্ রাজরাজ রামও তেমনি লক্ষ্মণের সহিত মিশিত হইয়া, জনস্থান ধ্বংস করিয়াছেন। মহাত্মা দেবগণ আগমন করেন নাই। রামই কেবল পতঙ্গবিশিষ্ট সূর্য্যপুংখ শর সকল সঞ্চান করিয়াছেন। সুতরাং, এবিষয়ে অন্য বিচার্য্যার আবশ্যকতা নাই। রামের শর সকল পঞ্চমুখ সর্প হইয়া, রাক্ষসদিগকে ভক্ষণ করিয়াছে। রাক্ষসগণ যুদ্ধসময়ে ভয়ে গুরুপ্রায় হইয়া, যে যে দিকে পলায়ন করিতে লাগিল, সেই সেই দিকেই অবলোকন করিল, রাম তাহাদের সম্মুখে রহিয়াছেন। হে অনঘ! এই প্রকারে তিনি আপনার অধিকৃত জনস্থান বিনষ্ট করিয়াছেন। অকম্পনের কথা শুনিয়া রাবণ কহিল, আগি রাম লক্ষ্মণের বিনাশ জন্য জনস্থানে গমন করিব।

সে এইপ্রকার বাক্য প্রয়োগ করিলে, অকম্পন কহিতে লাগিল, রাজন্! রামের বল, পৌরুষ ও চরিত বৈশিষ্ট্য, অবগত করুন। পরময়গম্বী রাম কুপিত হইয়া বিক্রমপ্রকাশ-পূর্ব্বক সংহারে প্রবৃত্ত হইলে, তাঁহাকে আয়ত্ত করা ত্রাণাদিনও সাধ্য নহে। তিনি পরিপূর্ণ নদীবৈশিষ্ট্য শরসমূহে পরিহার করিতে পারেন, গ্রহ নক্ষত্র ও তারকাপূর্ণ আকাশও অবসন্ন করিতে পারেন, ভারমণ্ড পৃথিবীকেও উদ্ধার করিতে পারেন, সমুদ্রের বেলাভূমি ভগ্ন করিয়া, লোক সকল জগন্নাথিত করিতে পারেন, বাণপনস্পরায় সাগরের অথবা বায়ুরও বেগ রোধ করিতে পারেন, কিংবা সেই মহাযশা-শ্রীমান্ শ্রেষ্ঠ পুরুষ স্বকীর

বিক্রমে লোকদিগকে সংহার করিয়া, পুনরপি প্রজা সৃষ্টি করিতে পারেন। হে দণবদন! পাপাত্মা যেমন স্বর্গজন্মে সমর্থ হয় না, তুমি বা রাক্ষসগণ কেহই তেমনি যুদ্ধে রামকে জয় করিতে পারিবে না। আমার ত বিলক্ষণ প্রতীতি হয় দেবগণ সকলে একত্র হইলেও, তাঁহাকে বধ করিতে পারেন না। তবে তাঁহার বধের এই উপায় আছে, এক মনে শ্রবণ করুন। সীতানামে তাঁহার ভার্য্যা লোকমধ্যে মর্কোৎকৃষ্টা ও স্ত্রীগণের রত্নস্বরূপা। সেই রত্নভূমিতা যৌবনে পদার্পণ করিয়াছেন। তাঁহার মধ্যভাগ অতিসুন্দর এবং সমুদায় অঙ্গ সমবিভক্ত। না দেবী, না গন্ধর্বা, না অঙ্গরী, না পরগী, কেহই সেই গীমস্তিনীর তুল্য নহে; মানুষী কিরূপে তাঁহার সমান হইতে পারে? আপনি মহাবনে গমন করিয়া, কোনরূপ কৌশলে উচাটনপূর্ব্বক তাঁহাকে ঐ ভার্য্যা হরণ করুন। ভার্য্যাহীন হইলে, রাম কোন মতেই বাঁচিবেন না।

মহাবাহু রাক্ষসরাজ রাবণ এই কথা মনোমত্ত জ্ঞান করিয়া, চিন্তা করিতে লাগিল। পরে অকম্পনকে কহিল, আচ্ছা, আমি কল্যই একাকী গারখির সহিত গমন করিব এবং জানকীকে সহর্ষে লঙ্কাপুরে আনয়ন করিব। এইপ্রকার কহিয়াই রাক্ষস-রাজ রাবণ তৎক্ষণাৎ সূর্য্যাস্তমবর্ণ গর্দভযোজিত রথে আরোহণ পূর্ব্বক সমুদায় দিক্ আলোকময়ী করিয়া, প্রস্থান করিল। রাক্ষসরাজের সেই সুবিপুল রথ নক্ষত্রপথে গমনপূর্ব্বক বেগভরে লঞ্চরণ করিয়া, জলদমণ্ডলে চন্দ্রমণ্ডলের ন্যায়, শোভাবিস্তার করিল। অনন্তর রাবণ বহুদূর গমন করিয়া, তাড়কাসুত মারীচের আশ্রমে উপনীত হইল। মারীচ বিবিধ অমানুষ ভক্ষ্য-ভোজ্য প্রদানপূর্ব্বক তাহার পূজা করিল। স্বয়ং এইরূপে আসন ও উদক দ্বারা তাহার অর্চনা করিয়া, পরে অর্থসম্বত বাক্যে কহিতে লাগিল, রাজন্ রাক্ষসাধিপ! রাক্ষসগণের কুশল? আমার ত কিন্তু কুশলজ্ঞান হইতেছে না, বিপদেরই আশঙ্কা হই-

তেছে ; কেননা, আপনি একাকীই অতি সম্বর আগমন করিয়াছেন, দেখিতেছি ।

মারীচ এই কথা কহিলে, বাক্যবিন্যাসপটু পরমতেজস্বী দশানন কহিতে লাগিল, তাত ! অক্লিষ্টকন্দা রাম আমার খরাদি সীমারক্ষকদিগকে বিনাশ করিয়াছেন । এবং যে জনস্থান কাহারও বধ্য নহে, যুদ্ধে তাহারও নিঃশেষে ধ্বংস করিয়াছেন । অতএব তোমাকে রামের ভাৰ্য্যাগরণে আমার সহায়তা করিতে হইবে ।

মারীচ রাক্ষসরাজ রাবণের কথা শুনিয়া, বলিতে লাগিল, কোন্ মিত্রকুপী শত্রু তোমায় গীতার কথা কহিল ? হে রাক্ষসশ্রেষ্ঠ ! ভূমি দানাদি দ্বারা বিশেষরূপে সমুষ্টি করিলেও, কোন্ ব্যক্তি তোমার প্রতি সমুষ্টি নহে ? গীতাকে লক্ষ্য লইয়া আইস, এ কথা তোমায় কে বলিল, বল । কোন্ ব্যক্তি সমুদায় রাক্ষসলোকের শৃঙ্গছেদনে অভিলাষী হইয়াছে ? যে ব্যক্তি তোমায় এইপ্রকার উৎসাহ দিয়াছে, সে, নিঃসন্দেহই শত্রু । কেননা, সে ব্যক্তি তোমার দ্বারা আশীষের মুখ হইতে দংশিতা উৎপাটনের চেষ্টা করিতেছে । কোন্ ব্যক্তি এইপ্রকার অনুষ্ঠান দ্বারা তোমার বিনাশমার্গ উপস্থাপিত করিয়াছে ? রাজন্ ! ভূমি সুখে শয়ন করিয়াছিলে ; কোন্ ব্যক্তি তোমার সমুদিকে প্রহার করিয়াছে ? হে রাবণ ! আভিজাত্য বাঁহার শুণ্ডাগ্র, প্রতাপ বাঁহার মদ এবং অসংস্থিত বাহুযুগল বাঁহার দস্তদ্বয়, সেই রামরূপ মনুহস্তীকে যুদ্ধে দর্শন করাও উচিত নহে । রণমধ্যে অবস্থানই বাঁহার সন্ধি ও কেশরগুচ্ছ, সুশাণিত ঋজু বাঁহার সুতীক্ষ্ণ দস্তপংক্তি এবং যিনি রণচতুর রাক্ষসরূপ যুগগণের নিহন্তা, সেই শররূপ-অঙ্গপূর্ণ রামরূপ সুগুপ্ত সিংহকে জাগরিত করা তোমার সাধ্যায়ত্ত নহে । হে রাক্ষসরাজ ! বাহাতে ধনুরূপ প্রাণঘাতক হিংস্র জন্তু বিদ্যমান, বাহুবেগরূপ পক্ষ ও শররূপ তরঙ্গমালায় বাহা পরিব্যাপ্ত এবং তুমুল যুদ্ধরূপ জলরাশিতে বাহা

বেষ্টিত, সেই অতীব ভয়ঙ্কর রামরূপ পাতালমুখে পতিত হওয়াও উচিত হয় না । অতএব লঙ্কেশ্বর রাক্ষসেন্দ্র ! প্রসন্ন হও এবং প্রসন্ন হইয়া ধর্ম্মে ধর্ম্মে লঙ্কায় প্রবেশ কর । তথায় তুমি নিত্য স্বকীয় পত্নীগণে বিহার কর এবং রামও নিজ পত্নীর সহিত বন-
মধ্যে বিহার করুন ।

দশগ্রীব রাবণ সারীচের এই কথায় নিরুত্তর হইয়া, লঙ্কায় গমনপূর্ব্বক আপনার উৎকৃষ্ট গৃহে প্রবেশ করিল ।

দ্বাত্রিংশ সর্গ ।

এ দিকে, রাম চতুর্দশ সহস্র ভীষণপ্রকৃতি রাক্ষস, দুষণ, ঋর ও ত্রিশিরা, সকলকেই যুদ্ধে একাকী নিধন করিলেন, দেখিয়া, সূৰ্পণখা পুনরায় মেঘবৎ স্মৃগভীর স্বরে শব্দ করিতে লাগিল । অন্যের যাহা নিতান্ত দুঃসাধ্য, রাম তাহা করিলেন, দেখিয়া, সূৰ্পণখা নিতান্ত উদ্বিগ্ন হইয়া, রাবণরক্ষিত লঙ্কা-
নগরীতে গমন করিল । দেখিল, দীপ্তোজ্জ্বল দশানন বিমান-
শিখরে আসীন রহিয়াছে । দেবগণ যেমন ইন্দ্রের নিকট, মন্ত্রিগণ
সেইরূপ তাহার সান্নিধ্যে বসিয়া আছে । সূর্য্যসমদ্যুতি স্বর্ণময়
উৎকৃষ্ট আসনে আসীন হওয়াতে, কনকময় বেদিমধ্যাগ্রত
প্রভুততর প্রজ্বলিত পাবকের ন্যায়, তাহার শোভা হইয়াছে ।
দেব, গন্ধর্ব্ব, ভূত ও মহাত্মা ঋষিগণ কেহই তাহাকে, ব্যাদিতানন
ভয়ঙ্কর অন্তকের ন্যায়, সমরে জয় করিতে পারেন না । দেব
ও অসুরগণের সহিত যে অনেকবার যুদ্ধ হইয়াছিল, তাহাতে,
তাহার শরীরে বজ্র ও অশনির আঘাতজন্য ব্রণপরম্পরা বিরাজ
করিতেছে । এবং ঐরাবতের দশনাগ্নের আঘাত লাগিয়াও
তাহার বক্ষস্থল কিণাক্ষিত হইয়াছে । তাহার কুড়ি হাত,
দশ গ্রীবা, পরিচ্ছদ পরমপরিপাটি, বক্ষস্থল বিশাল, এবং শরীর
রাজলক্ষণে লাক্ষিত । সে যে বৈদূর্য্য ধারণ করিয়াছে, তদীয়

দেহকাস্তি সেই বৈদূর্য্যমণি সদৃশ । তাহার কুণ্ডল তপ্তকাঞ্চন-
 নিশ্চিত, ভুজপরম্পরা পরমসুন্দর, দশনপংক্তি শুক্লবর্ণ, বদন-
 মণ্ডল অতীব বিশাল এবং আকার পৰ্ব্বতপ্রতিম । দেবগণের
 সহিত শতশতবার যুদ্ধে বিমুচকের বারম্বার নিপতনে এবং
 অন্যান্য অনেক তুমুল সংগ্রামে অন্যান্য শস্ত্র সকলের প্রহারে
 সে নিরতিশয় তাড়িত এবং তাহার অঙ্গ সমস্তও অমরগণের
 আশুধরপরম্পরায় আহত হইয়াছে । কোন মতেই ক্ষুণ্ণ হয় না,
 ঈদৃশ সমুদ্রগণেরও ক্ষোভসমুৎপাদনে তাহার বিশেষ ক্ষমতা
 আছে । সে অতি সহস্র কার্য্য সকলের সম্পাদন, পৰ্ব্বতাঞ্জন
 সকলের বিক্ষেপণ, সুর সকলের প্রমর্দন, ধর্ম্ম সকলের উচ্ছেদন,
 পরদার সকলের সতীত্বহরণ, দিব্যাস্ত্র সকলের প্রযোজন ও যজ্ঞ
 সকলের বিঘ্ন সজ্জন করিয়া থাকে । এবং সে ভোগবতীনগরে
 গমন ও নাগরাজ বাসুকিকে পরাজয় করিয়া, তক্ষকের পরাভব
 করত তদীয় প্রিয় ভার্য্যা হরণ করিয়াছে ; কৈলাসপৰ্ব্বতে গমন
 ও নরবাহন কুবেরকে জয় করিয়া, তদীয় কামগামী পুষ্পক-
 বিমান বলপূর্ব্বক গ্রহণ করিয়াছে ; চৈত্ররথনামক দিব্য বন,
 তাহার অন্তর্গত পুষ্করিণী, নন্দনকানন, এবং অন্যান্য দেবোদ্যান
 সকল ক্রোধে বিনষ্ট করিয়াছে । সে দেখিতে পৰ্ব্বতশিখরের
 ন্যায়, অতিশয় বীৰ্য্যবিশিষ্ট এবং উদীয়মান মহাভাগ চন্দ্র
 পূর্য্য দুই জনকে দুই বাহুতে নিবারণ করিয়া থাকে । পূর্বে সে
 মহাবনে দশসহস্র বৎসর তপস্যা করিয়া, ব্রহ্মাকে ধৈর্য্যসহকারে
 আপনার শির সকল উপহার প্রদান করিয়াছিল । মনুষ্য
 ব্যতিরেকে, দেব, দানব, গন্ধর্ব্ব, পিশাচ, পতঙ্গ বা উরগ আর
 কাহারই হস্তে যুদ্ধে তাহার মৃত্যুভয় নাই । দ্বিজাতিগণ যজ্ঞে
 মন্ত্রোচ্চারণপূর্ব্বক যাহার স্তব করেন, ঐ মহাবল রাবণ সোম-
 শালায় গমন করিয়া, সেই পবিত্র সোম নষ্ট ও দক্ষিণাদান
 সময়ে যজ্ঞ সকল ধ্বংস করে ; সর্কদা ব্রহ্মহত্যা, জুর কার্য্যের
 অনুরূপ ও প্রজাগণের অনিষ্ট করিয়া থাকে ; এবং নানাপ্রকারে

উৎপীড়ন পূর্বক প্রাণিমাত্রের চীৎকার শব্দ সমুৎপাদন ও লোকমাত্রের ভয় বিধান করে। তাহার সরলতা, মৃদুতা ও অনুকম্পার লেশ নাই। রাক্ষসী সূৰ্পণখা অবলোকন করিল, মহাবল, মহাভাগ, রাক্ষসকুলের আনন্দবর্দ্ধন, শত্রুগণের হস্তা, রাক্ষসরাজ ভ্রাতা রাবণ দিব্য বস্ত্র, দিব্য আভরণ ও দিব্য মাণ্যে ভূষিত এবং মস্ত্রিগণে পরিবেষ্টিত হইয়া, প্রলয়কালে লোকসংহারে প্ররক্ত সাক্ষাৎ কালের ন্যায়, আসনে উপবিষ্ট রহিয়'ছে। সূৰ্পণখা সৰ্ব্বত্রই নির্ভয়ে বিচরণ করিয়া থাকে। মহাত্মা লক্ষ্মণ নাগাকর্ণ ছেদন করাতে, ভয়ে বিহ্বল হইয়াছিল। এবং রাক্ষসগণের মৃত্যু জন্য শঙ্কায় ও রাগের রূপাতিশয্য দর্শনে লোভবশতঃ তাহার জ্ঞানও লোপ পাইয়াছিল। সে তদবস্থায় দীপ্ত-বিলসিত-লোচন-বিশিষ্ট রাবণের নগীপবর্ত্তিনী হইয়া, আপনার বৈরুপ্যপ্রদর্শনপূর্বক অতি দারুণ বাক্যে কহিতে লাগিল।



ত্রয়স্ত্রিংশ সর্গ।

অনন্তর সূৰ্পণখা নিরতিশয় ক্রোধে প্রাজ্বলিত হইয়া, সকল লোকের চীৎকারজনক রাবণকে মস্ত্রিগণের সমক্ষে কটুবাক্যে কহিতে লাগিল, তুমি সৰ্ব্বদাই কামভোগে সাতিশয় মত্ত হইয়া আছ, যাহা ইচ্ছা তাহাই করিয়া থাক এবং কোন বিষয়ে কাহারই নিষেধ বা বাধা গ্রাহ্য কর না। সেইজন্য, যে ভয়ঙ্কর বিপদ উপস্থিত হইয়াছে, তাহা জানা উচিত হইলেও, জানিতেছ না। কিন্তু, যে রাজা স্ত্রী প্রভৃতি গ্রাম্য ভোগে সৰ্ব্বদাই আসক্ত, কামচেষ্টাপরায়ণ ও নিরতিশয় লোভপরবশ, প্রজাগণ, শূশা-নাগ্নির স্ত্রায়, সেই রাজার বহুমান করে না। যে রাজা যথাকালে স্বয়ং কার্য্য সকলের অনুষ্ঠান করেন না, তাঁহাকে, রাজ্য ও তত্তৎ অননুষ্ঠিত কার্য্য সকলের সহিত বিনষ্ট হইতে হয়। যে

রাজা স্ত্রীপ্রভৃতির পরতন্ত্র এবং চার সকল নিয়োগ ও প্রজাদিগকে সমুচিত সময়ে দর্শনদান করেন না, হস্তী সকল যেরূপ দূর হইতেই নদীপঙ্ক ত্যাগ করে, লোক সকলও সেইরূপ সেই রাজাকে দূর হইতে বর্জন করিয়া থাকে । পুনশ্চ, যে সকল মহীপতি পরাধীন রাজ্যাধিকার স্বাধীন করিয়া, রক্ষা না করেন," তাঁহারা, শাগরমগ্ন পর্দতসমূহের ন্যায়, সমৃদ্ধি লাভ করত প্রকাশমান হয়েন না । তুমি স্বভাবতঃ চঞ্চল ; এবং চারও নিয়োগ কর না, সুতরাং জিতেদ্রিয় দেব, দানব ও গন্ধর্ভগণের সহিত বিরোধ করিয়া, কি রূপে রাজপদ রক্ষা করিবে ? হে রাক্ষস ! তোমার স্বভাব বালকের ন্যায়, বুদ্ধির লেশ নাই ; যাহা জানা উচিত, তাহাও তুমি জান না ; অতএব কিরূপে রাজপদ রক্ষা করিবে ? হে বিজয়িশ্রেষ্ঠ ! যাহাদের চার, কোশ ও নীতি আয়ত্ত নহে, তাদৃশ নরপতিগণ ইতরলোকের সমান । যেহেতু ভূপতিগণ চার দ্বারা ছরস্ব বিষয় সমুদায় অবলোকন করেন, সেইহেতু, তাঁহাদিগকে দীর্ঘচক্ষু বলিয়া থাকে । বুঝিলাম, তুমি ইতরপ্রকৃতি মস্তিগণ সর্বদাই বেষ্টিত, কুত্ৰাপি চারনিয়োগ কর না । সেইজন্য, স্বজন ও জনস্থান যে বিনষ্ট হইয়াছে, তোমার সে জ্ঞান নাই । অক্লিষ্টকর্মা রাম একাকীই ভীমকর্মা চতুর্দশ সহস্র রাক্ষস ও দুষণ সহিত খরকে নিধন করিয়াছেন, ঋষিদিগকে অভয় দিয়াছেন, সমুদায় দণ্ডকারণ্য নিষ্কণ্টক ও জনস্থান ধ্বংস করিয়াছেন । কিন্তু রাবণ ! তুমি লোভের বশীভূত, বিষয়ানন্দের পরতন্ত্র এবং সর্বদাই পরের অধীন হইয়া আছ ; সেইজন্য, স্বীয় অধিকারে যে ভয় উপস্থিত হইয়াছে, তাহা বুঝিতেছ না । যে রাজা তীক্ষ্ণ, প্রমত্ত, গর্ভিত ও শঠ এবং অল্প দান করেন, বিপৎকালে কোন প্রজাই তাঁহার রক্ষার্থ উদ্যত হয় না । অথবা, যে রাজা অতিশয় অভিমানী ও কোপনস্বভাব, নিজেই আপনার গৌরব করেন এবং আত্মীয়গণ যথাক্রমে গ্রাহ্য করে না, স্বজনবর্গও বিপৎসময়ে তাঁহাকে বিনষ্ট

করে । অথবা, মস্ত্রিপ্রভৃতি আত্মীয়গণ যাঁহার কার্য্য করে না এবং ভয়েও ভীত হয় না, তাদৃশ নরপতিকে অচিরাৎ রাজ্যভ্রষ্ট ও তুণ তুল্য ক্ষীণ হইতে হয় । গুরু কাষ্ঠ, লোষ্ট্র ও ধূলি দ্বারাও কার্য্য হইতে পারে, কিন্তু পদভ্রষ্ট নরপতিগণ কোন কার্য্যেরই হয়েন না । পরিত্যক্ত বস্ত্র ও মর্দ্দিত মালা যেমন কোন কার্য্যেরই নহে, রাজ্য-ভ্রষ্ট রাজাও তেমনি সামর্থ্যসম্পন্ন ও নিরর্থক হয়েন । যে রাজা অশ্রমন্ত, সর্ব্বজ্ঞ, বিশিষ্টরূপ জিতেন্দ্রিয়, কৃতজ্ঞ ও ধর্ম্মশীল, তিনিই রাজপদে চিরস্থায়ী হয়েন । যে রাজা নয়নদ্বয়মাত্রে নিদ্রিত হইয়াও, নয়চক্ষু বিস্তার পূর্ব্বক জাগিয়া থাকেন, এবং যাঁহার ক্রোধ ও প্রণাদ তত্তৎ অভিন্নত ফল দ্বারা সুস্পষ্ট লক্ষিত হয়, সেই রাজাই লোকসমাজে পূজিত হইয়া থাকেন । কিন্তু রাবণ ! তুমি দুর্বুদ্ধি ; তোমাতে ঐ সকল গুণের কিছুই নাই । দেখ, রাক্ষসগণের যে সর্ব্বনাশ হইল, চর দ্বারা তুমি তাহার কিছুই জানিলে না । তুমি কেবল পরের অপমান কর, সর্ব্বদাই বিষয়সুখে মত্ত হইয়া আছ, দেশকাল বিভাগ করিয়া কিরূপে কার্য্য করিতে হয়, তাহা জান না এবং গুণদোষমীমাংসায় বুদ্ধিরও কোনরূপে চালনা কর না । অতএব তোমাকে রাজ্যের সহিত অচিরাৎ বিপদগ্রস্ত হইতে হইবে । রাক্ষসরাজ রাবণের ধন, বল, গর্ভ্ব সকলই ছিল । শূর্ণগণা এইরূপে তাহার দোষ সমস্ত বিশেষ রূপে কীর্ত্তন করিলে, সে বুদ্ধিসহযোগে সবিশেষ পর্যালোচনা করিয়া, কর্ত্তব্যবিচারে প্রবৃত্ত হইল ।

শূর্ণধ্বজা মন্ত্রিসভামধ্যে কটু কথা কহিতে লাগিল, দেখিয়া, রাবণ নিরতিশয় ক্রুদ্ধ হইয়া জিজ্ঞাসা করিল, রাম কে ? তাহার বীৰ্য্য, রূপ ও পরাক্রম কিপ্রকার ? কিজন্য সে সুহৃৎসর দণ্ডকা-রণ্যে প্রবেশ করিয়াছে ? সে যে আয়ুধে খর, দুষণ, ত্রিশিরা এবং অন্যান্য রাক্ষসদিগকে যুদ্ধে নিহত করিয়াছে, সেই আয়ুধই বা কিপ্রকার ? অগ্নি মনোজ্ঞাজ্জি ! কোন্ ব্যক্তিই বা তোমায় বিরূপ করিয়াছে ? সমুদায় সত্য বল ।

রাক্ষসরাজ রাবণ এইপ্রকার কহিলে, রাক্ষসী ক্রোধে মুচ্ছিত হইয়া, যথান্যায় রামের রত্নাস্ত্র বর্ণন করিতে লাগিল । কহিল, রাম দশরথের পুত্র, কন্দর্পের সমান রূপবান, দীর্ঘবাহু ও দীর্ঘলোচনসম্পন্ন, এবং বক্ষণ ও কৃষ্ণাজিন পরিধান করে । তাহার ধনু ইন্দ্রের ধনুর ন্যায় স্বর্ণময় বলয়ে বিভূষিত ; সেই ধনু আকর্ষণ করিয়া, সে মহাবিষ সর্পের ন্যায়, প্রদীপ্ত নারীচ সকল নিক্ষেপ করিয়া থাকে । সেই মহাবল রাম যুদ্ধসময়ে কখন ভয়ঙ্কর শর সকল গ্রহণ ও সোচন এবং কখনই বা ধনু আকর্ষণ করিতে লাগিল, তাহা দেখিতে পাইলাম না ; কেবল শররষ্টিতে সৈন্য সকল সংহার করিতেছে, দেখিলাম । ইন্দ্র যেমন শিলায়ুষ্টি দ্বারা উৎকৃষ্ট শস্য বিনষ্ট করেন, একাকী রাম সেইরূপ পাদচাରେই অর্দ্ধাধিক মুহূর্ত্তে সুশাণিতসায়কপ্রায়োগে প্রচণ্ডবীৰ্য্য চৌদ্দ-হাজার রাক্ষস, খর ও দুষণকে সংহার করিয়া, ঋষিদিগকে অভয় দান ও সমুদয় দণ্ডক নিরাপদ করিয়াছে । সেই রাম সর্বলোকে প্রশিদ্ধ । তাহার মনও অতি উন্নত । সেইজন্য তিনি স্ত্রীবধশকা করিয়া, নাসা ও কর্ণ মাত্র ছেদনপূর্ব্বক আশ্রয় কেবল একাকী কোনরূপে মুক্তি দিয়াছেন । লক্ষ্মণ নামে তাঁহার ভ্রাতা অতিশয় তেজস্বী, গুণে ও বিক্রমে তাঁহার সমান, তাঁহার প্রীতি পরম প্রীতি ও ভক্তিমান, এবং অতিশয় বুদ্ধিমান বলবান

বীৰ্য্যবান্, বিক্রম ও অমৰ্ষ বিশিষ্ট, সকলের জেতা ও দুৰ্জয়, এবং
 রামের দক্ষিণ বাহু ও নিত্য বহিষ্চর প্রাণ স্বরূপ । আর, রামের
 যে ধৰ্ম্মপত্নী আছেন, তাঁহার লোচন আকর্ণবিস্তৃত ও বদন পূর্ণচন্দ্র
 সদৃশ । স্বামী তাঁহাকে অতিশয় ভাল বাসেন এবং তিনিও
 সৰ্পদা স্বামীর প্রিয় ও হিতানুষ্ঠান করেন । সেই যশস্বিনী রাম-
 দয়িতার কেশ, নাগিকা, উরু ও রূপ সমুদায়ই পরমসুন্দর ।
 তাহাতে, তিনি যেন ঐ বনের অধিষ্ঠাত্রী দেবতা এবং দ্বিতীয়
 লক্ষ্মীর ন্যায়, পিরাজমান হইতেছেন । তাঁহার বর্ণের আভা
 তপ্তকাঞ্চন সদৃশ, মধ্যদেশে সাতিশয় ক্ষীণ এবং নখপংক্তির
 অগ্রভাগ রক্তবর্ণে রঞ্জিত । তিনি নিরতিশয় সৌন্দর্য্যশালিনী,
 সকল রমণীর শিরোমণি, বিদেহবংশে জন্ম গ্রহণ করিয়াছেন
 এবং তিনি সীতা নামে বিখ্যাতা । না দেবী, না গন্ধৰ্ব্বী, না যক্ষী,
 না কিন্নরী, কাহারই তাঁহার সগান সৌন্দর্য্য নহে । পূৰ্বে কথ-
 নও পৃথিবীতে সেরূপ রূপবতী ললনা আমার দর্শনপথে পতিত
 হয় নাই । ফলতঃ সীতা যাহার ভার্য্যা হয়েন এবং যাহাকে
 হর্ষভরে আলিঙ্গন করেন, সে ব্যক্তি সকললোকমধ্যে ইন্দ্র অপে-
 ক্ষাও অধিক গৌরবে জীবিতসুখ সম্ভোগ করিয়া থাকে । সীতার
 দেহযষ্টি, সকল লোকের স্নাঘনীয়, এবং পৃথিবীতে তাঁহার
 রূপের তুলনা হয় না । সেই সুশীলা, তোমারই অনুরূপ পত্নী
 এবং তুমিই তাঁহার অনুরূপ পতি । তাঁহার পয়োধরযুগল পীনো-
 ন্নত, জঘন অতি বিশাল এবং মুখমণ্ডল সাতিশয় শ্রেষ্ঠভাবাপন্ন ।
 অয়ি মহাজুজ ! আমি সেই সুন্দরীকে তোমার ভার্য্যার্থ আনয়ন
 করিতে চেষ্টা করিতেই, ক্রুর লক্ষণ আমার নানাকর্ণ ছেদন
 করিয়াছে । সেই পূর্ণেন্দুবদনা বিদেহছুহিতাকে দর্শন করিলে,
 তোমাকে কুসুমশরের শরের একান্ত বশীভূত হইতে হইবে ।
 যদি তাঁহাকে পত্নীত্বে বরণ করিতে তোমার অভিপ্রায় থাকে,
 তাহা হইলে, জয়্যার্থ শীঘ্রই দক্ষিণ চরণ উত্তোলন কর । রাক্ষস-
 রাজ রাবণ ! আমার এই কথা যদি তোমার রূচিজনক হয়,

তাহা হইলে, যাহা বলিলাম, নির্বিশেষ চিন্তে তদনুরূপ অনুষ্ঠান কর । অগ্নি মহাবল ! রাজ্যাদির অভাব প্রযুক্ত রাম লক্ষ্মণের কোন শক্তি নাই । তোমার সে সকলই আছে, ইহা জানিয়া তুমি সৰ্ব্বাঙ্গসুন্দরী গীতাকে পত্নীপদে বরণ করিতে কৃতব্রত হও । ফলতঃ রাম অজিহ্মগামী শরসমূহে সমুদায় জনস্থানবাসী নিশাচর এবং খর ও দুষণকেও নিহত করিয়াছে, ইহা দেখিয়া শুনিয়া সম্প্রতি যাহা কর্তব্য হয়, নির্ণয়পূর্বক অবগত হইয়া, তদ্বিষয়ে প্রবৃত্ত হওয়া তোমার উচিত হইতেছে ।

—:—

পঞ্চত্রিংশ সর্গ ।

স্বর্ণখার কথায় রাবণের শরীররোমাঞ্চ হইয়া উঠিল । সে ঐ কথা শুনিয়া, কর্তব্য স্থির করত, মন্ত্রিদিগকে অনুষ্ঠা করিয়া, গমনের উপক্রম করিল । গীতাকে হরণ করাই কর্তব্য, মনে মনে এইপ্রকার উদ্দেশ্য বিধান ও তদ্বিষয়ে দোষাদোষ উপলব্ধি করত, বলাবল নিষ্কারণ ও ইতিকর্তব্যতা স্থিরীকরণানন্তর স্থির চিন্তে রমণীয় যানশালায় প্রবেশ করিল । গুপ্তভাবে তথায় গমন করিয়া, রাক্ষসরাজ সারথিকে আদেশ করিল, সত্ত্বর রথ যোজনা কর । অতিক্রিপ্রকারী সারথি আজ্ঞামাত্র তৎক্ষণাৎ তাহার অভিমত উৎকৃষ্ট রথ যোজনা করিল । ঐ রথ কামগামী, কাঞ্চনময় রত্নভূষিত, ও স্বর্ণালঙ্কৃত পিশাচবদন গর্দভগণে সংযোজিত এবং উহার শব্দ জলধর সদৃশ । কুবেরানুজ রাক্ষসপতি জীমান্ দশানন সেই রথে আরোহণ করিয়া, নদনদীপতি সমুদ্রের অভিমুখে প্রস্থান করিল । তাহার ব্যাজন ও ছত্র উভয়ই শ্বেতবর্ণ, দেহকাস্তি স্নিগ্ধ বৈদূর্য্য সদৃশ, ভূষণ সকল তপ্তকাঞ্চনে নির্মিত, পরিচ্ছদ পরম পরিপাটি এবং তাহার দশ মুখ, দশ মস্তক, দশ গ্রীবা ও বিংশতি হস্ত । দেবগণের শত্রু ও মুনীন্দ্রগণের হস্তা ঐ রাবণ সাক্ষাৎ পর্বতরাজের ন্যায়, কামগামী রথে

আরোহণ করিয়া, আকাশে বিদ্যুন্মণ্ডলমণ্ডিত বলাকারাজিত মেঘের ভায়ায়, শোভা ধারণ করিল। গমনসময়ে শৈলসহিত সাগরকূল তাহার দর্শনপথে পতিত হইল। বিবিধকলপুষ্প-সম্পন্ন সহস্র সহস্র রক্ষ ও শীতল-পবিত্র-মণিল শালিনী পুষ্করিণী-সমূহে তাহার চতুর্দিক পরিপূর্ণ এবং বেদীয়ুক্ত সুবিস্তৃত বহুগংখ্য আশ্রম, কদম্ববন, নারিকেল, সাল, তাল ও তমাল প্রভৃতি নানাজাতীয় পুষ্পিত পাদপ, যাঁহারা অতিশয় আহারসংযম করিয়াছেন, তাদৃশ পরমর্ষিগণ, সহস্র সহস্র নাগ সুপর্ণ গজকর্ক ও কিন্নরসমূহ, জিতকাম সিদ্ধ ও চারণগণ এবং ব্রহ্মপুত্র বৈখানাঙ্গ, সূর্য্যের কিরণমাত্রপায়ী বালখিল্য ও মায়সংস্কৃত পরমর্ষিগণ, ইহাদের গারিধ্যগতঃ উহার নিরতিশয় শোভা সমুদ্ভূত হইয়াছে। দিব্য মালা ও দিব্য রূপ শালিনী ক্রীড়ারতিবিধিজ্ঞানবিশিষ্টা সহস্র সহস্র অঙ্গরা, পরম সৌন্দর্য্যধার দেবপত্নী ও অমৃতাসী দেবদানবগণ সর্বদা তথায় বিচরণ ও তাহার উপাসনা করিয়া থাকেন। হংস, ক্রৌঞ্চ, মণ্ডুক ও সারসসমূহ উহার চতুর্দিক ব্যাপ্ত করিয়া বিহার করিতেছে; বৈদূর্য্য সদৃশ শ্যামলবর্ণ প্রস্তর সকল তথায় বিরাজমান হইতেছে। এবং নাগরতরঙ্গের হিম্মোল বশতঃ, উহা সর্বদাই শীতল ও স্নিগ্ধ ভাবাপন্ন। এতস্তিন্ন, রাবণ দিব্য মালায় অলঙ্কৃত, গীতবাদ্যে প্রাতিস্থানিত, খেতবর্ণ, সুপ্রশস্ত বিমান সকল ইত্যন্ততঃ দর্শন করিতে লাগিল। যাঁহারা ভ্রমোন্মত্তে বিবিধ লোক জয় করিয়াছেন, ঐ সকল কামগামী বিমান তাঁহাদের অধিকৃত। সে যাইবার সময় পশ্চিমমধ্যে গজকর্ক ও অঙ্গরাগণকেও দর্শন করিল। অনন্তর, নির্ঘাসরসের আকর ও শ্রাণেশ্বরের ভূমিকর পরম সুদৃশ্য সহস্র সহস্র চন্দন-কানন, অত্যাশ্রুত অগুরু ও কলসম্পন্ন শ্রেষ্ঠজাতীয় সুগন্ধি শুক্লোল্লস্কর বন ও উপবন সকল, তমালের পুষ্প ও মরিচের গুচ্ছসমূহ, তীরদেশে শুভ্যমাণ মুক্তাপুঞ্জ, শিলাসমূহ, অত্যাশ্রম প্রবালনিচর, কাঞ্চন ও রক্ততম্র শৃঙ্গপারস্পর, সুবিল-

মল্লিপূর্ণ পরমবিন্ময়াবহ মনোজ্ঞ প্রাসবণসমূহ, এই সকল ভাহার দর্শনপথে পতিত হইতে লাগিল। অনন্তর রাবণ ধন ধান্যসম্পন্ন, জীরত্বপরিপূর্ণ, এবং হস্তী, অশ্ব ও স্বর্ধসমূহে জন-সন্নিবিষ্ট নগর সকল দর্শন করিতে করিতে, সিদ্ধুরাজের উপকূল-বর্ত্তী সমতল দেশে সমাগত হইল। ঐ স্থান অতিশয় হিষ্ক এবং মৃদুস্পর্শ সমীরণ সর্বদাই তথায় সঞ্চরণ করিতেছে। স্বর্গের সহিত উহার তুলনা হইতে পারে। রাক্ষসরাজ দশানন তথায় জলধরনবর্ণ এক বটরক্ষ অবলোকন করিল। ঐ রক্ষ ঋষিগণে আয়ত এবং উহার শাখা সকল চতুর্দিকে শতযোজনবিস্তৃত। মহাবল গরুড় প্রকাণ্ডকায় গজ ও কচ্ছপকে ভক্ষণার্থ গ্রহণ করিয়া, ঐ বটরক্ষের শাখায় উপবেশন করিয়াছিলেন। এবং স্বীয় গুরুতর ভারে প্রচুরপর্ণপূর্ণ ঐ শাখা ভগ্ন করিয়া ফেলেন। বৈখানস নাম, মরীচিপায়ী বালখিলা ও ধূত্রাখ্য পরমর্ষিগণ পরস্পর মিলিত হইয়া, সেই শাখা আশ্রয় করিয়াছিলেন। ধর্ম্মাত্মা গরুড় ঋষি-গণের প্রতি অনুগ্রহপ্রদর্শনবাগনায় এক পাদেই উল্লিখিত শত-যোজন ভগ্ন শাখা এবং গজ ও কচ্ছপ এককালে গ্রহণপূর্ব্বক বেগভরে অন্যত্র গমন করিয়া, সেই গজ ও কচ্ছপকে ভক্ষণ করিলেন। পরে ভগ্ন শাখার সাহায্যে সমুদায় নিবাদরাজ্য বিনষ্ট করিয়া, মুনিগণের জীবনদান জন্য নিরতিশয় আত্মাদিত হইলেন। অনন্তর হর্ষবশতঃ বিক্রম দ্বিগুণীভূত হইয়া উঠিলে, সতিমানু গরুড় অমৃত আনয়নার্থ ক্রুতসংকল্প হইলেন। তদনন্তর লৌহশৃঙ্খলবিনির্ম্মিত জাল সমস্ত ছেদন ও রত্নময় উৎকৃষ্ট গৃহ ভেদ করিয়া, ইন্দ্রের ভবন হইতে সুরক্ষিত সুধা হরণ করিলেন।

ঐ বট রক্ষের নাম সুভদ্র। ধনদানুজ রাবণ গরুড়ের ক্রুত-চিহ্নবিশিষ্ট, মহর্ষিগণনিষেবিত সুভদ্রবট অবলোকন করিল। তথা হইতে সচিৎপতি সমুদ্রের পল্লপারে গমন করিয়া পরম পবিত্র ও পরম মনোহর নির্জন অরণ্য মধ্যে এক আশ্রম ভাহার দর্শনগোচর হইল। সে দেখিল, মারীচ নামে নিশাচর কৃষ্ণজিন

ও জটাজুট ধারণ করিয়া, আহারসংযমপূৰ্ণক তথায় বাস করিতেছে । রাক্ষস মারীচ, রাবণকে দেখিবারাত্র সমাগত হইয়া, বিহিত বিধানে বিবিধ অমানুষ ভোগ্য বস্তু প্রদান দ্বারা তাহার পূজা করিল । এইরূপে ভোজ্য ও উদক দ্বারা স্বহস্তে পূজা করিয়া, অৰ্ধসঙ্গত বাক্যে কহিতে লাগিল, রাজনু রাক্ষসেশ্বর ! আপনার ও লঙ্কার কুশল ? কিজন্য আপনি পুনরায় শীত্রই এখানে আগমন করিলেন ?

মারীচ এইপ্রকার বলিলে, বাক্যবিন্যাসকুশল পরমতেজী-স্বনু দশানন বক্ষ্যমাণ প্রকারে বলিতে আরম্ভ করিল ।

— :: —

ষট্‌ত্রিংশ সর্গ ।

তাঁত মারীচ ! বলিতেছি, শ্রবণ কর । আমি ব্যাকুল ও বিপন্ন হইয়াছি, তুমিই আমার বিপদে পরমগতি । জনস্থানের বিষয় তোমার বিদিত আছে । মদীয় ভ্রাতা মহাবাহু খর ও দুষণ, ভগিনী সূৰ্পণখা, মাংসাশী রাক্ষস ত্রিশিরা ও অন্যান্য কৃত-যুদ্ধ শৌর্য্যশালী বহুসংখ্য নিশাচর আমার নিয়োগপরতন্ত্র হইয়া ঐ জনস্থানে বাস করিয়াছিল । তাহারা মহারণ্যবাসী ধর্ম্মচারী ঋষিদিগের সর্বদাই প্রতিকূল অনুষ্ঠান করিত । ঐ সকল রাক্ষসের সংখ্যা চতুর্দশ সহস্র । তাহারা সকলেই ভয়ঙ্কর-কার্য্যনিষ্ঠ, শূর, যুদ্ধে কৃতমনোরথ এবং খরের চিত্তানুবর্তী । সম্প্রতি জনস্থানবাসী উল্লিখিত মহাবল খরপ্রমুখ রাক্ষসগণ বিবিধ অস্ত্র শস্ত্র ধারণ ও তুর্ভেদ্য কবচ বন্ধন পূৰ্ণক রাক্ষসের সহিত যুদ্ধে প্ররুত হইয়াছিল । রাম নিরতিশয় রোষাবিষ্ট হইয়া, কিছুমাত্র পরুষ বাক্য প্রয়োগ না করিয়াই, ধনুতে শর যোজন্য করিয়া, তাহার পরিচালন করেন । এইরূপে মানুষ রাম পাদচারে জনস্থান করিয়া, প্রজ্জ্বলিত সায়কসমূহের সহায়তায় উগ্রতেজা চতুর্দশ সহস্র রাক্ষস সংহার, খর ও দুষণের নিধন এবং ত্রিশি-

রাকেও নিহত করিয়া, সমুদায় দণ্ডক নির্ভয় করিয়াছে । পিত্তা
 জুঙ্গ হইয়া, ক্ষীণপ্রাণ রামকে জীর সহিত দূর করিয়া দিয়াছে ।
 সেই দুঃশীল, কর্কশ, তীক্ষ্ণ, মূৰ্খ, লুকা, অজিতেন্দ্রিয়, ক্ষত্রিয়কুলনাশন
 রাম রাক্ষসসৈন্য সংহার করিয়াছে । সে ধৰ্ম্মত্যাগ ও অধৰ্ম্ম
 আশ্রয় করত সৰ্বদাই প্রাণিগণের অনিষ্ট করিয়া থাকে । দেখ,
 সে বিনা শত্রুতায়, একমাত্র বল আশ্রয় করিয়া, নাসা কর্ণ ছেদন
 করত ভগিনীর রূপহানি করিল । অধুনা, আমি বিক্রমপ্রকাশ-
 পূৰ্ব্বক জনস্থান হইতে রামের ভার্য্যা সুরসুতাগৃহীণী সীতাকে
 আনয়ন করিব । তোমায় সহায় হইতে হইবে । মহাবল ! তুমি
 এবং কুন্তকর্ণাদি ভ্রাতৃগণ সহায় স্বরূপ পার্শ্বে থাকিলে, আমি
 দেবগণকেও এ বিষয়ে গণনা করি না । অতএব, রাক্ষস ! তুমি
 আমার সহায় হও, সাহায্যদানে তোমার সবিশেষ ক্ষমতা আছে ।
 তুমি সাতিশয় শূর ও সৰ্ব্বপ্রকার মায়া বিশেষ রূপে বিদিত আছ ।
 বীর্য্যে, যুদ্ধে-দৰ্পে ও উপায়েও কেহই তোমার সমকক্ষ নহে ।
 নিশাচর ! এই সকল কারণেই আমি তোমার সমীপে আগমন
 করিয়াছি । এক্ষণে, আমার সাহায্যার্থ যাহা করিতে হইবে,
 বলিতেছি, শ্রবণ কর । তুমি রজতবিস্মুবিচিত্রিত কনকমৃগ
 হইয়া, রামের আশ্রমে গমন পূৰ্ব্বক সীতার অগ্রে বিচরণ কর ।
 সীতা মৃগরূপী তোমায় অবলোকন করিয়া, নিঃসন্দেহই রাম ও
 লক্ষ্মণকে কহিবে, এই মৃগ ধরিয়া দাও । অনন্তর রাম ও লক্ষ্মণ
 উভয়ে মৃগের জন্য আশ্রম হইতে অপমৃত হইলে, আমি শূন্য
 পাইয়া, যথাস্থখে নির্ঝিল্লি সীতাকে, রাজ্য চন্দ্রপ্রভাবৎ, হরণ
 করিব । ভার্য্যা হরণ করিলে, রাম তাহার শোকে ক্ষীণ হইয়া
 পড়িবে । তখন আমি কৃতার্থ চিত্তে অনাম্মাসে ও নিঃশঙ্কে
 তাহাকে প্রহার করিব ।

রামের প্রসঙ্গ শুনিয়া, মহাজ্ঞা মারীচের মুখ শুষ্ক ও সাতি-
 শয় ভ্রাস উপস্থিত হইল এবং চিন্তাবশতঃ তাহার অধর ওষ্ঠ ও শুষ্ক
 ও নয়ন যেন নিমেষশূন্য হইয়া উঠিল । সে বারংবার অদরোষ্ট

লেহন করিয়া, নিরতিশয় ব্যাকুল ও মৃতপ্রায় হইয়া, রাবণের দিকে চাহিয়া রহিল । সে পূর্বে মহাবনে রামের পরাক্রম পরি-জ্ঞাত হইয়াছিল । সেইজন্য, ত্রস্ত ও বিষমচিন্তে কৃতাজলিপুটে রাবণকে আপনার ও তাহার হিতজনক বাক্যে কহিল ।

সপ্তত্রিংশ সর্গ ।

বাক্যবিশারদ পরমতেজস্বী মারীচ রাক্ষসরাজ রাবণের কথা শুনিয়া, তাহাকে কহিল, রাজন্ ! প্রিয়বাদী ব্যক্তি সর্বদাই মূলভ ; কিন্তু, অপ্রিয় হিত বাক্যের বক্তা ও শ্রোতা উভয়ই দুর্লভ । তোমার চার নিযুক্ত নাই এবং স্বভাবও অতিচঞ্চল । সেই জন্য, রাম যে সাক্ষাৎ মহেশ্বর ও কুবেরসদৃশ, মহাবীৰ্য্য ও গুণে সকলেরই শ্রেষ্ঠ, তাহা নিশ্চয়ই বুঝিতে পারিতেছ না । তাত ! রামের সহিত বিরোধ করিলে, রাক্ষসকুলের কি ভদ্র-স্থতা হইবে ? তিনি ক্রুদ্ধ হইলে, কি সমুদায় লোক রাক্ষসশূন্য করিতে পারেন না ? জনকাত্মজা তোমারই বিনাশ জন্য কি উৎপন্ন হয়েন নাই ? সীতার জন্য কি তোমার দারুণ বিপদ উপস্থিত হইবে না ? তুমি যাহা ইচ্ছা, তাহাই কর ; কোন বিষয়ে কাহারই প্রতিষেধ গ্রাহ্য কর না । অতএব তোমার অধিকারে সমুদায় লক্ষ্য কি তোমার ও সমস্ত রাক্ষসের সহিত বিনষ্ট হইবে না ? তোমার ন্যায় যে রাজা দুঃশীল ও দুৰ্ম্মতি এবং যথেষ্টা-চারপরতন্ত্র হইয়া, পাপাত্মাদের সহিত কর্তব্যবিষয়ের পরামর্শ করে, সেই রাজা আপনার সমুদায় রাজ্য ও স্বজনদিগকে বিনষ্ট করিয়া থাকে । কৌশল্যার আনন্দবর্দ্ধন রাম পিতৃকর্তৃক পরি-ত্যক্ত হয়েন নাই । তিনি মর্য্যাদাশূন্যও নহেন, ক্ষত্রিয়বংশের বিনাশকও নহেন, ধর্ম্ম বা গুণেও হীন নহেন এবং তীক্ষ্ণস্বভাবও নহেন । সর্বদা ভূতমাত্রেয়ই হিতানুষ্ঠান করেন । এবং অতিশয় ধার্ম্মিক । পিতা কৈকেয়ীকর্তৃক বঞ্চিত হইয়াছেন, দেখিয়া, তিনি

তাহাঁর সত্যবাদিতা রক্ষার জন্য বনে প্রব্রজিত হইয়াছেন। এবং পিতা দশরথ ও কৈকেয়ীর প্রিয়কামার্থ রাজ্যভোগে জলাঞ্জলি দিয়া, দণ্ডককাননে প্রবেশ করিয়াছেন। তাত ! রাম কর্কশস্বভাব নহেন, মূর্খ নহেন, ইচ্ছায়ের বশ নহেন এবং মিথ্যা বল দূরে থাক, তাহার প্রসঙ্গমাত্রও অবগত নহেন। তাঁহার প্রতি এরূপ বাক্য প্রয়োগ করা আপনার উচিত হয় না। বলিতে কি, তিনি মূর্ত্তিমান্ ধর্ম্ম, সাধু, সত্যপরাক্রম এবং ইন্দ্র যেমন দেবগণের, তিনিও তেমন সকলের রাজা। তিনি নিজতেজে বৈদেহীর রক্ষা করেন। তুমি কি রূপে তাহাঁর সেই জানকীকে, সূর্য্যের প্রভার ন্যায়, বল-পূর্ব্বক হরণ করিতে উদ্যত হইয়াছ ? শর সকল যাঁহার শিখা, ধনু ও খড়্গ যাঁহার ইন্ধন, এবং যাঁহার ত্রিনীমায় গমন করা অসাধ্য, সেই রামরূপ প্রস্থলিত অনলে সহসা প্রবেশ করা তোমার উচিত হয় না। তিনি সাক্ষাৎ কৃতান্ত। ধনু তাঁহার ব্যাদিত ও প্রস্থলিত মুখ এবং শর সকল তাঁহার শিখাসমূহ। রাজ্য, সুখ ও নিজের অভীষ্ট প্রাণে জলাঞ্জলি দিয়া, সেই অত্যগম্য, অত্যাশ্র, ধনুর্কোণধর ও শক্রসেনাগংহারী রামরূপ অন্তকের আসন্নতর হওয়াও তোমার কর্তব্য হয় না। তাঁহার তেজের সীমা নাই। জানকী তাঁহার পত্নী এবং সর্ব্বদাই তাঁহার ধনুর্কল আশ্রয় করিয়া অরণ্যে বাস করেন। তুমি কোনমতেই জানকীকে হরণ করিতে পারিবে না। সিংহের ন্যায় সুবিশালহৃদয় নরসিংহ রাম জানকীকে প্রাণ অপেক্ষাও অধিক স্নেহ করেন এবং সীতাও সর্ব্বদাই তাঁহার নিতাঙ্গ আনুগত্য করিয়া থাকেন। প্রস্থলিত ছতাসনশিখার ন্যায়, তেজস্বী রামের প্রিয়দয়িতা সুমধ্যমা সীতাকে ধর্ষিত করা কাহারই সাধ্য নহে। রাক্ষসরাজ ! তোমার এই নিরর্থক উদ্যমে প্রয়োজন কি ? বনে রামের সহিত যদি তোমার সাক্ষাৎ হয়, সেই সাক্ষাতেই তোমার জীবনের শেষ হইবে। দেখ, রাজ্য, সুখ, প্রাণ, সমুদায়ই নিতান্ত দুর্লভ। অতএব বিভীষণ-প্রভৃতি সমুদায় ধর্ম্মিষ্ঠ যজ্ঞের সহিত নন্দনা ও কর্তব্য নিশ্চয়

করিয়া, পরমাত্মা রামের দোষ গুণ ও বলাবল নির্ধারণ এবং নিজেরও বল ও হিত নির্ণয় পূর্বক সবিশেষ বুঝিয়া, যুক্তিযুক্ত অনুষ্ঠান করাই তোমার কর্তব্য হইতেছে। আমার কিন্তু কোর্শল-পতিপুত্র রামের সহিত তোমার যুদ্ধ করা ভাল বোধ হইতেছে না। অতএব, রাক্ষসগণতি রাবণ! পুনরায় যুক্তিযুক্ত হিতকর উৎকৃষ্ট কথা বলি, শ্রবণ কর।

—৫২—

অষ্টত্রিংশ সর্গ।

আমিও কোন সময়ে বীর্য্যবশতঃ পৃথিবী পৃষ্ঠাটনে প্রায়ত্ন হইয়াছিলাম। আমার শরীরে নাগসহস্রের বল, হস্তে পরিষ অস্ত্র, মস্তকে কিরীট, কর্ণে তন্তুকাঞ্চননির্মিত কুণ্ডল, কলেবর পর্কতের সমান এবং দেহকাস্তি নীলনীরদসদৃশ। এইপ্রকার অবস্থায় লোকের ভয় উৎপাদন পূর্বক আমি দণ্ডকারণ্যে বিচরণ করিয়া, ঋষিদিগের মাংস ভক্ষণ করিতাম। অনন্তর ধর্ম্মাত্মা মহামুনি বিশ্বামিত্র আমার ভয়ে ভীত হইয়া, স্বয়ং গিয়া রাজা দশরথকে কহিলেন, পর্ককালে আমি যখন যজ্ঞে দীক্ষিত হইয়া, সমাধি অবলম্বন করিব, তখন এই রাগকে আমার রক্ষা করিতে হইবে। রাজন্! আমি মারীচের ভয়ে অতিশয় ভীত হই-
রাছি। ঋষি এইপ্রকার কহিলে, ধর্ম্মাত্মা রাজা দশরথ সেই মহাভাগ মহর্ষি বিশ্বামিত্রকে প্রত্যুত্তর করিলেন, রামের বয়স ষাটবর্ষও পূর্ণ হয় নাই এবং অস্ত্রশস্ত্রেও কিছুই জ্ঞান নাই। কিন্তু আমার প্রচুর সৈন্য আছে। হে ঋষিশ্রেষ্ঠ! আমিই চতু-
রঙ্গ সৈন্য সহ স্বয়ং গমন করিয়া ইচ্ছানুসারে আপনার প্রতিপক্ষ নিশাচরের প্রাণবধ করিব। ঋষি রাজার এই কথায় তাঁহাকে কহিলেন, সত্য বটে, তুমি যুদ্ধে দেবগণের সাহায্য করিয়াছ এবং তোমার কৃত কর্ম্মও ত্রিলোকে বিদিত হইয়াছে, কিন্তু রাম ভিন্ন অন্য কাহারও বল রাক্ষসবিনাশে পর্যাপ্ত হইবে না। অতএব,

তোমার যে সুপ্রচুর সৈন্য আছে, তাহা এখানেই থাক ; এই মহাতেজা রাম বালক হইলেও, রাক্ষসনিগ্রহে সমর্থ হইবেন । অতএব আমি ইহাকে লইয়া যাইব । তোমার মঙ্গল হউক । মহর্ষি বিশ্বামিত্র এই বলিয়া, নৃপনন্দন রামকে সমভিব্যাহারে লইয়া, পরম হর্ষভরে স্বকীয় আশ্রমে সগাগত হইলেন । অনন্তর তিনি যজ্ঞোদ্দেশে দণ্ডকারণ্যে দীক্ষিত হইলে, রাম বিচিত্র ধনু বিষ্কারিত করিয়া, রক্ষার্থ তাঁহার সমীপে অবস্থিতি করিলেন । তাঁহার গলদেশে কনকমালা, মস্তকে কাকপক্ষ, হস্তে ধনু, চক্ষু-দ্বয় পরম সুন্দর, ও সেই জ্যাকমাত্র বস্ত্র, শরীর শ্যামলবর্ণ ও নিরতিশয় মৌল্য উদ্যত হইয় এবং তখন পর্য্যন্ত তাঁহার শুল্ক প্রভৃতি পুরুষাষ্টীক্ষন, এবং যাইব হয় নাই । তিনি স্বীয় প্রদীপ্ত তেজে সমুদায় দণ্ডকা... অনলে স্ভিত করিয়া, সমুদিত বাল চন্দ্রের ন্যায়, লক্ষিত হইতে লাগিল ।

ঐ সময়ে, আমি ব্রহ্মদত্ত বর প্রভাবে নিরতিশয়-বলবিশিষ্ট হইয়া, দর্শনশতঃ আশ্রমমধ্যে প্রবেশ করিলাম । আমার কর্ণে তণ্ডকাক্ষনবিনির্মিত কুণ্ডল এবং আমার দেহকাস্তি মেঘের ন্যায় নিবিড় । প্রবিষ্টমাত্র আমাকে তিনি দেখিতে পাইয়া, তৎক্ষণাৎ আশুদ উদ্যত করিয়া, সসম্ভ্রমে শরাসনে জ্যারোপণ করিলেন । নিরতিশয় মোহাবেশবশতঃ আমি তাঁহাকে বালক-জ্ঞানে অবজ্ঞা করিয়া, দ্রুতপদসঞ্চারে বিশ্বামিত্রের যজ্ঞবেদির অভিমুখে ধাবমান হইলাম । তদর্শনে তিনি শক্রনিপাতন সুশা-গিত সায়ক প্রয়োগপূর্বক আমাকে আহত করিয়া, শতযোজন-দূরবর্তী সাগরে নিক্ষেপ করিলেন । তাত ! আমাকে বধ করিতে তাঁহার ইচ্ছা ছিল না ; এইজন্য তৎকালে রক্ষা করিলেন । বাহা হউক, আমি রামের শরবেগে নিরস্ত ও মুচ্ছিত হইয়া, স্নগ্ধভীর সাগরসলিলে নিপাতিত হইলাম । বহুক্ষণ পরে লঙ্কালাত করিয়া, লঙ্কাপুরে প্রত্যাগমন করিলাম । এই রূপে আমি রক্ষা পাইলাম বটে, কিন্তু অক্লিষ্টকর্ম্ম রাম অশিক্ষিতান্ধ-

বালক হইলেও, আমার সহকারী রাক্ষসদিগকে সংহত করিলেন । এইজন্য বারণ করিতেছি, যদি তুমি রামের সহিত যুদ্ধ কর, তাহা হইলে, ঘোর বিপদে পতিত হইয়া, অচিরে দিনষ্ট হইবে । এবং যত্ন করিয়াই, সমাজোৎসবদর্শী ও ক্রোড়ারতি বিধিযুক্ত রাক্ষসগণের অনর্থক মনস্তাপ সংগ্রহ করিবে ।

সীতার জন্য হর্ষপ্রাসাদপরিপূর্ণ রত্নরাজিরাজিত লঙ্কাপুরীকে তোমায় বিনষ্ট দেখিতে হইবে । যে হ্রদে সর্প থাকে, সেই হ্রদবাসী মৎস্যগণও যেমন গরুড় কর্তৃক বিনষ্ট হয়, তদ্রূপ, যাহারা পাপ করেন না, তাহারা শুদ্ধচিত্ত ব্যক্তিগণও পাপাত্মার আশ্রয়ে থাকিলে, তাহার পাপ জন্য বিনাশ প্রাপ্ত হইয়া থাকেন । অতএব তুমি দেখিবে, তোমার নিজের দোষে দিব্যচন্দনলিপ্তাঙ্গ ও দিব্যাভরণভূষিত রাক্ষসগণ সমূলে বিনষ্ট হইয়া, ধরাগাং হইয়াছে ; এবং হতাবশিষ্ট রাক্ষসগণ কেহবা হতদার হইয়া, কেহবা পত্নীর সহিত কোনরূপে আশ্রয় না পাইয়া, দশদিকে পলায়ন করিয়াছে । তুমি আরও দেখিবে, শরজালে আচ্ছন্ন ও অগ্নিশিখায় পরিবাপ্ত হইয়া, লঙ্কার সমুদায় গৃহই এককালে দগ্ধ হইয়া গিয়াছে, তাহাতে কিছুমাত্র সন্দেহ নাই । কেননা, পরদারহরণ অপেক্ষা গুরুতর পাপ আর নাই । রাজন্ ! তোমার অন্তঃপুরে সহস্র সহস্র রমণী বিরাজ করিতেছে । তুমি আপনার পরিগৃহীত সেই সকল স্ত্রীতেই আসক্ত হইয়া, স্ত্রীয় বংশ, অভীষ্ট প্রাণ, রাজ্য, সমৃদ্ধি, মান ও রাক্ষসগণ, এই সকলের রক্ষা কর । যদি পরমসুন্দর কলত্র ও মিত্রবর্গ লইয়া, চিরকাল সুখভোগের ইচ্ছা থাকে, তাহা হইলে, রামের অনিষ্ট করিও না । আমি সুহৃৎ, বারম্বার নিষেধ করিতেছি । যদি বলপূর্বক সীতার ধর্ষণ কর, তাহা হইলে, তোমাকে রামশরে সর্বাঙ্কবে ক্ষীণবল ও ক্ষীণপ্রাণ হইয়া, শমনভবনে গমন করিতে হইবে ।

উনচত্বারিংশ সর্গ।

তৎকালে আমি যুদ্ধে ঐ রূপে কোন প্রকারে মুক্ত হইয়া-
ছিলাম। অধুনা, যে সর্বলোকোত্তর ঘটনা ঘটয়াছে, তাহাও শ্রবণ
কর। সেইরূপে প্রাণসংকটে পতিত হইয়াও, আমার নির্বেদ উপ-
স্থিত হয় নাই। সেইজন্য আমি স্বয়ং মহামুগমূর্ত্তি ধারণ করিয়া,
মুগরূপধর দুই জন রাক্ষসের সহিত দণ্ডকারণ্যে প্রবেশ করি-
লাম। জিহ্বা নিরতিশয় উজ্জ্বল, দংষ্ট্রা অতি রুহৎ, শৃঙ্গ তীক্ষ্ণ,
বল অসীম এবং মাংসই আহার, এইপ্রকার মুগবেশে আমি
নিতান্ত ভয়ঙ্কর হইয়া, দণ্ডকবাসী ঋষিদিগকে ধর্মিত ও নিহত
করিয়া, তাঁহাদের রুধির পান ও মাংস ভক্ষণ পূর্বক অগ্নিহোত্রে,
তীর্থে ও চৈতর্যরক্ষ সকলে বিচরণ করিতে লাগিলাম। এই রূপে
আমি ঋষিমাংস ভক্ষণ, ক্রুরতা অবলম্বন ও বনবাসিগণের
দ্রাঘ উৎপাদনপূর্বক, রুধিরপানে মত্ত হইয়া, ধর্মের ব্যাঘাত
করত দণ্ডকারণ্যে বিচরণ করিতে করিতে, রামের সমীপস্থ
হইলাম। তৎকালে তিনি মহারথ লক্ষ্মণ ও মহাভাগ জানকীর
সহিত তথায় তাপস-ধর্ম আশ্রয় করিয়াছিলেন। আমি সেই
সর্বভূতহিতৈষী নিয়তাশী বনবাসী তপস্বী মহাবল রামকে তাপস
জ্ঞানে অবজ্ঞা করিয়া, পূর্ববৈর ও পূর্বপ্রহার স্মরণপূর্বক সংহার-
মানসে তীক্ষ্ণশৃঙ্গ-মুগবেশে অবিচারিত চিন্তে নিতান্ত রোষাবেশে
তাঁহার সম্মুখদেশে ধাবমান হইলাম। তদর্শনে তিনি সুবিশাল
শরাগন আকর্ষণ করিয়া, সুপর্ণ ও সমীরণ সমান বেগবান্ শত্রু-
নিপাতন সুশাণিত শরত্রয় নিক্ষেপ করিলেন। বজ্রসদৃশ
সাতিশয় ভয়ঙ্কর শোণিতাশী সন্নতপর্ক সেই শরত্রয় পরস্পর
মিলিত হইয়াই, আগমন করিতে লাগিল। গূঢ় রূপে লোকের
অনিষ্ট করা আমার স্বভাব। রামের পরাক্রম আমার বিলক্ষণ
পরিজ্ঞাত ছিল এবং পূর্বেও আমি তাঁহার হস্তে বিপদাপন্ন
হইয়াছিলাম। এইহেতু, আমি তথা হইতে পলায়ন করিয়া

প্রাণ রক্ষা করিলাম । কিন্তু আমার সহচর রাক্ষস দুই জন বিনষ্ট হইল । আমি রামের শরে মুক্ত হইয়া, কোন রূপে প্রাণরক্ষা করত, এই স্থানে সন্ন্যাস আশ্রয় করিয়া, যোগযুক্ত ও সমাদ্র-নিরত তপস্বী হইয়াছি । তথাপি, এখনও দেখিতে পাই, বকুল ও কৃষ্ণাজিনাস্বর রাম যেন ধনুর্ধারণ পূর্বক, পাশহস্ত কৃতান্তের ন্যায়, রক্ষে রক্ষে বিচরণ করিতেছেন । রাক্ষসরাজ রাবণ ! যেখানে রাম নাই, সেখানেও তাঁহাকে দেখিয়া থাকি । অধিক কি, স্বপ্নেও তাঁহাকে দেখিয়া, জাগরিতের ন্যায়, অতিমাত্র ভয়ে অতিভূত হইয়া উঠি । তাঁহার ভয়ে আক্রান্ত হওয়াতে, যাহার আদিতের এই অক্ষর আছে, রথ ও রত্ন প্রভৃতি তাদৃশ নাগপরম্পরাও আমার সাতিশয় ভ্রাস সমুৎপাদন করে । আমি তাঁহার প্রভাব জানি । তিনি বলি ও নমুচিকেও সংহার করিতে পারেন । তাঁহার সহিত যুদ্ধে তোমার ভদ্রম্ভতা নাই । অতঃপর তুমি যুদ্ধ কর বা না কর, যদি আমায় জীবিত দেখিতে ইচ্ছা থাকে, তাহা হইলে, রামের কথা আর মুখে আনিও না । যাহাঁরা কখন পরের অপকার করেন না, সর্বদাই যোগ-যুক্ত হইয়া, ধর্মের অনুষ্ঠান করেন, তাদৃশ বহুসংখ্য ব্যক্তিও পরের অপরাধে সপরিবারে বিনষ্ট হইয়া থাকেন । হে নিশা-চর ! আমাকেও পরের অপরাধে বিনষ্ট হইতে হইবে । অতএব, যাণ তোমার উচিত হয়, কর ; আমি অনুগমন করিব না । দেখ, রামের তেজ, বল ও বুদ্ধির সীমা নাই । তিনি সমস্ত রাক্ষস-লোকেরও ধ্বংস করিতে পারেন । আর, ছুরাচারিণী শূর্ণগণ্ডার জন্য জনস্থানবাসী দুর্বৃত্ত খর যদি রামের হস্তে নিহত হইয়া থাকে, তাহাতেই বা রামের অপরাধ কি, সত্য করিয়া বল । আমি বন্ধুজনের হিতাভিলাষেই এই কথা বলিতোছি । যদি না শুন, তাহা হইলে, তোমায় সৰ্বাক্ষবে যুদ্ধে আজিই রামের অজিহ্বাগামী শরপরম্পরায় নিহত হইয়া, প্রাণত্যাগ করিতে হইবে ।

চন্দ্রারিংশ সর্গ ।

মারীচ এইপ্রকার যুক্তিযুক্ত হিতকর বাক্যে উপদেশ করিলেও, মৃত্যু-কাম ব্যক্তির ঔষধের ন্যায়, রাবণের সে কথা গ্রাহ্য হইল না । প্রত্যুত, সে কালপ্রেরিত হইয়া, যুক্তিযুক্ত ও হিতকর বাক্যের উপদেষ্টা মারীচকে অযথোচিত পরুষ বাক্যে কহিল, মারীচ ! তুমি নিতান্ত নীচ বংশে জন্ম গ্রহণ করিয়াছ । যাহা বলিলে, তাহার কোন যুক্তিসঙ্গত অর্থ নাই এবং উষরভূমিতে বীজ বপন করিলে, যেমন তাহা নিষ্ফল হয়, তোমার ঐ কথাও সেইরূপ নিতান্ত ফলহীন । কিন্তু তুমি এই কথা বলিয়া, আগায় যুদ্ধে নিরস্ত করিতে পারিবে না । দেখ, রাম অতি পাপাত্মা, মূর্থ, বিশেষতঃ মানুষ, আবার, খরকে হত্যা করিয়াছে । আমি অবশ্যই তোমার সাঙ্গিন্ধে তাহার প্রাণস্থিয়তরা সীতাকে হরণ করিব । হে মারীচ ! আমি ঐপ্রকার বুদ্ধিই মনে মনে নিশ্চয় করিয়া রাখিয়াছি । ইন্দ্রের সহিত সমস্ত সুরাসুর একত্র হইলেও, ঐ বুদ্ধির ব্যাঘাতি করিতে পারিবে না । আমি যদি উপস্থিত বিষয়ের সিদ্ধি জন্য তোমায় দোষ গুণ বা উপায় অপায় জিজ্ঞাসা করিতাম, তাহা হইলে, তুমি ঐ কথা বলিতে পারিতে । বিশেষতঃ, রাজা কোন কথা জিজ্ঞাসা করিলে, যাহার আত্মহিতের অভিলাষ আছে, তাদৃশ বিদ্বান্ মন্ত্রির রূতাজ্জলি হইয়াই তদ্বিষয়ে উত্তর করা কর্তব্য । ফলতঃ, রাজাকে তাহা বলিলে, তাহা যেন অপ্রতীকূল, মুহূৰ্ত্ত, সন্দেহা শুভ ও হিতজনক এবং রাজ-ব্যবহার-সঙ্গত হয় । যাহাতে কোনরূপ পীড়ন করা হয়, তাদৃশ মানববিস্ত্রিত বাক্য হিতকর হইলেও, মানার্থী রাজা তাহার অভিনন্দন করেন না । রাজাদের তেজের সীমা নাই । তাঁহারা অগ্নি, ইন্দ্র, যম ও বরুণ এই পঞ্চরূপ এবং যথাক্রমে ঔষ্যতা, দিক্রম, অনুগ্রহতা, দণ্ড ও প্রসন্নতা এই পাঁচটি গুণ দারণ করিয়া থাকেন । অতএব সকল অবস্থাতেই সৰ্বদা মহাত্মা নরপতিগণের সম্মান ও অর্চনা করা

কর্তব্য । কিন্তু তুমি পশ্চিমজ্ঞানে জলাঞ্জলি দিয়া, কেবল মোহের বশবর্তী হইয়াছ । সেইজন্য, আমি অভ্যাগত হইলেও, আমার পূজা না করিয়া, দুরাশ্রিত্যবশতঃ এইপ্রকার পরুষ বাক্য প্রয়োগ করিতেছ । কিন্তু হে নিশাচর ! আমি তোমায় এবিষয়ে দোষাদোষ, অথবা আত্মপক্ষের ক্ষয় হইবে কি, না, জিজ্ঞাসা করিতেছি না । হে অমিতপরাক্রম ! আমি তোমায় গীতা-হরণের কথামাত্র কহিয়াছি এবং বলিয়াছি, এবিষয়ে তোমায় আমার সাহায্য করিতে হইবে । এক্ষণে সাহায্যার্থ যে কার্য্য করিতে হইবে, তাহা বলিতেছি, শ্রবণ কর । তুমি রজত বিন্দু-বিচিত্রিত সুবর্ণের মৃগ হইয়া, রামের আশ্রমে গীতার সম্মুখে বিচরণ ও তাঁহাকে প্রলোভিত করিয়া, যথেষ্ট গমন কর । মায়াময় স্বর্ণমৃগরূপী তোমাকে দর্শন করিয়া, বিস্ময় সমুৎপন্ন হইলে, মৈথিলী রামকে কহিবেন, সত্ত্বর এই মৃগ আনিয়া দাও । তখন ককুৎস্থনন্দন রাম আশ্রম হইতে অপ-সৃত হইলে, তুমি দূরে গমন করিয়া, অবিকল রামের ন্যায় স্বরে, হা গীতে, হা লক্ষ্মণ ! বলিয়া উচ্চৈঃ শব্দ করিবে । ঐ শব্দ শুনিয়া, লক্ষ্মণও গীতার আদেশে সমস্ত্রমে রামপদবীর অনুসরণ করিবে । এই রূপে রাম লক্ষ্মণ উভয়েই আশ্রম হইতে অন্তর্হিত হইলে, মহাত্মা ইন্দ্র যেমন শটীকে, আমিও তেমনি জানকীকে অনায়াসেই হরণ করিয়া লইব । হে রাক্ষস ! তুমিও ঐ রূপে কার্য্য সমাধা করিয়া, যথেষ্ট গমন করিবে । হে সুব্রত মারীচ ! কার্য্য সম্পন্ন হইলে, আমি তোমায় রাজ্যার্ক প্রদান করিব । হে গৌর্য্য ! এক্ষণে এই কার্য্যসিদ্ধির নিমিত্ত গমন কর ; পথে তোমার সর্কথা মঙ্গল ঘটুক । আমিও রথারোহণে দণ্ডকবনে তোমার অনুগমন করিব । এবং রামকে বঞ্চনা করিয়া, বিনা যুদ্ধে গীতাকে লাভ করত, কৃতকার্য্য হইয়া, তোমার সহিত পুন-রায় লঙ্কায় প্রবেশ করিব । হে মারীচ ! যদি আমার এই কথা না শুন, তাহা হইলে, অতুই তোমায় আমি বধ করিব । অবশ্য

মরণভয়েও তুমি আমার এই কার্য সাধন করিবে । রাজার প্রতিকূলে অবস্থান করিয়া, কোন ব্যক্তি কখনই সুখসমৃদ্ধি লাভ করিতে পারে না । এক্ষণে, রামের আসন্ন হইলেও, তোমার প্রাণসংশয়সম্ভাবনা এবং আমার বিরুদ্ধপক্ষ অবলম্বন করিলেও নিশ্চয়ই তোমার মৃত্যু হইবে, বুদ্ধিসহকারে ইহা যথাযথ বিচার করিয়া, এ বিষয়ে যাহা বিহিত হয়, কর ।

—:—

একচত্বারিংশ সর্গ ।

রাক্ষসরাজ রাবণ, প্রকৃত রাজার ন্যায়, প্রতিকূল বাক্যে এই-প্রকার আজ্ঞা করিলে, মারীচ কিছুমাত্র শঙ্কিত না হইয়া, পরুষ বাক্যে প্রত্যুত্তর করিল, হে নিশাচর ! কোন্ ব্যক্তি তোমায় রাজ্য, অমাত্য ও পুত্রের সহিত বিনষ্ট হইবার জন্য এইপ্রকার উপদেশ করিল ? রাজন্ ! তুমি সুখে আছ, দেখিয়া, কোন্ পাপাত্মার প্রাণে তাহা সহ্য হইল না ? কোন্ ব্যক্তি উপায়হীন তোমাকে এইপ্রকার মৃত্যুর দ্বার উপদেশ করিল ? হে নিশাচর ! স্পষ্টই বোধ হইতেছে, তোমার শত্রুগণের বীৰ্য্যালোপ হইয়াছে । সেইজন্য, তাহারা বলবানের সহিত বিরোধ করিষা, তোমাকে মৃত্যুমুখে নিপাতিত দেখিতে অভিলাষ করিতেছে । হে নিশাচর ! কোন্ অহিতবুদ্ধি ক্ষুদ্রশুভাব ব্যক্তি তোমাকে এইপ্রকার উপদেশ করিল ? তুমি যে আপনার কর্মপ্রভাবে বিনষ্ট হও, ইহা তাহার অভিলাষ হইয়াছে । হে রাবণ ! তোমার মস্তিদিগকে বধ করা কর্তব্য হইলেও, তুমি বধ করিতেছ না । দেখ, তুমি অন্যায়চরণে প্রবৃত্ত হইয়াছ ; তথাপি তাহারা তোমাকে সর্বতোভাবে নিগৃহীত করিতেছে না । যে রাজা যথেষ্টর-সম্পন্ন ও কামপথে প্রবৃত্ত হইয়া থাকে, সাধুশীল অমাত্যগণের উচিত, তাঁহাকে সর্বপ্রকারে নিগৃহীত করেন । কিন্তু তোমাকে নিগৃহীত করা উচিত হইলেও, তাহারা তদ্বিষয়ে উদাসীন হই-

য়াছে। হে জয়িশ্রেষ্ঠ ! প্রভু প্রসন্ন হইলেই, মন্ত্রিগণের ধর্ম, অর্থ, কাম ও যশঃ প্রাপ্তি হইয়া থাকে। আর, অপ্রসন্ন হইলে, তৎসমস্ত ব্যর্থ হইয়া যায়। অধিকন্তু, স্বামী বিগুণ হইলে, অন্যান্য লোকেরও বিষম বিপদ উপস্থিত হইয়া থাকে। হে জয়িশ্রেষ্ঠ ! রাজাই ধর্ম ও যশের মূল। অতএব, সকল অবস্থাতেই রাজার বিশিষ্টরূপ রক্ষা করা কর্তব্য। হে নিশাচর ! রাজা তীক্ষ্ণস্বভাব, প্রজাগণের অতিমাত্র প্রতিকূল ও অবিनीত হইলে, রাজ্যপালনে সমর্থ চয়েন না। যে সকল মন্ত্রী সর্বদা কঠোর মন্ত্রণা প্রয়োগপূর্বক উল্লিখিত তীক্ষ্ণস্বভাব রাজার সহবাসে অবস্থিতি করে, দুর্বুদ্ধি সারথির অধীনস্থ রথ যেমন বিষমস্থানে পতিত হইয়া, সারথির সহিত বিনষ্ট হয়, সেই মন্ত্রিগণও সেইরূপ বিনাশ লাভ করে। সংসারে স্বপদোচিত-ধর্ম্মানুষ্ঠান-তৎপর অনেক সাধুও পরের অপরাধে সপরিবারে বিনষ্ট হইয়াছেন। হে দশানন ! মুগ্ধাতক গোমায়ু কর্তৃক রক্ষিত মুগ্ধগণের যেমন উত্তরোত্তর ক্ষয় হইয়া থাকে, প্রতিকূলবর্তী তীক্ষ্ণস্বভাব রাজার রক্ষাধীনে প্রজাগণেরও সেইরূপ রুদ্ধিসম্ভাবনা নাই। রাবণ ! তোমার ন্যায়, ইন্দ্রিয়পরায়ণ কর্কশপ্রকৃতি দুর্মতি পুরুষ যাহাদের রাজা, সেই রাক্ষসদিগের সকলকেই অবশ্য বিনষ্ট হইতে হইবে। অধুনা, তোমার জন্য সহসা যে আমার এই মৃত্যু উপস্থিত হইল, তজ্জন্য আমার কিছুমাত্র শোক নাই। কিন্তু অতঃপর তোমাকেও সসৈন্যে বিনষ্ট হইতে হইবে, ইহা ভাবিয়াই আমার শোক উপস্থিত হইতেছে। রাম আমাকে সংহার করিয়া, অচিরে তোমাকেও বিনাশ করিবেন। যুদ্ধ করিয়া শত্রুহস্তে মৃত্যু হইলে, আমি কৃতকৃত্য হইব। নিশ্চয় জানিও, রামের দর্শনমাত্রেই আমি হত হইয়াছি। এবং ইহাও জানিও, সীতাকে হরণ করিলেই, তুমিও সবাক্ষবে বিনষ্ট হইয়াছ। যদি আমার সহিত মিলিত হইয়া, সীতাকে আশ্রম হইতে আনয়ন কর, তাহা হইলে, না তুমি, না আমি, না লক্ষা, না রাক্ষসগণ, কাহারই

রক্ষা হইবে না । হে নিশাচর ! আমি ত্রিতাভিলাষে বারম্বার
নিষেধ করিতেছি, কিন্তু তুমি আমার কথা গ্রাহ্য করিতেছ না ।
বুঝিলাম; যাহাদের আশু শেষ হইয়া আগিয়াছে, সেই মৃতপ্রায়
ব্যক্তিগণ সুহৃদগণের হিতবাক্যও গ্রহণ করে না ।

— ০ঃ০ —

দ্বিচত্বারিংশ সর্গ ।

মারীচ রাক্ষসরাজ রাবণকে এইপ্রকার পরামোক্তি করিয়া;
পরে তাহার ভয়ে নিতান্ত কাতরভাবাপন্ন হইয়া কহিল, চল,
গমন করি । কিন্তু ধনুঃ-শর খড়্গাদিরাম পুনরায় আমাকে
দর্শন করিলে, আমার সংহারার্থ আয়ুধ উদ্যত করিয়া, প্রাণ বধ
করিবেন । তুমি যমদণ্ডে হত হইয়াছ । রামও তোমার নাক্ষাৎ
যমদণ্ডরূপে বিরাজ করিতেছেন । তাহার প্রতি পরাক্রম প্রকাশ
করিয়া, জীবিত শরীরে প্রতিনিবৃত্ত হওয়া সম্ভব নহে । কিন্তু
তুমি অতি দুরাচার ; আমি কি করিতে পারি ? অতএব চলি-
লাম, তুমি সুখে থাক ।

রাবণ মারীচের এই কথায় অতিমাত্র আতঙ্কিত হইয়া,
তাহাকে গাঢ়তর আলিঙ্গন করিয়া কহিল, তুমি যখন আমার
অভিপ্রায়ানুসারে কার্য্য করিতে উদ্যত হইয়াছ, তখন, তোমার
এইপ্রকার বীর্য্যই শোভা পায় । পূর্বে তুমি আর একপ্রকার
রাক্ষস ছিলে ; এক্ষণে প্রকৃত মারীচ হইয়াছ । অতএব আর
বিগম্ব না করিয়া; আমার সহিত এই পিশাচমুখ গর্দভসমূহে
সংযোজিত, রত্নরাজিরাজিত, অন্তরীক্ষচর রথে আরোহণ কর ।
জ্ঞানকীকে প্রলোভিত করিয়া, তোমায় ইচ্ছামত গমন করিতে
হইবে । আমি শূন্যে পাইয়া, বলপূর্ব্বক তাহাকে হরণ করিব ।
তাড়কাস্মৃত মারীচ এই কথায় সন্মত হইল ।

অনন্তর রাবণ ও মারীচ উভয়ে বিমানসদৃশ রথে আরোহণ
করিয়া, সমুদ্র সেই আশ্রমগণ্ডল হইতে প্রস্থান করিল । এবং

বিবিধ পত্তন, বন, পর্লীত, নদী, রাষ্ট্র ও নগর সকল দেখিতে দেখিতে দণ্ডকারণে সমাগত হইল। অনন্তর রাক্ষসরাজ রাবণ মারীচের সহিত, তথায় রামের আশ্রমপদ অবলোকন করিয়া, কাঞ্চনলাঞ্ছিত রথ হইতে অবতরণ করিল। এবং মারীচকে হস্তে ধারণ করিয়া কহিতে লাগিল, সখে ! রামের এই কদলী-কাননপরিবৃত আশ্রমপদ দেখা যাইতেছে। যে জন্য আমরা এখানে আসিয়াছি, এক্ষণে সহর তাহা বিধান কর।

নিশাচর মারীচ রাবণের কথা শুনিয়া নিতান্ত অসুস্থ মুগরূপ ধারণ পূর্বক রামের আশ্রমদ্বারে বিচরণ করিতে লাগিল। সে ক্ষণ-মধ্যেই ঐ পরমশোভন মুগমূর্তি পরিগ্রহ করিল। ঐ মুগের শৃঙ্গাঐ ইন্দ্রনীল রত্নসদৃশ, মুখশোভা শ্বেত কৃষ্ণ বিবিধ বর্ণে বিচিত্রিত, বদনমণ্ডল রক্তোৎপলসন্নিভ, শ্রবণযুগল ইন্দ্রনীলমণির ন্যায়, ঐবাদেশ কিঞ্চৎ অতুল্যত, উদর ইন্দ্রনীলমণিসন্নিভ, পার্শ্ব-দেশ মধুক পুষ্পসদৃশ, বর্ণ পদ্ম-পরাগ-প্রতিম, খুরপংক্তি বৈদূর্য্য সদৃশ, জংঘাযুগল ক্ষীণ, সন্ধিবন্ধ সকল সুল্লিষ্ট, এবং পুচ্ছদেশ ইন্দ্রা-য়ুধ-সমবর্ণ ও উন্নমিত, তদ্বারা তাহার সাতিশয় শোভা হইয়াছে। তাহার বর্ণও হিঙ্ক ও মনোহর এবং শরীর নানাবিধ রত্নে পরিবৃত। নিশাচর মারীচ বৈদেহীর প্রালোভনার্থ এবং বিধ ধাতুবিচিত্রিত মনোহর দর্শনীয় রূপ ধারণপূর্বক রমণীয় রামাশ্রম ও বনভূমি আলোকগম্য করিয়া, ইতস্ততঃ শাঙ্গলে বিচরণ ও শম্প সকল ভক্ষণ করিতে করিতে গমন করিতে লাগিল। তাহার কলেবর শত শত রজতবিন্দুতে অলঙ্কৃত। তাহাকে দেখিলে, নিরতিশয় প্রীতি ও আনন্দ উপস্থিত হয়। সে কখন বিটপী সকলের কোমল বালপল্লব সকল ভক্ষণ করত বিচরণ করিতে লাগিল; কখন কদলীবাটিকায় ও কর্ণিকার কাননে প্রবেশ করিয়া, এবং কখন বা সীতার দর্শনপথে উপনীত হইয়া, মন্দ গতিতে আশ্রমের ইতস্ততঃ সঞ্চরণ আরম্ভ করিল। পৃষ্ঠদেশ স্ববর্ণে চিত্রিত হওয়াতে, তৎকালে ঐ মহামুগের সাতিশয় শোভা

প্রাচুর্ভূত হইল । সে যথাস্থখে রামের আশ্রমসান্নিধ্যে বিচরণ করিতে লাগিল । বিচরণ সময়ে কখন ধাবন, কখন অবস্থান, কখন বা মুহূর্ত্তমাত্র গমম করিয়া, পুনরায় সত্ত্বর প্রতিনিবৃত্ত হইতে লাগিল । কখন ইতস্ততঃ ক্রীড়ন, কখন ভূমিতে শয়ন, কখন আশ্রমদ্বারে আগমনপূর্ব্বক মৃগযুগ্মের অনুসরণ করিতে লাগিল । এবং মৃগগণে অমুগত হইয়া পুনরায় সীতার দর্শন আকাঙ্ক্ষায় প্রতিনিবৃত্ত হইতে লাগিল । এইরূপে সে প্রগল্ভতা বশতঃ বিচিত্র মণ্ডল প্রদর্শন পূর্ব্বক বিচরণ আরম্ভ করিল । তাহাকে দর্শন করিয়া, অন্যান্য বনচর মৃগগণ তাহার নিকটে আগমনপূর্ব্বক, তাহাকে আজ্ঞাণ করিয়াই, দশদিকে পলায়ন করিতে লাগিল । মারীচ যদিও মৃগবধ করিত, তথাপি ভাবগোপন জন্য তাহাদিগকে ভক্ষণ করিল না, কেবল স্পর্শ করিতে লাগিল ।

ঐ সময়ে শুভলোচনা মদিরেক্ষণা বৈদেহী কুম্মচয়নে ব্যগ্র হইয়া, কখন অশোক, কখন কর্ণিকার ও কখন বা চূতবৃক্ষে ধাবমান হইতেছিলেন । তিনি কখন বনে থাকিবার যোগ্য নহেন । সেই রুচিরবদনা বরাজনা সীতা কুম্মচয়ন করত বিচরণ করিতে করিতে উল্লিখিত মুক্তামণি-বিচিত্রাঙ্গ রত্নময় মৃগ অবলোকন করিলেন । ঐ মৃগের দন্ত ও ওষ্ঠ দিব্য-কাস্তি-বিশিষ্ট এবং রোমরাজি রূপ্য ও গৈরিকাদি ধাতু সদৃশ । তিনি বিস্ময়-বিস্ফারিত নয়নে স্নেহভরে তাহাকে দেখিতে লাগিলেন । মায়া-ময় মৃগও রামদয়িতার প্রীতি দৃষ্টিপাত করিয়া রহিল । অনন্তর সে সেই বন আলোকিত করিয়া, ইতস্ততঃ বিচরণ করিতে লাগিল । জনকদুহিতা সীতা রত্নরাজিরাজিত অদৃষ্টপূর্ব্ব উল্লিখিত মৃগ দর্শনে নিরতিশয় বিস্ময় প্রাপ্ত হইলেন ।

ত্রিচছারিংশ সর্গ ।

সীতার নিতম্ব অতি মনোহর, বর্ণ বিশুদ্ধ স্বর্ণ সদৃশ এবং সকল অঙ্গই পরমসুন্দর। তিনি হেগ রক্তত সবর্ণ পার্শ্বদ্বয়ে সুশোভিত উল্লিখিত মৃগ দর্শন করিয়া, অতিশয় আত্মাদিত হইয়া, আয়ুধধারী রাম ও লক্ষ্মণকে আহ্বান করিলেন। আৰ্য্য পুত্র! লক্ষ্মণের সহিত সহস্র আগমন কর, আগমন কর, এই বলিয়া বারংবার রামকে আহ্বান ও সেই মৃগের প্রতি দৃষ্টিপাত করিতে লাগিলেন। তিনি আহ্বান করিলে, পুরুষোত্তম রাম ও লক্ষ্মণ উভয়ে নির্দিষ্ট ঐদেগে দৃষ্টিবিক্ষেপ করত ঐ মৃগকে লক্ষ্য করিলেন। কিন্তু লক্ষ্মণ মৃগদর্শনে শঙ্কিত হইয়া, রামকে কহিতে লাগিলেন, এই মৃগকে আমার নিশাচর মারীচ বলিয়া মনে হইতেছে। এই পাপরূপী পাপাত্মা মারীচ মৃগরূপ-ব্যপ-দেগে, পরমহর্ষে-মৃগয়া-নিরত রাজাদিগকে নিহত করিয়া থাকে। এই রাক্ষস বিশিষ্টরূপ মায়া অবগত আছে। সেই মায়া-বলে এইপ্রকার মৃগরূপপরিগ্রহ করিয়াছে। হে পুরুষব্যঞ্জ! দেখুন, ঐ মৃগের রূপ গন্ধর্ব্বনগরের ন্যায় আপাত্তরমণীয় এবং পরম ভাস্বর। হে রঘুনন্দন! এইপ্রকার রত্নবিচিত্র মৃগ কখন পৃথি-বীতে নাই। হে জগতীনাথ! ইহা নিশ্চয়ই মায়া, সন্দেহ নাই।

লক্ষ্মণ এইপ্রকার কহিতে লাগিলে, শুচিস্মিতা সীতা রাক্ষসের ছলনায় মোহাচ্ছন্ন হইয়া, পরম হর্ষে তাঁহাকে বারণ করিয়া কহিলেন, আৰ্য্যপুত্র! ঐ মৃগ অতিশয় সুন্দর; আমার মন হরণ করিয়াছে। মহাবাহো! উহাকে ধরিয়া দাও, আমাদের ক্রীড়া-মৃগ হইবে। আমাদের এই আশ্রমপদে চমর, স্মর, ঋক্ষ, পুষ্প, বানর ও কিম্বর প্রভৃতি নানাপ্রকার প্রিয়দর্শন মৃগ একত্রে বিচরণ করিয়া থাকে। মহাবাহো! এই রূপে শ্রেষ্ঠরূপ ও শ্রেষ্ঠ-বল মৃগ সকল এখানে বিহার করে। কিন্তু রাজন! পূর্বে কখন এইপ্রকার মৃগ আমার দৃষ্টিগোচর হয় নাই। সামর্থ্য সৌম্যতা।

ও কান্তি সর্বাংশেই ইহার সর্বোৎকর্ষ লক্ষিত হইতেছে। ইহার সর্বাদ্ধ বিবিধ বর্ণে বিচিত্রিত ; সাক্ষাৎ রত্ন ও চন্দ্রস্বরূপ বনভূমি বিদ্যোতিত করিয়া, আমার সম্মুখে বিরাজ করিতেছে। আহা, কি সৌন্দর্য্য ! আহা, কি শ্রী ! আহা, কি সুশোভন স্বরসমুদ্র ! এই আশ্চর্য্য বিচিত্রদেহ মুগ আমার মন হরণ করিয়া লইয়াছে। যদি ইহাকে জীবিত শরীরে ধরিয়া দিতে পার, তাহা হইলে, বড় আশ্চর্য্য হয় এবং আশ্চর্য্য উৎপাদন করে। আমরা বনবাস উদ্ঘাপন করিয়া, পুনরায় রাজ্যস্থ হইলে, এই মুগ আমাদের অন্তঃপুরে বিভূষার্থ হইবে। হে বিভো ! ভরতের, তোমার, শৃঙ্গগণের ও আমার, সকলেরই এই দিব্য মুগরূপ বিস্ময়উৎপাদন করিবে। হে পুরুষোত্তম ! যদি এই মুগকে জীবন্ত ধরিতে না পার, তাহা হইলে, ইহার চর্ম্মও পরম শ্রীতিকর হইবে। এই নিহত মুগের স্বর্ণময় চর্ম্ম কুশাগনে প্রসারিত করিয়া, ভগবানের পূজা করিতে আমার অভিলাষ হইয়াছে। যদিও স্রীয প্রয়োজন-সম্পাদনার্থ স্বামীকে এই রূপে নিয়োগ করা স্ত্রীলোকের পক্ষে অতীব ভয়ঙ্কর এবং কোন অংশেই শোভা পায় না ; কিন্তু এই মুগের বিচিত্র দেহ আমার নিরতিশয় বিস্ময় সনুৎপাদন করিয়াছে।

তৎকালে, কাঞ্চনের ন্যায় বোমরাজি, অতু্যংকৃষ্ট মণির ন্যায় শূদ্র, নবোদিত সূর্যের ন্যায় বর্ণ এবং নক্ষত্রপথের ন্যায় বিচিত্রতা, এই সকলে অলঙ্কৃত উল্লিখিত মুগ দর্শন করিয়া, রামেরও অন্তঃকরণে বিস্ময়রসের আবির্ভাব হইল। তখন তিনি মুগদর্শনে তাহার রূপে লোভাক্রান্ত এবং দীতার কথা শ্রবণে তাহার প্রেরণাপরতন্ত্র হইয়া, হৃষ্টচিত্তে ভ্রাতা লঙ্কণকে কহিলেন, লঙ্কণ ! অবলোকন কর, এই মুগের অতু্যংকৃষ্ট সৌন্দর্য্য দর্শনে জানকীর স্পৃহা উল্লসিত হইয়া উঠিয়াছে। অতএব অদ্য ইহার প্রাণধারণ অসম্ভব। হে সৌমিত্রে ! কি বনে, কি নন্দনে, কি চৈতন্যরূপ কাননে, অথবা পৃথিবী বা কোন স্থানেই ইহার গগন মুগ

নাট। দেখ, ইহার রোগরাজি ক্রমানুক্রমে সুবিন্যস্ত এবং পরম সুন্দর। তাহাতে, কনকবিন্দু সকল ইতস্ততঃ বিক্ষিপ্ত থাকিতে, অতিশয় শোভার আবির্ভাব হইয়াছে। আরও দেখ, যেহ ইহাতে বিদ্যুৎ যেমন বিক্ষুরিত হয়, সেইরূপ, জ্বন্তাত্যাগ সময়ে ইহার মুখ হইতে পাবকশিখার ন্যায় প্রদীপ্ত জিহ্বা বিনিঃসৃত হইতেছে। ইহার মুখমণ্ডল ইস্কনীলনির্মিত পান-পাত্রের আকারবিশিষ্ট, উদর শঙ্খ ও মুক্তাগদৃশ এবং ইহার স্বরূপ নির্ণয় করাও ভৎসনীয়। ইহাকে দেখিলে, কাহার না মন মোহিত হয়? ইহার রূপ জাম্বুনদময়ী প্রভায় পরিপূর্ণ এবং বিবিধ রত্নে অলঙ্কৃত। ঈদৃশ দিব্য রূপ নয়নগোচর হইলে, কাহার না বিস্ময়-রনের সঞ্চার হইয়া থাকে? ধনুর্দ্ধারী রাজারা মহাবনে মুগয়ায় প্রৱত্ত হইয়া, মাংসের জন্য অথবা বিহরার্থও যখন মুগ সকল সংহার করেন, তখন এইপ্রকার বিচিত্র চর্ম্মের জন্য যে তাহাদের হত্যা করিবেন, ইহা বলা বাজ্জল্য। অধিকন্তু, তাঁহারা মুগবধে উদ্যত হইয়া, মগারণ্যে গণিরত্ন ও সুবর্ণাদি ধাতুরূপ ধনও সংগ্রহ করিয়া থাকেন। এইপ্রকার বন্য ধনরাশি দ্বারা কোষ বর্দ্ধিত হয়। সুতরাং তৎসমস্তই, ব্রহ্মলোকপ্রাপ্ত পুরুষের সংকল্প-মাত্রেই সমাগত সর্পপ্রকার ভোগ্যবস্তু ন্যায়, মনুষ্যের পক্ষে পরম প্রশস্ত। বাহার অর্থে প্রয়োজন আছে, সেই ব্যক্তি যে অর্থের জন্য কর্ম্মপরতন্ত্র হইয়া, অবিচারিত চিত্তে তাহার সম্পাদনার্থ কৃতযত্ন হয়, অর্থল ধন-সুনিপুণ অর্থশাস্ত্রজ্ঞ ব্যক্তির। সেই অর্থকেই প্রকৃত অর্থ বলিয়া নির্দেশ করেন। অতএব এই মুগবধে দ্বৈধ করিবার আবশ্যিকতা নাই। স্তম্ভ্যমা জানকী আমার সহিত এই মুগরত্নের অত্যাৎকৃষ্ট স্বর্ণময় চর্ম্মে উপবেশন করিবেন। কি কদলী ও শিয়ক মৃগের ত্বক্; কি প্রবেণীনাগক ছাগলের অথবা মেঘাদির চর্ম্ম, কিছুই এই মৃগের চর্ম্মসদৃশ সুখ-স্পর্শ বলিয়া আমার প্রতীতি হয় না। এই মৃগই শ্রীমানু, আর গালাগাথে যে মৃগ বিচরণ করে, সেই মৃগই শ্রীমানু। কণ্ডঃ,

সেই তারামৃগ (মৃগশিরোনক্ষত্র) এবং এই মহীমৃগ, এই উভয় মৃগই দিব্য মৃগ । এতদ্ব্যতীত, আর দিব্য মৃগ নাই । লক্ষণ ! তুমি বলিতেছ, ইহা রাক্ষসের মায়া । যদি প্রকৃত পক্ষে তাহাই হয়, তাহা হইলেও, আমি ইহার বধ করিব । দেখ, এই ছুরাছা নির্দয় মারীচ পূর্বে বনে বিচরণ করত মুনিমুখ্যগণের প্রাণ বধ করিয়াছে । এবং মৃগয়া সময়ে প্রাচুর্ভূত হইয়া, পরম দমুর্জর অনেক রাজাকেও সংহার করিয়াছে । অতএব এই মৃগকে বধ করা কর্তব্য । স্বীয় গর্ভ যেমন অশ্বতরীকে বিনষ্ট করে, পূর্বে এই অরণ্যে রাক্ষস বাতাপিও তেমনি উদরস্থ হইয়া, তপস্বী ব্রাহ্মণগণের পরিভবপূর্বক প্রাণসংহার করিত । এই রূপে বহু কাল অতীত হইলে, কোন সময়ে সেই বাতাপি পরম তেজস্বী মহামুনি অগস্ত্যকে আক্রমণ করিয়া, তাহার ভক্ষ্য হইয়াছিল । পরে ভোজনান্তে উথানসময়ে বাতাপিকে রাক্ষসরূপ ধারণ করিতে ইচ্ছুক দেখিয়া, ভগবান্ অগস্ত্য ঈষৎ হাস্য করিয়া বলিয়াছিলেন, বাতাপি ! তুমি তেজে হতজ্ঞান হইয়া, এই জীবলোকে অনেক দ্বিজশ্রেষ্ঠের পরিভব করিয়াছ । সেই জন্য, আমি তোমায় জীর্ণ করিলাম । লক্ষণ ! যে, আমার ন্যায় ধর্ম্মনিত্য ও জিতেন্দ্রিয় ব্যক্তিকে অতিক্রম করে, সেই মারীচেরও বাতাপির ন্যায়, প্রাণ বিনষ্ট হইয়া থাকে । অতএব মারীচ আমাকে প্রাপ্ত হইয়া, অগস্ত্যকর্তৃক বাতাপির ন্যায়, সংকর্তৃক নিহত হইবে । এক্ষণে তুমি কবচাদি বন্ধন পূর্বক সমস্তে মৈথিলীর রক্ষা কর । হে রমুনন্দন ! জানকীকে রক্ষা করাই আমাদেবের অবশ্য কর্তব্য প্রধান কার্য্য । অতএব তুমি সাবধানে অবস্থিতি কর । আমি এই মৃগকে হয়, সংহার, না হয়, গ্রহণ করিব । হে সৌমিত্রে ! এই মৃগচর্ম্মে জানকীর অতিমাত্র অভিশ্রম উপস্থিত হইয়াছে, দেখ । অতএব আমি সত্ত্বরই মৃগের আনয়নার্থে গমন করিব । এই মৃগের ত্বক্ সর্সাপেক্ষা উৎকৃষ্ট । অদ্য নিশ্চয়ই ইহার প্রাণত্যাগ ঘটিবে । লক্ষণ ! আমি যতক্ষণ না

এই মৃগকে একমাত্র সামকেই সংহার করিতেছি, তাবৎ তুমি সীতার সহিত অতি সাবধানে আশ্রম মধ্যে অবস্থিতি কর। আমি শীঘ্রই ইহাকে হত্যা করিয়া, চৰ্ম্ম লইয়া আসিব। লক্ষ্মণ! এই জটায়ু অতিশয় সামর্থ্যশালী, অতিশয় বলবান্ এবং অতিশয় ঘৃদ্ধিবিশিষ্ট। তুমি ইহার সহিত জ্ঞানকীকে লইয়া, রাক্ষসগণ চতুর্দিকেই বিচরণ করিতেছে, তজ্জন্ম প্রতিক্ষণেই শক্তিভ হইয়া, সাবধানে অবস্থিতি কর।

—

চতুশ্চদ্বারিংশ সর্গ।

পরমতেজস্বী রঘুনন্দন রাম ভ্রাতা লক্ষ্মণকে এইপ্রকার উপদেশ করিয়া, স্বর্গময় মুষ্টিসম্পন্ন খড়্গ ধারণ করিলেন। অনন্তর, যাহার মধ্যদেশ তিন স্থলে অবনত ঈদৃশ আত্মশোভানাদন ধনু গ্রহণ ও তূণীরযুগল বন্ধন পূর্বক প্রচণ্ড পরাক্রমে প্রস্থান করিলেন। বন্যরাজ মারীচ-মৃগ রাজেশ্বর রামকে আগমন করিতে দেখিয়া, ভয়বশতঃ অন্তর্হিত হইয়া, পুনরায় ভাঁহার দর্শনগোচরে উপনীত হইল। রামও ধনুগ্রহণ ও খড়্গাবন্ধন পূর্বক, যেদিকে মৃগ, সেই দিকে ধাবমান হইলেন এবং ধাবনসময়ে অবলোকন করিলেন, মৃগ স্বীয়রূপে চতুর্দিক আলোকময় করিয়া, যেন সম্প্রু-থেই অবস্থিতি করিতেছে; কখনও ধনুস্পার্শ্ব রামকে বারংবার অবলোকন করিয়া, অরণ্যমধ্যে ধাবমান হইতেছে; কখন যেন উৎপতন পূর্বক অতিক্রম করিয়া যাইতেছে; কখন প্রলো-ভন প্রদর্শন পূর্বক যেন হস্তপ্রাপ্ত হইতেছে; কখন যেন শক্তিভ ও সমুদ্ভাস্ত হইয়া, আকাশে উৎপতন করিতেছে; কখন বনভূমির কোথাও অদৃশ্য ও কোথাও দৃশ্যমান হইতেছে; এবং কখনও বা বিচ্ছিন্ন মেঘমণ্ডলে সমাচ্ছন্ন শারদীয় চন্দ্রমণ্ডলের ন্যায়, মুহূর্ত্তমাত্র দৃশ্য ও মুহূর্ত্তমাত্রেরে দূরে প্রকাশিত হইতেছে। এইরূপে মৃগরূপী মারীচ বারংবার দৃশ্য ও অদৃশ্য হইয়া, রামকে

আশ্রম হইতে দূরে লইয়া চলিল । রাম তদীয় মায়ায় মোহিত ও নিতান্ত অনায়ত্ত হইয়া, ক্রোধে আক্রান্ত হইলেন । অনন্তর একান্ত পরিশ্রান্ত হইয়া, ছায়া আশ্রয় পূর্বক হরিদ্রণ দূর্ভিক্ষেত্রে অবস্থান করিলেন । মৃগরূপী মারীচ তাঁহার চিত্তবিজয় সমুৎপাদন করিয়াছিল । সে পুনরায় অন্যান্য মৃগগণে পরিবৃত্ত হইয়া, অদূরে তাঁহার দর্শনগোচরে উপস্থিত হইল । এবং রামকে ধরিতে উদ্যত দেখিয়া, পুনর্দার দৌড়িতে আরম্ভ করিল । অনন্তর অতিমাত্র ভ্রাগ বশতঃ তৎক্ষণেই আবার অন্তর্হিত হইল । এবং দূরে গমন পূর্বক পুনরায় পাদপপুঞ্জের অন্তরাল হইতে বিনিঃসৃত হইলে, পরম তেজস্বী রাম তদদর্শনে তাঁহাকে সংহার করিতে কৃতনিশ্চয় হইয়া, রোষভরে পুনরায় ভূগ হইতে সূর্য্যরশ্মিসমগ্ৰভাভ শক্রনিপাতন প্রাঙ্কলিত শর উদ্ধত করিলেন । ঐ শর অতিশয় দীপ্তিনিশিষ্ট এবং স্বয়ং ব্রহ্মা নিস্মরণ করিয়াছেন । বলশালী রাম বিমছালাপরিবৃত আশীবিসের ন্যায়, উল্লিখিত ব্রহ্মাস্ত্র দৃঢ়রূপে শরায়নে সন্ধান ও বলপূর্বক ধনু আকর্ষণ করিয়া, মৃগের উদ্দেশে নিক্ষেপ করিলেন । শরশ্রেষ্ঠ ব্রহ্মাস্ত্র নিক্ষিপ্ত হইবামাত্র, বজ্রের ন্যায়, মৃগরূপী মারীচের হৃদয় নির্ভিন্ন করিয়া ফেলিল । তখন সে নিরতিশয় আতুর হইয়া তালপ্রমাণ উল্লঙ্ঘন করিয়া, নিপতিত হইল । এবং ক্ষীণ প্রাণে ধরাতলে পতিত হইয়াই, ভয়ঙ্কর শব্দে চীৎকার আরম্ভ করিল । অনন্তর মারীচ মরিবার সময় সেই মায়ায় মৃগদেহ ত্যাগ করিয়া, রাবণের আদেশ স্মরণ পূর্বক ভাবিতে লাগিল, কিরূপ উপায় অবলম্বন করিলে, গীতা বক্ষণকেও এখানে প্রেরণ এবং রাবণ শূন্য নীতাকে হরণ করিতে পারে ? এইপ্রকার চিন্তানন্তর, মৃত্যু উপস্থিত জানিয়া, রাবণের উপদিষ্ট পরামর্শানুসারে, হা গীতে, হা লক্ষণ ! বলিয়া, রামের ন্যায় কণ্ঠস্বরে চীৎকার আরম্ভ করিল । রামের অনুপম শরে তাহার মর্ম্মদেশ একান্ত বিদ্ধ হইয়াছিল । সে আর মৃগরূপ ধারণ করিতে না পারিয়া, রাক্ষসমূর্ত্তি পরি-

এই পূর্বক মরিবার সময়ে স্বীয় শরীর সাতিশয় সংবর্দ্ধিত করিল। রাম ভীমদর্শন নিশাচর মারীচকে রক্তাক্তকলেবরে ধরাতলে পতিত ও লুণ্ঠিত হইতে দেখিয়া, মনে মনে সীতাকে ও লক্ষ্মণের কথা স্মরণ করত আশ্রমোদ্দেশে প্রস্থান করিলেন। যাইবার সময় ভাবিতে লাগিলেন, লক্ষ্মণ পূর্বেই বলিয়াছিলেন, ইহা মারীচের মায়া। তাঁহার কথাই এখন সত্য হইল। বধার্থই মারীচকে আগি বধ করিলাম। এক্ষণে, মারীচ, হা সীতে, হা লক্ষ্মণ! বলিয়া, উচ্চৈঃস্বরে প্রাণত্যাগ করিল। না জানি, সীতার এখন কি ঘটে এবং মহাবাহু লক্ষ্মণেরই বা কিরূপ অবস্থা উপস্থিত হয়! এইপ্রকার চিন্তা করিতে করিতে, দ্রাস-বশতঃ ধর্ম্মাত্মা রামের শরীর রোমাঞ্চিত হইয়া উঠিল। তৎকালে যুগরূপী রাক্ষসকে হত্যা করিয়া, তাহার উক্তপ্রকার চীৎকারশব্দ শ্রবণ করত, বিষাদজন্য নিরতিশয় ভয়ে তিনি অভিহত হইলেন। অনন্তর তিনি অন্যান্য যুগ সংহার ও তাহাদের মাংস গ্রহণ করিয়া, ক্রতপদসঙ্খারে জনস্থানাভিমুখে প্রস্থান করিলেন।

—

পঞ্চচত্বারিংশ সর্গ ।

এদিকে, বনমধ্যে স্বামির গৃহশ আর্তস্বর শ্রবণ করিয়া, সীতা লক্ষ্মণকে কহিলেন, যাও, জানিয়া আইন, রামের কি হইয়াছে। তিনি নিরতিশয় আর্তস্বরে চীৎকার করিতেছেন। সেই শব্দ শুনিয়া, আমার মন ও প্রাণ আর স্বস্থানে অবস্থিতি করিতেছে না। তিনি তোমার জ্ঞাতা, অরণ্যমধ্যে উচ্চৈঃস্বরে চীৎকার করিতেছেন। তাঁহাকে পরিজ্ঞাণ করা তোমার অবশ্য কর্তব্য। অতএব তুমি শীঘ্রই শরণার্থী জ্ঞাতার রক্ষা জন্য ধাবমান হও। গো-বৃষ যেমন সিংহের, তিনিও তেমনি রাক্ষসের বশতাপন্ন হইয়াছেন। কিন্তু লক্ষ্মণ রামের আদেশ স্মরণ

করিয়া, সীতার কথায় গমন করিলেন না। তখন সীতা নিতান্ত বিচলিতাস্তঃকরণ হইয়া, তাঁহাকে কহিলেন, লক্ষ্মণ ! তুমি রামের মিত্ররূপী শত্রু। দেখ, তুমি এই সংকটসময়েও তাঁহার রক্ষার্থ গমন করিতেছ না। বুঝিলাম, আমার প্রতি তোমার অভিলাষ হইয়াছে। সেইজন্য, তুমি তাঁহার বিনাশ কামনা করিতেছ। নিশ্চয়ই আমার প্রতি লোভ হওয়াতে, তুমি তাঁহার অনুগমন করিতেছ না। সেই জন্য, স্পষ্টই দেখা যাইতেছে, রামের বিপদও তোমার পরগ স্মৃতির বিষয় হইয়াছে এবং তাঁহার প্রতি তোমার পূর্বস্নেহও দূর হইয়াছে। সেই জন্য, তুমি মহাদ্রুতি রামকে না দেখিয়াও, নিশ্চিত্ত বসিয়া আছ। কিন্তু তুমি যে রামের অধীনে এখানে আসিয়াছ, তাঁহার সংশয় উপস্থিত হইলে, তোমার রক্ষাধীনে থাকিয়া, আমি আর কি করিব; আমার মরণই মঙ্গল।

বৈদেহী বাষ্প ও শোকে আচ্ছন্ন এবং মৃগবধুর ন্যায় ত্রাসযুক্ত হইয়া, এইপ্রকার বলিতে লাগিলে, লক্ষ্মণ তাঁহাকে কহিলেন, জানকি ! দেব, দানব, গন্ধর্ব্ব, রাক্ষস, অসুর ও পন্নগ, কেহই আপনার স্বামীকে জয় করিতে সমর্থ নহে; এ বিষয়ে কোন সন্দেহ নাই। অগ্নি শোভনে ! দেব, দানব, গন্ধর্ব্ব, রাক্ষস, পিশাচ, মনুষ্য, কিন্নর, মৃগ ও বিহঙ্গম, ইহাদের মধ্যে এমন কেহই নাই যে, যুদ্ধে ইন্দ্রের সমান রামের প্রতিযোগিতা করিতে সমর্থ হয়। ফলতঃ, রামকে যুদ্ধে বধ করা কাহারও সাধ্য নহে। অতএব আপনার এপ্রকার বলা শোভা পায় না। আর, আপনাকে রাম বিনা একাকিনী এই অরণ্য মধ্যে ত্যাগ করিতেও, কোন ক্রমেই আমার সাহস হইতেছে না। দেখুন, ইন্দ্রাদি প্রচুর-বল-বিশিষ্ট পুরুষগণও স্বকীয় বলে রামের বল নিবারণ করিতে সক্ষম হইলেন না। অথবা, স্বয়ং দৈত্য ও অমরগণের সাহিত ত্রিভুবন একত্র মিলিত হইলেও, রামকে পরাজয় করিতে পারে না। অতএব আপনি শোক ত্যাগ করিয়া

সুস্থ-চিত্ত হউন । আপনার স্বামী রাম যুগ-রত্নকে সংহার করিয়া, শীঘ্রই প্রত্যাগমন করিবেন । আর, এই স্বর নিশ্চয়ই তাঁহার নহে এবং কোন অশরীরিণী দেবতাও এই-প্রকার স্বর প্রয়োগ করেন নাই । নিশাচর মারীচই গঙ্গাক্ষনগর-সদৃশী মিথ্যা মায়া বিস্তার করিয়া, এইপ্রকার-চীৎকার করিতেছে । অগ্নি জানকি ! মহাত্মা রামও গচ্ছিত ধনস্বরূপ আপনাকে আমার হস্তে ন্যস্ত করিয়া গিয়াছেন । এইজন্য, আপনাকে ত্যাগ করিতে আমার উৎসাহ হইতেছে না । অগ্নি কল্যাণি ! অগ্নি বরারোহে ! এই সকল রাক্ষসের সহিত আমাদের শত্রুতা হইয়াছে । দেবি ! খরকে নিধন করিয়া, জনস্থান ধ্বংস করাতে, তদুপলক্ষে ক্রুতবৈর নিশাচরগণ এই মহাবনগধ্যে আমাদের ব্যামোহসাধনার্থ নানাপ্রকার বাক্য প্রয়োগ করিয়া থাকে । জানকি ! সাধুগণের হিংসা করাই রাক্ষসদিগের একমাত্র আশ্রয় প্রমোদ । অতএব এ বিষয়ে চিন্তিত হওয়া কোন অংশেই আপনার শোভা পায় না ।

লক্ষ্মণ এইপ্রকার কহিলে, ক্রোধবশতঃ জানকীর লোচন-যুগল নিতান্ত লোহিত ভাতি ধারণ করিল । তিনি পরুষ বাক্যে সত্যবাদী সুমিত্রাতনয়কে কহিতে লাগিলেন, তুমি রামকে মারিয়া, দয়া করিয়া আমার রক্ষা করিতে উদ্যত হইয়াছ । অতএব তোমার এই দয়ার কোন মহত্ত্ব বা প্রশংসা নাই । তুমি অতি নিষ্ঠুর ও কুলনাশন । বুঝিলাম, রাম মহাবিপদে পতিত হইলেই, তোমার পরম প্রীতির বিষয় হইয়া থাকে । সেইজন্য, তুমি তাঁহাকে বিপদগ্রস্ত দেখিয়াও, এইপ্রকার কথা বলিতেছ । লক্ষ্মণ ! তোমার ন্যায়, জ্ঞাতিস্ব বশতঃ শত্রুভাবাপন্ন পুরুষগণ যে পাপানুষ্ঠানে প্রবৃত্ত হইয়া থাকে, ইহা বিচিত্র নহে ; তাহাতে, আবার, তুমি অতীব নির্দয় এবং সর্বদাই স্বকীয় দুর্ভিক্ষি গোপন করিয়া, বিচরণ করিয়া থাক । বলিতেকি, তুমি নিতান্ত দুষ্টপ্রকৃতি । সেইজন্য, রাম একাকী

বনে আনিলে, তুমিও একাকী তাঁহার অনুগামী হইয়াছ । অথবা, ভরত আমার প্রতি লোভপরতন্ত্র হইয়া, গুপ্ত শত্রু রূপে তোমায় রামের সঙ্গে পাঠাইয়া দিয়াছে । কিন্তু লক্ষ্মণ ! তুমি বা ভরত বাহা মনে করিয়াছ, তাহা কখনই ঘটবে না । আমি পদ্মপলাশলোচন নীলোৎপলশ্যাম রামের গৃহিণী হইয়া, কি রূপে ইতর জনে অভিলাষিণী হইব । অতএব, লক্ষ্মণ ! আমি তোমার সমক্ষে প্রাণত্যাগ করিব, কোন সন্দেহ নাই । রাম বিনা ক্ষণকালও আমি এই সংসারে প্রাণ ধারণ করিব না ।

সীতা যে পরুষ বাক্য প্রয়োগ করিলেন, শুনিলে শরীর রোমাঞ্চ হইয়া থাকে । জিতেন্দ্রিয় লক্ষ্মণ ক্রুতাঞ্জলি হইয়া তাঁহাকে কহিলেন, আপনি আমার সাক্ষাৎ দেবতা ; স্মৃতরাং উত্তর করিতে আমার সাহস হইতেছে না । কিন্তু জানকি ! আপনি যে অযোগ্য কথা বলিলেন, তাহা স্ত্রীলোকের পক্ষে বিচিত্র নহে । কেননা, ঐপ্রকার কুৎসিত কথা বলাই স্ত্রীজাতির স্বধর্ম ; ইহা সচরাচর লক্ষিত হইয়া থাকে । স্ত্রীজাতি স্বভাবতই ক্রুর, চঞ্চল, ধর্মজ্ঞানহীন এবং পিতা ও পুত্রাদির মধ্যে পরস্পর ভেদ সাধন করিয়া থাকে । কিন্তু, জানকি ! আপনার এই কথা আমার সহ্য হইতেছে না । অত্যাচার নারাতের ন্যায়, ইহা আমার উভয় কণি বিদ্ধ করিতেছে বাহা হউক, বনচারী দেবগণ সকলেই আমার সাক্ষী । আমি বথার্থ কথাই বলিয়াছি । তথাপি, তুমি আমায় যেপ্রকার কটুক্তি করিলে, ইহারা সকলে তাহা শ্রবণ করুন । আমি সর্বদাই গুরুর কথা পালন করিয়া থাকি । কিন্তু তুমি স্ত্রীস্বভাব ও দুষ্ট প্রকৃতি বশতঃ আমায় ঐপ্রকার সন্দেহ করিতেছ ; নিশ্চয়ই তোমার বিনাশ উপস্থিত । তোমায় ধিক্ ! অগ্নি বরাননে ! রাম যেখানে, আমি চলিলাম ; তুমি কুশলে থাক । এবং বনদেবতারা তোমার রক্ষা করুন । অগ্নি বিশালাক্ষি ! ঘোরতর দুর্নিমিত্ত সকল আমার সমক্ষে প্রাদুর্ভূত

হইতেছে। অতএব, পুনরায় রামের সহিত আসিয়া তোমায় যেন দেখিতে পাই ?

লক্ষ্মণ এইপ্রকার কহিলে, জনকনন্দিনী অবিরল-বাহিনী অশ্রুধারায় পরিপ্লুতা হইয়া, ক্রন্দন করিতে করিতে প্রাত্যস্তর করিলেন, লক্ষ্মণ ! রামের সহিত বিরহ ঘটিলে, আমি গোদা-বরীসলিলে ডুবিয়া মরিব ; কিম্বা গলায় দড়ি দিব ; অথবা কোন উচ্চস্থানে উঠিয়া এই দেহপাত করিব ; কিম্বা তীক্ষ্ণ বিষ পান করিব ; না হয়, আগুনে প্রবেশ করিব। তথাপি, রাম ভিন্ন আর কোন পুরুষকে আমি কখনও স্পর্শ করিতে পারিব না। সীতা শোকভরে রোদন করিতে করিতে লক্ষ্মণের নিকট এইপ্রকার প্রতিজ্ঞা করিয়া, দুঃখভরে উদরে করাঘাত করিতে লাগিলেন।

লক্ষ্মণ বিশাললোচনা জনকদুহিতাকে নিতান্ত ব্যাকুল ভাবে রোদন করিতে দেখিয়া, বিমনা হইয়া, আশ্বাস প্রদান করিতে লাগিলেন। কিন্তু তিনি দেবরকে আর কোন কথাই বলিলেন না। অনন্তর জিতেন্দ্রিয় ও জিতচিত্ত লক্ষ্মণ ক্লতাজলিপুটে সীতাকে অভিবাদন ও কিঞ্চিৎ প্রণাম করিয়া, বারংবার তাঁহার প্রতি দৃষ্টিপাত করত রামের নিকট প্রস্থান করিলেন।

—:❀:—

ষট্চত্বারিংশ সর্গ ।

লক্ষ্মণ সীতার কটুভিতে কুপিত হইয়া, রামকে দেখিবার জন্য নিতান্ত ব্যগ্রচিত্তে তৎক্ষণাৎ প্রস্থান করিলেন। দশানন এই সুযোগ পাইয়া, সুকোমল কাষায় বস্ত্র, শিখা, চত্র, উপানৎ এবং বাম ক্ষেপে ষষ্টি ও কমণ্ডলু ধারণ পূর্বক ত্রিদণ্ড-সন্ন্যাসিবেশে সীতার সকাশে সমাগত হইল। সীতা রাম লক্ষ্মণ বিরহে চন্দ্র-সূর্য্য-বিবর্জিত সঙ্ঘার ন্যায় হইয়াছিলেন। দশানন, দোরতর অন্ধকারের ন্যায়, তাঁহার অনুবর্তন করিল, এবং অতীত দারুণ

রাহু যেমন শশিশীন রোহিণীকে দর্শন করে, তদ্রূপ নেই যশস্বিনী বালিকা রাজনন্দিনীকে দেখিতে লাগিল। জনস্থানস্থ বৃক্ষ সকল উগ্রপ্রকৃতি পাপকর্মা রাবণকে দর্শন করিয়া ভয়ে স্পন্দহীন হইল এবং বায়ুও আর প্রবাহিত হইল না। তাহার লোচনযুগল রক্তবর্ণ। সীতার প্রতি তাহাকে দৃষ্টিপাত করিতে দেখিয়া, ক্রুতপাগিনী গোদাবরী নদীও শঙ্কাবশতঃ মন্দ মন্দ গমন করিতে লাগিল।

ইত্যবসরে দশগ্রীব রাবণ রামের রক্ত্রাবেষী হইয়া, ভিক্ষুবেশে জ্ঞানকীর সকাশে উপস্থিত হইল। তিনি স্বামীর জন্য শোক করিতেছিলেন। শনিগ্রহ যেমন চিত্রার সমীপস্থ হয়, অভব্য রাবণও তেমনি ভব্যবেশে সীতার নিকটবর্তী হইল, এবং ভূণাক্ষর কূপের ন্যায়, কপট সাধুবেশে অভিমুখীন হইয়া, সেই যশস্বিনী রামপত্নী জ্ঞানকীকে দৃষ্টিগোচর করিয়া, দণ্ডায়মান হইল। সীতার ওষ্ঠ ও দশনপংক্তি পরম সুন্দর, বদনমণ্ডল পূর্ণচন্দ্রের ন্যায়, এবং লোচনযুগল পদ্মপত্রদৃশ। তিনি পীতবর্ণ কোষেয় বস্ত্র পরিধান করিয়া, বাষ্প ও শোকে নিতান্ত নিপীড়িত হইয়া, পর্ণশালায় উপবেশন করিয়াছিলেন। রাবণ দণ্ডায়মান হইয়া, বারংবার তাহাকে দেখিতে লাগিল। দর্শন করিয়া, তাহার হৃদয় কামশরে বিদ্ধ ও হর্ষরসে পরিপ্লুত হইয়া উঠিল। তখন সে বেদোচ্চারণ করিয়া, স্রীয় শরীর সৌন্দর্য্যে পদ্মহীনা লক্ষ্মীর ন্যায় বিরাজমানা ত্রিভুবনসুন্দরী জ্ঞানকীকে প্রশংসা পূর্বক কহিতে লাগিল, অয়ি শুভাননে! তোমার বর্ণের আভা অত্যাৎকৃষ্ট স্বর্ণ সদৃশ। তাহাতে আবার তুমি পীতবর্ণ কোষেয় বস্ত্র পরিধান এবং পদ্মিনীর ন্যায়, পরম সুন্দর কমলমালা ধারণ করিয়াছ। অয়ি বরারোহে! তুমি কি হ্রী, ক্রী, কীর্তি, লক্ষ্মী, অঙ্গরা, অথবা ভূতি, কিম্বা সাক্ষাৎ রতি, ইচ্ছামুসারে বনে বিহার করিতেছ? তোমার দশনপংক্তি সম-সংস্থিত, কুন্দপুষ্পের কুটুম্বের ন্যায় প্রশস্তাগ্র, স্নিগ্ধ ও পাণ্ডুরবর্ণ। তোমার নেত্রযুগল বিশাল, বিমল, রক্তাস্ত

ও কৃষ্ণতারক । তোমার জঘন অতি স্থূল ও সুবিস্তৃত । তোমার উরুযুগল করিকরসদৃশ, বর্ত্মুলের ন্যায় আকার বিশিষ্ট, পরম পরিপুষ্ট, এবং সর্বতোভাবে প্রাগল্ভিত ও সংহত । তোমার স্তন-যুগল পীন ও উন্নতগ্র, পরম মনোহর, সুশ্লিষ্ট তালফলের সদৃশ, মিরতিশয় সুন্দর ও উৎকৃষ্ট মণিসমূহে অলঙ্কৃত । ফলতঃ তোমার দন্ত, নেত্র ও শ্মিত সমুদায়ই সুন্দর । অগ্নি বিলাসিনি ! নদী যেমন সলিলবেগে কূল হরণ করে, তুমি তেগনি ঐ সকলে আমার মন হরণ করিতেছ । তোমার কেশগুচ্ছ পরম সুন্দর, পয়োধর-যুগল সংহত এবং তোমার মধ্যদেশ একরূপ ক্ষীণ, যে, অঙ্গুষ্ঠ দ্বারাও ধারণ করা যায় । কি দেবী, কি গন্ধর্বা, কি যক্ষী, কি কিন্নরী, কেহই তোমার সদৃশ-রূপশালিনী নহে । আমি পূর্বে কখন পৃথি-বীতে তোমার সদৃশী ললনা দর্শন করি নাই । তোমার রূপ, যৌবন, সৌকুমার্য এবং অরণ্যবাস, এই চারিটিই লোকমধ্যে সর্বোৎকৃষ্ট, তজ্জন্য, আমার চিত্তবিকার সমুৎপাদন করিতেছে । অতএব বাহির হইয়া আইস ; তোমার মঙ্গল হউক, বনে বাস করা তোমার শোভা পায় না । কামরূপী ভয়ংকর নিশাচরগণ সর্বদা এখানে বাস করে । রমণীয় প্রাসাদগিখর, এবং সুসমৃদ্ধ ও সুগন্ধি নগরোপবন, এই সকলেই বিচরণ করা তোমার শোভা পায় । অগ্নি অসিতেক্ষণে ! উৎকৃষ্ট মালা, উৎকৃষ্ট গন্ধ, উৎকৃষ্ট বস্ত্র এবং উৎকৃষ্ট স্বামী, এই সকলই তোমার উপযুক্ত বলিয়া মনে হয় । অগ্নি শুচিস্মিতে ! তুমি রুদ্র অথবা মরুদ-গণ, কিংবা বসুগণের মধ্যে কাহার রমণী ? বরারোহে ! আমার ত তোমায় দেবতা বলিয়া, স্পষ্টই প্রতীতি হইতেছে । রাক্ষসগণই এই অরণ্যে বাস করে । না দেবগণ, না গন্ধর্বগণ, না কিন্নরগণ, কেহই এখানে আগমন করে না । তুমি কি রূপে এখানে আসিলে ? মৃগ, শাখামৃগ, সিংহ, ব্যাঘ্র, দ্বীপী, বৃক, ঋক্ষ, তরঙ্গু ও কক্কগণ এখানে বিচরণ করে । তাহাদিগকে দেখিয়া তুমি কি রূপে নির্ভয়ে আছ ? অগ্নি বরাননে ! ভয়ংকর

পরাক্রান্ত মদমত্ত হস্তিগণও এই অরণ্যে বাস করিয়া আছে ।
তুমি একাকিনী, ভয় পাইতেছ না ? তুমি কে, কাহার পরি-
গ্রহ, কোথা হইতে কিনিমিত্ত একাকিনী রাক্ষসগণের অধিষ্ঠিত
জয়কর দণ্ডকারণ্যে বিচরণ করিতেছ ?

মহাজ্ঞা রাবণ ব্রাহ্মণবেশে সমাগত হইয়া, এইপ্রকার প্রশংসা
করিলে, জানকী তাহার প্রতি দৃষ্টিপাত করিয়া, প্রথমে আসন
প্রদান ও পাদ্য দ্বারা অভিনিমন্ত্রণ পূর্বক সর্বপ্রকার অতিথিসং-
কার সহস্রোপায়ে পূজা করিলেন । পরে, সেই সৌম্যদর্শন রাবণকে
কহিলেন, অন্ন প্রস্তুত হইয়াছে । রাবণ কমণ্ডলু ও কুমুদবস্ত্র ধারণ
পূর্বক ব্রাহ্মণবেশে আগমন করিল, দেখিয়া, জানকী তাহার
ঐ দণ্ড ও কমণ্ডলু প্রভৃতি ব্রাহ্মণের লক্ষণ সমস্ত দর্শনে তাহাকে
উপেক্ষা করিতে পারিলেন না । সুতরাং ব্রাহ্মণবেশে সমাগত
লক্ষ্যমানকে ব্রাহ্মণের ন্যায়, নিমন্ত্রণ পূর্বক কহিলেন,, বিপ্র !
এই কুশাসন, ইচ্ছানুসারে উপবেশন করুন ; এই পাদ্য, প্রতিগ্রহ
করুন এবং এই বনজ দ্রব্য সমস্ত আপনারই জন্য বিধান করা
হইয়াছে, অব্যগ্র চিত্তে উপযোগ করুন । নরেন্দ্রপত্নী জানকী
এইরূপে নিমন্ত্রণ করিলে, রাবণ তাঁহার প্রতি দৃষ্টিপাত করত
আত্মবিনাশার্থ বলপূর্বক তাঁহাকে হরণ করিতে দৃঢ়নিশ্চয় হইল ।
পরমপ্রিয়মূর্তি রাম, লক্ষ্মণের সহিত যুগয়ায় গমন করিয়াছিলেন ।
জানকী তৎকালে তাঁহাদের প্রতীক্ষা করত ইতস্ততঃ দৃষ্টিনিষ্ক্রেপ
করিতে লাগিলেন ; কেবল চতুর্দিকে সুবিস্তৃত সেই হরিদ্বর্ণ বন-
ভূমিই দর্শন করিলেন ; রাম লক্ষ্মণকে দেখিতে পাইলেন না ।

রাবণ সন্ন্যাসিবেশে হরণাভিলাষে এইপ্রকার দ্বিজ্ঞান
করিলে, সীতা মনে মনে কহিতে লাগিলেন, এই ব্যক্তি অতিথি
ও ব্রাহ্মণ ; কোন কথা না কহিলে, আগায় শাপ দিতে পারেন।
মুহূর্ত্তকাল এইপ্রকার চিন্তা করিয়া তাহাকে কহিলেন, আপনার
কল্যাণ হউক। আমি মিথিলাপতি মহাজ্ঞা জনকের দুহিতা
ও রামের প্রিয় মহিষী, আমার নাম সীতা। আমি ইক্ষ্বাকু-
বংশীয়দিগের গৃহে দ্বাদশবর্ষ বাস করিয়া, বিবিধ অমানুষ
ভোগ সম্ভোগ করি এবং আমার সকল কামনাই পূর্ণ হয়।
অনন্তর ত্রয়োদশ বৎসর উপস্থিত হইলে, রাজা দশরথ মন্ত্ৰি-
গণের সহিত মিলিত হইয়া, রামকে অভিষেক করিতে মন্ত্রণা
করিলেন। তদনুসারে অভিষেকের আয়োজন হইতে লাগিলে,
মদীয় স্বশ্রু কৈকেয়ী স্বশুর দশরথের নিকট বর যাচঞা করিলেন।
দশরথ প্রতিজ্ঞা করিয়া কখন ভঙ্গ করিতেন না। কৈকেয়ী
স্মৃকৃতবলে তাহাকে বশীভূত করিয়া, আমার স্বামী রামের বন-
বাস এবং ভরতের অভিষেক, এই দুই বর নৃপোত্তম দশরথের
নিকট প্রার্থনা করিলেন। এবং কহিলেন, রামকে যদি রাজা কর,
তাহা হইলে, আমি কখনই পান, ভোজন বা শয়ন করিব না,
এই পর্য্যন্তই আমার জীবনের শেষ হইল। কৈকেয়ী এইপ্রকার
কহিলে, মদীয় স্বশুর রাজা দশরথ তাহাকে বলিলেন, যাহাচেষ্টে
তোমার অভিলাষ পূর্ণ হইতে পারে, এরূপ বিবিধ বিষয় তোমাকে
প্রদান করিব ; তুমি রামের অভিষেকের বিঘ্ন করিও না। কিন্তু
কৈকেয়ী তাহাতে সন্তুষ্ট হইলেন না। যাহা হউক, আমার স্বামী
রামের বয়স পঁচিশ বৎসর হইয়াছে। এবং তাঁহার তেজের সীমা
নাই। আর, আমার বয়স জন্ম হইতে বনপ্রবেশপর্য্যন্ত আঠার
বৎসর উত্তীর্ণ হইয়াছে। আমার স্বামী রাম নামে দিখ্যাত। তিনি
অতিশয় নত্যশীল, সুশীল, নির্মলস্বভাব, এবং প্রাণিমাতেবই

হিতানুষ্ঠান করিয়া থাকেন। তাঁহার বাহু আজানুলম্বিত এবং লোচনযুগল আকর্ণবিশ্রান্ত। মহারাজ পিতৃদেব দশরথ কামার্ত্ত হইয়া, কৈকেয়ীর প্রিয় কামনায় তাদৃশ সৰ্বগুণসম্পন্ন রামকে অভিষেক করিলেন না। রাম অভিষেকার্থ পিতার নিকট আসিলে, কৈকেয়ী তাঁহাকে তৎক্ষণাৎ কহিলেন, হে রঘুনন্দন ! তোমার পিতা আমাকে এইপ্রকার আজ্ঞা করিয়াছেন যে, ভরতকে এই নিষ্কণ্টক রাজ্য প্রদান করিবেন এবং তোমাকে চৌদ্বংসর বনবাসী হইতে হইবে। অতএব তুমি বন গমন করিয়া, পিতাকে মিথ্যার হস্তে পরিত্রাণ কর। রাম কিছুমাত্র ভীত না হইয়া, কৈকেয়ীকে তাহাই হইবে, বলিলেন। এবং সবিশেষ দৃঢ়তা অবলম্বন পূর্বক বনবাসী হইলেন। বিপ্র ! তিনি কেবল লোককে দান করেন, কখন কাহারও নিকট কিছু গ্রহণ করেন না এবং সৰ্বদা সত্য কহেন, কখনও মিথ্যা বলেন না ; ইহাই রামের উৎকৃষ্ট ব্রত। তাঁহার বৈমাত্র ভ্রাতা অতিশয় বীর, তাঁহার নাম লক্ষ্মণ। তিনি রামের সহায়, সকল পুরুষের শ্রেষ্ঠ, সমরে শত্রুকুল নিৰ্ম্মূল করেন এবং তিনি ব্রহ্মচর্য্য ও দৃঢ়ব্রত অবলম্বন পূর্বক শরাসন হস্তে আমার সহিত বনবাসী রামের অনুগামী হইয়াছেন। এইরূপে দৃঢ়ব্রত ধৰ্ম্মনিত্য রাম ভ্রাতা ও ভার্য্যার সমভিব্যাহারে জটায়ুর তাপসবেশে দণ্ডকারণ্যে প্রবেশ করিয়াছেন। হে দ্বিজশ্রেষ্ঠ ! অধুনা আমরা তিন জনে কৈকেয়ীর জন্য রাজ্যভ্রষ্ট হইয়া, স্বকীয় বলবিক্রমে গম্ভীর কাননমধ্যে বিচরণ করিতেছি। যদি কোন আপত্তি না থাকে, তাহা হইলে, ক্ষণকাল বিশ্রাম করুন। আমার স্বামী পর্য্যাপ্ত পরিমাণে বন্য ফল মূল এব রুহ, বরাহ ও গোধা হত্যা করিয়া, প্রচুর আমিষ গ্রহণ পূর্বক আগমন করিবেন। এক্ষণে, আপনার নাম, গোত্র ও বংশ সত্য করিয়া বলুন। দ্বিজ ! আপনি কিজন্য একাকী দণ্ডকারণ্যে বিচরণ করিতেছেন ?

রামদয়িতা গীতা এইপ্রকার বাক্য প্রয়োগ করিলে, মহাবল

রাক্ষসরাজ রাবণ তীব্র বাক্যে উত্তর করিল, জানকি ! সুর, অসুর ও মনুষ্য সহিত সমুদায় লোক যাহাকে অতিশয় ভয় করে, আমি সেই রাক্ষসকুলপতি রাবণ । তোমার বর্ণ সুবর্ণসদৃশ এবং তুমি কৌশেয় বস্ত্র পরিধান করিয়াছ । অগ্নি অনিন্দিতে ! তোমাকে দর্শন করিয়া, স্বকীয় পত্নীগণে আর আমার কিছুমাত্র অনুরাগ নাই । অতএব, আমি যে বহুসংখ্য উত্তম স্ত্রী ইতস্ততঃ আহরণ করিয়াছি, তুমি তাহাদের সকলেরই মধ্যে প্রধানা মহিষী হও । তোমার কল্যাণ হউক । জানকি ! লঙ্কানামে আমার সে মহা-নগরী সাগরমধ্যে পর্কতোপরি সন্নিবিষ্ট আছে, তুমি তথায় আমার সহিত উপবনসমূহে বিচরণ করিবে । অগ্নি ভামিনি । তথায় বিচরণ করিলে, আর তোমার এই বনবাসে স্পৃহা থাকিবে না । সীতে ! তুমি যদি আমার পত্নী হও, তাহা হইলে, সর্কভরণ-ভূষিতা পঞ্চ সহস্র দাসী তোমার পরিচর্যা করিবে ।

রাবণ এইপ্রকার কহিলে, অনবদ্যাদী জানকী কুপিতা হইয়া, তাহাকে অনাদর করিয়া, প্রত্যাভ্র করিলেন, যিনি মহাপর্কতের ন্যায় বিচলিত ও মহাসাগরের ন্যায় ক্ষুব্ধ হইলেন না, আমি সেই মহেন্দ্রসদৃশ পতি রামের একমাত্র অনুগতা । যিনি সর্ক-লক্ষণসম্পন্ন ও বটরূক্ষের ন্যায় সকলের আশ্রয়, আমি সেই সত্য-প্রতিজ্ঞ মহাভাগ রামের একমাত্র অনুগতা । যাঁহার বাহু আজানুলম্বিত, হৃদয় অতি বিশাল এবং যিনি সিংহবিক্রমে পদ-বিক্ষেপ করেন, আমি সেই নৃসিংহ ও সিংহসঙ্কাশ রামের একমাত্র অনুগতা । তাঁহার বদন পূর্ণচন্দ্রসদৃশ, কীর্ত্তি অতি বিস্তৃত এবং বাহুযুগল সাতিশয় বিশাল । আমি সেই রাজপুত্র জিতেন্দ্রিয় রামের একমাত্র অনুগতা । তুমি শৃগাল হইয়া, সিংহী আমার অভিলাষ করিতেছ । কিন্তু সূর্য্যের প্রভার ন্যায়, আমাকে সহজে লাভ বা স্পর্শ করিতে পারিবে না । হে রাক্ষস ! আমি রামের দয়িতা ভার্যা ! তুমি আমায় চরণ করিতে অভিলাষী হইয়াছ । বুঝিলাম, তোমার পরমায়ু ক্ষয়

হইয়াছে । সেইজন্য তুমি কাঞ্চনরক্ষ সকল দর্শন করিতেছ । এবং সেইজন্য তুমি পরম তেজস্বী যুগশত্রু ক্ষুদার্ত সিংহ ও ভয়-
 ক্ষর বিষধর সর্পের বদন হইতে দংশিতা উৎপাটন, হস্ত দ্বারা পর্কত-
 রাজ মন্দরের উত্তোলন, কালকূট বিষ পান করিয়া, নির্ঝিল্ল
 গমন, সূচী দ্বারা চক্ষুপরিষ্করণ এবং জিহ্বা দ্বারা ক্ষুর লেহন,
 করিতে উদ্যত হইয়াছ । অথবা, তুমি রাঘবের প্রিয় ভার্য্যা
 আমায় প্রাপ্ত হইতে ইচ্ছা করিয়া, কণ্ঠে শিলা বাঁধিয়া সমুদ্র উত্ত-
 রণ, সূর্য্য চন্দ্র উভয়কেই হস্তদ্বয়ে আহরণ এবং অগ্নি প্রজ্জ্বলিত
 দেখিয়া বস্ত্র দ্বারা তাহা ধারণ করিতে অভিলাষী হইয়াছ ।
 অথবা, তুমি যখন রামের সদাচারিণী পত্নী আমায় হরণ করিতে
 অভিলাষ করিতেছ, তখন নিশ্চয়ই লৌহমুখ শূলসমূহের মধ্যে
 বিচরণ করিতে উৎসুক হইয়াছ । সিংহ ও শৃগালে যে প্রভেদ,
 ক্ষুদ্র নদী ও সমুদ্রে যে প্রভেদ এবং অমৃত ও কাঞ্জিকে যে প্রভেদ,
 তোমাতে ও রামে সেই প্রভেদ । অথবা, স্বর্ণ ও লৌহসীসে যে
 প্রভেদ, চন্দনসলিলে ও পক্ষে যে প্রভেদ এবং হস্তী ও বিড়ালে
 যে প্রভেদ, তোমাতে ও রামে সেই প্রভেদ । কিংবা, কাক ও
 গরুড়ে যে প্রভেদ, মদগু ও ময়ূরে যে প্রভেদ এবং হংস ও গৃধ্রে
 যে প্রভেদ, রামে ও তোমাতেও সেই প্রভেদ । মক্ষিকা যেমন
 আজ্য ভক্ষণ করিলে, মরিয়া যায়, ইন্দ্রসমতেজস্বী রাম সশর
 শরাসন হস্তে বিদ্যমান থাকিতে, তুমিও তেমনি আমাকে হরণ
 করিয়া, জীর্ণ করিতে পারিবে না । এইপ্রকার নিরতিশয় ক্লেশ-
 জনক বাক্য প্রয়োগ করিয়া, শরীর কম্পিত হইয়া উঠিলে, সৎ-
 প্রভাবা জানকী বায়ুবেগে কম্পিতা ক্ষীণতনু কদলীর ন্যায় ব্যথিত
 হইয়া উঠিলেন । তিনি কাঁপিতে লাগিলেন, দেখিয়া, মৃত্যুসম-
 প্রভাব দশানন তাঁহার ভয় উৎপাদনার্থ আপনার কুল, বল, নাম
 ও কর্ম সমুদায় কহিতে লাগিল ।

জীবনধারণ করা যদিও সাধ্য হয় ; কিন্তু রাগপত্নী আমাকে হরণ করিয়া, কোন ব্যক্তি নিরাপদ হইতে পারে না । রে রাক্ষস ! অনুপম-সৌন্দর্য্য-শালিনী দেবরাজমহিষীকেও অবমানিত করিয়া, জীবিত থাকাও সম্ভব হইতে পারে ; কিন্তু মাদৃশী রমণীকে কোন রূপে অবমাননা করিয়া, তুমি যদি সুধাপান কর, তাহাতেও মৃত্যুর হস্তে পরিত্রাণ পাইবে না ।

—:~:—

একোনপঞ্চাশৎ সর্গ ।

প্রতাপশালী রাবণ সীতার কথা শুনিয়া, হস্তে হস্ত আঘাত করিয়া, স্ত্রী শরীর সাতিশয় বর্দ্ধিত করিল । অনন্তর বাক্য-বিশারদ দশগ্রীব পুনরায় জানকীকে কহিল, বুঝিলাম, তুমি উন্মত্ত হইয়াছ । আমার বীর্য্যপরাক্রমও তোমার কর্ণগোচর হয় নাই । আমি অন্ধরে অবস্থিতি করিয়া, ভুজ্জয়সহায়ে পৃথিবীকেও উদ্ধ-হন করিতে পারি ; সমুদায় সাগরসলিলও পান ও যুদ্ধে প্ররত্ত হইয়া, মৃত্যুরও মৃত্যু বিধান করিতে পারি ; এবং সুশাগিত শর-পরম্পরা প্রয়োগ করিয়া, এককালে স্বর্গ, পৃথিবী ও আকাশও ভেদ করিতে পারি । তুমি কাম ও রূপে উন্মত্ত হইয়াছ । সে যাহা হউক, আমি ইচ্ছামাত্রেই নানাপ্রকার আকার ধারণ করিতে পারি, অবলোকন কর । এইপ্রকার কঠিরাই, ক্রোধভরে রাব-ণের শ্যামলপ্রাস্ত নেত্রবয় লোহিতবর্ণ হইয়া, প্রজ্বলিত পাবক-প্রতিভা বিস্তার করিল । সে, তৎক্ষণাৎ সৌম্যমূর্ত্তি ত্যাগ করিয়া, কালরূপনদৃশ তীক্ষ্ণরূপ স্ব-স্বরূপ পরিগ্রহ করিল । এবং নিরতি-শয় রোষাবিষ্ট হইয়া, দশ মুখ, বিংশতি বাহু, অতীব রক্তবর্ণ নয়ন ও তপ্তকাঞ্চননির্ম্মিত ভূষণ এই সকলে সুশোভিত, নীলনীল-সন্নিভ, স্ত্রীমানু নিশাচররূপে প্রাচুর্ভূত হইল । এইরূপে রাক্ষস-রাজ রাবণ কপট-সন্ন্যাসিবেশ ত্যাগ ও প্রাকাণ্ড দেহ বিস্তার করিয়া, আপনার পূর্বরূপ পরিগ্রহ পূর্বক রক্তাশ্রদারী নিশা-

চর বেশে স্ত্রীরঙ্গ সীতার সম্মুখদেশে দণ্ডায়মান হইল। এবং সূর্য্যপ্রভার ন্যায়, অসিতকেশান্তা, বস্ত্রাভরণভূষিতা সেই জ্ঞান-কীকে কহিতে লাগিল, ত্রিভুবনবিখ্যাত স্বামী লাভের যদি ইচ্ছা থাকে, অগ্নি বরারোহে ! আমাকে আশ্রয় কর ; আমিই তোমার উপযুক্ত পতি । তুমি চিরকালের জন্য আমাকে ভজনা কর ; আমিই তোমার, শ্লাঘ্য স্বামী । ভদ্রে ! আমি কখনও তোমার বিপ্রিয় অনুষ্ঠান করিব না । তুমি মানুষ্যের প্রতি প্রীতি ত্যাগ করিয়া, আমার প্রতি প্রণয় প্রণয়ন কর । অগ্নি মূঢ়ে পণ্ডিতমানিনি মৈথিলি ! তুমি কোন্ গুণে রাজ্যভ্রষ্ট, অকৃত-মনোরথ ও অল্পজীবী রামের প্রতি অনুরক্ত হইয়াছ ? দেখ, দুর্শ্রুতি রাম স্ত্রীর কথায় রাজ্য ও মুহুজ্জন ত্যাগ করিয়া, এই বিংশ জন্মের আবাস-ক্ষেত্র অরণ্যে বাস করিতেছে ।

নিরতিশয় চুপ্চাপা রাবণ শ্রিয়া ও শ্রিয়বাদিনী মৈথিলীকে এই কথা কহিয়াই, কামে মোহিত হইয়া, ধারণ করিল, বোধ হইল, আকাশে বৃধ যেন রোহিণীকে গ্রহণ করিলেন । সে, বাম হস্তে পদ্মাস্কী সীতার কেশপাশ এবং দক্ষিণ হস্তে উরুদ্বয় ধারণ করিল । তাহার শরীর পৰ্ব্বতশৃঙ্গের ন্যায় উন্নত, দংষ্ট্রা সকল তীক্ষ্ণ এবং বাহু সকল বিশাল । দেখিলে, বোধ হয়, যেন সাক্ষাৎ মৃত্যু । বনদেবতারা তাহাকে দর্শন করিয়া, ভয়ান্ত হইয়া, দশ দিকে পলায়ন করিলেন । দেখিতে দেখিতে রাবণের সেই মায়াময়, স্বর্ণময়, গর্দভযুক্ত, দিব্য রথ তথায় প্রাদুর্ভূত হইল । ঐ রথের স্বর অতি কর্কশ । তদর্শনে দশানন গভীর স্বরে পরুষ বাক্যে সীতাকে তর্জনা করিয়া, ক্রোড়ে ধারণ পূর্ব্বক, তৎক্ষণাৎ রথে তুলিয়া লইল । যশস্বিনী সীতা তদীয় ভুজ-পিঞ্জর-মধ্যগতা ও ভয়ে ব্যাকুল হইয়া, রামকে উদ্দেশ করিয়া, চীৎকার করিতে লাগিলেন । রাম তখন অনেক অন্তরে ছিলেন । বাহা হউক, রাবণের প্রতি জ্ঞানকীর কিছু-মাত্র অনুরাগ ছিল না । তজ্জন্য তিনি আত্মমোচনের অভিলাষে

অষ্টচত্বারিংশ সর্গ ।

দীপ্ত এইপ্রকার পরুষ বাক্য প্রয়োগ করিলে, রাবণ নিরতিশয় ক্রুদ্ধ হইয়া, ললাটে ক্ষুটিবন্ধনপূর্বক বলিতে লাগিল, অগ্নি বরবর্ণিনি ! আমি কুবেরের বৈমাত্র ভ্রাতা । আমার নাম পরমপ্রতাপশালী দশগ্রীব রাবণ । অতএব তোমার মঙ্গল হউক । আমার ভয়ে ভীত হইয়া, মৃত্যুভয়ে অভিভূত প্রজাগণের ন্যায়, দেব, গন্ধর্ব্ব, পিশাচ, পন্নগ ও উরগগণ সকলেই সর্ব্বদা পলায়ন করে । আমি কোন কারণবশতঃ ক্রোধভরে দ্বন্দ্ব করিয়া, সংগ্রামে বিক্রমপ্রকাশপূর্বক বৈমাত্র ভ্রাতা কুবেরকেও সর্ব্বতোভাবে জয় করিয়াছি । তাহাতে, তিনি আমার ভয়ে অভিভূত হইয়া, স্বীয় সুসমৃদ্ধ লঙ্কানগরী পরিত্যাগ করিয়া, পর্ব্বতরাজ কৈলাসে বাস করিতেছেন । ভদ্রে ! আমি বীৰ্য্য-প্রভাবে তাঁহার কামগামী পরম সুন্দর পুষ্পকনামক বিমানও হরণ করিয়া লইয়াছি । তুমি সেই বিমানে আরোহণ করিয়া, আকাশপথে গমন করিবে । মৈথিলি ! আমি জাতক্রোধ হইলে, আমার মুখদর্শনেই ইন্দ্রপ্রভৃতি সুরগণ নিরতিশয় ভীত হইয়া, দশ দিকে পলায়ন করে । আমি যেখানে অবস্থান করি, বাধু সেখানে শঙ্কিত হইয়া, প্রবাহিত হয় । এবং সূর্য্যও আমার ভয়ে চন্দ্র হইয়া যায় । অধিক কি, আমি যেখানে অবস্থান ও বিচরণ করি, সেখানে তরুগণেরও পত্র সকল কম্পিত এবং নদী সকলেও তরঙ্গাদি সমুখিত হয় না । সাগরের পারে আমার লঙ্কানামে পরম সুন্দর নগরী । উহা দেখিতে ইন্দ্রের অমরাবতীর ন্যায় ; ভয়ংকর নিশাচরগণে পরিপূর্ণ এবং পাণ্ডুর-বর্ণ প্রাকারে পরিব্যাপ্ত ও বিরাজমান । উহার তোরণ সকল বৈভূর্য্যময় এবং কক্ষ্যাসকল স্বর্ণময় । তাহাতে, ঐ পুরী পরম মনোহারিণী হইয়াছে । উহাতে সর্ব্বদাই বাদ্যধ্বনির প্রতিধ্বনি হইতেছে । তদ্রত্য উদ্যান সকল সর্ব্বকামফল পাদপপরম্পরায়

পরিপূর্ণ। তদ্বারা উহার অতিশয় শোভা হইয়াছে। রাজ-
পুত্রি জানকি ! তুমি আমার সহিত হস্তী, অশ্ব ও রথসমূহে
সমাকীর্ণ ঐ নগরীতে বাস কর। তাহা হইলে, মনুষ্যরমণীগণ
আর তোমার স্মরণপথে সমুদিত হইবে না। অগ্নি মনশ্বিনি
বরবর্ণিনি মৈথিলি ! তথায় অমানুষ দিব্য ভোগসমূহ ভোগ
করিয়া, রামকেও আর তোমার মনে থাকিবে না। দেখ, রাম
মানুষ, তাহার আয়ু ও ক্ষয় হইয়া আসিয়াছে। আর, ভরতই
রাজ্য দশরথের প্রিয় পুত্র। সেইজন্য, তিনি তাহাকে রাজ্যে
প্রতিষ্ঠিত করিয়া, বীর্য্যহীন জ্যেষ্ঠ পুত্র রামকে বনে প্রেরণ
করিয়াছেন। • অগ্নি বিশালাক্ষি ! রাম এখন রাজ্যভ্রষ্ট হইয়াছে ;
তজ্জন্য তাহাঁৎ চিন্তের কিছুমাত্র স্থিরতা নাই। তুমি সেই
শোচনীয়-দশাপন্ন বীর্য্যহীন রামকে লইয়া আর কি করিবে ?
আমি সমুদায় রাক্ষসগণের অধিপতি, স্বয়ং উপযাচক হইয়াছি।
অতএব আমাকে রক্ষা ও ভজনা কর। বিশেষতঃ, আমি কাম-
শরে বিদ্ধ হইয়াছি। আমাকে প্রাত্যাখ্যান করা উচিত হয় না।
অগ্নি ভীৰু ! আমায় প্রাত্যাখ্যান করিলে, অনুতাপ করিতে
হইবে। উর্দ্ধশী পুরুষবাকে পদাঘাত করিয়া, এইপ্রকার অনু-
তপ্ত হইয়াছিলেন। রাম মানুষ, যুদ্ধে আমার এক অঙ্গুলিরও
সমান হইবে না। অগ্নি বরবর্ণিনি ! আমি তোমার সৌভাগ্য-
ক্রমেই স্বয়ং সমাগত হইয়াছি ; অতএব আমায় ভজনা কর।

রাবণ এইপ্রকার বাক্য প্রয়োগ করিলে, রোষভরে গীতার
নয়নযুগল নিতান্ত রক্তবর্ণ হইয়া উঠিল। তিনি সেই নির্জন
প্রদেশে পুরুষ বাক্যে তাঁহাকে বলিতে লাগিলেন, সমুদায় দেব-
তাও বাহাঁকে নমস্কার করেন, সেই পরমপূজনীয় কুবেরকে
জ্ঞাতা বলিয়া পরিচয় দিয়া, গর্হিত অনুষ্ঠানে কিরূপে অভিলাষ
করিতেছ ? রাবণ ! তোমার ন্যায় দুর্ভীক্ষি, কর্কশ ও অজি-
তেন্দ্রিয় ব্যক্তি যাহাদের রাজ্য, সেই রাক্ষসগণের সকলকেই
অবশ্য মরিতে হইবে। ইন্দ্রপত্নী শচীকে অপহরণ করিয়া;

বিধিগতে চেষ্টা করিতে লাগিলেন । কিন্তু কামাভিভূত দশানন, তাঁহাকে, পন্নগরাজ-মহিষীর ন্যায়, গ্রহণ করিয়া, উৎপত্তি হইল । এই রূপে রাক্ষসরাজ রাবণ আকাশপথে হরণ করিয়া লইয়া চলিলে, জানকী, মন্তের ন্যায়, আতুরের ন্যায়, এই বলিয়া উচ্চৈশ্বরে চীৎকার করিতে লাগিলেন, হা গুরু-চিহ্ন-প্রসাদক মহাবাহু লক্ষ্মণ ! কামরূপী নিশাচর আগাকে হরণ করিয়া লইয়া গাইতেছে, তুমি ইহা জানিতেছ না ! হা রাম ! তুমি ধর্ম্মের জন্য প্রাণ, সুখ ও অর্থ, সমুদায়ই ত্যাগ করিয়া থাক । এক্ষণে, অধর্ম্মে আগায় হরণ করিতেছে, দেখিতেছ না ! তুমি শত্রু সকলের দমন এবং অবিনয়ীদিগের শাসন করিয়া থাক ; ইহা লোকমধ্যে সর্ব্বদাই প্রসিদ্ধ আছে । তবে কেন এবং বিধিপাণ্ডা রাবণকে শাসন করিতেছ না ? অথবা, শস্য যেমন কাল-সহকারে পকু হয়, অবিনয়ী পুরুষের কর্ম্মফলও তেমন কাল-বশে প্রাপ্ত হইয়া থাকে ; সদ্য দেখিতে পাওয়া যায় না । রাবণ ! তুমি কাল প্রভাবে হতচেতন হইয়া, এই যে কর্ম্ম করিলে, ইহার জন্য তোমাকে রামের হস্তে প্রাণান্তকর ঘোর বিপদে পতিত হইতে হইবে । হায় ! আমি ধর্মাভিলাষী যশস্বী রামের ধর্ম্মপত্নী, আমায় হরণ করিতেছে ! এতদিনে আত্মীয়-গণের সহিত কৈকেয়ীর মনস্কামনা পূর্ণ হইল ! এই সকল কুস্ম-মিত কর্ণিকার এবং এবং জনস্থান, সকলকেই আমি আমন্ত্রণ করিতেছি ; তোমরা শীঘ্রই রামকে বলিবে, রাবণ গীতাকে হরণ করিয়াছে । হংস ও নারঙ্গগণের কোলাহলে সর্ব্বদাই প্রতিধ্বনিত তরঙ্গিণী গোদাবরী, তোমায় আমি বন্দনা করি । তুমিও শীঘ্র রামকে এই কথা বলিও । নানাজাতীয়-তরু-বিশিষ্ট এই কাননমধ্যে যে সকল দেবতা বাস করেন, আমি তাঁহাদের সকলকেই নমস্কার করিতেছি, তাঁহারাও আমার স্বামী রামকে এই কথা বলিবেন । এতদ্ভিন্ন, এই অরণ্যে মৃগ ও পক্ষি প্রভৃতি যে কোন নানাজাতীয় প্রাণী অবস্থিতি করে, আমি তাহাদের সকলেরই

শরণাপন্ন হইতেছি । আমি স্বামীর প্রাণ অপেক্ষাও গরীয়সী প্রেয়সী ভাৰ্য্যা, সকলেই তাঁহাকে বলিবে, তোমার গীতা বিবশা অবস্থায় রাবণ কর্তৃক অপহৃত হইয়াছে । মহাবাহু মহাবল রাম যদি জানিতে পারেন, তাহা হইলে, স্বয়ং যম পরলোকেও হরণ করিয়া লইয়া গেলে, তিনি পরাক্রমপ্রকাশপূৰ্ব্বক কৃপা হইতে আমায় আনয়ন করিবেন ।

বিশাললোচনা জানকী নিরতিশয় দুঃখিত হইয়া, করুণস্বরে বিলাপ করিতে করিতে, সহসা অবলোকন করিলেন জটায়ু বনস্পতি আশ্রয় করিয়া আছেন । তদ্বশে রাবণের বশীকৃত স্নুশ্রোণী জনকনন্দিনী ভয়াতুর হইয়া, দুঃখিত বচনে ক্রন্দন করিতে লাগিলেন, এবং কহিলেন, জটায়ু! অবলোকন কর, রাবণ আমাকে অনাথের ন্যায়, হরণ করিতেছে । এই পাপাত্মা রাক্ষসরাজের কিছুমাত্র দয়া নাই । এই দুৰ্ম্মতি ক্রুর নিশাচর অতিশয় বলবান্; আশ্রুধ ধারণ করিয়া আছে এবং লোক সকল জয় করিয়া, নিরতিশয় অহঙ্কৃত হইয়াছে । তুমি ইহাকে নিবারণ করিতে পারিবে না । অতএব রাগকে আমার হরণ কথা যথাযথ অবগত করিও এবং লক্ষ্মণকেও সমস্ত ঘটনা আনুপূৰ্ব্বিক বলিও ।

পঞ্চাশৎ সর্গ ।

জটায়ু ভোজনানন্তর গাঢ়নিদ্রায় আচ্ছন্ন ছিলেন । এই চীৎকারশব্দ শ্রবণমাত্র তৎক্ষণাৎ জাগরিত হইয়া, রাবণ এবং জানকী উভয়কেই অবলোকন করিলেন । তদ্বশে গিরিশৃঙ্গসদৃশ-প্রকাণ্ডাকৃতি তীক্ষ্ণভুগু শ্রীমান্ পক্ষিশ্রেষ্ঠ জটায়ু বনস্পতি আশ্রয় করিয়াই, মিষ্টবাক্যে রাবণকে কহিলেন, জাতঃ দশদ্রীব ! আমি সৰ্বদা অনাদি ধর্ম্মের অনুষ্ঠান করি এবং গীতাকে রক্ষা করিব বলিয়া সত্যসাক্ষাৎ প্রতিজ্ঞা করিয়াছি । অতএব তুমি

আমার সমক্ষে নিন্দিত কার্য্যে প্রবৃত্ত হইওনা । আমি মহাবল
 গুধুরাজ জটায়ু । দশরথনন্দন রামও সাক্ষাৎ মহেন্দ্র ও বরুণের
 ন্যায়, সকল লোকের রাজা এবং সকল লোকেরই হিতাশুষ্ঠান-
 নিরত । তুমি যাহাঁকে হরণ করিতে ইচ্ছুক হইয়াছ, সেই এই
 'বরারোহা' ঋগ্মিনী সীতা । সেই লোকনাথ রামের ধর্মপত্নী ।
 তুমিই বা প্রজাপালনরূপ ধর্মনিরত রাজা হইয়া, কি রূপে পর-
 দার হরণ করিবে ? অগ্নি মহাবল ! রাজপত্নীদিগকে রক্ষা
 করা বিশেষ রূপে কর্তব্য । এক্ষণে, পরজীহরণ জন্য নীচ গতি
 নিবর্তিত কর । যে কর্ম করিলে, লোকের নিন্দাভাজন হইতে হয়,
 ধীর পুরুষ সে কার্য্যে প্রবৃত্ত হয়েন না । আপনার ন্যায়, অন্যের
 স্ত্রীকেও পরপুরুষ-স্পর্শ হইতে রক্ষা করা ব্যক্তিমাত্রের কর্তব্য ।
 অগ্নি পৌলস্ত্যনন্দন ! রাজারা ধর্ম অর্থ ও কামের অনুসরণ
 করিবেন । শাস্ত্রে ইহার কোনরূপ স্পষ্ট নিদর্শন না থাকি-
 লেও, শিষ্টগণ ঐরূপ অভিলাষ করিয়া থাকেন । কেননা,
 প্রজারা স্বভাবতঃ রাজচরিত্রেরই অনুকরণ করে । আর, রাজাই
 ধর্ম, রাজাই কাম এবং রাজাই উত্তম বস্তু সকলের উত্তম নিধি ।
 ধর্ম, কাম বা পাপ, সমুদায়ই রজমূলক । অগ্নি রাক্ষসরাজ ! তুমি
 যেক্রপ দুষ্টস্বভাব ও চপল, তাহাতে, কি রূপে দুষ্কৃতীপুরুষের দেব-
 যানের ন্যায়, ঐশ্বর্য্য প্রাপ্ত হইলে বলিতে পারি না ? যে ব্যক্তি
 কামস্বভাব, সে সেই স্বভাব ত্যাগ করিতে পারে না । কেননা,
 দুরাত্মাদিগের আলায়ে পুণ্য কখন অবস্থিতি করে না । মহাবল
 ধর্মাত্মা রাম তোমার নগর বা অধিকার মধ্যে কোন অপরাধই
 করেন নাই ; তবে তুমি কিজন্য তাঁহার অপরাধে প্রবৃত্ত
 হইয়াছ ? দেখ, জনস্তানবাণী খর অতিশয় দুর্বৃত্ত ; সুতরাং
 অক্লিষ্টকর্ম্ম রাম শূর্ণধার জন্য যদি তাহাকে নিহত করিয়া-
 থাকেন, তাহাতেই বা তাঁহার অপরাধ কি, সত্য করিয়া বল ।
 তুমি কি মনে করিয়াছ, লোকনাথ রামের ভার্য্যা হরণ
 করিয়া, প্রাণে প্রাণে গমন করিবে ? এখনই জানকীকে ছাড়িয়া

দাও । ইন্দ্রের বজ্র যেমন রত্নাসুরকে দধ্ব করিয়াছিল, রামও যেন প্রজ্বলিত অগ্নি সদৃশ ভয়ঙ্কর দৃষ্টিপাতে তোমাকে সেই রূপে ভস্মীভূত না করেন । তুমি যে স্বীয় বসনাঞ্চলে আশীবিধ সর্প বন্ধন করিয়াছ, তাহা বুঝিতেছ না । অথবা, তোমার গলদেশে কালপাশ বদ্ধ হইয়াছে, তাহাও দেখিতে পাইতেছ না । সৌম্য ! যে ভার বহন করিলে, অবসন্ন হইতে না হয়, তাদৃশ ভারই ধারণ করিবে, এবং যাহা জীর্ণ হইলে, কোনরূপ পীড়াদায়ক না হয়, সেইরূপ অন্নই ভোজন করিবে । যাহার অনুষ্ঠান করিলে, ধর্ম, কীর্তি বা চিরস্থায়ী যশঃ কিছুই সম্ভাবনা নাই, প্রত্যুত, শরীর, শির হইয়া থাকে, কোন্ ব্যক্তি তাদৃশ কস্মেৎ প্রবৃত্ত হয় ? রাবণ ! ষাটহাজার বৎসর হইল, আমি জন্মগ্রহণ করিয়া, যথাবিধানে পিতৃপৈতামহ রাজ্য পালন করিতেছি । এক্ষণে বৃদ্ধ হইয়াছি । তুমি যুবা, তাহাতে আবার ধনুর্বাণ-ধারণ ও কবচ পরিধানপূর্বক রথে আরোহণ করিয়া আছ । তথাপি, জ্ঞানকীকে লইয়া, নিরাপদে যাইতে পারিবে না । ন্যায়-সংযুক্ত হেতু দ্বারা যেক্রপ সনাতন বেদশ্রুতির অপলাপ করা সহজ নহে, তুমিও সেইরূপ বলপূর্বক আমার সমক্ষে জ্ঞানকীকে হরণ করিতে সমর্থ হইবে না । যদি শূর হও, যুদ্ধ কর । অথবা, রাবণ ! মুহূর্ত্ত কাল অপেক্ষা কর । পূর্বে খর যেমন ভুশয়ী হইয়াছে, তুমিও তেমনি হত হইয়া, ধরাতেলে শয়ন করিবে । যে তুমি বারংবার যুদ্ধে দৈত্য ও দানবদিগকে নিহত করিয়াছ, বঙ্কলধারী রাম অচিরে সেই তোমার সংহার করিবেন । রাম লক্ষ্মণ দূরে আছেন ; আমি কি করিব ? রে নীচ ! তোমাকে শীঘ্রই তাঁহাদের ভয়ে পলায়ন করিতে হইবে । আর, আমি বাঁচিয়া থাকিতেও, তুমি রামের প্রিয় গহিষী কমলপত্রাক্ষী সংস্বভাবা এই সীতাকে লইয়া যাইতে পারিবে না । প্রাণ দিয়াও সহান্বিত রাম ও দশরথের প্রিয়ানুষ্ঠান করা আমার অবশ্য কর্তব্য । অতএব, রাবণ ! তুমি মুহূর্ত্ত মাত্র অপেক্ষা কর । দেখিবে,

আগি রুস্ত হইতে ফলের ন্যায়, তোমায় এই রথবর হইতে, নিপাত্তি করিব। রে নিশাচর ! আমি যথাসাধ্য তোমায় যুদ্ধাতিথ্য প্রদান করিব।

একপঞ্চাশ সর্গ ।

পতঙ্গরাজ জটায়ু এইপ্রকার কহিলে, তপ্তকাঞ্চনের কুণ্ডল-মণ্ডিত রাক্ষসরাজ রাবণ সগ্ৰ করিতে না পারিয়া, তাঁহার প্রতি ধাবমান হইল। তখন, আকাশে বায়ুপ্রেরিত মেঘদ্বয়ের ন্যায়, তাহাদের উভয়ে ঘোরতর যুদ্ধ ও তুমুল সংগ্রাহার উপস্থিত হইল। পক্ষবিশিষ্ট দুই মাল্যবান্ মহাপর্কভের ন্যায়, জটায়ু ও রাবণের ঐ যুদ্ধ অদ্ভুত হইয়া উঠিল। অনন্তর রাবণ মহাবল গৃধরাজের উপরি অনবরত তীক্ষ্ণাশ্র নালীক ও নারাচ এবং ঘোরতর বিকর্ণি সকল বর্ষণ করিতে লাগিল। বিহঙ্গমরাজ জটায়ু যুদ্ধে রাবণের প্রেরিত অস্ত্র ও শরজাল, সমুদায়ই প্রতিগ্রহ করিলেন। এবং তীক্ষ্ণ-নখাক্ত পদদ্বয়ের আঘাতে রাবণের গাত্রে বহুধা ভ্রণ সমুদ্ভাবিত করিলেন। তদর্শনে দশগ্রীব রাবণ কুপিত হইয়া, শত্রুর সংহারবাগনায় মৃত্যুদণ্ড-সদৃশ ভয়ঙ্কর দশ শর গ্রহণ করিল। এবং শরাসন আকর্ণ-পূর্ণ আকর্ষণ করিয়া, সেই অজিহ্মগ তীক্ষ্ণ নিশিত ভয়ঙ্কর শিলীমুখ সায়কপরম্পরা মোচন করত জটায়ুকে বিদ্ধ করিল। জানকী রাবণের রথে ক্রন্দন করিতেছিলেন, দেখিয়া, জটায়ু সেসমস্ত শর তুচ্ছ করিয়া, রাবণের অভিমুখে ধাবমান হইলেন। এবং পদদ্বয়ের আঘাতে তাহার মণিমুক্তা-ভূষিত সশর শরাসন ভগ্ন করিয়া ফেলিলেন। তদর্শনে রাবণ ক্রোধে হতজ্ঞান হইয়া, অন্য ধনু গ্রহণ করিয়া, শত শত ও সহস্র সহস্র শর বর্ষণ করিতে লাগিল। পতঙ্গেশ্বর জটায়ু শরজালে আচ্ছন্ন হইয়া, কুলায়স্থিত পক্ষীর ন্যায়, শোভা ধারণ করিলেন। অনন্তর মহাতেজা, পক্ষদ্বয়সহায়ে উল্লিখিত শরজাল বিধূনিত

করিয়া, চরণাঘাতে তাহার মহাধনু ভাঙ্গিয়া দিলেন । এবং পক্ষের প্রহারে তাহার অগ্নি সদৃশ প্রদীপ্ত কবচও নিপাতিত করিলেন । তদনন্তর তিনি সংগ্রামে রাবণের কাঞ্চনময় দিব্য উরশ্ছদ চূর্ণ করিয়া, অতিশয় বেগবান্ পিণাচ-বদন গর্দভ-দিগকে সংহার করিলেন । পরে বেগভরে রাবণের কামগামী, পাবকপ্রতিগ, মণি-সোপানে বিচিত্রাঙ্গ, ত্রিবেণু সম্পন্ন মহারথভগ্ন, ছত্রাদি-ধর রাক্ষসগণের সহিত পূর্ণচন্দ্র সদৃশ ছত্র ও ব্যাজন নিপাতিত, এবং তুণ্ডপ্রহারে সারথির মস্তক ছিন্ন, করিয়া ফেলিলেন ।

এই রূপে পরম শ্রীমান্ মহাবল পক্ষিরাজ কর্তৃক শরাসন ছিন্ন, রথ ভগ্ন, এবং অশ্ব ও সারথি হত হইলে, রাবণ জানকীকে ক্রোড়ে ধারণ করিয়া, ভূমিতলে পতিত হইল । তাহাকে ভগ্ন-বাহন ও ভূপতিত দর্শন করিয়া, প্রাণিগণ বারংবার সাধুবাদ-পূর্বক গৃধ্ররাজের প্রশংসা করিতে লাগিল ।

ঐ সময়ে রাবণ, পক্ষিযুগপতি জটায়ুকে জরাবশতঃ পরিশ্রান্ত দর্শন করিয়া, পুনরায় হৃষ্টচিত্তে মৈথিলীকে গ্রহণ করিয়া উৎপতিত হইল । তাহার সমুদয় যুদ্ধসাপনই বিনষ্ট ও হত হইয়াছিল ; কেবল খড়্গমাত্র অবশিষ্ট ছিল । সে সেই অবস্থায় নিতান্ত আচ্ছাদিত হইয়া, জানকীকে ক্রোড়ে করিয়া, গমনে উদ্যত হইলে, মহাতেজা গৃধ্ররাজ জটায়ু সমুৎপত্তি হইয়া, তাহার অভিমুখীন হইলেন এবং তাহাকে সম্যক্রূপে অবরোধ করিয়া, কহিতে লাগিলেন, রাবণ ! তোমার বুদ্ধি অতি সামান্য । সেইজন্য রাক্ষসকুলের উচ্ছেদ জন্য তুমি রামের পত্নী এই সীতাকে হরণ করিতেছ । জান না, রামের শর সকল বজ্রসম্পর্শবিশিষ্ট । বুঝিলাম, পিপাসিত হইয়া লোকে যেমন জল পান করে, তুমি তেমনি মিত্র, বন্ধু, অমাত্য, চতুরঙ্গ সৈন্য এবং দাস দাসী প্রভৃতি সমুদায় পরিজনের সহিত বিষপানে উদ্যত হইয়াছ । অবিচক্ষণ ব্যক্তিগণ, কর্মফল অবগত না হইয়া, শীঘ্রই বিনষ্ট হইয়া থাকে । তোমারও সেইরূপ ঘটবে । তুমি

কালপাশে বদ্ধ হইয়াছ। মৎস্য যেমন আমিষসংযুক্ত বড়িশ গ্রহণ করিয়া, আত্মবিনাশ জন্য ধাবমান হয়, তুমিও তেমনি কোথায় গমন করিয়া ; উল্লিখিত পাশ হইতে পরিহার প্রাপ্ত হইবে ? রাবণ ! রামলক্ষ্মণকে পরাভূত করা দুঃসাধ্য। তুমি যে এই আশ্রমের অভিভব করিলে, তাঁহারা কখনই ক্ষমা করিবেন না। তুমি ভয়বশতঃ সৰ্বলোকনিগিহিত যাদৃশ কৰ্ম্মের অনুষ্ঠান করিলে, তৎস্বরূপই সচরাচর এইপ্রকার আচরণ করে ; বীর পুরুষেরা কখন ইহাতে প্ররক্ত হয়েন না। যদি শূর হও, যুদ্ধ কর, না হয়, ক্ষণকাল অপেক্ষা কর ; ভ্রাতা খরের ন্যায়, ধরাতলে শয়ন করিবে। আগমন-কালে লোকে যে কার্য্যের অনুষ্ঠান করে, তুমি আত্মবিনাশবাসনায় তাদৃশ ধৰ্ম্মবহির্ভূত কৰ্ম্মে প্ররক্ত হইয়াছ। যে কার্য্যের অনুষ্ঠানে একমাত্র পাপই প্রোত্ভূত হয়, কোন্ ব্যক্তি তাহাতে হস্তক্ষেপ করে ? ইন্দ্রাদি লোকপাল অথবা স্বয়ং ভগবান্ স্বয়ম্ভূ ও তাহাতে প্ররক্ত হয়েন না।

বীৰ্য্যবান্ জটায়ু এইপ্রকার নীতিগৰ্ভ বাক্য প্রয়োগ করিয়া, দশগ্রীব রাবণের পৃষ্ঠোপরি নির্ভয় নিপতিত হইলেন। দৃষ্ট হস্তির পৃষ্ঠদেশে অধিকৃত হস্তিপক যেমন তাহাকে অঙ্কুশাদি দ্বারা ক্ষত বিক্ষত করে, তিনিও তেমনি রাবণকে আক্রমণপূৰ্ব্বক খরতর নখরপ্রহারে সৰ্ব্বতোভাবে বিদারিত করিলেন। এইরূপে তুণ্ডঘাতপূৰ্ব্বক নখরপ্রহারে রাবণের পৃষ্ঠদেশ বিদীর্ণ করিয়া, পরে তিনি নখ, পক্ষ ও তুণ্ডায়ুধ সহায়ে তাহার কেশ সমস্ত উৎপাটিত করিলেন। গৃধ্ররাজের বারংবার আক্রমণে নিরতিশয় নিপীড়িত হইয়া, অমৰ্ষভরে রাবণের অধরোষ্ঠ প্রক্ষুরিত ও সৰ্ব-শরীর কম্পিত হইয়া উঠিল। তখন সে অতিমাত্র ব্যাকুল ও মূচ্ছিত হইয়া, বাম অঙ্গে জানকীকে গাঢ়তর আলিঙ্গনপূৰ্ব্বক জটায়ুকে তল প্রহার করিল। অরিন্দম জটায়ু সেই তলপ্রহার অতিক্রম করিয়া, তুণ্ডের আঘাতে রাবণের দশ বাম বাহু ছিন্ন করিয়া ফেলিলেন। ছিন্ন-বাহু হইলেও রাবণের বাহু সকল

সহসা তৎক্ষণাৎ প্রাচুর্ভূত হইল। বোধ হইল, যেন বিষজ্বালা-সমূহে পরিব্যাপ্ত ভুজঙ্গসমূহ বঙ্গীক হইতে বহির্গমন করিল। বিপুলবীৰ্য্য দশগ্রীব ক্রোধভরে গীতাকে ত্যাগ করিয়া, জটায়ুকে মুষ্টি ও চরণদ্বয়ের আঘাত করিল। তখন উভয়ের মুহূর্ত্তকাল তুমুল যুদ্ধ হইতে লাগিল। রাবণ যেমন রাক্ষসগণের শ্রেষ্ঠ, জটায়ু তেমনি পক্ষিগণের বরিষ্ঠ। এবং উভয়েই অতুল-বীৰ্য্য-বিশিষ্ট। জটায়ু রামের উপকার জন্য পরাক্রম প্রকাশে প্ররত হইলে, রাবণ খড়্গা উদ্ধৃত করিয়া, তাঁহার দুই পক্ষ, দুই পদ এবং দুই পাখী ছেদন করিয়া দিল। রৌদ্রকর্ণা নিশাচর পক্ষ ছেদন করিলে, গৃধ্ররাজ আসন্নমৃত্যু হইয়া, তৎক্ষণাৎ ধরাতল আশ্রয় করিলেন। তিনি রুধিরে অভিষিক্ত হইয়া, পতিত হইলেন, দেখিয়া, গীতা দুঃখিতা হইয়া, শ্রী বন্ধুর ন্যায় তাঁহার অভিমুখে ধাবমান হইলেন। জটায়ু দেখিতে নীল নীরদের ন্যায়; এবং অতিশয় বীৰ্য্য বিশিষ্ট। তাঁহার বক্ষস্থল পাণ্ডুরবর্ণ। তাঁহাকে ভূপতিত দেখিয়া, রাবণের বোধ হইল, যেন দাবানল নির্ঝাঁপ হইয়া গেল। অনন্তর শনিপ্রভাননা জনকদুহিতা গীতা রাবণের তেজে নিপীড়িত ও ভূমিতলন্যস্ত-দেহ জটায়ুকে পুনরায় গাঢ় করে গ্রহণ করিয়া, রোদন করিতে লাগিলেন।

—০ঃ০—

দ্বিপঞ্চাশ সর্গ।

দশানন কর্তৃক গৃধ্ররাজ বিনষ্ট হইলেন, দেখিয়া, চন্দ্রমুখী গীতা নিরতিশয় দুঃখিতা হইয়া, এই বলিয়া বিলাপ করিতে লাগিলেন, মনুষ্যদিগের সুখ ও দুঃখসময়ে বাম ও দক্ষিণাক্ষির স্পন্দনাদি বিবিধ শুভাশুভ নিমিত্ত, জল ও আদর্শাদিতে আত্ম-মস্তকের দর্শন ও অদর্শনাদি নানাপ্রকার লক্ষণ, স্বপ্ন, যুগপক্ষি-গণের বাম দক্ষিণে গমনবিশেষ-দর্শন এবং তাহাদের কঠোর মধুর নানাপ্রকার স্বর শ্রবণ, এই সকল ঘটনা অবশ্যই লক্ষিত হইয়া

ধাকে । অতএব রাম ! তুমি নিশ্চয়ই জানিতেছ, মহাবিপদ উপস্থিত হইয়াছে, নিশ্চয়ই যুগ ও পক্ষিগণ এই বিপদ সূচনা করিয়া আমার জন্য ধাবমান হইতেছে । কাকুৎস্থ ! এই বিহঙ্গম জটায়ু করুণাপ্রযুক্ত আমার পরিজ্ঞানার্থ এখানে আগমন পূর্ব্বক আমারই ভাগ্যদোষে মৃত্যুমুখে নিপতিত হইয়া, ভূমিতলে শয়ন করিয়াছেন । অতএব রাম ও লক্ষ্মণ ! ভোগরা এখন আমার রক্ষা কর । এই বলিয়া বরাদ্ধনা গীতা অতিশয় শক্তিতা হইয়া, উচ্চৈঃস্বরে ক্রন্দন করিতে লাগিলেন । নিকটস্থ লোকেরা তাহা শুনিতে লাগিল । তিনি মালাভরণ সমুদায় পরিগর্ভিত করিয়া, অনাথের স্তায়, বিলাপ করিতে আরম্ভ করিলে, রাক্ষস-রাজ রাবণ তাঁহার অভিমুখে ধাবমান হইল । তদর্শনে তিনি রক্ষদিগকে বারংবার, মুক্ত কর, মুক্ত কর, বলিয়া, লতার ন্যায় বেষ্টেন পূর্ব্বক আলিঙ্গন করিতে লাগিলেন । এই অবস্থায় রাবণ তাঁহার নিকটবর্তী হইল । ঐ সময়ে তিনি রামবিরহে বারংবার তাঁহার নামোচ্চারণ পূর্ব্বক চীৎকার করিতে লাগিলেন । সাক্ষাৎ মৃত্যুস্বরূপ রাবণ মরিবার জন্য তাঁহাকে কেশপাশে গ্রহণ করিল । জানকীর এই অবমাননায় স্থাবরজঙ্গমাত্মক সমুদায় জগৎ মর্যাদাশূন্য ও ঘোরতর নিবিড় অন্ধকারে আচ্ছন্ন হইয়া উঠিল । বায়ুর গতি রুদ্ধ হইল । প্রভাকর প্রভাশূন্য হইলেন । স্রীমান্ দেব পিতামহ দিব্যদৃষ্টিতে এই কেশাকর্ষণ ঘটনা দৃষ্টি করিয়া, কহিলেন, কার্য্য সিদ্ধ হইল । দণ্ডকারণ্যবাসী পরমর্ষিগণ গীতার উল্লিখিত অবমাননা দর্শন করিয়া, যদৃচ্ছাক্রমে রাবণের বিনাশ উপস্থিত হইল, ভাবিয়া, যুগপৎ ব্যথিত ও প্রহৃষ্ট হইলেন ।

এদিকে, গীতা বারংবার রাম ও লক্ষ্মণের নাম উচ্চারণ করিয়া, রোদন করিতে লাগিলেন । রাক্ষসরাজ রাবণ তাঁহাকে গ্রহণ করিয়া, আকাশমার্গে প্রস্থান করিল । তপ্তকাঞ্চনের ভূষণসদৃশ-বর্ণযুক্তাঙ্গী রাজনন্দিনী জানকী পীতকৌষেয় বসন পরিধান করিয়া, নিরতিশয় ছুতিশালিনী সৌদামিনীর ন্যায়

বিরাজমান হইলেন। তৎকালে তাঁহার পীত বসন উজ্জ্বল হওয়াতে, রাবণও, পাবকপ্রদীপ্ত পর্ষভের ন্যায়, সমধিক শোভা বিস্তার করিল। পরমকল্যাণী সীতার শরীরে যে সকল সুগন্ধি তাম্রবর্ণ পদ্মপত্র সুবিন্যস্ত ছিল, তৎসমস্ত দশাননের অঙ্গে নিপতিত হইল। এতদ্ভিন্ন, জানকীর সুবর্ণপ্রতিম কৌশেয় বসন আকাশে সমুদ্রুত হইয়া, সঙ্ক্যাকালীন সূর্য্যাকরসংযুক্ত মেঘের ন্যায়, প্রতিভা বিস্তার করিল। এবং তদীয় সুবিমল বদনমণ্ডল রাবণের ক্রোড়ে ন্যস্ত হইয়া, রাম বিনা, মৃণালহীন পঙ্কজের ন্যায়, কোন মতেই বিরাজমান হইল না। সুন্দর ললাট, সূচিকণ কেশপাশ, সুবিমল ও সুবিশদ দশনপংক্তি, সূচ্যাক লোচনযুগল, এই সকলে সীতার মুখমণ্ডল অলঙ্কৃত। উহার আভাও পদ্মগর্ভ-সদৃশ এবং উহাতে ব্রণের লেশমাত্র নাই। তৎকালে, রাবণের ক্রোড়ে ন্যস্ত হওয়াতে, ঐ বদনমণ্ডল, নীল নীরদ ভেদ করিয়া, তন্মধ্যে সমুদিত চন্দ্রের ন্যায়, প্রভীয়মান হইল; তাহার আর পূর্কের ন্যায় শোভা রহিল না। অথবা, তাঁহার মুখমণ্ডল, চন্দ্রের ন্যায় প্রিয়-দর্শন, সুন্দর নাসিকা ও সূচ্যাক তাম্রবর্ণ অধরোষ্ঠে অলঙ্কৃত, স্বর্ণসদৃশ প্রভাবিশিষ্ট এবং যাহার পর নাই সুশোভন। অনবরত রোদন করাতে, অশ্রুসলিলে মলিন এবং রাবণ কর্তৃক তিরস্কৃত হইয়া, রামবিরহে, দিবাভাগে সমুদিত চন্দ্রের ন্যায়, ঐ মুখমণ্ডলের সকল শোভাই তিরোহিত হইল। কাঞ্চননির্মিত কাঞ্চী যেমন নীলবর্ণ হস্তীর আশ্রয়ে শোভা পায়, স্বর্ণবর্ণা জানকীও সেইরূপ শ্যামলাঙ্গ রাবণের সহযোগে শোভমান হইলেন। তিনি পদ্মপরাগসদৃশ পীতবর্ণ ও স্বর্ণসদৃশ কান্তি-সম্পন্ন, এবং তাঁহার ভূষণ সমস্ত তপ্তকাঞ্চনবিনির্মিত। সুতরাং, রাবণের সংসর্গে, জলদগমাবিষ্ট সৌদামিনীর ন্যায়, তাঁহার শোভা হইল। তৎকালে, তদীয় ভূষণপরম্পরা ধ্বনিত হওয়াতে, দশানন, শব্দায়মান সুবিমল শ্রামল জলধরের সাদৃশ্য ধারণ করিল। হরণসময়ে সীতার মস্তক হইতে রাশি রাশি পুষ্প ঝলিত হইয়া,

ধরাতলে পতিত হইতে লাগিল । কিন্তু সেই পুষ্পধারা দশাননের
 শমনবেগজনিত বায়ুবশে সমাধৃত হইয়া, পুনরায় সেই কুবেরানু-
 জেরই চতুর্দিকে সঞ্চরণ করিতে লাগিল, বোধ হইল, সুবিমল
 নক্ষত্রমালা যেন পর্ষতরাজ মেরুর সমস্তাৎ প্রস্কুরিত হইতেছে ।
 ঐ সময়ে জ্ঞানকীর চরণ হইতে রত্নভূষিত নুপুর স্থানিত হইয়া
 বিদ্যুৎগুলের ন্যায়, ভূমিতল আশ্রয় করিল । তিনি বালপল্লব
 সদৃশ রক্তবর্ণা । তদীয় সংসর্গে নীলাক্ষ দশানন, কাঞ্চন-কক্ষা-
 বেষ্টিত হস্তীর ন্যায়, শোভা ধারণ করিল । সীতা, মহোদ্ধার
 ন্যায়, স্বকীয় ভেজে আকাশমধ্যে দীপ্যমান হইতে লাগিলেন ।
 রাবণ তদবস্থায় তাঁহাকে আকাশপথে হরণ করিয়া লইয়া
 চলিল । তৎকালে সীতার অগ্নি-সমবর্ণ ভূষণ সমস্ত দশদে ধরা-
 তলে পতিত হইতে লাগিলে, বোধ হইল, যেন ভারকাস্তবক গগন
 হইতে বিচ্যুত হইতেছে । তাঁহার চন্দ্র-সমদ্যুতি হারগুচ্ছ স্তনা-
 স্তর হইতে ভ্রষ্ট হইয়া, গগনভ্রষ্ট গঙ্গার ন্যায়, শোভা বিস্তার
 করত পতিত হইতে লাগিল । উৎপাত বায়ুর সঞ্চারণ বশতঃ
 শিরঃসমূহ আন্দোলিত হওয়াতে, বিবিধ বিহঙ্গমযুক্ত পাদপ সমস্ত,
 যেন জ্ঞানকীকে ভয় নাই, এই কথা বলিতে লাগিল । কগল সকল
 বিনষ্ট এবং মৎস্য ও অন্যান্য জলচর সমস্ত ভ্রষ্ট হওয়াতে, বোধ
 হইল যেন, পুষ্করিণী সকল, গম্বীর ন্যায়, উৎসাহহীনা জ্ঞানকীর
 শোকে বিকল হইয়াছে । সিংহ, ব্যাঘ্র, মৃগ ও বিহঙ্গমসমূহ রোষ-
 ভরে সীতার ছায়ানুসরণে ইতস্ততঃ বেগে সঞ্চরণ পূর্বক পশ্চাৎ
 পশ্চাৎ ধাবমান হইল । ফলতঃ রাবণ জ্ঞানকীকে হরণ করিয়া
 লইলে, পর্ষত সকল শূঙ্গরূপ বাহুপরম্পরা উত্তোলন করিয়া,
 প্রস্রবণ রূপ অশ্রুধারাকুল বদনে যেন ক্রন্দন করিতে লাগিল ।
 শ্রীমান্ দিবাকর তদবস্থা জ্ঞানকীকে দর্শন করিয়া, নিরতিশয়
 ব্যাকুল হইলেন । তাঁহার প্রভা তিরোহিত এবং মণ্ডল প্রদেশ
 পাণ্ডুরবর্ণ হইয়া উঠিল । প্রাণিমাতেই দলে দলে মিলিত হইয়া,
 এই বলিয়া দিলাপ করিতে লাগিল, রাবণ যখন রাগদয়িতা:

সীতাকে হরণ করিতেছে, তখন, দয়া, ঋজুতা ও ধর্ম সমুদায়ই অস্তর্হিত হইয়াছে, সত্যই বা কিরূপে অবস্থিতি করিবেন। যুগশাবকগণ নিরতিশয় শক্তি হইয়া, বারংবার উদ্‌বীক্ষণ পূর্বক বিষয় বদনে রোদন করিতে লাগিল। ভয়বশতঃ তাহাদের নয়ন শোভাশূন্য হইয়া গেল। সীতা তাদৃশ দুর্দশাগ্রস্ত হইয়া, রাম ও লক্ষ্মণের উদ্দেশে মধুর স্বরে ক্রন্দন ও উচ্চৈঃস্বরে বিলাপ এবং বারংবার ধরাতল নিরীক্ষণ করিতেছেন; তাঁহার কেশপাশ ইতস্ততঃ বিতস্ত ও তিলক বিলুলিত হইয়াছে। দশানন আপনার বিনাশ নিমিত্ত সেই মনস্বিনীকে ঐ অবস্থায় হরণ করিল। এই সকল দর্শন করিয়া, বনদেবতাদের শরীর নিরতিশয় কম্পিত হইয়া উঠিল।

অনন্তর শুচিস্মিতা সুন্দরদশনা জানকী রাম ও লক্ষ্মণ উভয়কেই দেখিতে না পাইয়া, বন্ধুজনবিরহে মলিনমুখী ও অতিমাত্র ভয়ে অভিভূতা হইলেন।

ত্রিপঞ্চাশ সর্গ।

রাবণ আকাশে উৎপতিত হইল, দর্শন করিয়া, জনকদুহিতা সীতা নিরতিশয় ভীতা, উদ্‌বিগ্না ও ছুঃখিতা হইলেন। রোষভরে ও রোদন করিয়া, তাঁহার নয়নযুগল রক্তবর্ণ হইয়া উঠিল। তিনি করুণস্বরে রোদন করিয়া, তৎকালে ভীমলোচন রাক্ষসপতিকে কহিতে লাগিলেন, রে রাক্ষসাদম রাবণ! আমাকে একাকিনী জানিয়া, চুরি করিয়া, পলায়ন করিতেছ। ইহাতে কি তোমার লজ্জা হইতেছে না? রে ছরাজন! বুঝিলাম, তুমি ভীরুস্বভাব, সেইজন্য, হরণ করিতে উদ্যত হইয়া, মায়াবিস্তারপূর্বক যুগরূপ ধারণ করিয়া, মদীয় ভর্তা রামকে অন্যত্র লইয়া গিয়াছ। এবং যিনি আমার রক্ষা করিতে কৃতযত্ন হইয়াছিলেন, আমার স্বপুত্রের লখা সেই এই বৃদ্ধ গৃধরাজকেও নিপাত করিয়াছ। রে রাক্ষ-

সাধম ! তুমি আমায় স্বীয় নাম শ্রবণ করাইয়াই যুদ্ধে জয় করিলে ; তুমি যে অতিশয় বীর, ইহাতেই তাহা জানা যাইতেছে ! রে নীচ ! নির্জনে পরগ্নী-হরণ রূপ ঈদৃশ গর্হিত কৰ্ম্ম করিয়া, তোমার লজ্জা হইতেছে না ? আপনাকে শূর বলিয়া তোমার বিলক্ষণ অভিমান আছে । তুমি যে এই অতি নৃশংস ও জঘন্য কার্য্য করিলে, লোকে ব্যক্তিমাত্রেই ইহার ঘোষণা করিবে । তুমি তখন আপনার যে শৌর্য্য ও দৈহিক বলের কথা বলিয়াছিলে, তোমার সেই শৌর্য্য ও বলে ধিক্ । তোমার কুলের কলঙ্কজনক ঈদৃশ চরিত্রেও বিক্ ! তুমি এইরূপে হরণ করিয়া, বেগে ধাবমান হইতেছ, আমি কি করিতে পারি ! কিন্তু মুহূর্ত্তমাত্রও যদি অপেক্ষা কর, প্রাণ লইয়া ফিরিয়া যাইতে পারিবে না । রাজনন্দন রাম ও লক্ষ্মণের দৃষ্টিপথে পতিত হইলে, তুমি সসৈন্যেও মুহূর্ত্তকালও প্রাণ ধারণ করিতে পার না । বিহঙ্গম যেমন অরণ্যমধ্যে প্রাঙ্কলিত অগ্নি স্পর্শ করিতে অনমর্থ, সেইরূপ, তাঁহাদের শরস্পর্শও সহ করা কোন অংশেই তোমার সাধ্য হয় না । অতএব রাবণ ! ভালরূপে আপনার হিতচিন্তা করিয়া, ভাল ভাবে আমায় ছাড়িয়া দাও । যদি ছাড়িয়া না দাও, তাহা হইলে, মদীয় স্বামী ভ্রাতার সহিত আমার এই অবমাননায় নিরতিশয় ক্রুদ্ধ হইয়া, তোমার বিনাশার্থ যত্ন করিবেন । রে রাক্ষসা-ধম ! তুমি যে অভিপ্রায়ে আমাকে বলপূর্ব্বক হরণ করিতেছ, কখনই তাহা সিদ্ধ হইবে না । সাক্ষাৎ দেবতার ন্যায়, স্বামী রামকে না দেখিলে, শত্রুর অধীনে প্রাণধারণ করিতে কখনই আমার উৎসাহ হয় না । আগন্তুকালে লোকের যেমন বিপরীত বুদ্ধি হয়, তোমারও তেমনি আপনার শ্রেয় ও মঙ্গলের দিকে নিশ্চয়ই দৃষ্টি নাই । অথবা, মুমূর্ষুমাত্রেরই পথ্যে রুচি হয় না । রে রাক্ষস ! তুমি এই ভয়েয় বিষয়েও ভয় করিতেছ না ; দেখি-তেছি, তোমার গলে কালপাশ বদ্ধ হইয়াছে । এবং স্পষ্টই বোধ হইতেছে, তুমি মরিবে বলিয়া, হিরণ্ময় রুক্মগমূহ, রুধির-রাশি-

প্রবাহিনী ভয়ঙ্কর বৈতরণী নদী, অতীত ভীষণ খড়্গপত্রের বন, এবং উৎকৃষ্ট-বৈদূর্য্যময়-পদ্মবিষ্টি, তপ্তকাক্ষন-বিনিম্বিত-পুষ্পযুক্ত ও লোহময়-কণ্টকাকীর্ণ সুতীক্ষ্ণ শাল্মলী, এই সকল দর্শন করিতেছ। কিন্তু রে নির্ধূণ ! তুমি সেই মহাত্মা রামের এইপ্রকার অপকার করিয়া, বিষপানবৎ, কখনই প্রাণধারণে সমর্থ হইবে না। রে রাবণ ! তুমি দুর্নিবার কাশপাশে বদ্ধ হইয়াছ। আমার স্বামী মহাত্মা রামের অপকার করিয়া, আর কোথায় গিয়া, পরিত্রাণ প্রাপ্ত হইবে ? যিনি একাকীই নিমেষান্তরমাত্রে চতুর্দশ সহস্র রাক্ষস নিহত করিয়াছেন, সেই সর্কাস্ত্রনিপুণ মহাবল বীর্য্যশালী রাম সুতীক্ষ্ণ সায়কসমূহে প্রিয়-ভার্য্যাপহারী তোমাকে কি রূপে সংহার না করিবেন ? রাবণের অন্ধ-নিবিষ্টা বৈদেহী ভয়-শোক-সমাবিষ্টা হইয়া, এইরূপ ও অন্যান্যরূপ পরস্পর প্রয়োগ সহকারে করুণস্বরে বিলাপ করিতে লাগিলেন। তিনি নিরতিশয় আকুল হইয়া, আত্মগোচনের চেষ্টা করত উল্লিখিত রূপ সকল বিলাপ করিয়া, অনেক কথা বলিতে লাগিলেন। রাবণ তাঁহাকে হরণ করিয়া লইয়া চলিল। তৎকালে জানকীকে গুরুতর দেহভারে তাহার শরীর কম্পিত হইয়া উঠিল।

—:❀:—

চতুঃপঞ্চাশ সর্গ।

রাবণ হরণ করিলে, সীতা আর কাহাকেও রক্ষাকর্ত্তা দেখিতে না পাইয়া, গিরিশৃঙ্গে কপিকুলকেশরী পাঁচটী দর্শন করিলেন। তাহারা রামকে এই ঘটনা বলিতে পারে, এই আশয়ে তিনি তাহাদের মধ্যে আপনার কনকপ্রভ কোশেয় উত্তরীয় ও সুন্দর আভরণসমূহ গোচন করিলেন। এবং এইরূপে বানর-গণের মধ্যে ভূষণসহিত বস্ত্র ত্যাগ করিয়া, কর্ণোৎপলাদিও নিক্ষেপ করিলেন। সীতাকে হরণ করিয়া, ভয়ে রাবণের গন

বিস্ময় হইয়াছিল । তজ্জন্য, সে জানকীর এই বস্ত্রাভরণাদি-
বিক্ষেপ-ব্যাপার জানিতে পারিল না । তৎকালে সীতা ক্রন্দন
করিতেছিলেন । পিঙ্গলাক্ষ বানরশ্রেষ্ঠেরা তাঁহাকে যেন অনি-
শ্বিষ লোচনে দেখিতে লাগিল ।

এদিকে, রাবণসরাজ রাবণ জানকীকে গ্রহণ করিয়া, পক্ষা
অতিক্রমপূর্ব্বক লঙ্কানগরীর অভিমুখে গগন করিতে লাগিল ।
অপনার মূর্ত্তিমান্ মৃত্যুস্বরূপ মৈথিলীকে হরণ করিয়া, তাহার
অঙ্কিাদের অর্ধধি রাখিল না । সে, ভীষ্মদংশ্ট্রা মহাবিষা ভুজগীর
ন্যায়, সীতাকে উৎসঙ্গে ধারণ করিয়া, শরাসন হইতে পরিচ্যুত
সায়কের ন্যায়, দেখিতে দেখিতেই আকাশপথে সরিৎ, সরো-
বর, বন ও পর্ব্বত সকল অতিক্রম করিল । এবং অবিলম্বেই নদী
সকলের আশ্রয়স্থান, তিমি ও নক্সসমূহের আবাসভূত, বরুণালয়,
অক্ষয় নাগর পার হইয়া গেল । রাবণ জানকীকে হরণ করিলে,
জগন্মাতার অপহরণ জন্য ক্ষোভবশতঃ বরুণালয় সমুদ্রের তরঙ্গ-
ধ্বংসরা রুদ্ধ এবং মীন ও মহোরগ সকলেরও সঞ্চার বন্ধ হইয়া
গেল । অন্তরীক্ষচারী চারণগণ বক্ষ্যমাণ বাক্যে কহিতে লাগিল,
রাবণকে আর বাঁচিতে হইবে না—এই পর্য্যন্তই তাহার শেষ
হইল । সিদ্ধগণও এইরূপ বাক্য প্রয়োগ করিলেন ।

এদিকে, রাবণ, আত্মপরিভ্রাণের নিমিত্ত বিশেষরূপে যত্নশীল
সীতাকে আপনার সাক্ষাৎ মৃত্যুরূপে ক্রোড়ে ধারণপূর্ব্বক লঙ্কা-
নগরে প্রবিষ্ট হইল । ঐ নগরীর মহা-পথ সকল সুবিভক্ত এবং
দ্বার সকল বহু লোকে সমাকীর্ণ । রাবণ সেই সুবিপুল পুরে
প্রবেশ পূর্ব্বক আপনার অন্তঃপুরে গমন করিয়া, শোকমোহে
অভিভূতা অনিতাপাদী সীতাকে তথায় স্থাপন করিল । বোধ
হইল, যেন ময়দানব স্বীয় পুরে আসুরী মায়া সন্নিবিষ্ট করিল ।
দশানন সীতাকে অন্তঃপুরে স্থাপন করিয়া, ঘোরদর্শনা পিশাচী-
দিগকে আদেশ করিল, কোন স্ত্রী বা পুরুষ আমার বিনানুমতিতে
সীতাকে যেন দেখিতে না পায় । মুক্তা, মণি, সুবর্ণ, বস্ত্র ও

আভরণ ইত্যাদি যে যে বস্তু নীতা ইচ্ছা করিবে, আমি আজ্ঞা করিতেছি, তৎসমস্তই ইহাকে প্রদান করিবে। জানিয়া অথবা না জানিয়াও, সীতাকে কোনরূপ অপ্রিয় কথা বলিলে, তাহার জীবন আমার প্রীতিকর হইবে না। প্রতাপশালী দশানন রাক্ষসদিগকে এইপ্রকার আদেশ করিয়া, কিংকর্তব্য চিন্তা করিতে করিতে, অন্তঃপুর হইতে বহির্গত হইয়া, আটজন মহাবীর মাংসাশী রাক্ষসকে দর্শন করিল। ব্রহ্মার নিকট বর পাইয়া, রাবণের বীৰ্য্য বেরূপ বর্দ্ধিত, জ্ঞান সেইরূপ ভ্রষ্ট হইয়াছিল। সে সেই রাক্ষসদিগকে দর্শন করিয়া, তাহাদের বলবীৰ্য্যের প্রশংসা করতঃ কহিতে লাগিল, তোমরা বিবিধ প্রহরণ ধারণ করিয়া, শত্বর এস্থান হইতে জনস্থানে প্রস্থান কর, খর পূর্বে যেস্থানে বাস করিত এবং রাম যাহাকে জনশূন্য করিয়াছে। তদ্রূপ রাক্ষসমাত্রেই নিহত হইয়াছে। তোমরা বল ও পৌরুষ অবলম্বন এবং ভয় দূরে পরিহার করিয়া, জনশূন্য জনস্থানে অবস্থিতি কর। তথায় খর ও দুষণের সহিত যে মহাবীৰ্য্য বহু সৈন্য সন্নিবেশিত ছিল, রামের বাণে সকলেই নিহত হইয়াছে। ভজ্ঞ্য অদ্রুতপূর্ব্ব ক্রোধে আমার ধৈর্য্যালোপ এবং রামের প্রতি সূদারুণ ও সুবিপুল বৈর সমুপস্থিত হইয়াছে। এক্ষণে পরম শত্রু রামের সেই বৈরনির্ধাতনের ইচ্ছা করি। যুদ্ধে শত্রুকে সংহার না করিলে, আমার নিজা হইবে না। রাম খরকে নিধন করিয়াছে। তাহাকে এক্ষণে বধ করিতে পারিলেই, নিধনের ধন-লাভবৎ, আমার পরম সুখ সঞ্চারিত হইবে। তোমরা জনস্থানে বাস করিয়া, রাম কি করিতেছে, সর্বদা এবিষয়ের বথায়থ সংবাদ সংগ্রহ করিবে। সকলেই অতি সাবধানে তথায় গমন এবং সর্বদা রামের বধার্থ যত্ন করিবে। আমি পূর্বে অনেকবার যুদ্ধস্থলে তোমাদের বলের পরিচয় পাইয়াছি। এই জন্যই তোমাদিগকে জনস্থানে নিয়োজিত করিলাম। আট জন রাক্ষস এই মহার্থ মিষ্ট বাক্য অবধারণ ও রাবণকে অভি-

স্বাদন করিয়া, লক্ষ্য ত্যাগ করত জনস্থানের অভিমুখে অন্যের অলঙ্কিতে একত্রে প্রস্থান করিল ।

এইরূপে রাবণ সীতাকে পরম প্রচ্ছষ্ট চিত্তে গ্রহণ ও স্বগৃহে স্থাপন করিয়া, রাগের সহিত নিরতিশয় বৈবরণঘটন পূর্বক আত্মাদিত হইল ।

—০ঃ০—

পঞ্চপঞ্চাশ সর্গ ।

রাবণের বুদ্ধিবৈপরীত্য উপস্থিত হইয়াছিল । সেইজন্য সে উগ্রপ্রকৃতি মহাবল আট জন রাক্ষসকে জনস্থানে নিয়োগ করিয়া, কৃতকৃত্য বোধ করিল । অনন্তর সে জ্ঞানকীকে চিন্তা করিতে করিতে, কামবাণে নিতান্ত অভিভূত হইয়া, তাঁহাকে দেখিবার জন্য দূরাপূর্বক রমণীয় গৃহে প্রবিষ্ট হইল । রাক্ষসপতি রাবণ সেই গৃহে প্রবেশ করিয়া, অবলোকন করিল, সীতা নিতান্ত দৃঃখিতা হইয়া, রাক্ষসীগণে অবস্থান করিতেছেন । তিনি শোকভারে নিরতিশয় নিপীড়িত ও সাতিশয় ব্যাকুলভাবাপন্ন ; তাঁহার বদনমণ্ডল অশ্রুসলিলে পরিপূর্ণ । দেখিলে বোধ হয়, নৌকা যেন বায়ুবেগে আক্রান্ত হইয়া, সাগরমধ্যে মগ্ন হইতেছে, অথবা, মৃগী যেন যুথভ্রষ্ট ও কুকুরগণে পরিবেষ্টিত হইয়াছে । তিনি শোকবশে বিবশ ও ব্যাকুল হইয়া, অবনত মুখে উপবিষ্ট ছিলেন । রাক্ষসপতি রাবণ সম্মুখীন হইয়া, সীতার ইচ্ছা না থাকিলেও, বলপূর্বক তাঁহাকে সেই দেবগৃহসদৃশ দিব্য গৃহ দেখাইতে লাগিল । ঐ গৃহ হস্ত্য ও প্রাসাদপরম্পরায় পরিপূর্ণ, সহস্র সহস্র ললনায় অধিষ্ঠিত, এবং নানাজাতীয় বিহঙ্গম ও নানাজাতীয় রত্নে অলঙ্কৃত । উহার স্তম্ভ সকল, হস্তিদন্ত, স্বর্ণ, স্ফটিক, রজত, ও বৈদূর্য্য এই সকলে নির্ম্মিত ও পরম চিত্রিত এবং দেখিতে অতি মনোহর । তত্রত্য ভূষণ সমস্ত তণ্ডকাঞ্চনে স্নগঠিত এবং তথায় দিব্য দৃশ্যভি নিনাদিত হইতেছে । রাবণ

সীতার সহিত ঐ গৃহের কাঞ্চনময় বিচিত্র সোপানে আরোহণ করিল। তাহার গবাক্ষ সকল হস্তিদন্ত ও রৌপ্যে নির্মিত, দেখিতে অতি সুন্দর এবং স্বর্ণময় জালপরম্পরায় আবৃত। তথায় স্তম্ভা ও মণিসমূহে বিচিত্র ভাবাপন্ন ভূমিভাগ এবং প্রাসাদশ্রেণী চতুর্দিকে প্রতিষ্ঠিত রহিয়াছে। দশগ্রীব শোকপরায়ণা সীতাকে ঐ সকল এবং নানাজাতীয় পুষ্পসংকীর্ণ পুষ্করিণী ও দীর্ঘিকা সমস্ত দর্শন করাইতে লাগিল।

এই রূপে পাণ্ডা রাবণ জানকীকে আপনার সেই সমস্ত দিব্য গৃহ প্রদর্শন করিয়া, পরে তাঁহার লোভ সমুৎপাদন কামনায় কহিতে লাগিল, জানকি! বালক ও বৃদ্ধদিগকে বর্জন করিয়া, যে উগ্রকস্মী দ্বাত্রিংশৎ কোটি রাক্ষস আছে, আমি তাহাদের সকলেরই প্রভু। তাহাদের মধ্যে আমার এক এক সহস্র রাক্ষস সর্বদাই আমার কার্য সাধনে অগ্রসর হইয়া আছে। এই রূপে আমার এই রাজ্যতন্ত্র তোমারই পরতন্ত্র। অগ্নি বিশালাক্ষি! আমার প্রাণ পর্য্যন্তও তোমার অধীন। অধিক কি, তুমি আমার প্রাণ অপেক্ষাও গরীয়সী। মৈথিলি! আমার অন্তঃপুরে যে সকল উত্তমা স্ত্রী আছে, তাহাদের মধ্যে বাহারা আমার পত্নীপদে প্রতিষ্ঠিত, তুমি আমার ভার্য্যা হইয়া, তাহাদের সকলেরই উপর আধিপত্য কর। আমি যাহা বলিলাম, তোমার পক্ষে বিশেষ হিতজনক। তুমি ইহাতে সন্মত হও। অন্য মত করিলে, কোন ফলই হইবে না। আমি কামানলে নিতান্ত সন্তপ্ত হইয়াছি। প্রসন্ন হইয়া, আমাকে ভজনা কর। চতুর্দিকে সাগরবেষ্টিত শতযোজনবিস্তৃত এই লঙ্কাপুরী, ইন্দ্রের সহিত সংমিলিত সুরাসুরগণেরও সাধ্য নাই, ইহাকে কোনরূপে পরাভূত করে। কি দেব, কি গন্ধর্ভ, কি যক্ষ, কি ঋষি, ইহাদের মধ্যে কাহাকেও এমন দেখি না, যে ব্যক্তি বীরত্বে আমার সমকক্ষ হইতে পারে। দীন, তপস্বী, রাজ্যভ্রষ্ট, পাদচারী, ক্ষুদ্র-প্রাণ মানুষ্য রাম আমার কি করিবে? অতএব সীতে! আমিই

তোমার সদৃশ ভক্তা, আমায় ভজনা কর । অগ্নি ভীরা !
 যৌবনও চিরস্থায়ী নহে । অতএব আমার সহিত এই লঙ্কানগরে
 বিহার কর । বরাননে ! রামকে দেখিবার জন্য আর মন
 করিও না । কি সাধ্য, সে মনেও করিতে পারে, এখানে আনিবে ।
 দেখ, যে বায়ু মহাবেগে শূন্য পথে ধাবমান হইতেছে, কাহারই
 শক্তি নাই, তাহাকে বন্ধন করে । প্রাণ্ণিত অগ্নির বিমল
 শিখাও ধারণ করা কাহার সাধ্য নহে । লঙ্কায় আগমন করাও
 সেইপ্রকার দুঃসাধ্য । অগ্নি শোভনে ! সমুদায় ভুবনেও
 এমন কাহাকে দেখি না, যে ব্যক্তি বিক্রমপ্রকাশপূর্বক আমার
 বাহুপরিপালিত তোমাকে লইয়া যাইতে পারে । অতএব, তুমি
 এই সুবিস্তৃত লঙ্কারাজ্য পালন কর । মদ্বিধ ব্যক্তিগণ সকলেই
 তোমার আজ্ঞাকারী ভূত্য হইবে । আর, আমাকেও যদি
 সেবক বলিয়া গ্রহণ কর, তাহা হইলে, আগিও তোমার আজ্ঞার
 অধীন হইব । তাহাতে, সমুদায় দেবগণ, ফলতঃ স্থাবরজঙ্গমা-
 ল্লক বিশ্বসংসার, সকলেই তোমার আজ্ঞা বহন করিবে । অধুনা,
 তুমি অভিষেকসলিলে অভিষিক্ত হইয়া, সন্তুষ্ট চিত্তে আমার
 চিত্তবিনোদন কর । পূর্বজন্মের তোমার বাহা কিছু ত্রুটি
 ছিল, বনে বাস করিয়া, তাহার ক্ষালন হইয়াছে । এক্ষণে লঙ্কায়
 থাকিয়া, স্বীয় পূর্ব পুণ্যের ফল ভোগ কর । অগ্নি মৈথিলি !
 এখানে কে সমস্ত দিব্য গালা, দিব্য গন্ধ ও দিব্য ভূষণ আছে,
 সে সকল আমার সহবাগে উপভোগ কর । সুশ্রোত্রি ! আগি
 যুদ্ধে বলপূর্বক ভ্রাতা বৈশ্রবণের যে সূর্যাসকাশ পুষ্পক বিমান
 জয় করিয়াছি, তুমি সেই মনোবেগক্ষামী, সুবিপুল, রমণীয়
 বিমানে আমার সহিত আরোহণ করিয়া, যথাসুখে বিহার কর ।
 অগ্নি বরারোহে ! অগ্নি বরাননে ! তোমার এই মুখগুণ,
 পদ্মের ন্যায় পরম সুন্দর ও সুবিমল কান্তিম্পন্ন । কিন্তু শোকা-
 কুল হওয়াতে, উহার আর সে শোভা নাই ।

রাবণ এইপ্রকার কহিতে লাগিলে, বরাদনা সীতা বস্ত্রাঞ্চলে

স্বীয় ইন্দুনিভ বদনমণ্ডল আরত করিয়া, রোদন করিতে আরম্ভ করিলেন । চিন্তায় তাঁহার দেহ বিবর্ণ হইয়া গেল । তিনি নিভাস্ত অশ্রুস্ফার ন্যায়, ধ্যানমগ্ন হইলেন । তদর্শনে বীর্যশালী নিশাচর রাবণ তাঁহাকে বলিতে লাগিল, বৈদেহি ! স্বীয় স্বামী ত্যাগ করিয়া, পরপুরুষ-পরিগ্রহে ধর্মলোপ হইবে, ভাবিয়া, তোমার লজ্জা করিবার কোন আবশ্যিকতা নাই । দেখ, তোমার প্রতি আমি ঋষিগণের উপদিষ্ট বিধিক্রমেই প্রণয়বন্ধনে উদ্যত হইয়াছি । এই, আমি মস্তকপরম্পরায় তোমার স্নিগ্ধ পদযুগল পরিপীড়ন করিলাম । আমার প্রতি প্রমাদবিতরণে আর বিলম্ব করিও না । আমি তোমার বশব্দ ভূত্যা । আমি কামে অভিভূত হইয়া, এই যে কথা বলিলাম, এ সকল যেন কোন অংশেই নিষ্ফল না হয় । রাবণ কখন এক্ষণে কোন স্ত্রীকেই মস্তক দ্বারা প্রণাম করে না ।

দশানন ক্রতান্তের বশবর্তী হইয়াছিল । সেইজন্য, জনক-নন্দিনী মৈথিলীকে এইপ্রকার কহিয়া, মনে করিল, ইনি আমায়ই হইয়াছেন ।

ষট্‌পঞ্চাশ সর্গ ।

জানকী শোকে অভিভূত হইয়াছিলেন । এই কথা শুনিয়া কিছুমাত্র ভয় না করিয়া, মনে মনে রাবণকে ভূণ জ্ঞান করত প্রত্যাশ করিলেন, রাজা দশরথ সাক্ষাৎ ধর্মের অচল সেতু ও সত্যপ্রতিজ্ঞ বলিয়া, সর্বত্র বিখ্যাত । রাম তাঁহারই পুত্র । তিনিও ধর্মাত্মা বলিয়া, দ্রিভুবনে প্রতিষ্ঠা লাভ করিয়াছেন । সেই দীর্ঘবাহু দীর্ঘলোচন রাম আমার স্বামী ও সাক্ষাৎ দেবতা । তাঁহার স্কন্ধ সিংহসদৃশ এবং তেজের সীমা নাই । তিনি ইক্ষুবৃ-বংশে জন্মগ্রহণ করিয়াছেন । তিনি ভ্রাতা লক্ষ্মণের সহিত মিলিত হইয়া, অবশ্যই তোমার প্রাণ সংহার করিবেন । যদি

তুমি তাঁহার সমক্ষে আমাকে বলপূর্ব্বক অবমাননা করিতে, তাহা হইলে, যুদ্ধে খরের ন্যায়, নিহত হইয়া, তোমাকেও শয়ন করিতে হইত । তুমি যে এই সকল ভয়ঙ্করস্বভাব মহাবল রাক্ষসের কথা বলিলে, ইহারা, গুরুড়ের নিকট সর্পকুলের ন্যায়, রামের নিকট বিষশূন্য হইয়া থাকে । তরঙ্গ যেমন ভাগীরথীর তীরদেশ প্রাতি-হত করে, তেমনি তাঁহার জ্যামুক্ত সেই সকল কাঞ্চনলাঙ্ঘিত শর, তোমার ও এই সকল রাক্ষসের শরীর কম্পিত করিবে । রাবণ ! যদিও সুর বা অসুর কেহই তোমায় বধ করিতে পারে না, কিন্তু রামের সহিত দারুণ বৈরসংঘটন করিয়া, তুমি কখনই প্রাণে পরিহার পাইবে না । সেই বলবান্ রামই তোমার জীবিত-শেষ নিঃশেষ করিবেন । যুপকাষ্ঠে বদ্ধ পশুর ন্যায়, তোমার প্রাণ দুর্লভ হইয়া উঠিয়াছে । রাম রোষপ্রজ্বলিত লোচনে দর্শন করিলেই, তোমাকে তৎক্ষণাৎ মহাদেবের নেত্রানলে কামের ন্যায়, একবারেই দগ্ধ হইতে হইবে । যিনি চন্দ্রকেও আকাশ হইতে পাতিত বা বিনষ্ট করিতে পারেন, অথবা, সাগরকেও শোষণ করিতে বাঁহার ক্ষমতা আছে, তিনি গীতাকেও লক্ষ্য হইতে অবশ্য উদ্ধার করিতে পারেন । তোমার আয়ু, শ্রী, বল, বীৰ্য্য ও ইন্দ্রিয় সমুদায়, সকলেরই ক্ষয় হইয়া আসিয়াছে । তোমার জন্য লক্ষ্মণগরী নিশ্চয়ই বিধবা হইবে । তুমি যে পাপানুষ্ঠান করিলে, তাহাতে, ভবিষ্যতে কখনই সুখী হইতে পারিবে না । দেখ, তোমার প্রাতি আগার কিছুমাত্র প্রীতি বা অনুরাগ নাই । তথাপি, তুমি বলপূর্ব্বক আমাকে স্বামীৰ সহবাসে বঞ্চিতা করিলে । আমার সেই পরম তেজস্বী স্বামী দেবরের সহিত মিলিত হইয়া, বীৰ্য্যমাত্র আশ্রয় পূর্ব্বক, নির্ভয়ে নিৰ্জ্জন দণ্ডকারণ্যে বাস করিয়া থাকেন । তিনি যুদ্ধে শরশষ্টি করিয়া, তোমার গাত্র হইতে বল, বীৰ্য্য, দৰ্প ও উৎসেক, সমুদায়ই অপনীত করিবেন । কালবশে যখন প্রাণিগণের বিনাশ উপস্থিত হইয়া থাকে, তখন তাহারা কালের নিতান্ত আয়ত্ত হইয়া, পদে পদেই বিপরীত

পথে পদার্পণ করে । রে রাক্ষসাদম ! আমাকে অবমাননা করিয়া, তোমারও সেই বিনাশকাল উপস্থিত হইয়াছে । ইহাতে তোমার নিজের, সমুদায় রাক্ষসের ও যাবতীয় অন্তঃপুরের, নিধনসংঘটন হইবে । চণ্ডাল যেমন দ্বিজাতিগণের মস্তপুত শ্ৰুক্‌ভাণ্ডাদি যজ্ঞোপকরণমণ্ডিত যজ্ঞমধ্যস্থ বেদি স্পর্শ করিতে পারে না, তুমিও তেমনি আমাকে স্পর্শ করিতে সমর্থ হইবে না । রে রাক্ষসাদম ! তুমি জ্ঞান না, আমি ধর্মনিত্য রাগের ধর্মপত্নী, কায়মনে স্বামীর প্রীতিই অনুরক্ত হইয়া আছি, কখনও ইহার অন্যথা করি না । তুমি অতি পাপাত্মা । যে হংসী পদ্মসমূহমধ্যে রাজহংসের সহিত নিত্য ক্রীড়া করে, সে কিরূপে তৃণমধ্যস্থ মদ্যুর (কাকবিশেষ) প্রীতি দৃষ্টিপাত করিবে ? রে রাক্ষস ! এই দেহ স্বভাবতঃ জড়, ইহাকে বন্ধন বা আঘাত, যাহা ইচ্ছা কর । আমি কিন্তু ইহা কোন গতেই রক্ষা করিব না । প্রাণেও আমার আর মমতা নাই । বলিতে কি, সীতা অসতী হইয়াছে, নিজের এই অপযশ পৃথিবীতে কখনই রাখিতে পারিব না । বৈদেহী ক্রোধ-তরে এইপ্রকার পরুষ বাক্য প্রয়োগ করিল্লা; রাবণকে আর কোন উচ্চবাচ্যই করিলেন না ।

সীতার এই রোমাঞ্চকর পরুষ কথা কর্ণগোচর করিয়া, দশা-নন বিভীষিকা প্রদর্শনপূর্বক কহিতে লাগিল, মৈথিলি ! আমার কথা শুন । দ্বাদশ মাস অপেক্ষা করিব । অগ্নি চারুহানিনি ! ঐ সময় মধ্যে যদি আমার বশে না আইস, তাহা হইলে, পাচকগণ তোমাকে প্রাতরাশ জন্য খণ্ড খণ্ড করিয়া ছেদন করিবে । শত্রু-রাবণ রাবণ এইপ্রকার কঠোর কথা নির্দেশ করিয়া, পরে ক্রুদ্ধ হইয়া, রাক্ষসীদিগকে আজ্ঞা করিল, অগ্নি বিকটরূপা বিকটদর্শনা রাক্ষসীগণ ! তোমরা সকলেই মাংসশোণিত ভোজন করিয়া থাক । শীঘ্রই জ্ঞানকীর সমুদায় গর্ভ খর্ব কর । ঘোরদর্শনা ও ঘোরস্বরূপা নিশাচরীগণ রাবণের এই কথায় তৎক্ষণাৎ অঞ্জলি-বন্ধনপূর্বক যে আজ্ঞা, বলিয়া, সীতাকে বেঁধেন করিল । তদর্শনে

রাবণ পদবিক্ষেপে পৃথিবীকে যেন বিদীর্ণ করিয়া, দুই তিন পদ গমন পূৰ্ব্বক সেই ঘোরদৰ্শনা রাক্ষসীদিগকে পুনরায় বিশেষরূপে আদেশ করিল, তোমরা জানকীকে অশোকবনে লইয়া যাও । এবং সকলে সৰ্ব্বদা ইহাকে বেষ্টন পূৰ্ব্বক গৃহভাবে রক্ষা কর । বন্য-হস্তিনীকে যে ভাবে বশীভূত করে, তোমরাও সেই ভাবে ঘোর-তর তর্জনা অথবা মিষ্ট কথা বলিয়া, ইহাকে বশে আনয়ন কর । রাজা রাবণ এইপ্রকার আজ্ঞা করিলে, নিশাচরীরা জানকীকে লইয়া, অশোকবনে গমন করিল । নানাজাতীয় পুষ্পফল-শোভিত, সৰ্কসাগ্রাদ পাদপগমূহ এবং সকল সময়েই মদযুক্ত বিবিধ বিহঙ্গম, এই সকলে অশোকবন সৰ্কসদাই অলঙ্কৃত । শোক-পরীতাদী জনকছুহিতা মৈথিলী তথায় ব্যাজীগণ মধ্যে হরিণীর ন্যায়, রাক্ষসীগণের বশতাপন্ন হইয়া রহিলেন । তাহাতে, পাশ-বদ্ধা ভীরুস্বভাবা যুগীর ন্যায়, নিরতিশয় শোকে ও শঙ্কায় কোন-মতেই সুখ লাভ করিতে পারিলেন না । বিরূপনৈত্রা রাক্ষসী-গণ তাঁহাকে অত্যন্ত তর্জনা করিতে আরম্ভ করিল । তিনি পরমপ্রাণভাজন স্বামী ও দেবরকে সৰ্কদা স্মরণ করিয়া, ভয় ও শোকে অভিভূত ও হতচেতন হইয়া, স্থস্তিলাভে সক্ষম হইলেন না ।

—

সপ্তপঞ্চাশ সর্গ ।

এদিকে রাম যুগরূপধর কামরূপী নিশাচর মারীচকে সংহার করিয়া, শীতাই পধিমধ্যে নিবৃত্ত হইলেন । এবং জানকীকে দেখিবার জন্য নিতান্ত ত্বর করিতে লাগিলেন । ঐ সময়ে গোমায়ু তাঁহার পশ্চাৎ দিকে কঠোরস্বরে শব্দ করিতে আরম্ভ করিল । তিনি শৃগালের ঐ রোমাঞ্চকর দারুণ স্বর শ্রবণ করিয়া, নিতান্ত ভীত হইয়া, মনে মনে শঙ্কা করিতে লাগিলেন, গোমায়ু যেপ্রকার শব্দ করিতেছে, তাহাতে, কোন অশুভ ঘটবে, বোধ

হইতেছে । এক্ষণে, রাক্ষসেরা ভক্ষণ না করিলে, সীতা কুশলে থাকেন, ইহাই প্রার্থনা । যুগরূপী মারীচ আমার অপকার উদ্দেশে মদীয় স্বরঞ্জন করিয়া, যে চীৎকার করিয়াছে, লক্ষ্মণ যদি শুনিয়া থাকেন, তাহা হইলে, সীতা অবশ্যই তাঁহাকে প্রেরণ করিবেন । তিনিও সীতাকে ত্যাগ করিয়া, শীঘ্রই আমার নিকট সমাগত হইবেন । নিশ্চয়ই, রাক্ষসগণ একত্র মিলিয়া, জ্ঞানকীকে বধ করিতে কামনা করিয়াছে । সেইজন্য নিশাচর মারীচ স্বর্ণযুগরূপে আমাকে অশ্রম হইতে ব্যপনয়ন ও দূরে আনয়ন করিয়া, অবশেষে শরে আহত হইয়া, হায়, লক্ষ্মণ ! আমি হত হইলাম, বলিয়া, চীৎকার করিল । জনস্থান নিমিত্ত রাক্ষসগণের সহিত আমার শত্রুতা হইয়াছে । অতএব, আমি দিনা অরণ্যমধ্যে সীতা ও লক্ষ্মণের কি মঙ্গললাভ হইবে ? এদিকে আবার ঘোর নিমিত্ত সকল দৃষ্ট হইতেছে । অজ্ঞবান্ রাম গোমায়ু-শব্দ-শ্রবণানন্তর এইপ্রকার চিন্তা করিতে করিতে, নিরন্ত হইয়া, জ্বরিত পদে আশ্রমে গমন করিতে লাগিলেন । যুগরূপী মারীচ তাঁহাকে যে আশ্রম হইতে দূরে লইয়া আসিয়াছে, তাহাও দর্শন করিয়া তিনি অতিমাত্র শঙ্কিত হইলেন । তাঁহার মন নিতান্ত ব্যাকুল ও বাহ্যভাবও স্তান হইয়া উঠিল । যুগ ও পক্ষিগণ তৎকালে তাঁহাকে বাগে রাখিয়া, কঠোরস্বরে শব্দ করিতে লাগিল । রাম ঐ সকল ঘোরতর নিমিত্ত দর্শন করিয়া, লক্ষ্মণ আসিতেছেন, অবলোকন করিলেন । তাঁহার শরীর বিবর্ণ । অনন্তর নিকটে রামের সহিত লক্ষ্মণের মিলন হইলে, উভয়েই বিষম ও দুঃখিত হইলেন । লক্ষ্মণ সীতাকে নিশাচরগেবিত বিজন বনে ত্যাগ করিয়া, আগমন করিয়াছেন, দেখিয়া, রঘুনন্দন রাম তাঁহাকে ভৎসনা করিতে লাগিলেন এবং তাঁহার বাগহস্ত ধারণ করিয়া, আর্তের ন্যায়, আপাতকঠোর পরিণামমধুর বাক্যে বলিতে আরম্ভ করিলেন, লক্ষ্মণ ! তুমি সীতাকে ত্যাগ করিয়া যে এখানে আসিয়াছ, ইহা নিতান্ত নিন্দার বিষয় হইয়াছে । সৌম্য !

ইহাতে কি গীতার মঙ্গল হইবে ! কখনই না । হে বীর ! পদে পদেই যেরূপ অশুভ সকল সংঘটিত হইতেছে, তাহাতে, বনচারী নিশাচরগণ গীতাকে হরণ কিংবা ভক্ষণ করিয়াছে, এ বিষয়ে আমার কোন অংশেই সন্দেহ হইতেছে না । লক্ষ্মণ ! জনক-দুহিতা গীতা নির্ঝিল্লি বাঁচিয়া আছেন, ইহা কি আমরা দেখিতে পাইব ! অয়ি মহাবল ! এই সকল যুগ, গোমায়ু ও পক্ষিগণ সূর্য্যের দিকে মুখ করিয়া, যেরূপ ভয়ঙ্কর রবে শব্দ করিতেছে, তাহাতে, রাজপুত্রী জানকীর কি আর মঙ্গল হইবে ! এদিকে এই যুগরূপী রাক্ষসও আগায় প্রলোভিত করিয়া, দূরে আনিয়া, অবশেষে অনেক পরিশ্রমে কোনরূপে নিহত হইয়া, মরিবার সময় নিজমূর্ত্তি ধারণ করিয়াছে । আমার মনও নিতান্ত ব্যাকুল ও অপ্রহুষ্ঠ হইয়া উঠিয়াছে এবং বাম চক্ষুও স্পন্দিত হইতেছে । লক্ষ্মণ ! নিঃসন্দেহই গীতা নাই । হয়, তাঁহাকে হরণ করিয়াছে, না হয়, তিনি পথিমধ্যে মরিয়া পড়িয়া আছেন ।

—:—

অষ্টপঞ্চাশ সর্গ ।

লক্ষ্মণ নিতান্ত ব্যাকুল ও শূন্যমনস্ক হইয়াছিলেন । তাঁহাকে গীতা যিহা তদবস্থ আগমন করিতে দেখিয়া, ধর্ম্মাত্মা রাম জিজ্ঞাসা করিতে লাগিলেন, লক্ষ্মণ ! দণ্ডকারণ্যে প্রস্থান করিলে, আমার যিনি অনুগমন করিয়াছেন এবং তুমি যাঁহাকে ত্যাগ করিয়া, এখানে আসিয়াছ, সেই গীতা কোথায় ? আমি রাজ্যজ্যেষ্ঠ হইয়া, ব্যাকুল চিন্তে দণ্ডকারণ্যে ধাবমান হইলে, যিনি আমার দুঃখে সহায় হইয়াছিলেন, সেই তনুমধ্যমা গীতা কোথায় ? যিনিবিনা আমি মুহূর্ত্তমাত্রও প্রাণধারণে উৎসাহী নহি, আমার প্রাণসহায়া সুরম্বতাসদৃশী সেই জনকসুতা কোথায় ? লক্ষ্মণ ! আমি সেই স্বর্ণবর্ণা জনকান্নজা ব্যতিরেকে দেবগণের প্রভু

অথবা পৃথিবীর আধিপত্যেও অভিলাষ করি না। হে বীর !
জানকী আমার প্রাণ অপেক্ষাও অধিক প্রিয়। তিনি কি বাঁচিয়া
আছেন ! আমার এই বনবাসব্রত কি মিথ্যা হইবে না ! লক্ষ্মণ !
সীতার জন্য আমি প্রাণত্যাগ করিলে এবং তুমি অযোধ্যায়
একাকী সমাগত হইলে, কৈকেয়ীর কামনা কি পূর্ণ ও সুখোৎপত্তি
হইবে ? কৈকেয়ী ঐক্ৰপে পুত্রের রাজপদপ্রাপ্তিতে সিদ্ধকাম
হইলে, আমার মৃতপুত্রা দীনা জননী কৌশল্যাকে কি বিনয়সহকারে
ভাঁহার উপাসনা করিতে হইবে ? লক্ষ্মণ ! সীতা যদি বাঁচিয়া
থাকেন, তাহা হইলে, পুনরায় আশ্রমে গমন করিব। আর,
সেই শুদ্ধচারিণী যদি পরলোকে গমন করিয়া থাকেন, তাহা
হইলে, প্রাণত্যাগ করিব। আমি আশ্রমে গমন করিলে, সীতা
যদি অগ্রেই হাস্য করিয়া, আমাকে সম্ভাষণ না করেন, তাহা
হইলেও, বিনষ্ট হইব। অতএব, লক্ষ্মণ ! জানকী জীবিত
আছেন কি, না, অথবা তোমার অনবধানতাবশতঃ রাক্ষসে
সেই দুঃখিনীকে ভক্ষণ করিয়াছে কি, না, আমাকে বল।
তিনি স্নকুমারী, বালিকা এবং কখন দুঃখভোগ করেন নাই।
এক্ষণে আমার বিরহে নিশ্চয়ই ব্যাকুল চিত্তে শোক করিতেছেন।
বুঝিলাম, অতিশয় দুঃখা ত্রুরস্বভাব নিশাচর মারীচ উচ্চৈঃস্বরে,
লক্ষ্মণ, ইত্যাদি বাক্যে চীৎকার করিয়া, "তোমারও ভয় জন্মাইয়া
দিয়াছে। বুঝিলাম, মৎসদৃশ সেই স্বর জানকীরও শ্রবণগোচর
হইয়াছে। তাহাতে, তিনি ত্রস্ত হইয়া, তোমাকে পাঠাইয়াছেন।
তুমিও আমাকে দেখিবার জন্য শীঘ্র আগমন করিয়াছ। যাহা
হউক, ভাই ! তুমি সীতাকে বনমধ্যে ত্যাগ করিয়া আসিয়া,
অতি কুৎসিত অনুষ্ঠান করিয়াছ। ইহাতে নির্দয় রাক্ষসদিগকে
আমাদের কৃত অপকারের প্রতিকার করিতে অবসর দেওয়া
হইয়াছে। খরকে বিনাশ করিতে, মাংসাশী রাক্ষসগণ দুঃখিত
হইয়াছে। সেই ভয়ঙ্করস্বভাব নিশাচরগণ নিঃসন্দেহই সীতাকে
নিহত করিয়াছে। হায়, রিপুনাশন লক্ষ্মণ ! সর্বথা আমি

বিপদে মগ্ন হইলাম ! স্পষ্টই ঐতীতি হইতেছে, এইপ্রকার বিপদ অবশ্যস্তাবী হইয়াছে । অতএব, এখন আর কি করিব ?

রাম বরারোহা গীতার জন্য এইপ্রকার চিন্তা করিতে করিতে, লক্ষ্মণের সহিত ভ্রমিত পদে জনস্থানে আগমন করিলেন । ক্ষুধা, শ্রম ও পিপাসায় তাঁহার মুখমণ্ডল শুষ্ক হইয়াছিল । তিনি বিষন্ন চিত্তে দীর্ঘনিশ্বাস ত্যাগ করত লক্ষ্মণকে ভৎসনা করিতে করিতে, ঐরূপে আশ্রমে সগাগত হইয়া, দেখিলেন, উহা শূন্য রহিয়াছে, গীতা তথায় নাই । অনন্তর আশ্রমমধ্যে প্রবেশ করিয়া, গীতাকে সেখানেও দেখিতে না পাইয়া, তিনি পরিশেষে ক্রীড়াস্থান সকল সন্ধান করিতে লাগিলেন । এইরূপে, আশ্রম-ভূমির সমুদায় ক্রীড়াপ্রদেশ তন্ন তন্ন অন্বেষণ করিয়া, যখন গীতাকে কোথাও দেখিতে পাইলেন না, তখন, এই সেই ক্রীড়া-প্রদেশ, এইপ্রকার স্মরণ করিয়া, তিনি শোকে ব্যথিত ও রোমাঞ্চিত হইয়া উঠিলেন ।



একোনষষ্ঠিতম সর্গ ।

লক্ষ্মণ গীতার কথায় আশ্রম হইতে স্বীয় সকাশে সগাগত হইলে, রাম দুঃখিত হইয়া, পশ্চিমধ্যে যাইবার সময় তাঁহাকে জিজ্ঞাসা করিতে লাগিলেন, ভাই ! আমি তোমারই বিশ্বাসে গীতাকে বনমধ্যে ছাড়িয়া আসিয়াছি । তবে তুমি কিজন্য তাঁহাকে ত্যাগ করিয়া আসিলে ? লক্ষ্মণ ! তুমি গীতাকে ত্যাগ করিয়া আসিয়াছ, দেখিয়াই, আমি বিলক্ষণ জানিতে পারিয়াছি যে, আমার মন যে মহান অনিষ্ট আশঙ্কা করিয়া ব্যথিত হইয়াছে, তাহা সত্যই ঘটিয়াছে । তোমাকে দূর হইতেই পশ্চিমধ্যে গীতা বিনা একাকী দেখিয়া, আমার বামবাহু, বামনেত্র ও হৃদয়ের বামভাগ স্পন্দিত হইয়া উঠিয়াছে ।

শুভলক্ষণ লক্ষ্মণ এই কথায় পুনরায় দুঃখিত হইয়া, তদবস্থ

রামকে কহিলেন, আমি স্বয়ং ইচ্ছাপূর্বক সীতাকে ত্যাগ করিয়া, আসি নাই । তাঁহারই আদেশে ভবদীয় সকাশে সমাগত হইয়াছি । আপনি আমার নাম নির্দেশ পূর্বক সুবিকট স্বরে পরি-
 ত্রাণ কর, বলিয়া যে চীৎকার করেন, ঐ কথা জানকীর শ্রুতিপথে
 প্রবেশ করিয়াছিল । তিনি সেই আর্তস্বর শ্রবণ করিয়া, ভয়ে
 অবসন্ন হইয়া, আপনার প্রতি স্নেহপ্রযুক্ত রোদন করিতে করিতে,
 আমাকে, শীঘ্র যাও, শীঘ্র যাও, বলিতে আরম্ভ করিলেন ।
 তিনি বারংবার এইপ্রকার আদেশ করিতে লাগিলে, আমি
 তাঁহাকে তাঁহার বিশ্বাসার্থ এই কথা কহিলাম, এমন কোন
 রাক্ষসই দেখি না, যে, রামের ভয়োৎপাদন করিতে পারে ।
 অতএব, এ কাতরবাক্য রামের নহে, রাক্ষস বা অন্য কেহ
 উচ্চারণ করিয়া থাকিবে, আপনি ক্ষান্ত হউন । গীতে ! যিনি
 দেবতাদিগকেও ত্রাণ করিতে পারেন, সেই আর্য্য রাম, ত্রাণ
 কর, ইত্যাদি অতি জঘন্য নীচ কথা কিরূপে বলিতে পারেন ?
 অতএব, কোন ব্যক্তি কোন কারণে রামের স্বর আশ্রয় করিয়া,
 লঙ্ঘন ! আমায় ত্রাণ কর, বলিয়া, ব্যাকুলস্বরে চীৎকার করি-
 য়াছে, সন্দেহ নাই । অগ্নি শোভনে ! কোন রাক্ষস ত্রাস বশতঃ
 ত্রাণ কর, এই কথা বলিয়াছে । অতএব, আপনি ইতর-স্ত্রী-মূলভ
 মনোবেদনা ত্যাগ করুন । রুখী অবসন্ন বা ব্যাকুল হইবার
 প্রয়োজন নাই, প্রকৃতিস্থ হউন এবং তৎসূচ্য পরিহার করুন ।
 ভূত, ভবিষ্য ও বর্তমান, কোন কালেই ত্রিভুবনে এমন কোন
 ব্যক্তি নাই, যে, রামকে যুদ্ধে পরাজয় করিতে পারে । ইন্দ্র
 প্রভৃতি দেবগণও রামকে জয় করিতে অপারগ ।

বৈদেহীর জ্ঞানচৈতন্য রহিত হইয়াছিল । তজ্জন্য, তিনি
 আমার এই কথায় ক্রন্দন করিয়া দারুণ বাক্যে কহিলেন, আমার
 প্রতি তোমার পাপাভিসন্ধি প্রাদুর্ভূত হইয়াছে । জাতার
 নৃত্যতে তুমি সেই অভিসন্ধি সিদ্ধি করিবে, মনে করিয়াছ ।
 কিন্তু কোনমতেই তুমি আমায় প্রাপ্ত হইবে না । বুঝিলাম ভর-

তের সন্ধেতানুসারেই তুমি রামের অনুগামী হইয়াছ। সেই জন্য, রাম চীৎকার করিতেছেন, জানিয়াও, তাঁহার সাহায্যার্থ গমন করিতেছ না। অথবা, তুমি প্রচ্ছন্নচারী শত্রু, আমারই জন্য রামের আনুগত্য করিতেছ। এবং সৰ্ব্বদা তাঁহাব ছিদ্রা-
'স্বেষণে তৎপর আছ। সেইজন্য, তাঁহার সাহায্যার্থ গমন করিতেছ না।

বৈদেহী এইপ্রকার কহিলে, অতি ক্রোধে আমার নয়ন লোহিতবর্ণ হইয়া উঠিল, এবং রোষভরে অধরোষ্ঠও প্রক্ষুরিত হইতে লাগিল। তখন আমি আশ্রম হইতে একবারেই বাহির হইয়া পড়িলাম।

লক্ষণ এইপ্রকার বলিতে আরম্ভ করিলে, রাগ শোকে সংজ্ঞা-
শূন্য হইয়া, তাঁহাকে কহিলেন, সৌম্য ! তুমি গীতাকে ত্যাগ করিয়া, এখানে আসিয়াছ, যারপর নাই গর্হিত অনুষ্ঠান করি-
য়াছ। দেখ, রাক্ষসদিগের নিরাকরণে আমার বিলক্ষণ শক্তি আছে, ইহা জানিয়াও, তুমি জানকীর ঐ সামান্য রাগের কথায় আশ্রম হইতে বাহির হইয়া আসিলে। জানকী একে
স্ত্রী, তাহাতে আবার ক্রুদ্ধা হইয়াছিলেন। তাঁহার পরুষ বাক্যে
তুমি তাঁহাকে ত্যাগ করিয়া, এখানে আসিয়াছ, ইহাতে আমি
তোমার প্রতি তুষ্ট হইতে পারিলাম না। তুমি গীতার কথায়
ক্রোধের বশীভূত হইয়া, আমার আজ্ঞা লঙ্ঘন করিয়াছ, ইহাতে
তোমার যার পর নাই অন্যায় করা হইয়াছে। ঐ দেখ, ঐ
রাক্ষস, যে আমায় যুগরূপে আশ্রম হইতে দূরে লইয়া আসি-
য়াছে, আমার শরে বিনষ্ট হইয়া, শয়ন করিয়া আছে। আমি
শরাসন আকর্ষণ ও মায়ক সঙ্কান পূর্বক অনায়াসেই সেই শর
নিক্ষেপ করিয়া, ইহাকে আঘাত করিয়াছি। তাহাতে, ঐ
রাক্ষস যুগতনু ত্যাগ করিয়া, কাতরশ্বর-প্রয়োগপূরঃসর কেয়ূর-
ধর নিশাচর-কলেবর ধারণ করিয়াছে। তৎকালে আমার শরে
আহত হইয়া, দূর হইতে শ্রবণ করা যায় এইরূপে মদীয় শ্বর

আশ্রয় করিয়া, এই নিশাচর আত্মরবে তাদৃশ অতি দারুণ বাক্য প্রয়োগ করিয়াছিল ; যে বাক্যে তুমি জ্ঞানকীকে ত্যাগ করিয়া আসিয়াছ ।

—:~:—

ষষ্ঠিতম সর্গ ।

আশ্রমে আসিবার সময় রামের বামাক্ষির অধোভাগ অত্যন্ত স্পন্দিত, পদে পদেই পদদ্বয় স্থলিত ও শরীর কম্পিত হইতে লাগিল । তিনি বারংবার অশ্রুভ নিমিত্ত সকল দর্শন করিয়া, সীতা কুশলে আছেন কি না, এই কথা বলিতে লাগিলেন । অনন্তর তিনি সীতার দর্শনলালসা-বশব্দে হইয়া, ভ্রমিত পদে গমন করিয়া দেখিলেন, আবসথ শূন্য রহিয়াছে । দর্শনে তাঁহার চিত্তে উদ্বেগ উপস্থিত হইল । তিনি সবেগে হস্তাদি বিক্ষিপ্ত ও ইতস্ততঃ ভ্রমণ পূর্বক সমুদায় উটজস্থানের চারিদিক্ তন্নতন্ন দেখিতে লাগিলেন । পর্ণশালায় গমন করিয়া দেখিলেন, তথায় সীতা নাই । তাহাতে হেমস্তের সমাপ্তিতে স্বাভাবিক-শোভা-হীন ও বিনষ্ট দশায় নিপতিত কমলিনীর ন্যায়, ঐ পর্ণশালায় নিতান্ত শোচনীয় অবস্থা আপতিত হইয়াছে । সমুদায় উটজস্থান বিধ্বস্ত ও জীভ্রষ্ট হইয়াছে । বনদেবতারা একবারেই তাঃ ত্যাগ করিয়া গিয়াছেন । তত্রত্য মৃগ, পক্ষী ও পুষ্পমাত্রেই জ্ঞান হইয়াছে । বৃক্ষ সকল যেন ক্রন্দন করিতেছে । অজিন ও কুশ সকল ইতস্ততঃ বিভ্রষ্ট এবং কুশাসন ছিন্ন ভিন্ন পতিত রহিয়াছে । সীতা তথায় নাই । তদবস্থ উটজস্থান দর্শন করিয়া, তিনি বারংবার এই বলিয়া বিলাপ করিতে লাগিলেন, সীতাকে কেহ বধ করিয়াছে ; অথবা, তিনি প্রাণত্যাগ করিয়াছেন, কিংবা কোথায় অদৃশ্য হইয়াছেন ; অথবা তাঁহাকে ভক্ষণ করিয়াছে ; কিংবা সেই ভীকৃৎস্রভাবা লুকাইয়া আছেন, না হয়, অরণ্য আশ্রয় করিয়াছেন ; অথবা তিনি ফল পুষ্প চয়নার্থ গমন করিয়াছেন,

কিংবা পশ্চিমধ্যে বাহির হইয়াছেন, অথবা নদীতে গমন করিয়াছেন ! রাম এই রূপে যত্নসহকারে অন্বেষণ করিয়াও, বন-মধ্যে প্রিয়াকে কোথাও প্রাপ্ত হইলেন না । তখন, শোকে তাঁহার লোচনযুগল অরুণবর্ণ হইয়া উঠিলে, তিনি উন্মত্তের ন্যায় প্রতীয়মান হইতে লাগিলেন । এবং শোক-পঙ্কার্ণবে গম্ভীর ও সবেগে রুদ্ধ হইতে রুদ্ধান্তরে ধাবমান হইয়া, বিলাপ করিতে করিতে নদ, নদী ও পৰ্ব্বত সকল ভ্রমণ করিতে আরম্ভ করিলেন । অনন্তর তিনি উন্মত্তের ন্যায়, কদম্বাদি রুদ্ধ সকলকেও গীতার কথা জিজ্ঞাসা করিয়া কহিতে লাগিলেন, অয়ি কদম্ব ! প্রিয়া তোমায় অতিশয় ভাল বাসিতেন । তিনি কোথায় আছেন, দেখিয়াছ ? যদি জান, তাহা হইলে, সেই শুভাননা কোথায়, আমাকে বলিয়া দাও । অয়ি বিশ্ব ! তাঁহার স্তন বিশ্বসদৃশ বর্ত্তুলায়ত । এবং তাঁহার দেহকান্তি সুকোমল কিসলয় তুল্য । তিনি পীতবর্ণ কৌশেয় বসন পরিধান করিয়া আছেন । যদি তাঁহাকে দেখিয়া থাক, বল । অথবা, অজ্ঞান ! প্রিয়া তোমায় অতিশয় ভাল বাসিতেন । সেই ক্ষীণতনু জনকছুহিতা জীবিত আছেন কি না, বল । অথবা, গীতার উরুযুগল এই ককুভরুক্ষের সদৃশ সুশ্লিষ্ট ও সুকোমল । এই রুদ্ধ নিশ্চয়ই অবগত আছে, জানকী কোথায় । কিংবা এই বনস্পতি লতা কুশুম ও পল্লব সমূহে সমাকীর্ণ এবং ভ্রমরগণের সঙ্গীতরবে পরিপূর্ণ হইয়া, শোভা পাইতেছে । অয়ি বনস্পতি ! তুমি সমুদায় রুদ্ধের প্রধান । জানকীও সকল রমণীর শ্রেষ্ঠ ! অতএব, তিনি কোথায়, বলিয়া দাও । অথবা, প্রিয়া তিলকপুষ্প অতিশয় ভাল বাসিতেন । অতএব, এই তিলক রুদ্ধ নিশ্চয়ই তাঁহার বিষয় বিদিত আছে । হে অশোক ! তুমি শোকাগ্নিনোদন করিয়া থাক । আমি শোকে সংজ্ঞাশূন্য হইয়াছি । অতএব প্রিয়ার সহিত সাক্ষাৎকার করাইয়া, আমাকে সত্ত্বর শোকহীন কর । হে তাল ! প্রিয়ার পয়োধরস্বয় পক-তাল-সদৃশ । যদি তুমি তাঁহাকে

দেখিয়া থাক এবং যদি আমার প্রতি তোমার দয়া থাকে, তাহা হইলে, সেই বরারোহা কোথায়, বলিয়া দাও। হে জঘ্ন! জাম্বুনদ-প্রভাময়ী প্রিয়াকে যদি দেখিয়া থাক, বল, তোমার কোন শঙ্কা নাই। হে কর্ণিকার! কুম্ভমসমূহের সমাগমে আজি তোমার কি অতিমাত্র শোভাই প্রাদুর্ভূত হইয়াছে! প্রিয়াও তোমায় অতিশয় স্নেহ করিতেন। যদি সেই সাধ্বীকে দেখিয়া থাক, বল। এই রূপে রাম চূত, নীপ, মহানাল, পনস, কুরর, দাড়িম, বকুল, পুন্নাগ, চন্দন ও কেতক প্রভৃতি বৃক্ষদিগকেও সীতার কথা জিজ্ঞাসা করিয়া, উন্নতের ন্যায়, বনমধ্যে ভ্রমণ করিতে লাগিলেন।

অনন্তর তিনি মৃগপ্রভৃতি পশুদিগকেও জিজ্ঞাসা করিতে আরম্ভ করিলেন। কাহিলেন, অয়ি মৃগ! তোমার শাবক সদৃশ জানকীর চক্ষু। অতএব তুমি তাঁহার বিষয় বিদিত আছ। অথবা, সেই মৃগলোচনা, মৃগীগণের সহিত মিলিত হইয়া থাকিবেন। হে গজ। তোমার ন্যায়, তাঁহার নাসা ও উরু। যদি তাঁহাকে দেখিয়া থাক, বল। আমার বোধ হইতেছে, তুমি তাঁহার বিষয় জান। অতএব হে গজরাজ! আমাকে বলিয়া দাও, তিনি কোথায়? অয়ি ব্যাঘ্র! সেই চন্দ্রনিভাননা প্রিয়া মৈথিলীকে যদি দেখিয়া থাক, বিশ্বস্ত চিত্তে বল, তোমার ভয় নাই। অয়ি প্রিয়ে! অয়ি কমলেক্ষণে! তুমি আর কিজন্য ধাবমান হইতেছ? আমি নিশ্চয়ই তোমাকে দেখিয়াছি। তুমি কিনিমিত্ত ঐ বৃক্ষের অন্তরালে লুক্কায়িত হইয়া, আমাকে সম্ভাষণ করিতেছ না? অয়ি বরারোহে! আমি বাবংবার বলিতেছি, তুমি অপেক্ষা কর, আর ধাবমান হইও না। আমার প্রতি তোমার কি দয়া নাই? তুমি ত কখন অত্যন্ত পরিহাস কর না। তবে কেন আগায় উপেক্ষা করিতেছ? অয়ি বর-বর্ণিনি! আমি তোমার পীত কোষেয় বসন দেখিয়া জানিতে পারিয়াছি এবং তুমি দৌড়িলেও, তোমায় দেখিয়াছি। অতএব,

আমার প্রতি যদি তোমার সৌহার্দ থাকে, তাহা হইলে, ক্ষান্ত হও, আর ধাবমান হইও না । অথবা, অগ্নি চারুহাসিনি ! আমি ষাহাকে দেখিলাম, সে, তুমি নহ । নিশ্চয়ই তোমার বিনাশ করিয়াছে । তাহা না হইলে, দারুণ ক্রেশের সময়েও তুমি কি কখন আমার উপেক্ষা করিতে পার ? স্পষ্টই বোধ হইতেছে, মাংসাশী রাক্ষসগণ আমাধিনা অঙ্গ সকল খণ্ড খণ্ড করিয়া প্রিয়াকে ভক্ষণ করিয়াছে । আহা, তাঁহার মুখমণ্ডল সুন্দর দশন, সুন্দর নাসিকা ও সুন্দর কুণ্ডলে অলঙ্কৃত এবং পূর্ণ চন্দ্ৰের ন্যায় প্রভাবিশিষ্ট । রাক্ষসগণ গ্রাস করাতে, নিশ্চয়ই তাহা প্রভাশূন্য হইয়াছে ! তাঁহার গ্রীবা কোমল ও গ্রীবাভূষণে অলঙ্কৃত এবং তাঁহার বর্ণের দীপ্তি চন্দনবৎ সুমিষ্ট ও সুবিশদ । রাক্ষসগণ তাদৃশ সুন্দর গ্রীবাও ভক্ষণ করিয়াছে । ভক্ষণসময়ে প্রিয়া কতই বিলাপ করিয়াছেন ! তাঁহার বাহুযুগল পল্লবসদৃশ কোমল, এবং হস্তাভরণ অঙ্গদে সুশোভিত । নিশ্চয়ই রাক্ষসেরা ইতস্ততঃ বিক্ষিপ্ত করিয়া, তাহাও ভক্ষণ করিয়াছে । তৎকালে ঐ বাহুদ্বয়ের অগ্রভাগ নিশ্চয়ই কম্পিত হইয়াছিল । আহা, আমি কি রাক্ষসগণের ভক্ষণজন্যই তাঁহাকে একাকিনী রাখিয়া আসিয়াছিলাম ! সেইজন্য, তিনি বহু বাক্যবলত্বেও, সার্থ-হীনার ন্যায়, রাক্ষসগণের উদরস্থা হইলেন ! হা লক্ষণ ! হা মহাবাহো ! তুমি কি প্রিয়ার কোথাও দেখা পাইয়াছ ? হা প্রিয়ে ! হা ভদ্রে ! হা সীতে ! তুমি কোথায় গেলে ! এই রূপে বারংবার বিলাপ করিতে করিতে, রাম কখন বনে বনে সবেগে ধাবমান হইতে লাগিলেন, কখন উদ্ভ্রমণ ও কখন বা বাত্যার ন্যায় দিগ্‌বিদিক্‌ ভ্রমণ করিতে আরম্ভ করিলেন ; কখন উন্মত্তের ন্যায়, প্রতীর্ণমান হইতে লাগিলেন ; কখন প্রিয়ার অন্বেষণতৎপর হইয়া, বেগভরে নদী, পর্বত, প্রস্তর ও কানন সকল বিচরণ করিতে প্রবৃত্ত হইলেন ; কোথাও স্থির হইয়া থাকিতে পারিলেন না । তৎকালে সুবিস্তৃত মহারণ্যে প্রবেশ পূর্বক তাহার চতু-

দিকে জানকীর তন্ন তন্ন অন্বেষণ করিয়াও, তাঁহার আশানিরুত্তি হইল না ; পুনরায় তিনি প্রিয়ার অন্বেষণে নিরতিশয় পরিশ্রম করিতে লাগিলেন ।

—••—

একষষ্টিতম সর্গ ।

আশ্রমপদ ও পর্ণশালা শূন্য এবং আসন সকল ইতস্ততঃ নিষ্কিপ্ত রহিয়াছে, দর্শন করিয়া, এবং চতুর্দিক্ গবিশেষ নিরীক্ষণ পূর্বক সীতাকে তথায় দেখিতে না পাইয়া, দশরথাত্মজ রাম স্বীয় সুন্দর ভুজযুগল উৎক্ষেপ পূর্বক চীৎকার করিয়া, কহিতে লাগিলেন, লক্ষ্মণ ! জানকী কোথায় ? এখান হইতেই বা তিনি কোন্ স্থানে গমন করিয়াছেন ? হে সৌমিত্রে ! কোন্ ব্যক্তি প্রিয়াকে হরণ অথবা ভক্ষণ করিয়াছে ? অগ্নি জানকি ! যদি বৃক্ষের অন্তরালে লুক্কায়িত হইয়া, আমাকে পরিহাস করিতে অভিলাষ হইয়া থাকে, তাহা হইলে, যথেষ্ট হইয়াছে । দেখ, আগ্নি যারপর নাই দ্বঃখে অভিভূত হইয়াছি । এ সময় আগ্নি আমাকে আশ্রয় প্রদান কর । সৌম্যে ! তুমি যে ঐ সকল বিশ্বস্ত যুগ-পোতকের সহিত ক্রীড়া করিতে, ইহারা তোমার বিরহে অশ্রুপূর্ণ লোচনে ধ্যানে মগ্ন হইয়াছে । লক্ষ্মণ ! আমি সীতাবিরহে কখনই প্রাণ ধারণ করিব না । তদীয় হরণ জন্য ঘোরতর শোকে আমার আচ্ছন্ন করিয়াছে । পিতৃদেব মহারাজ দশরথ নিশ্চয়ই পরলোকে আমার অবলোকন করিবেন । এবং নিশ্চয়ই আমার এই কথা বলিবেন, রাম ! আমি যে তোমায় প্রতিজ্ঞা করিয়া নিযুক্ত করিয়াছিলাম । তুমি সেই কাল পূর্ণ না হইতেই কিরূপে এখানে আমার নিকটে আসিলে ? তোমায় ধিক্ ! পরলোকে এই কথা বলিয়া, তিনি স্বেচ্ছাচারী ও মিথ্যাবাদী অনার্য্য আমায় অবশ্যই অনুযোগ করিবেন ।

অগ্নি বরারোহে জানকি ! আমি শোকে সন্তপ্ত ও নিরতি-

শয় ব্যাকুল এবং একান্ত অবসন্ন ও ভগ্নমনোরথ হইয়াছি ।
 অগ্নি স্নমধ্যমে ! কীর্ত্তি যেমন কুটিল ব্যক্তিকে পরিত্যাগ
 করে, তুমি সেইরূপ আমাকে ত্যাগ করিয়া, কোথায় যাই-
 তেছ ? আমি তোমার বিরহে প্রাণ পরিত্যাগ করিব । রাম
 সীতার দর্শনলালসায় নিরতিশয় শোকাক্ত হইয়া, এই প্রকার
 বিলাপ করিতে লাগিলেন । কিন্তু তাঁহার সাক্ষাৎ পাইলেন
 না । তাহাতে, তিনি সীতাশোকে অভিভূত হইয়া, সুবিপল-
 পঙ্কপতিত মহাগজের ন্যায়, একান্ত অবসন্ন হইয়া উঠিলেন ।
 তদর্শনে লক্ষ্মণ হিতকামনা-বশংবদ হইয়া, তাঁহাকে বলিতে লাগি-
 লেন, আপনি সাতিশয় বুদ্ধিমান । অতএব বিষন্ন হইবেন না ।
 আমার সহিত যত্ন করুন, অবশ্য সীতার দর্শন পাইবেন । হে
 বীর ! বহু-কন্দর-শোভিত এই গিরি-কানন । জানকী কাননে
 বিচরণ করিতে অতিশয় ভাল বাসেন এবং তজ্জন্য নিরতিশয়
 আত্মাদে মত্ত হইয়া থাকেন । অতএব তিনি ঐ বনমধ্যে প্রবেশ
 কিংবা সুন্দর-কুসুমশালিনী পুষ্করিণীতে গমন করিয়াছেন ;
 অথবা, বেতসলতা ও সৎশৃগলে সমাকীর্ণ নদীতে সমাগত হইয়া-
 ছেন ; কিংবা আমাদিগকে ভয় দেখাইবার মানসে অরণ্যের
 কোন স্থানে লুকাইয়া আছেন । হে পুরুষসিংহ ! আমি বা
 আপনি, কেমন তাঁহাকে অন্বেষণ করিয়া বাহির করিতে পারি,
 ইহাই জানিবার জন্য তিনি ঐ রূপে লুক্কায়িত হইয়াছেন । হে
 জীমূ ! ক্ষীণই তাঁহার অশ্বেষণে যত্ন করি, চলুন । হে কাকুৎস্থ !
 আপনার যদি বোধ হয়, তিনি এই অরণ্যে আছেন, তাহা
 হইলে, আমরা ইহার সকল অংশই অন্বেষণ করিব । শোকে
 আর মন করিবেন না ।

লক্ষ্মণ সৌহার্দপ্রযুক্ত এইপ্রকার কহিলে, রাম সমাহিত
 হইয়া, তাঁহার সহিত সীতার অন্বেষণ করিতে আরম্ভ করলেন ।
 কিন্তু গিরি, বন, সবিল, সরোবর, নানু, শিলা ও শিখর সমুদায়
 তন্ন তন্ন অন্বেষণ করিয়া কুত্রাপি তাঁহার দর্শন পাইলেন না ।

তৎকালে সমুদায় পর্কতে সন্ধান করিয়া, রাম লক্ষ্মণকে বলিলেন, ভাই! এই পর্কতে প্রিয়া জানকীকে দেখিতে পাইলাম না। লক্ষ্মণ সমুদায় দণ্ডকারণ্য বিচরণ করত গীতাকে দেখিতে না পাইয়া, দুঃখে অতিমাত্র সন্তপ্ত হইয়াছিলেন। পরমতেজস্বী ভ্রাতা রামকে কহিতে লাগিলেন, মহাবাহু বিষ্ণু যেমন বলিকে বন্ধন করিয়া, এই পৃথিবী লাভ করেন, আপনি তেমনি জনক-দুহিতা গীতাকে প্রাপ্ত হইবেন। বীর লক্ষ্মণের এই কথা শুনিয়া, দুঃখে হতচেতন রাম ব্যাকুল বচনে কহিলেন, অগ্নি মহাপ্রাজ্ঞ! সমুদায় বন, সমুদায় প্রফুল্লপক্ক পুষ্করিণী, এবং এই বহু কন্দর ও বহু নিকর সূশোভিত পর্কত, সর্বত্রই তন্ন তন্ন অন্বেষণ করিলাম। তথাপি, প্রাণ অপেক্ষা গরীয়সী জানকীর দর্শন পাইলাম না। গীতাহরণ-কর্ষিত রাম শোকে আচ্ছন্ন ও ব্যাকুল হইয়া, এইপ্রকার বিলাপ করিতে লাগিলেন এবং মুহূর্ত্তকাল বিহ্বল হইয়া রহিলেন। তাঁহার বুদ্ধি বিলুপ্ত, চেতনা বিভ্রষ্ট ও সর্কণরীর বিহ্বলিত হইয়া উঠিল। তিনি অতিশয় ব্যাকুল ও আতুরভাবাপন্ন হইয়া, দীর্ঘ উষা নিশ্বাস ত্যাগ করত বিষাদ করিতে লাগিলেন। অনন্তর রাজীবলোচন রাম বারংবার নিশ্বাস ত্যাগ করিয়া, হা প্রিয়ে! বলিয়া, বাষ্পগদ্য বচনে বারংবার রোদন করিতে আরম্ভ করিলেন। তদর্শনে তদীয় প্রিয়ভ্রাতা বিনয়োপেত লক্ষ্মণ শোকে অভিভূত হইয়া, কৃতাজ্জলি করে তাঁহাকে সান্ত্বনা করিতে লাগিলেন। কিন্তু রাম তাঁহার ওষ্ঠপুটবিনির্গত সে কথায় উপেক্ষা করিয়া, প্রিয়তমা গীতার অদর্শনে বারংবার রোদন করিতে আরম্ভ করিলেন।

দ্বিষষ্টিতম সর্গ ।

মহাবাহু ধৰ্ম্মাত্মা কমললোচন রাম সীতাকে দেখিতে না
পাইয়া, শোকে জ্ঞানশূন্য হইয়া, বিলাপ করিতে লাগিলেন ।
তিনি সীতাকে দর্শন না করিলেও, বেন দেখিলেন, এই ভাবে
কামাতুর হইয়া, বিলাপপূৰ্ব্বক গদ্গদ বচনে কহিতে লাগিলেন,
অগ্নি প্রিয়ে ! তুমি পুষ্প অতিশয় ভাল বাস । অণোকশাখায়
স্বীয় শরীর আরত করিয়া, আমার শোক সাতিশয় বদ্ধিত করি-
তেছ । দেবি ! তোমার উরুযুগল কদলীকাণ্ডদৃশ । তুমি
কদলীতে উহা আরত করিয়া রাখিয়াছ ; আমি দেখিতে
পাইয়াছি । অতএব তুমি আর উহা গোপন করিতে পারি-
তেছ না । ভদ্রে ! তুমি হাসিতে হাসিতে কর্ণিকার বনে
প্রবেশ করিতেছ । কিন্তু আর আমারে পীড়ন করিয়া, পরি-
হাস করিবার প্রয়োজন নাই । বিশেষে, আশ্রমস্থানে পরিহাস
করা প্রশস্ত নহে । অগ্নি প্রিয়ে ! তুমি স্বভাবতই পরিহাস
করিতে ভাল বাস, ইহা আমি অবগত আছি । কিন্তু অগ্নি বিশা-
লাক্ষী ! তোমার উটজ শূন্য রহিয়াছে ; অতএব আগমন কর ।
অথবা, স্পষ্টই বোধ হইতেছে, রাক্ষসেরা সীতাকে, হয় ভক্ষণ, না
হয়, হরণ করিয়াছে । সেই জন্য, তিনি আমাকে বিলাপ করিতে
দেখিয়াও, নিকটস্থ হইতেছেন না । লক্ষ্মণ ! ঐ দেখ, এই
সকল মৃগমুখ ক্রন্দন করিতে করিতে যেন বলিতেছে, রাক্ষসগণ
সীতাকে ভক্ষণ করিয়াছে । হা সাধি ! হা বরবর্ণিনি ! হা
আর্য্যে ! তুমি কোথায় গিয়াছ ! হায় ! আমি সীতার সহিত
নির্গত হইয়াছিলাম ; অধুনা, সীতা বিনা দেশে গমন করিতে
হইবে । এতদিনে কৈকেয়ীর কামনা পূর্ণ হইল ! আমি
কিরূপে সীতাশূন্য অন্তঃপুরে প্রবেশ করিব ! লোকে আমাকে
নিৰ্দয় ও নিকীর্য্য বলিয়া নিন্দা করিবে । সীতার বিনাশে
নিশ্চয়ই আমার ভীৰুতা প্রকাশ হইবে । আমি যখন বনবাস

হইতে দেশে প্রত্যাগত হইব, তখন রাজা জনক কুণল জিজ্ঞাসা করিলে, কিরূপে তাঁহাকে নিরীক্ষণ করিতে সমর্থ হইব ? তিনিও আমাকে সীতাহীন দেখিলে, নিশ্চয়ই দুহিতুবিলোগশোকে সন্তপ্ত ও মোহের বশীভূত হইবেন। পিতা দণ্ডনীয় ধন্য ! যেহেতু, তিনি স্বর্গে বাস করিতেছেন। অথবা, আমি আর ভারতের পালিত অযোধ্যায় গমন করিব না। অযোধ্যার কথা কি, সীতাবিরহে স্বর্গও আমার শূন্য বলিয়া মনে হয়। অতএব, তুমি আমায় এই অরণ্যমধ্যে ত্যাগ করিয়া, অযোধ্যায় গমন কর। আমি সীতা ব্যতিরেকে কোন মতেই প্রাণধারণ করিতে পারিব না। তুমি আমার কথানুসারে ভারতকে গাঢ় আলিঙ্গন করিয়া বলিবে, রাম অনুমতি দিয়াছেন, তুমি এই বশুন্ধরা পালন কর। হে বিভো ! জননী কৌশল্যা, কৈকেয়ী এবং সুমিত্রা, ইহাদের প্রত্যেককে আমার আজ্ঞানুসারে যথাবিধি অভিবাদন করিয়া, সৰ্ব্বদা সদ্বাক্য-প্রয়োগপূর্বক যত্নাতিশয়-সহকারে রক্ষণাবেক্ষণ করিবে। হে অরাতিনাশন ! জননীকে বিস্তারপূর্বক সীতাবিনাশঘটনা নিবেদন করিবে।

রাম স্নেকশী সীতার বিরহে নিতান্ত ব্যাকুল হইয়া, এই-প্রকার বিলাপ করিতে লাগিলে, ভয়ে লক্ষ্মণের মুখ বিবর্ণ ও মন ব্যথিত হইল এবং তিনি যার পর নাই আতুর হইয়া পড়িলেন।

ত্রিষষ্টিতম সর্গ ।

রাজপুত্র রাম শ্রিয়াবিরহে শোক মোহে অভিভূত ও আর্ত-রূপ হইয়া, লক্ষ্মণের বিষাদ উৎপাদন পূর্বক পুনরায় স্বয়ং নিরতিশয় বিষাদগ্রস্ত হইলেন। অনন্তর তিনি বিপুল শোকে মগ্ন হইয়া, শোকভরে উষ্ণনিশ্বাস ত্যাগ করিয়া, রোদন করিতে করিতে শোকবশাভিপন্ন লক্ষ্মণকে উপস্থিত বিপদের অনুরূপ বাক্যে

বলিতে লাগিলেন, বোধ হয়, আমার ন্যায় দুৰ্ভাগ্যবান ব্যক্তি দ্বিতীয় ব্যক্তি পৃথিবীতে নাই ! দেখ, উপযুক্ত পরিচয় না পাইয়াই অবিজ্ঞানশোক সংঘটিত হইয়া, আমার মন ও হৃদয় ভেদ করিতেছে । পূৰ্ব-জন্মে নিশ্চয়ই আমি ইচ্ছাপূৰ্ব্বক বারংবার অনেক পাপকৰ্ম্মে প্রবৃত্ত হইয়াছি । অদ্য তাহারই পরিণাম সংঘটিত হইল । সেই জন্য, দুঃখের উপর দুঃখ উপস্থিত হইতেছে । রাজ্যনাশ, পিতৃ-বিয়োগ, মাতৃবিয়োগ ও আত্মীয়বিচ্ছেদ, এই সকল স্মৃতিপথে সমুদিত হইয়া, আমার শোকবেগ পরিপূর্ণ করিতেছে । কিন্তু লক্ষণ ! বনে আনিয়া, সীতার সহবাসে সমুদায় দুঃখই নিরস্ত হইয়াছিল, শারীরিক ক্লেশমাত্র অনুভূত হইত । অদ্য সীতার বিয়োগে, কাষ্ঠসংযোগে সহসা প্রজ্জ্বলিত বহির শ্মশ্রু, তৎসমস্ত পুনরায় প্রবল হইয়া উঠিল । নিশ্চয়ই কোন রাক্ষস সেই ভীষণ-স্বভাবা আৰ্য্য। সীতাকে আকাশপথে হরণ করিয়া লইয়াছে । আহা, তৎকালে সেই মধুরভাষিনী ভয়বশতঃ বিকৃত স্বরে বারং-বার ক্রন্দন করিয়াছেন, সন্দেহ নাই । প্রিয়ার সেই বৰ্ত্তুলায়ত স্তনযুগল সৰ্বদাই পরম সুন্দর ও উৎকৃষ্ট রক্তচন্দন ভোগ করিবার উপযুক্ত । নিশ্চয়ই রাক্ষসগণ ভক্ষণ করিবার সময়ে, তাহা শোণিতপক্ষে লিপ্ত হইয়াছে । আর, আগি এই শরীরে তাহা আগ্লেষ করিতে পাইব না । তাঁহার মুখমণ্ডল কুঞ্চিত কেশ-কলাপে অলঙ্কৃত এবং সুন্দর স্তম্ভুর, স্নকোমল ও সুস্পষ্ট বাগ্-বিন্যাসে সুশোভিত । তিনি রাক্ষসের বশীভূত হইলে, রাহু-মুখ-নিপতিত চন্দ্রের ন্যায়, নিশ্চয়ই সেই মুখের সমুদায় শোভা তিরোহিত হইয়াছে । প্রিয়ার সেই সুন্দর ঐবা সৰ্বদাই হার-গুচ্ছে অলঙ্কৃত । রক্তাশী রাক্ষসেরা শূন্য পাইয়া, নিশ্চয়ই তাহা ভেদ করিয়া, রক্ত পান করিয়াছে । আমি না থাকাতে, নির্জনে বনে রাক্ষসেরা চতুর্দিক বেষ্টিত পূৰ্ব্বক আকর্ষণ করিতে আরম্ভ করিলে, সেই রুচিরায়তলোচনা নিশ্চয়ই ব্যাকুল হইয়া, ক্রুররীর ন্যায়, চীৎকার করিয়াছেন ।

লক্ষণ! সেই চারুশীলা ও চারুশ্রিতা পূর্বে আমার সহিত এই শিলাতলে তোমার নিকটে উপবিষ্ট হইয়া, হাসিতে হাসিতে তোমায় কত কথাই বলিতেন। এই সরিষয়া ধোদাবরী; প্রিয়া ইহার প্রতি সর্বদাই আগত। আমার মনে হইতেছে, হয় ত তিনি ঐ নদীতে গমন করিয়াছেন। অথবা, তিনি কখন একাকিনী তথায় গমন করেন না। তবে কি সেই পদ্মপলাশ-লোচনা পদ্মমুখী জ্ঞানকৌ পদ্ম সকল চয়ন করিতে গমন করিয়াছেন? তাহাই বা কিরূপে সঙ্গত হইতে পারে? তিনি কখন আমা বিনা পদ্ম আনিতে যান না। অথবা, তিনি এই কুসুমিত-পাদপরাঙ্গিবিরাজিত নানা-জাতীয়-বিহঙ্গমপূর্ণ অরণ্য মধ্যে যদৃচ্ছাবশতঃ প্রবেশ করিয়া থাকিবেন; ইহাও কোনমতেই যুক্তিসঙ্গত হইতে পারে না। কেননা, তিনি ভীরুশ্রুতাবা, একাকিনী অরণ্যে প্রবেশ করিতে সাতিশয় শঙ্কিতা হইবেন।

অগ্নি ভগবন্ আদিত্য! আপনি সকলের কৃতাকৃত অবগত এবং সত্য মিথ্যা সমুদায় কার্যেরই সাক্ষী। অতএব, আমার প্রিয়া কোথায় গমন করিয়াছেন, কিহা, কেহ তাঁহাকে হরণ করিয়াছে, সমুদায় আমাকে বলুন; শোকে আমি মৃতপ্রায় হইয়াছি। হে বায়ু! সমুদায় লোকে এমন কিছুই নাই, যাহা নিতাই আপনার জ্ঞানপথে উদ্ভিত না হয়। অতএব আমার সেই কুল-পালিনী প্রাণত্যাগ করিয়াছেন, কি অপহৃত হইয়াছেন, অথবা পশ্চিমণ্যে অবস্থিতি করিতেছেন, বলুন।

রাম এইরূপে শোকভারাক্ষত কলেবরে অচেতন অবস্থায় বিলাপ করিতে আরম্ভ করিলে, ন্যায়পথানুবর্তী অদীনসদ্ব নৌমিত্রি তৎকালোচিত বাক্যে কহিতে লাগিলেন, আর্ধ্য! শোক ত্যাগ করিয়া, ধৈর্য্য অবলম্বন করুন। এবং উৎসাহসহ-কারে সীতার অন্বেষণে প্ররুত হউন। উৎসাহশালী পুরুষগণ সংসারে অতি দুষ্কর কার্য্য সকলেও অবসন্ন হয়েন না।

প্রবল-পুরুষকার-বিশিষ্ট স্মৃতিজ্ঞানন্দন নিরতিশয় ব্যাকুল

হইয়া, এইপ্রকার কহিলে, রঘুবংশনাম রাম তাহা যুক্তিযুক্ত বলিয়া গণনা করিলেন না । একবারেই ধৈর্য্য ত্যাগ পূর্ব্বক পুনরায় নিরাশ্রয় দুঃখে মগ্ন হইলেন ।

—:—

চতুঃষষ্টিতম সর্গ ।

অনন্তর তিনি সাতিশয় ব্যাকুল হইয়া, ব্যাকুল বচনে লক্ষ্মণকে কহিলেন, লক্ষ্মণ ! সীতা হরত পদ্ম আনিতে গোদাবরীতে গমন করিয়াছেন । অতএব শীঘ্র তথায় গিয়া জানিয়া আইস । লক্ষ্মণ রামের এই বাক্যে পুনরায় দ্রুতপদসঞ্চারে গোদাবরী নদীতে গমন করিলেন । এবং সেই সুপ্রশস্ত-তীর্থশালিনী গোদাবরীর চতুর্দ্দিক্ অন্বেষণ করিয়া, রামকে আনিয়া কহিলেন, আমি সকল ঘাটই অন্বেষণ করিলাম, কোথাও তাঁহাকে দেখিতে পাইলাম না । এবং উচ্চ স্বরে চীৎকার করিলেও, কাহারও তাহা প্রতিগোচর হইল না । আর্য্য ! তনুগদ্যমা ক্লেশহারিণী বৈদেহী কোন্ স্থানে গিয়াছেন, তাহা জানি না ।

লক্ষ্মণের কথা শুনিয়া, রাম আরও ব্যাকুল ও সন্তাপমোহিত হইয়া, অস্বং গোদাবরীতে গমন করিলেন, এবং তথায় উপনীত হইয়া, সীতা কোথায়, জিজ্ঞাসা করিলেন । কিন্তু রাবণের সংহার করা কর্তব্য হইয়াছিল । এইজন্য গোদাবরী নদী অথবা তত্রত্য ভূতগণ কেহই তাঁহাকে বলিল না যে, রাবণ সীতাকে হরণ করিয়াছে । অনন্তর ভূতগণ রামকে সীতার কথা বলিতে বলিলে, এবং রামও অস্বং শোকভরে জিজ্ঞাসা করিলে, গোদাবরী দুরাত্মা রাবণের সেই ভয়ঙ্কর মূর্ত্তি ও ভয়ঙ্কর কার্য্য স্মরণ করিয়া, ভয়বশতঃ সীতার কথা কহিলেন না । এইরূপে গোদাবরী সীতা-দর্শনে নিরাশ করিলে, রাম সীতাবিরহে কণ্ঠিত হইয়া, লক্ষ্মণকে বলিতে লাগিলেন, সৌম্য ! এই গোদাবরী কিছুই প্রত্যুত্তর করিতেছে না । কিন্তু আমি সীতা বিনা স্বদেশে প্রত্যাগত হইয়া,

রাজা জনক ও তদীয় সহধর্মিণীকে কি বলিব ? আমি রাজ্য-
ভ্রষ্ট ও বনবাসী হইয়া, বন্য কলমূলাদি দ্বারা জীবনধারণে প্রবৃত্ত
হইলে, যিনি আমার শোক সংহরণ করিয়াছিলেন, সেই বৈদেহী
কোথায় গেলেন ! আমি জাতিবর্গবিহীন হইয়াছি, এক্ষণে
আবার জানকীও অদৃশ্য হইলেন । অতএব বোধ হইতেছে,
অতঃপর জাগরণ করিয়া, রাজি সকল আমার পক্ষে দীর্ঘ হইবে,
সহজে প্রত্যাহত হইবে না । যদি সীতাকে দেখিতে পাওয়া যায়,
তাহা হইলে, তদমুরোধে আমি এই প্রস্তাবণ গিরি, জনস্থান ও
মল্লিকিনী, সর্বত্রই বিচরণ করিব । হে বীর ! ঐ দেখ, মহা-
ভূগ সকল আমাকে বারংবার দর্শন করিতেছে । ইন্দিতে বোধ
হইতেছে, যেন কিছু বলিতে উৎসুক হইয়াছে । অনন্তর, নর-
ব্যাঘ্র রাম তাহাদিগকে দর্শন করিয়া, সবিশেষ পর্য্যালোচনা
করত বাষ্পগদগদ বচনে জিজ্ঞাসা করিলেন, সীতা কোথায় ?
ভূগগণ রামের এই কথায় তৎক্ষণাৎ গাত্রোত্থান ও দক্ষিণ দিকে
মুখ করিয়া, আকাশপানে চাহিয়া রহিল । সীতা রাবণ কর্তৃক
অপহৃত হইয়া ঐ দিকেই গমন করিয়াছেন । ভূগগণ এই দক্ষিণ
দিগ্‌মার্গে গমন করিতে করিতে রামকে দেখিতে লাগিল ।
ঐ সময়ে লক্ষ্মণ লক্ষ্য করিলেন যে, ভূগগণ একবার আকাশমার্গ,
আরবার ভূপৃষ্ঠ নিরীক্ষণ এবং পুনরায় শব্দ করিতে করিতে
গমন করিতেছে । ইহাতে তিনি ইন্দিতে তাহাদের সমুদায়
কথাই বুঝিয়া লইলেন । অনন্তর ধীমান্ লক্ষ্মণ জ্যেষ্ঠ ভ্রাতা
রামকে তৎকালোচিত বাক্যে কহিলেন, আপনি, সীতা কোথায়,
এই কথা জিজ্ঞাসা করাতে, এই সকল ভূগ সহসা উত্তীর্ণ হইয়া,
ভূমি ও দক্ষিণ দিক্‌ নিরীক্ষণ করিতেছে । অতএব দেব । আমরা
এই দক্ষিণ দিকে গমন করি, চলুন । ইহাই প্রশস্ত কল্প । ইহাতে
হয় ত তাঁহাকে, না হয়, তাঁহার কোনরূপ সন্ধান, পাইতে পারিব ।
ধীমান্ রাম এই কথায় সন্মত হইয়া, ভূমি দর্শন করিতে করিতে
দক্ষিণ দিকে প্রস্থান করিলেন । লক্ষ্মণ তাঁহার অনুগামী হইলেন ।

এই রূপে দুই জাতা পরস্পর কথোপকথন করত যাইবার সময় অবলোকন করিলেন, কোন স্থানে পশ্চিমধ্যে পুষ্পরাশি পতিত রহিয়াছে । তদ্বর্ণনে রাম দুঃখিত হইয়া, দুঃখিত বাক্যে লক্ষ্মণকে কহিলেন, লক্ষ্মণ ! এই গেই সকল কাননকুসুম, আমি চিনিতে পারিয়াছি । ঐ সকল আমি বৈদেহীকে দিয়াছিলাম । তিনি কেশপাশে বন্ধন করিয়াছিলেন । বোধ হইতেছে, সূর্য্য, বায়ু ও যশস্বিনী পৃথিবী, ইহারা আমার শিয়ানুষ্ঠান কাগনায় ঐ সকল পুষ্প রক্ষা করিতেছেন । সেইজন্য, ইহারা স্নান ও স্থানান্তরিত হয় নাই ।

মহাবাহু ধর্ম্মাশ্রমী রাম পুরুষসিংহ লক্ষ্মণকে এই কথা বলিয়া, চতুর্দিকে প্রাপ্তবর্ণাকীর্ণ সম্মুখবর্তী পার্বতকে সম্বোধন করিয়া কহিলেন, গিরিনাথ ! তুমি কি সেই সর্বাদ্যমুন্দরী রামাকে আমাবিরহে রমণীয় বনবিভাগে অবলোকন করিয়াছ ? অনন্তর তিনি ক্রুদ্ধ হইয়া, সিংহ যেমন ক্ষুদ্র মৃগকে, সেইরূপ, পার্বতকে কহিলেন, তোমার সান্নু সকল ধ্বংস না করিতে করিতে, সেই হেমবর্ণা ও হেমাদী গীতাকে দেখাইয়া দাও । তিনি মৈথিলীর উদ্দেশে এইপ্রকার বাক্য প্রয়োগ করিলে, গিরিরাজ যেন গীতাকে দেখাইয়াও দেখাইলেন না । তখন রাম তাঁহাকে কহিলেন, তুমি আমার বাণানলে নিঃশেষে দহ্য হইয়া, ভস্মীভূত হইবে । তোমার তৃণ ও ক্রমপল্লব সকলও এককালেই বিনষ্ট হইবে । তখন আর কেহই তোমার আশ্রয় লইবে না । লক্ষ্মণ ! চন্দ্রনিভাননা গীতার কথা না বলিলে, এই নদীকেও আজি আগি শোষণ করিব । রাম এই রূপে নিরতিশয় রোষাবিষ্ট ও দৃষ্টিপাতে যেন দহ্য করিতে উদ্যত হইয়া, ভূপৃষ্ঠে রাক্ষসের অত্যায়ত পদ-বিক্ষেপ-চিহ্ন অবলোকন করিলেন, এবং রাক্ষস অনুসরণ করাত্তে, জানকী ভীত হইয়া, রামদর্শনবাসনায় ইতস্ততঃ ধাবমানা হইয়া-ছিলেন, তাঁহারও পদপংক্তি দেখিতে পাইলেন ।

এই রূপে জানকী ও রাক্ষসের ইতস্ততঃ পরিক্রমণ এবং ভগ্ন

ধনু, ছিন্ন তুণীর ও বহুধাবিকীর্ণ রথ, ইত্যাদি দর্শন করিয়া রাম
 সজ্জাত হৃদয়ে প্রিয় জাতা লক্ষ্মণকে কহিলেন, লক্ষ্মণ ! অবলোকন
 কর, জ্ঞানকীর ভূষণস্থ কনকবিন্দু সকল ইতস্ততঃ বিক্ষিপ্ত রহি-
 য়াছে । সৌমিত্রে ! বিবিধ মাণ্যও পতিত রহিয়াছে । এদিকে
 আবার অবলোকন কর, স্বর্ণবিন্দুসদৃশ বিচিত্র রক্তবিন্দুসমূহে
 ভূপৃষ্ঠ আবৃত হইয়াছে । বোধ হয়, কামরূপী নিশাচরগণ
 জ্ঞানকীকে খণ্ডে খণ্ডে ছেদন কিংবা ভক্ষণ করিয়া ফেলিয়াছে ।
 সৌমিত্রে ! সীতার জন্য এই স্থানে দুই জন নিশাচর বিবাদ
 করিতে করিতে ভূমল যুদ্ধ করিয়াছে, সন্দেহ নাই । সৌম্য !
 কাহার এই মুত্তাগনি-খচিত, রমণীয়, বিভূষিত ধনু ভূপৃষ্ঠে ভগ্ন
 হইয়া পতিত রহিয়াছে ? বৎস ! এই ধনু, হয়, দেবগণের,
 না হয়, রাক্ষসগণের । ঐ দেখ, কাহার এই তরুণাদিত্যসম্মিত
 বৈদূর্য্যমণিলাঞ্ছিত কাঞ্চন-কবচ বিশীর্ণাবস্থায় ভূপৃষ্ঠ আশ্রয়
 করিয়াছে । সৌম্য ! এই শত-শলাকা-সুশোভিত দিব্যমাণ্য-
 বিভূষিত ছত্রই বা কাহার, ভূগিতে নিপাতিত রহিয়াছে ? ইহার
 দণ্ড ভগ্ন হইয়া গিয়াছে । এই কাঞ্চনময়-উরশ্ছদ-সম্পন্ন, নিশাচ-
 সদৃশ-বদনবিশিষ্ট, মহাকায়, ভীমরূপ গর্ভদগধই বা কাহার,
 সংগ্রামে নিহত হইয়াছে ? এই প্রজ্জ্বলিত-পাবক-প্রতিম ছাতি-
 মানু, সমর-ধ্বজ সাংগ্রামিক রথই বা কাহার, ভগ্ন ও বিপর্য্যস্ত
 পতিত রহিয়াছে ? এই স্বর্ণ-সমলঙ্কৃত, ঘোরদর্শন, চতুঃশতাকুলি-
 দীর্ঘ, ফলকবিহীন বাণ সকলই বা কাহার, ইতস্ততঃ বিক্ষিপ্ত ও
 নিভিত রহিয়াছে ? লক্ষ্মণ ! অবলোকন কর, ঐ শরপূর্ণ তুণীর-
 দ্বয় একবারেই বিনষ্ট হইয়া গিয়াছে । কাহারই বা ঐ সারথি
 প্রতোদ ও অতীব হস্তে নিহত হইয়াছে ? কোন্ রাক্ষসেরই
 বা এই পদসঞ্চারণার্থ সুশাষ্ট লঙ্কিত হইতেছে ? সৌম্য ! এই
 কারণে অতীব কঠিনহৃদয় কামরূপ নিশাচরগণের সহিত আমার
 পূর্বাপেক্ষা শতগুণ বৈর সংঘটিত হইল ; ইহাতে তাহাদের জীব-
 নাস্ত উপস্থিত হইবে, দেখিও ।

যাহা হউক, রাক্ষসেরা সীতাকে হরণ কিংবা ভক্ষণ করিয়াছে ; না হয়, তিনি প্রাণত্যাগ করিয়াছেন । কিন্তু এই মহারণে হরণ করিবার সময় ধর্ম সীতাকে পরিজ্ঞান করিলেন না ! লক্ষ্মণ ! এই রূপে জানকীকে হরণ কিংবা ভক্ষণ করিলে, ধর্মও যদি তাঁহাকে পরিজ্ঞান না করিলেন, তাহা হইলে, সংসারে ঐশীশক্তিবিশিষ্ট আর কোন্ ব্যক্তিগণ আমার শিরানুষ্ঠানে সমর্থ হইবেন ? যিনি লোক সকলের কর্তা ও সমধিক শৌর্য্যবিশিষ্ট, এবং যিনি করুণাপূর্ব্বক সকলেরই শুভাশুভ অবগত হইয়া থাকেন, সেই মহেশ্বরও যদি এ বিষয়ে মৌন অবলম্বন করেন, তাহা হইলে, ভূতমাত্রেই অজ্ঞানপ্রযুক্ত তাহাঁকে অবজ্ঞা করিবে । আমার স্বভাব নাতিশয় কোমল ও ইন্দ্রিয়গণ বিষয়প্ররুতি-পরিশূন্য এবং সর্ব্বদাই আমি লোক সকলের হিতানুষ্ঠান ও করুণা পূর্ব্বক তাহাদের শুভাশুভ পরিজ্ঞান করিয়া থাকি । কিন্তু আমি সীতার পরিজ্ঞান করিলাম না । অতএব, ইন্দ্রাদি ত্রিদশেশ্বরগণ নিশ্চয়ই আগায় নিবীৰ্য্য জ্ঞান করিবেন । লক্ষ্মণ ! ভাবিয়া দেখ, আগায় প্রাপ্ত হইয়া, মার্দ্ববাদিগণ সকলও দোষরূপে পরিণত হইল । অতএব, প্রায়কালে চন্দ্রের জ্যোৎস্না সংহার করিয়া, সর্ব্বভূতসংতাপন সূর্য্য বেগন সমুদিত হইলেন, অথ সমুদায় গুণ সংহরণ পূর্ব্বক মদীয় তেজও তেমনি প্রকাশিত হইবে । লক্ষ্মণ ! অথ বক্ষ, গন্ধর্ব্ব, পিশাচ, রাক্ষস, কিম্বর বা মনুষ্য কেহই সুখলাভে সমর্থ হইবে না । অথ আমার অন্তর্জালে সমুদায় আকাশ ব্যাপ্ত হইবে, দেখ । অদ্য আমি ত্রিভুবনবাসী ব্যক্তিমাত্রেই ক্রিয়ালোপ করিব । অদ্য আমি ত্রিলোকী কালকর্ণে নিক্বেপ করিব । তাহাতে, গ্রহগণের গতি রুদ্ধ, নিশাকর অন্তর্হিত, বায়ু অগ্নি ও সূর্য্য প্রভৃতি দ্যুতিসমূহের বিনাশবশতঃ গাঢ় অন্ধকারে সমুদায় আবৃত, শৈলশিখর সমস্ত বিনির্ম্মাণিত, সাগর সকল শুষ্ক, ক্রম লতা ও গুল্ম সমুদায় বিনষ্ট, এবং কানন সকল এক কালেই বিনিপাতিত হইবে । হে সৌমিত্রে ! ইন্দ্রাদি

ঈশ্বরগণ যদি কুশলে থাকিতে থাকিতে, সীতাকে প্রদান না করেন, তাহা হইলে, এই মুহূর্ত্তে মদীয় বিক্রম অবলোকন করিবেন। আর কেহই আকাশে উৎপত্তি হইতে পারিবে না। লক্ষ্মণ! দেখ, অদ্য আমার চাপমুখ-বিনিমূর্ত্ত শরজালে নিরস্তর মর্দিত হইয়া, সমস্ত জগৎ নিরতিশয় ব্যাকুল ও মৰ্যাদাশূন্য এবং যুগ ও বিহঙ্গম সকল সৰ্ব্বতোভাবে জ্ঞাত ও বিনষ্ট হইবে। অদ্য আমি সীতার নিমিত্ত আকর্ণপূর্ণ বাণপরম্পরায় বিশ্বসংসার রাক্ষস ও পিশাচশূন্য করিব। জীবলোকে আমার ঐ শর নিবারণ করিতে পারিবে না। অত্ৰ দেবগণ অবলোকন করিবেন, রাশি রাশি শর মৎকর্তৃক রোষ ও অমৰ্ষভরে প্রযুক্ত ও বিমূর্ত্ত হইয়া, দূরে গমন করিতেছে। আমার কোপে ত্রিলোক বিনষ্ট হইলে, দেব, দানব, পিশাচ ও রাক্ষস, কেহই রক্ষা পাইবে না। কলভঃ, সুর, অসুর, যক্ষ ও রাক্ষস-লোক সমুদায় আমার শরপরম্পরায় ঋণ ঋণ হইয়া, নিপতিত হইবে। অত্ৰ আমি সায়কসমূহ প্ররোগ করিয়া, এই সমস্ত লোক মৰ্যাদাশূন্য করিব। শ্রিয়া বৈদেহী মরিয়াই যান, বা অপহৃত্যই হউন, ব্রহ্মাদি ঈশ্বরগণ তাহাঁকে তদবস্থায় প্রদান না করিলে, আমি স্থাবরজঙ্গমাগ্নক সমুদায় জগৎ বিনাশ করিব। এবং তাহাঁকে যাবৎ দেখিতে না পাইব, তাবৎ সায়কসমূহে চরাচর সন্তাপিত করিব। এই বলিয়া কোপে তাহাঁর লোচনযুগল তাত্রবর্ণ হইয়া উঠিল এবং অধরোষ্ঠ প্রক্ষুরিত হইতে লাগিল। তিনি বজ্রল, অগ্নি ও জটাজুট বন্ধন করিলেন। তৎকালে ধীমান্ রাম ক্রুদ্ধ হইয়া, ঐরূপ অনুষ্ঠান করিলে, পূর্বে ত্রিপুরবধোদ্যত মহাদেবের ন্যায়, তদীয় তনু প্রতিভাত হইতে লাগিল। অনন্তর তিনি লক্ষ্মণের নিকট হইতে কাম্বুক গ্রহণ ও দৃঢ় করে ধারণ করিয়া, আশীবিষ-সদৃশ ঘোর প্রদীপ্ত সায়ক তাহাতে সজ্জান করিলেন এবং প্রলয়-কালীন পাবকের ন্যায়, কোপভরে কহিতে লাগিলেন, লক্ষ্মণ! জরা, মৃত্যু, কাল ও বিধি এই সকল যেগন প্রাণিমাতেই কোন

কালে প্রতিহত হইবার নহে, সেইরূপ, আমি ক্রুদ্ধ হইয়াছি, নিঃসন্দেহই কেহ আমাকে নিবারণ করিতে পারিবে না । মিথিলারাজনন্দিনী নীতাকে তাঁহার প্রকৃত অবস্থায় প্রাপ্ত না হইলে, অদ্য আমি দেব, গন্ধর্ব্ব, মনুষ্য, পন্নগ ও পক্ষত সহিত সমুদায় জগৎ পরিমর্দিত করিব ।

— . . . —

পঞ্চষষ্টিতম সর্গ ।

নীতাহরণকর্ষিত রাম সম্ভ্রান্ত হইরা, সংবর্তক অনলের ন্যায় লোকবিনাশে উজ্জত হইলে এবং প্রলয়কালে সমস্ত জগৎ দহ্ন করিতে অভিলাষী মহাদেবের ন্যায়, বারংবার নিশ্বাস ত্যাগ করিয়া, জ্যায়ুক্ত শরাসনে দৃষ্টিপাত করিতে আরম্ভ করিলে, লক্ষ্মণ তাঁহার সেই অদৃষ্টপূর্ব্ব ক্রোধ দর্শন করিয়া, শুক মুখে কৃত-ঞ্জলিপুটে কহিতে লাগিলেন, আপনি পূর্ব্ব যুদ্ধ, দাস্ত ও সর্ব্বভূত-হিতানুষ্ঠানে নিরত ছিলেন । এক্ষণে ক্রোধের বশীভূত হইয়া, স্বীয় স্বভাব ত্যাগ করা যুক্তিযুক্ত হয় না । চক্ষ্রে জ্বী, সূর্য্যে প্রভা, বায়ুতে গতি, পৃথিবীতে ক্ষমা এবং আপনাতে উৎকৃষ্ট বশ, নিত্য সিদ্ধ । এক জনের অপরাধে সমুদায় লোক সংহার করা আপ-নার উচিত হয় না । নিশ্চয়ই আমার প্রতীতি হইতেছে, এই যে সাংগ্রামিক রথ ভগ্ন হইয়াছে, ইহা এক ব্যক্তিরই অধিকৃত, বহুজনের নহে । কিন্তু এই যুগযুক্ত ও পরিচ্ছদ সহিত রথ কাহার, কিজন্যই বা ভগ্ন হইয়াছে, তাহা জানি না । ঐ দেখুন, এই স্থান ধুরনেমি-কৃত ও রুধিরবিন্দুতে অভিষিক্ত এবং তজ্জন্য অতিশয় ভয়ঙ্কর হইয়াছে । নিশ্চয়ই এখানে সংগ্রাম ঘটিয়াছে । এই সকল কারণে ইহাও বোধ হইতেছে, এক জন রথির সহিত অন্য কাহারও যুদ্ধ হইয়াছে, দুই জন রথিতে যুদ্ধ করে নাই । সুবিপুল সৈন্যের পদচিহ্নও এখানে লক্ষিত হইতেছে না । অতএব একজনের অপরাধে সমুদায় লোক সংহার করা আপনার

উচিত হয় না । নরপতিগণ সচরাচর অতিগম্য শাস্ত ও মুহূৰ্ত্তভাণ
হইয়া থাকেন এবং অপরাধানুসারেই দণ্ডবিধান করেন । আপ-
নিও সৰ্ব্বদা সকল ভূতের শরণ্য ও পরম আশ্রয় । হে রঘুনন্দন !
সংসারে কোন্ ব্যক্তিই বা আপনার জীবনাশ সৰ্ব্বথা কল্পনা
করিতে পারে ? আর, সাধুগণ যেরূপ দীক্ষিত ব্যক্তির অশ্রিয়
অনুষ্ঠানে সমর্থ নহেন, সেইরূপ, দেব, দানব, গন্ধৰ্ব, সরিৎ, সাগর
ও শৈল, কেহই আপনার অনিষ্ট করিতে পারে না । রাজনু ! যে
ব্যক্তি গীতাকে হরণ করিয়াছে, এক্ষণে, আমার ও পরমর্ষিগণের
সহায়ে, ধনুস্পাণি হইয়া, সেই ব্যক্তিরই অন্বেষণ করা আপনার
কর্তব্য হইতেছে । অতএব আগরা সমুদায় সমুদ্র, বন ও পৰ্ব্বত,
সমুদায় ঘোর গুহা ও পুষ্করিণী এবং দেব ও গন্ধৰ্বগণেরও লোক-
সমুদায় সাবধানে অন্বেষণ করিব । যতক্ষণ না আপনার
ভাৰ্য্যাপহারির দর্শন পাইব, তাবৎ এইরূপে শাস্তভাবে অন্বেষণ
করিলেও, ইন্দ্রাদি অগরেশ্বরগণ যদি আপনার পত্নীকে না দেন,
তাহা হইলে, হে কোশলেন্দ্র ! আপনি পশ্চাৎ দণ্ড অবলম্বন
করিবেন । হে নরেন্দ্র ! শীল, সাগ, বিনয় ও নয় অবলম্বন
করিয়াও যদি গীতাকে না পান, তাহা হইলে, মহেন্দ্রের বজ্র
সদৃশ, সুবর্ণপুঙ্খ শরজালে সমুদায় সংসার সমুৎসাদিত করিবেন ।

—:—

ষট্‌ষষ্টিতম সর্গ ।

রাম ঐরূপে শোকে নস্তপ্ত, নিরতিশয় মোহে আচ্ছন্ন, অতি-
ভূত ও হতচেতন হইয়া, অনাথের ন্যায় বিলাপ করিতে আরম্ভ
করিলে, লক্ষ্মণ তদীয় চরণ স্পর্শ পূর্বক মুহূর্ত্তমধ্যেই তাহাকে
আশ্বস্ত করিয়া, প্রবোধবাক্যে কহিতে লাগিলেন, রাজা দশরথ
অনেক তপস্যা ও বহুবিধ কৰ্ম্মানুষ্ঠান পূর্বক, দেবগণের অনুভবের
ন্যায়, আপনাকে প্রাপ্ত হইয়াছেন । ভরতের নিকট যেরূপ
শুনিয়াছি, তাহাতে, রাজা দশরথ আপনারই গুণে বদ্ধ হইয়া,

আপনারই বিরোধে দেবতা লাভ করিয়াছেন। হে কাকুৎস্থ! আপনি যদি এই উপস্থিত দুঃখ সহ্য না করিবেন, তাহা হইলে, আর কোন স্বপ্নসহ ক্ষুদ্রপ্রকৃতি পুরুষ ইহা সহ্য করিবে? অতএব, হে নরশ্রেষ্ঠ! আশস্ত হউন। দেখুন, সংসারে কোন ব্যক্তিকে আপদপরম্পরা, অগ্নির ন্যায়, স্পর্শ করিয়া, ক্ষণমধ্যেই বিলীন না হয়? লোকের স্বভাবই এই। দেখুন, নহুষনন্দন যযাতি ইন্দ্রলোক প্রাপ্ত হইলেও, তুর্নোতিদোষে দুঃখগ্রস্ত হইয়াছিলেন। যিনি আগাদের পিতৃদেবের পুরোহিত, সেই মহর্ষি বশিষ্ঠ শতপুত্র উৎপাদন করেন। কিন্তু এক দিনেই সকলে নিহত হইলেন। হে কোশলরাজ! যিনি সকলের মাতা ও সকল লোকেই বাহাঁকে নগঙ্কার করে, সেই এই বসুগতীরও কম্পন দেখিতে পাওয়া যায়। যে সূর্য্য ও চন্দ্র জগতের নেত্র ও সাক্ষাৎ ধর্ম-স্বরূপ এবং বাহাতে সমুদায় সংসার প্রতিষ্ঠিত আছে, সেই মহাবল চন্দ্র সূর্য্যেরও গ্রহণ হইয়া থাকে। হে পুরুষশ্রেষ্ঠ! এই রূপে অতি মহৎ ভূত ও দেবগণ ও যখন দৈবের বশীভূত, তখন সামান্য শরীরী প্রাণীগণের কথা আর কি বলিব? অধিক কি, ইন্দ্রাদি দেবগণেও নয়ানয়ের প্রভাব দেখিতে পাওয়া যায়। অতএব হে নরসিংহ! আপনার আর ব্যথিত হওয়া উচিত হয় না। হে রঘুনন্দন! জানকী মৃত্যু বা নিরুদ্দিষ্টা, যাহাই হউন, তজ্জন্য প্রাকৃত পুরুষের ন্যায়, শোক করাও আপনার বিধেয় নহে। হে বীর! আপনার ন্যায় সর্দর্শী ও হিতদর্শী পুরুষগণ সচরাচর স্তম্ভং ক্রুদ্ধে ও শোক করেন না। হে নরশ্রেষ্ঠ! আপনি সবিশেষ বিচার পূর্ব্বক তত্ত্বানুসারে যুক্তিযুক্ত চিন্তা করুন। আপনার ন্যায় মহাপ্রাজ্ঞ পুরুষগণ বুদ্ধিযুক্ত হইয়াই, শুভাশুভ বিশেষ রূপে বিদিত হইলেন। যাহাদের গুণ দোষ আপাততঃ প্রত্যক্ষ দৃষ্ট নহে, তাদৃশ অশ্রব কর্ম্ম সকলের অনুষ্ঠান ব্যতিরেকে কখন ইষ্টফল প্রাপ্তির সম্ভাবনা নাই। হে বীর! আপনিই পূর্বে আমাকে অনেকবার এইপ্রকার উপদেশ করিয়াছেন। অয়ং

ব্রহ্মপতিও আপনাকে অনুশাসন করিতে সমর্থ নহেন ; অন্যের কথা কি বলিব ? হে মহাশয় ! দেবগণও আপনার জ্ঞানের পরিচ্ছেদ করিতে পারেন না । অধুনা আপনার সেই জ্ঞান শোকে এরূপ আচ্ছন্ন হইয়াছে, যে, আমিও তাহার উদ্বোধন করিতেছি । হে ইক্ষুকুসিংহ ! এক্ষণে নিজের মানুষ ও অমানুষ পরাক্রম পর্যালোচনা পূর্বক শত্রুসংহারে সমুদ্যত হউন । হে পুরুষধবর ! সমুদায় সংহার করিয়া আপনার ইষ্টোপত্তি কি ? যে ব্যক্তি শত্রু, তাহাকেই বিশেষ নির্ণয় করিয়া, বিনাশ করা আপনার সর্বথা যুক্তিযুক্ত ।

—

সপ্তমষ্টিতম সর্গ ।

লক্ষ্মণ এইরূপে নিরতিশয় সারগর্ভ সুন্দর বাক্য প্রয়োগ করিলে, সারথী মহাবাহু রাম তাহা পরিগ্রহ করিলেন । অনন্তর তিনি স্বীয় সংবর্দ্ধিত রোষ নিগৃহীত এবং বিচিত্র ধনু অব-
 ঙ্গীকৃত করিয়া, লক্ষ্মণকে বলিতে লাগিলেন, বৎস ! আমরা এখন কোথায় যাইব, কি করিব, কি উপায়েই বা সীতাকে দেখিতে পাইব ; এই সকল চিন্তা কর । লক্ষ্মণ নিরতিশয় পরিতপ্ত রামকে কহিলেন, এই জনস্থানই অন্বেষণ করা আপনার উচিত হইতেছে । বহুসংখ্য রাক্ষস ও বিবিধ লতাবৃক্ষে আচ্ছন্ন এই জনস্থানে অনেক গিরিভূগ, কন্দর, খণ্ডপাবান, নানাজাতীয় যুগপূর্ণ ভয়ঙ্কর গুহা, কিরণ ও গজকর্ণগণের আবাস ও ভবন সকল প্রতিষ্ঠিত আছে । আমার সহিত সাবধানে ঐ সকল অন্বেষণ করাই আপনার কর্তব্য হইতেছে । আপনার ন্যায় বুদ্ধিবিশিষ্ট মহানুভাব নরশ্রেষ্ঠগণ আপৎকালে, বারুবোগে অচলরাজির ন্যায়, কখন বিচলিত হইবেন না ।

রাম এই কথা শুনিয়া ক্রুদ্ধ হইয়া ধনুতে ক্ষুরধার ভয়ঙ্কর শর সজ্জানপূরঃসর লক্ষ্মণের সহিত উল্লিখিত বনভূমির সমুদায় স্থলে

বিচরণ করিতে প্ররুত হইলেন । অনন্তর তিনি পর্কতশৃঙ্গের
ন্যায় উন্নতাকৃতি, মহাভাগ, বিহঙ্গমশ্রেষ্ঠ জটায়ুকে রুদ্রিরাক্ত
কলেবরে ভূপতিভ নিরীক্ষণ করিলেন । তদর্শনে তিনি লক্ষ্মণকে
বলিলেন, স্পষ্টই বোধ হইতেছে, এই গৃধ্ররূপী কাননচর নিশাচরই
জানকীকে ভক্ষণ করিয়াছে, ইহাতে সন্দেহ নাই । এই রাক্ষস
সেই বিশালাকীকে ভক্ষণ করিয়া সুখে শয়ন করিয়া আছে ।
অতএব আমি অজিহ্মগামী, দীপ্তাগ্র, ভয়ঙ্কর শরসমূহে ইহাকে
বধ করিব । রাম এই বলিয়া রোষাবিষ্ট হইয়া, সমুদ্রাত্তা পৃথি-
বীকে যেন কম্পিত করিয়া, শরাসনে ক্ষুরাস্ত্র সজ্জান পূর্বক ঐ
গৃধ্রকে দেখিবার জন্য তাহার অভিমুখে ধাবমান হইলেন ।

তদর্শনে জটায়ু সফেন রুধির বমন করত নিরতিশয় ব্যাকুল
বচনে দশরথাজ্ঞ রামকে কহিলেন, আরুণ্ণ ! তুমি সজীবনী
ওষধির ন্যায়, বাইঁকে এই মহাবনে অন্বেষণ করিতেছ, সেই
দেবী জানকী ও আমার প্রাণ, উভয়ই রাবণ হরণ করিয়াছে ।
অগ্নি রঘুনন্দন ! মহাবল দশানন, আপনার ও লক্ষ্মণের অনুপ-
স্থিতিতে দেবী জানকীকে হরণ করিয়াছে, আমি দেখিয়াছি ।
তৎকালে আমি সীতার পরিজ্ঞানার্থ সম্মুখে সমাগত হইয়া, যুদ্ধে
রথ ও ছত্র বিনষ্ট করিলে, রাবণ ধরাতলে পতিত হইল । এই
তাহার ধনু ভগ্ন রহিয়াছে, এই তাহার শর সকল পড়িয়া আছে,
এই তাহার সাংগ্রামিক রথ যুদ্ধে ভগ্ন হইয়াছে এবং এই তাহার
সারথি মদীয় পক্ষাঘাতে নিহত হইয়া, ধরাতল আশ্রয় করি-
য়াছে । অনন্তর আমি পরিশ্রান্ত হইলে, রাবণ খড়্গাঘাতে
আমার পক্ষহর ছেদন ও সীতাকে গ্রহণ করিয়া, আকাশে উৎ-
পতিত হইয়াছে । পূর্বে রাক্ষস আমায় নিহত করিয়াছে ।
অতএব আর আমায় বধ করা আপনার উচিত হয় না ।

রাম তদীয় মুখে সীতাসম্বন্ধিনী শ্রিয় বার্তা শ্রবণ পূর্বক তৎ-
ক্ষণাৎ মহাধনু ত্যাগ করিয়া, তাঁহাকে আলিঙ্গন করিলেন এবং
শোকে অবশ ও ধরাতলে পতিত হইয়া, লক্ষ্মণের সহিত রোদন

করিতে লাগিলেন । তিনি সাতিশয় ধীর হইলেও, দ্বিগুনীকৃত সম্রাণে অভিভূত হইয়া উঠিলেন । জটায়ু তৎকালে উদ্ধৃষ্টান-কৃচ্ছ্রে পতিত হইয়া, অসহায় অবস্থায় বারংবার নিশ্বাস ত্যাগ করিতেছিলেন, দেখিয়া, রাম দুঃখিত হইয়া, লক্ষ্মণকে কহিলেন, রাজ্যনাশ, বনবাস, সীতার নিরুদ্ধেশ এবং জটায়ুর মৃত্যু হইল ; এইরূপে আমার দুঃখসঞ্জনিত অলক্ষ্মী অধিকেও দক্ষ করিতে পারে, মদীয় সৌভাগ্যের কথা আর কি বলিব ! আমি এই দুঃখসম্ভাপ শাস্তির জন্য পরম পরিপূর্ণ মহাসাগরেও যদি অব-গাধন করি, তাহা হইলে, সেই সরিৎপতিও নিশ্চয়ই এই অল-ক্ষ্মীর প্রভাবে একবারেই শুষ্ক হইয়া যায় । এই শ্বাবরজন্মপূর্ণ সংসারে আমি অপেক্ষা সাতিশয় অভাগ্য আর কেহই নাই । দেখ, এই সুবিশাল বিপদ-বাপুরা আমাকে আক্রমণ করিল । এই মহাবল গুহরাজ আমার পিছুদেবের বয়স্য । ইনিও আমার ভাগ্যবিপর্যয় বশতঃ বিনিহত হইয়া, ধরাতে শয়ন করিয়াছেন ।

রঘুনন্দন রাম এবংবিধ বহুবিধ বাক্য প্রয়োগ করিয়া, লক্ষ্মণের সহিত পিছুবৎ স্নেহ প্রদর্শন পূর্বক জটায়ুকে স্পর্শ করিলেন । জটায়ুর পক্ষদ্বয় বিচ্ছিন্ন ও কলেবর রুধিরপ্রবাহে অভি-যিক্ত । রঘুনন্দন তাঁহাকে আলিঙ্গন পূর্বক, প্রাণসম্মা মৈথিলী কোথায় গেলে, বলিয়া, ধরাতে পতিত হইলেন ।

অষ্টষষ্টিতম সর্গ ।

রৌদ্রপ্রকৃতি রাক্ষস কর্তৃক ভূপাতিত জটায়ুকে দর্শন করিয়া, রাম মৈত্রীসম্পন্ন সৌমিত্রিকে কহিলেন, নিশ্চয়ই এই পক্ষী আমার অর্থে যত্ন করিয়া, আমারই জন্য যুদ্ধে রাক্ষস হস্তে নিহত হইয়া, প্রাণত্যাগ করিতেছেন । লক্ষ্মণ ! ইহার অর হীন ও দৃষ্টি ক্ষীণ হইয়া আসিয়াছে । এবং প্রাণও অতিগাত্র খিন্ন হইয়া, কথঞ্চিৎ ইহার দেহে অবস্থিতি করিতেছে ।

অয়ি জটায়ো ! যদি পুনর্বার বাক্যানিঃসরণে ক্ষমতা থাকে, তাহা হইলে, গীতা কোথায় এবং আপনিও কি রূপে নিহত হইলেন, বলুন। আপনার মঙ্গল হউক। রাবণই বা কিনিমিত্ত আর্য্য্য সীতাকে হরণ করিল ? আমিই বা তাহার কি অপরাধ করিয়াছিলাম, যে, সে প্রিয়াকে হরণ করিল ? হে বিহঙ্গমশ্রেষ্ঠ ! হরণসময়ে গীতার সেই চন্দ্রসদৃশ মনোহর মুখমণ্ডল কিরূপ হইয়াছিল ? তিনি তৎকালে কি বলিয়াছিলেন ? সেই রাক্ষস রাবণের বীৰ্য্য, রূপ ও কৰ্ম্মই বা কিরূপ ? তাত ! তাহার নিবাসই বা কোথায় ? দ্বিচ্ছাসা করিতেছি, বলুন। এই বলিয়া রাম বিলাপ করিতে লাগিলেন। তাঁহার বিলাপের আর শেষ হইল না।

তদর্শনে ধর্ম্মাত্মা জটায়ু স্থলিত বচনে রামকে এই কথা বলিলেন, রাক্ষসরাজ দুরাত্মা রাবণ বাঘু ও দুর্দ্দিন সঙ্কুল বিপুল-মায়্যা আশ্রয় করিয়া, সীতাকে হরণ করিয়াছে। তাত ! আমি সর্বিশেষ ক্রান্ত হইয়া পড়িলে, নিশাচর আমার দুই পক্ষ ছেদন ও সীতাকে গ্রহণ করিয়া, দক্ষিণ দিকে প্রস্থান করিল। অয়ি রঘুনন্দন ! আমার প্রাণরোধ ও দৃষ্টিভ্রম হইতেছে। এবং আমি উণ্ডীরময়-কেশপাশ-বিশিষ্ট সুবর্ণময় ব্রহ্ম সকল দর্শন করিতেছি। রাবণ যে মুহূর্ত্তে সীতাকে লইয়া গিয়াছে, সেই মুহূর্ত্তে ধনস্বামী আপনার বহুদিনের নষ্ট (হারান) ধনও তৎক্ষণাৎ প্রাপ্ত হইয়া থাকে। ঐ মুহূর্ত্তের নাম বিন্দ (অর্থাৎ ঐ মুহূর্ত্তে কোন দ্রব্য নষ্ট হইলে, তাহা শীজই প্রাপ্ত হওয়া যায়, রাবণ ইহা অবগত নহে। অতএব বড়িশ্যাহী মৎস্যের স্তায় আশু তাহার বিনাশ হইবে। তুমিও আর জানকীর প্রাণবিষয়ে কোন সন্দেহ করিও না। রাবণকে যুদ্ধে সংহার করিয়া, শীজই গীতার সহিত বিহার করিতে সমর্থ হইবে।

বৃত্ত্য উপস্থিত হইলেও, কিছুমাত্র বিশ্বাস না হইয়া, জটায়ু উল্লিখিতরূপ বাগ্‌বিস্তানে প্রবৃত্ত হইলে, তাঁহার বদন হইতে

সামিষ রুধির বিনিঃসৃত হইতে লাগিল। তখন তিনি, রাবণ বিশ্ববার পুত্র এবং সাক্ষাৎ কুবেরের ভ্রাতা, এইমাত্র বলিয়াই প্রাণ পরিত্যাগ করিলেন। রাম কৃতাজ্ঞ হইয়া, বলুন, বলুন, এইপ্রকার কহিতে লাগিলেন। তাঁহার সন্ধক্ষেই তৎক্ষণাৎ জটায়ুর প্রাণ কণেবর পরিহার করিয়া, আকাশে প্রস্থান করিল। তখন গৃধরাজ চরণযুগল প্রসারিত ও খীর শরীর বিক্ৰিণ্ড করিয়া, ভূমিস্তম্ভ মস্তকে ধরাতে নিপতিত হইলেন। রাম অচলদৃশ প্রকাণ্ডকৃতি তাম্রাক্ষ গৃধকে গতাস্থ দর্শন করিয়া, নিরতিশয় হুঃখে সাতিশর ব্যাকুল হইয়া, সৌমিত্রিকে কহিলেন, জটায়ু এই রাক্ষস-নিবাস দণ্ডকারণ্যে বহুবৎসর বাস করিয়া, সম্প্রতি কলেবর পরিহার করিলেন। এই রূপে যিনি অনেক বর্ষ জীবিত ও চিরকাল সমুখিত ছিলেন, তিনি আজি নিহত হইয়া শয়ন করিয়া আছেন। বুঝিলাম, কালকে অতিক্রম করা সহজ নহে। লক্ষণ ! অবলোকন কর, এই গৃধ আমাদের উপকারী, সীতার পরিভ্রাণার্থ সমুদ্রাভ হইয়া, মহাবল রাবণের হস্তে নিহত হইয়াছেন, এবং আমারই জন্য পিতৃপৈতামহিক সুবিপুল গৃধরাজ্য ত্যাগ করিয়া, প্রাণ পরিত্যাগ করিয়াছেন। বুঝিলাম, সকল জাতিতেই শূর, শরণ্য ও ধর্মাচারসম্পন্ন সাধুগণ লক্ষিত হইয়া থাকেন ; তির্য্যগ্জাতিতেও এ বিষয়ের পরিহার নাই। সৌম্য ! আমারই জন্য এই গৃধ প্রাণত্যাগ করিলেন। সুতরাং ইহঁার মৃত্যুতে সীতার হরণ অপেক্ষাও আমার অধিক হুঃখ হইয়াছে। পরম বশম্ভী ক্রীমান্ রাজা দশরথ আমার যেরূপ পুত্র্য ও মাননীয়, এই গৃধও সেইরূপ। অতএব, লক্ষণ ! তুমি কাষ্ঠ সকল আহরণ কর, আমি অগ্নি উদ্ভাবন করিব, এবং আমার জন্য নিধনগত এই গৃধরাজের সৎকার করিব। সৌমিত্রে ! এই জটায়ু পক্ষিগণের নাথ এবং রৌদ্রকর্ম্মা রাক্ষস হস্তে নিহত হইয়াছেন। আমি ইহঁাকে চিতায় আরুঢ় করিয়া, দাহ করিব। বজ্রশীল ও আহিতাগ্নিগণ য়ে গতি এবং সময়ে অপরাধ্মুখ ও ভূমি-

দাতা ব্যক্তিবর্গের যে গতি, মহাবল গৃধরাজ ! তুমি মৎকর্তৃক সংস্কৃত ও সমন্বিত হইয়া, সেই সকল উৎকৃষ্ট গতি লাভ কর । ধর্ম্মাত্মা রাম এইপ্রকার বাক্য প্রয়োগ করিয়া, দুঃখিত হইয়া, শ্রীমৎ বক্র ন্যায় পতংগের জটায়ুকে প্রদানিত চিত্তায় আরোপিত করিয়া, দাহ করিলেন । অনন্তর সেই বীর্য্যবান্ রাম লক্ষ্মণের সহিত বনে গমন ও শূলকায় যুগ সকল হত্যাপূর্ব্বক তাহাদের মাংস গ্রহণানন্তর প্রত্যাগত হইয়া, জটায়ুর উদ্দেশে পিণ্ডদানার্থ ভূণ বিস্তৃত করিলেন । এবং তৎসমস্ত মাংস খণ্ডে খণ্ডে ছেদন ও পিণ্ড করিয়া, রমণীয় হরিতশাখলে জটায়ুকে প্রদান করিলেন । আক্লগণ যুত ব্যক্তির স্বর্গলাভনসমুদ্দেশে যে সকল মন্ত্র বলিয়া থাকেন, রাম জটায়ুর শীত স্বর্গপ্রাপ্তির জন্য তৎসমস্ত জপ করিতে লাগিলেন । অনন্তর নরবরনন্দন রাম ও সৌমিত্রি উভয়ে গোদাবরী নদীতে গমন করিয়া, জটায়ুর উদ্দেশে তর্পণ করিলেন । তাঁহারা স্নান করিয়া, শাস্ত্রোক্ত বিধানানুসারে ঐরূপে জটায়ুকে জলদানপূর্ব্বক উদকক্রিয়া সমাধান করিলেন ।

গৃধরাজ জটায়ু সুদূর বশঙ্কর কার্য্যের অনুষ্ঠান পূর্ব্বক যুদ্ধে নিপাতিত ও মহর্ষিসদৃশ রামকর্তৃক সংস্কৃত হইয়া, পরম পবিত্র শুভগতি প্রাপ্ত হইলেন । তখন রাম ও লক্ষ্মণ উভয়ে উদকক্রিয়া সমাধানান্তে পাক্ষিসত্তম জটায়ুর প্রতি পিতৃবুদ্ধি স্থাপন পূর্ব্বক তথা হইতে প্রস্থান করিলেন এবং সীতার অব্যবধে মনঃসন্নিধান পূর্ব্বক সুরেন্দ্র বিষ্ণু ও বাসবের ন্যায়, অরণ্যমধ্যে প্রবিষ্ট হইলেন ।

উনসপ্ততিতম সর্গ ।

জটায়ুর জলক্রিয়া সম্পন্ন হইলে, রাম লক্ষ্মণ উভয়ে তথা হইতে প্রস্থান করিয়া, অরণ্যমধ্যে সীতার অন্বেষণ করিতে করিতে নৈঋত দিকে গমন করিলেন । এবং শল, চাপ ও অসি হস্তে সেই দিকে গমন করিয়া, এক জরাজীর্ণ পথে উপনীত হইলেন । ঐ পথ গুল্ম, বৃক্ষ ও লতাবিতানে পরিবেষ্টিত ও সৰ্কতোভাবে আচ্ছন্ন এবং অতিশয় দুর্গম, গহন ও দেখিতে অতি ভয়ঙ্কর । তাঁহারা দক্ষিণ দিক ধরিয়া, বেগভরে চলিয়া, মহারণ্য অতিক্রম পূর্বক গমন করিলেন । তাঁহারা দুই জনেই মহাবল, এবং দুই জনেই পরম তেজস্বী । ক্রমে জনস্থান হইতে তিন ক্রোশ গমন করিয়া, ক্রৌঞ্চারণ্যে প্রবেশ করিলেন । ঐ অরণ্য অতি দুর্গম, দেখিতে রাশীকৃত মেঘের ন্যায় অতীব নির্বিড়, নানা বর্ণের সুন্দর পুষ্পের সন্নিধান বশতঃ যেন সৰ্কতোভাবে হর্ষবিশিষ্ট এবং যুগ ও বিহঙ্গমসমূহে পরিবৃত । তাঁহারা সীতার হরণজন্য দুঃখিত হইয়া, তদীয়দর্শনকামনায় সেই বন অন্বেষণ করিতে করিতে, শ্রান্তিবশতঃ স্থানে স্থানে অবস্থিতি করিতে লাগিলেন । অনন্তর তাহারা পূর্বদিকে তিন ক্রোশ গমন করিয়া, ক্রৌঞ্চারণ্য অতিক্রম পূর্বক মাতঙ্গাশ্রম দর্শন করিলেন । ঐ আশ্রম-কানন সাতিশয় ভীষণ ও ভীষণ প্রকৃতি নানাজাতীয় যুগ ও পক্ষিতে পরিপূর্ণ, এবং অনেকপ্রকার বৃক্ষে আচ্ছন্ন ও গহনপাদপে সমাকীর্ণ । অনন্তর তাঁহারা সেই বনমধ্যে পাতালগম গভীর গিরি-গুহা অবলোকন করিলেন । ঐ গুহা নিত্য অন্ধকারে আচ্ছন্ন । তাঁহারা তথায় উপনীত হইয়া, তাহা নিকটে প্রকাণ্ডাকৃতি ও বিকৃতাননা এক রাক্ষসী নয়নগোচর করিলেন । ঐ রাক্ষসী দেখিতে অতি ভয়ঙ্কর । উহাকে দর্শন করিলে, স্বল্পপ্রাণ ব্যক্তিগণের ভয় জন্মিয়া থাকে এবং স্বভাবতই জুগুপ্সার উদয় হয় । উহার উদর লব্ধিত, দংষ্ট্রী তীক্ষ্ণ, বুক অতি কর্কশ, স্বভাব

ভয়ঙ্কর ও প্রচণ্ড, এবং কেশপাশ আলুলায়িত । তাঁহারা দেখিলেন, রাক্ষসী ভয়ঙ্কর যুগসকল ভক্ষণ করিতেছে ।

অনন্তর নিশাচরী সেই বীরযুগলের সান্নিধ্যে সমাগত হইয়া, আইস, আমরা বিহার করিব, এইপ্রকার বাগ্‌বিত্তাস পূর্বক লক্ষ্মণকে গ্রহণ করিল । লক্ষ্মণ রামের অগ্রে অগ্রে গমন করিতে-
ছিলেন । রাক্ষসী তাঁহাকে আলিঙ্গন করিয়া, কহিতে লাগিল, আগার নাম অরোমুখী । অস্ত্র তুমি নিধিবৎ আমাকে লাভ করিলে । এবং তুমিই আগার ভর্তা । নাথ ! আইস, আমার সহিত চিরজীবন নদীপুলিন ও গিরিভূগঙ্গমূহে বিহার করিবে । শক্রনিশূদন সৌমিত্রি এই কথায় কুপিত হইয়া, অসি উত্তোলন করিয়া, রাক্ষসীর নাগা, কর্ণ ও স্তন ছেদন করিয়া দিলেন । কর্ণ ও নাসিকা ছিন্ন হইলে, ঘোরদর্শনা নিশাচরী বিকৃত স্বরে শব্দ করিয়া, যেস্থান হইতে আসিয়াছিল, তথায় বেগে ধাবমান হইল । সে প্রস্থান করিলে, পরমতেজস্বী শত্রু রাম ও লক্ষ্মণ গমন করিতে করিতে গহনবনমধ্যে উপনীত হইলেন ।

অনন্তর সত্যবানু, শীলবানু, শৌচবানু ও পরমতেজীয়ানু লক্ষ্মণ কৃতাজলি হইয়া, দীপ্ততেজা রামকে কহিলেন, আমার বাম বাহু ঘন ঘন স্পন্দিত ও মন যেন উদ্‌বিগ্ন হইতেছে, এবং প্রায়ই দুর্নিমিত্ত সকলও লক্ষিত হইতেছে । অতএব আৰ্য্য ! আপনি সজ্জীভূত হইয়া, বাহা বলিতেছি, করুন । এইমুহূর্ত্তেই যে ভয় উপস্থিত হইবে, নিমিত্ত সকল তাহা স্পষ্টই নির্দেশ করিতেছে । রাম ! ঐ পরম দারুণ বজ্রলপক্ষী আমাদের যুদ্ধবিজয় যেন ঘোষণা করিয়া শব্দ করিতেছে ।

এই রূপে তাঁহারা নিরতিশয় তেজঃ সহায়ে সমস্ত বন অন্বেষণ করিতেছেন, এমন সময়ে সেই অরণ্যানী যেন এক বারেই ভগ্ন করিয়া, ভূমূল শব্দ সমুখিত হইল । এবং সমীরণ যেন সমস্ত কানন একবারেই ব্যাণ্ড করিলেন । সমুদায় বন যেন পূর্ণ করিয়া, উল্লিখিত বনমধ্যেই, ঐ শব্দ সমুখিত হইল । ঋজুধারী সহানুজ

রাম, ঐ শব্দ কোথা হইতে উথিত হইল, জানিবার জন্ত উৎসুক হইয়া, অতি প্রকাণ্ডাকৃতি এক রাক্ষসকে সহসা দর্শন করিলেন । তাহার উরোদেশ সাতিশয় বিস্তৃত এবং তাহার নাম কবন্ধ । সে তাঁহাদের সম্মুখে আসিয়া উপনীত হইল । তাহার মস্তক ও ঐ বা অদৃশ্য, শরীর সাতিশয় বর্জিত, মুখ উদরমধ্যে সন্নিহিত, রোগ সকল নিশ্চিত ও তীক্ষ্ণ, আকার মহাগিরির ন্যায় উন্নত, স্বয়ং মেঘের গর্জন সদৃশ, দৃশ্য নীলাশ্বদসন্নিভ, স্বভাব ও আকৃতি অতি প্রচণ্ড, এবং তাহার এক নেত্র ললাটে সন্নিবদ্ধ । ঐ নেত্র অগ্নিশিখার ন্যায়, দীপ্যমান, সুদীর্ঘ পক্ষপংক্তিতে আচ্ছন্ন, পিঙ্গল-বর্ণ, বিপুল ও আয়ত । এবং তাহার অন্য নেত্র উরস্থলে সন্নিহিত । ঐ নেত্র অতিশয় ভয়ঙ্কর ও তীক্ষ্ণদৃষ্টিগম্পন্ন । তাহার মুখও সাতিশয় প্রকাণ্ড ও প্রকাণ্ড দর্শনপংক্তিতে পরিবৃত্ত । সে, সেই মুখ বারং-বার লেহন, মহাঘোর ভল্লুক সিংহ যুগ ও বিহঙ্গমদিগকে ভক্ষণ, যোজনবিস্তীর্ণ ভয়ঙ্কর ভুজযুগল বিক্ষেপ এবং করযুগল সহায়ে নানাজাতীয় যুগ বিহঙ্গম ভল্লুক ও যুগযুগদিগকে আকর্ষণ ও বিকর্ষণ করিতে করিতে, নিকটে সমাগত রাম লক্ষ্মণের গমনপথ আবরণ পূর্বক অবস্থিতি করিল । তাঁহারা ইহা অবগত হইয়া, তাহার ভুজবেষ্টন অতিক্রম পূর্বক দূরে অবস্থান করিয়া, সেই অতীব ঘোরদর্শন, দারুণ, ভয়ঙ্কর, ক্রোশপরিমিত, মহাকার কবন্ধকে দেখিতে লাগিলেন । সে ভুজহয়সহায়ে জন্তুদিগকে নরসতোভাবে আবৃত্ত করিয়া থাকে এবং তাহার শরীরের গঠন-ভঙ্গি পর্য্যবেক্ষণ করিলে, তাহাকে প্রাকৃত কবন্ধ বলিয়া বোধ হয় ।

অনন্তর মহাবাহু কবন্ধ সুবিশাল ভুজযুগল নিরতিশয় প্রসারিত ও রাম লক্ষ্মণকে সবলে নিপীড়িত করিয়া, একত্রে গ্রহণ করিল । তাঁহারা দুই জনে খড়্গ ও দৃঢ় শরাসন ধারণ করিয়াছিলেন এবং দুই জনেই পরমতেজস্বী, মহাবল ও মহাবাহু । তথাপি দুই জনেই অবশ হইয়া পড়িলেন । রাক্ষস তাঁহাদিগকে আকর্ষণ করিতে লাগিল । রাম স্বভাবতঃ ধৈর্য্যশীল ও শৌর্য্যগম্পন্ন,

সুতরাং ব্যথিত হইলেন না । কিন্তু লক্ষ্মণ বালক ও অধীর বলিয়া একবারেই ব্যথিত হইয়া উঠিলেন । এবং বিষয় হইয়া রামকে বলিতে লাগিলেন, দেখুন, আমি রাক্ষসের বশ ও অবশ হইয়া পড়িয়াছি । অতএব আপনি একমাত্র আমাকে দিয়াই রাক্ষসের বল অতিক্রম পূর্বক আমাকে মোচন এবং এই মহাভূতাকার নিশাচরের হস্তে আমাকে বলিস্বরূপ প্রদান করিয়া, যথাসুখে পলায়ন করুন । আমার নিশ্চয় প্রতীতি হইতেছে, আপনি অচিরেই বৈদেহীকে প্রাপ্ত হইবেন । এবং পিতৃপৈতামহিক রাজ্যও সত্ত্বর লাভ করিবেন । এক্ষণে প্রার্থনা, আপনি রাজ্যপদে প্রতিষ্ঠিত হইয়া, সর্বদাই আমাকে স্মরণ করিবেন । লক্ষ্মণ এইপ্রকার বাক্য প্রয়োগ করিলে, রাম তাঁহাকে কহিলেন, বীর ! বৃথা ভীত হইও না । তোমার ন্যায় ব্যক্তি কখন বিষয় হয় না ।

উভয় জাতীয় এইপ্রকার কথোপকথন হইতেছে, এমন সময় ক্রমশ্চতাব মণিবাহু দানবোত্তম কবন্ধ তাহাদিগকে কহিতে লাগিল, তোমাদের স্বন্ধ ব্রহ্মবৎ বিশাল এবং হস্তে সুরহং খড়্গ ও শরাসন । তোমরা কে, দৈববলে আমার দৃষ্টিপথে পতিত ও এই ভয়ঙ্কর স্থানে উপস্থিত হইয়াছ ? তোমাদের এখানে কি কার্য আছে এবং কি জন্যই বা তোমরা এখানে আসিয়াছ, বল । আমি ক্ষুধার্ত্ত হইয়া, এখানে অবস্থিতি করিতেছি । তোমরা ধনু শর খড়্গ পারণ পূর্বক তীক্ষ্ণশৃঙ্গ বৃষভ-যুগলের স্রায়, এখানে আমার নিকট উপস্থিত হইলে । তোমাদের বাঁচিয়া থাকা দুর্লভ হইবে ।

চুরাঙ্গা কবন্ধের এই কথা শুনিয়া, রামের মুখ একবারেই শুকাইয়া গেল । তিনি লক্ষ্মণকে বলিতে লাগিলেন, অয়ি সত্য-বিক্রম ! প্রিয়া সীতাকে না পাইয়া যে বিষয় বিষাদ উপস্থিত হইয়াছে, তাহাতে, নিশ্চয়ই প্রাণসংশয় সম্ভাবনা । তাহার উপর আবার পুনঃ পুনঃ দারুণ ক্রুদ্ধ সংঘটিত হইতেছে । বুঝিলাগ, কাল ভূতমাত্রের উপরি অনিবার্য্য বীৰ্য্য প্রকাশ করিয়া

ধাকে । অগ্নি নরব্যাজ্ঞ ! আমরা দুইজনেই উপর্যুপরি বিপদ-ঘটনায় মোহিত হইয়াছি, দেখ । অথবা, ভূতগাত্রেয় বিষয়ে কালের কোন অংশেই অতিভার নাই । কালকর্তৃক আক্রান্ত হইলে, বল ও শৌর্য্যবিশিষ্ট কৃতান্ত পুরুষগণও, বালুকানির্মিত সেতুর ন্যায়, সমরাজ্ঞে অবসন্ন হইয়া থাকে । উৎকট-পরাক্রম দৃঢ়-সত্য-বিক্রম প্রতাপশালী পরমসমর্থী দশরথনন্দন ধীমান্ রাম সৌমিত্রিকে লক্ষ্য করিয়া, এইপ্রকার বলিতে বলিতে আত্মবলে তৎক্ষণাৎ শ্রী চিত্ত স্থির করিলেন ।

— —

সপ্ততিতম সর্গ ।

রাম লক্ষ্মণ উভয় ভ্রাতা বাহুপাশে বদ্ধ হইয়া, তথায় দণ্ডায়মান হইলেন, দেখিয়া, কবন্ধ তাঁহাদিগকে কহিল, বিধাতা তোমাদিগকে চেতনাহীন করিয়া আমার আহারার্থ প্রেরণ করিয়াছেন । আমিও ক্ষুধার্ত্ত হইয়াছি । অতএব আমাকে দেখিয়া তোমরা কিজন্য আর অপেক্ষা করিতেছ ?

লক্ষ্মণ নাতিশয় ব্যাকুল হইয়াছিলেন । তিনি এই কথা শুনিয়া, বিক্রমপ্রকাশে কৃতনিশ্চয় হইয়া, তৎকালোচিত বাক্যে রামকে বলিলেন, এই রাক্ষসাদিগ আমাদের দুই জনকেই গ্রহণ করিবে । অতএব আমরা শীঘ্রই অসিযুগল দ্বারা ইহার অতিভার বাহুদ্বয় ছেদন করিব । এই মহাকায় ভীষণ রাক্ষস একমাত্র বাহুর সাহায্যেই বিক্রম প্রকাশ করিয়া, লোকসকল সর্বতোভাবে জয় করিয়াছে । এক্ষণে, আমাদিগকে বধ করিতে উদ্ভত হইয়াছে । কিন্তু রাজন্ ! যজ্ঞমধ্যে উপনীত পশুগণের ন্যায় নিশ্চেষ্ট হইয়া, নিহত হওয়া, ক্ষত্রিয়ের পক্ষে নিতান্ত নিন্দার বিষয় ।

ভ্রাতাদের এইপ্রকার জল্পনা শ্রবণ করিয়া, নিশাচর কবন্ধ ক্রুদ্ধ হইয়া, ভীষণ বদন ব্যাদান পূর্বক তাঁহাদিগকে ভক্ষণ করিতে

উজ্জত হইল । তদ্বর্ণনে দেশকালবিশারদ রাম ও লক্ষ্মণ উভয়েই খড়্গ গ্রহণ করিয়া, পরম প্রহৃষ্ট চিত্তে তাহার বাহুদ্বয় অংস পর্য্যন্ত ছেদন করিয়া ফেলিলেন । তদ্বন্দ্যে পরম শক্তিসম্পন্ন রাম তাহার দক্ষিণ বাহু এবং বীর্য্যশালী সৌমিত্রি তাহার বাম হস্ত ছেদন করিলেন । বাহু ছিন্ন হইলে, মহাবাত্ত কবন্ধ মেঘের ন্যায় ঘোরতর শব্দ করিয়া, গগনমণ্ডল ও দিগ্গমণ্ডল প্রতিধ্বনিত করত পতিত হইল ।

অনন্তর বাহুদ্বয় ছিন্ন হইল দেখিয়া, দানব কবন্ধ রুধিররাশি-পরিপ্লুত হইয়া, ব্যাকুল চিত্তে তাঁহাদিগকে জিজ্ঞাসা করিল, তোমরা কে ? সে এইপ্রকার জিজ্ঞাসা করিলে, মহাবল শুভ-লক্ষণ লক্ষ্মণ তাহাকে কহিলেন, ইনি দশরথের পুত্র, রামনামে লোকমধ্যে বিখ্যাত । আর, আমি ইহঁার অনুজ, জানিও । আমার নাম লক্ষ্মণ । জননী রাজ্যপ্রাপ্তির ব্যাঘাত করাত, রাম সর্ব্বত্যাগী হইয়া, বনবাসী হইয়াছেন, এবং আমার ও পত্নীর সহিত মহাবনে বিচরণ করিয়া থাকেন । ইনি দেবতার সদৃশ শক্তিসম্পন্ন । বিজ্ঞনবনে বাস করিবার সময় রাক্ষস কর্তৃক ইহঁার পত্নী অপহৃত হইয়াছেন । তাঁহাকেই অব্বেষণ করিতে করিতে আমরা এখানে আসিয়াছি । তুমিই বা কে, কবন্ধের ন্যায়, অরণ্যপ্রান্তরে বিচরণ করিতেছ ? তোমার জ্ঞাতা ভগ্ন এবং বদনমণ্ডল অতিশয় দীপ্তিবিশিষ্ট ও বক্ষস্থলে সন্নিহিত ।

লক্ষ্মণ এইপ্রকার উত্তরবাক্য প্রয়োগ করিলে, ইন্দ্রের বাক্য স্মৃতিপথে উদিত হওয়াতে, কবন্ধ প্রীত বাক্যে কহিল, আপ-নারা উভয়েই পুরুষমধ্যে অগ্রগণ্য ! আপনাদের স্বাগত ? অত্য় নিরতিশয় সৌভাগ্যযোগবশেই আপনাদিগকে নয়নগোচর করিলাম । আর, আপনারা যে আমার বাহুবন্ধন ছেদন করিলেন, ইহাও আমার সাতিশয় সৌভাগ্যের বিষয়, সন্দেহ নাই । এক্ষণে আমি ত্রুত্বপ্রাপ্ত বেক্ষণ এইরূপ বিরূপ রূপ প্রাপ্ত হইয়াছি, যথাযথ বলিতেছি, শ্রবণ করুন ।

একসপ্ততিতম সর্গ।

অগ্নি মহাবাহু রাম ! পূর্বে আমার রূপ সূর্য্য, চন্দ্র ও ইন্দ্রের শরীর সদৃশ মহাবলপরাক্রান্ত, তিন লোকেই বিশেষ বিখ্যাত এবং সকলেরই দুর্লভাব্য ছিল। আমি অসামান্য শক্তি বিশেষ মহায়ে তাদৃশ দেহ ঈদৃশ সর্বলোকভয়াবহ অতি প্রকাণ্ড রাক্ষসরূপে পরিণত করিয়া, বনবাসী ঋষিদিগকে যখন তখন বিজাসিত করিতাম। অনন্তর কোন সময়ে মহর্ষি শূলশিরা অরণ্যজাত দ্রব্যজাত আহরণ করিতেছেন, এমন সময়ে এই দৃশ্যমান রাক্ষসরূপ আবির্ভূত করিয়া, অবমাননা পূর্ব্বক তদীয় রোষ উৎপাদন করিলে, তিনি আমার প্রতি দৃষ্টিপাত করিয়া ভয়ঙ্কর শাপ প্রদান পূর্ব্বক কহিলেন, তোমাকে এইরূপ অতি গর্হিত ও অতীব নির্দয় রাক্ষস-রূপই প্রাপ্ত হইতে হইবে। অনন্তর আমি ক্রুদ্ধ ঋষির নিকটে এই শাপমুক্তি প্রার্থনা করিলে, তিনি কহিলেন, রাম যে সময়ে ভুজযুগল ছেদন করিয়া, বিজন অরণ্যে তোমায় দগ্ধ করিবেন, সেই সময়েই তুমি আপনার নিরতিশয় শুভ স্বরূপ প্রাপ্ত হইবে। লক্ষ্মণ ! জানিবেন, আমি দমুর ক্রীড়ানু পুত্র। সমরাদর্শে ইন্দ্রের শাপ প্রযুক্ত ঈদৃশ কবচরূপ প্রাপ্ত হইয়াছি। আমি কঠোর তপস্বী দ্বারা পিতামহকে তুষ্ট করিলে, তিনি আমাকে দীর্ঘ আয়ু প্রদান করেন। তাহাতে আমি গর্হিত হইয়া বিবেচনা করিলাম, ইন্দ্র আমার কি করিবেন, আমি দীর্ঘ আয়ু প্রাপ্ত হইয়াছি। এইপ্রকার বুদ্ধি অবলম্বন পূর্ব্বক যুদ্ধে ইন্দ্রকে ধর্মিত করিলাম। তাহাতে, তদীয় ভুজ-প্রযোজিত শতপর্ক বজ্রের আঘাতে আমার সন্ধি ও শির শরীর-মধ্যে প্রবিষ্ট হইয়া গেল। অনন্তর আমি যত্ন প্রার্থনা করিলেও, তিনি আমাকে যমালয়ে প্রেরণ করিলেন না। এইমাত্র বলিলেন, পিতামহ যাহা বলিয়াছেন, তাহা সত্য হউক। আমি কহিলাম, আপনার বজ্রপ্রহারে আমার শির, সন্ধি ও মুখ ভগ্ন হইয়াছে।

আমি কিরূপে অনাহারে দীর্ঘকাল জীবন ধারণে সমর্থ হইব ? এই কথায় ইন্দ্র আগার বালদ্বয় যোজনবিস্তৃত, এবং আমার মুখ স্নুতীক্ষ-বৃষ্টাসম্পন্ন ও কৃষ্ণমধ্যে নিবিষ্ট, করিয়া দিলেন । তদবধি আমি দীর্ঘ বাল্যযুগল সহায়ে চতুর্দিক হইতে এই বনচর সিংহ, ব্যাঘ্র, হীণী ও মৃগদিগকে সংগ্রহ করিয়া ভক্ষণ করিয়া থাকি । ইন্দ্র আমায় বলিয়াছেন, রাম লঙ্কণের সহিত তোমার বাল্যযুগল ছেদন করিলে, তুমি স্বর্গ প্রাপ্ত হইবে । অগ্নি রাজসভম ! তদবধি এই বনমধ্যে যাহাকে দেখিতে পাই, তাহাকেই এই শরীরে সর্কধা রূচিপূরক গ্রহণ করিয়া থাকি ; এবিষয়ে আগার ভক্ষ্যাভক্ষ্য বিচার নাই । কেননা, ঋষি ও ইন্দ্রের কথায় বিশ্বাস বশতঃ আমার বিলক্ষণ ধারণা আছে যে, রাম অবশ্যই আমার হস্তমধ্যে আসিবেন । এবং আমার দেহবিনাশে কৃতযত্ন হইবেন । এইপ্রকার বুদ্ধি-পুরঃসর আমি সকলকেই গ্রহণ করিয়া থাকি । এক্ষণে আপনি সাক্ষাৎ উপস্থিত হইয়াছেন । আপনার মঙ্গল হউক । অগ্নি রথুনন্দন ! মহর্ষি যথার্থই বলিয়াছেন, রাম ব্যতিরেকে আর কেহই আমাকে বধ করিতে পারিবেন না । এক্ষণে আপনারা আগার অগ্নিসংস্কার করিলে, যাহা করিতে হইবে, তদ্বিষয়ে আমি আপনাদিগের বুদ্ধিসাহায্য বিধান করিব এবং যাহার সহিত বন্ধুতা করিয়া কার্য সম্পাদন করিতে হইবে, তাহাও উপদেশ করিব ।

কবন্ধ এইপ্রকার কহিলে, ধর্ম্মাত্মা রাম লঙ্কণের সমক্ষে তাহাকে কহিলেন, রামণ আমার যশস্বিনী ভার্য্যা সীতাকে হরণ করিয়াছে । আমি তৎকালে জাতার সহিত জনস্থান হইতে সঙ্কল্প চিত্তে নিষ্ক্রান্ত হইয়াছিলাম । যাহা হউক, রাবণের নাম-মাত্র আমার জানা আছে । কিন্তু তাহার রূপ, নিবাস বা প্রভাব কিছুই অবগত নহি । আমরা সর্বদাই পরের উপকার করিয়া জীবন যাপন করি । এক্ষণে শোকাকুল ও অনাথ হইয়া, এই-রূপে পরিভ্রমণ করিতেছি । অতএব এই সগরের সমুচিত কারুণ্য-

প্রকাশ করা কর্তব্য হইতেছে। হে বীর ! হস্তিতে ভগ্ন করাত্তে যে সকল কাষ্ঠ কালসহকারে শুষ্ক হইয়া গিয়াছে, তৎসমস্ত আহরণ করিয়া, সুব্রহ্মণ্য গর্ত খনন পূর্বক তোমাকে আমরা দক্ষ করিব। যে ব্যক্তি বা যেখানে সীতাকে হরণ করিয়া লইয়া গিয়াছে, সমস্ত আমাদিগকে বল। যদি যথার্থই ইহা অবগত থাক, তাহা হইলে, আমাদের নিরতিশয় কল্যাণ সমাহিত কর।

রাম এইপ্রকার অত্যাৎকৃষ্ট বাক্য প্রয়োগ করিলে, সুনীপুণ বক্তা কবন্ধ সেই বক্তা রঘুনন্দনকে বলিতে লাগিল, আমার দিব্য জ্ঞান নাই। সুতরাং জ্ঞানকী কোথায়, জানি না। যে ব্যক্তি বলিতে পারিবে, তাহার কথা বলিব। আপনারা আমায় দক্ষ করুন। পরে আমি স্বীয় রূপ পরিগ্রহ করিয়া, যে ব্যক্তি রাবণকে জানেন, তাহার কথা বর্ণন করিব। হে প্রভো ! যে মহাবীৰ্য্য স্নান্ধব আপনার সীতাকে হরণ করিয়াছে, দক্ষ না হইলে, আমি কোন অংশেই তাহাকে জানিতে সমর্থ হইব না। অগ্নি রঘুনন্দন ! শাপ দোষে আমার মহাবিজ্ঞান অষ্ট হইয়া গিয়াছে এবং আমি নিজ কর্মদোষে দৈব লোকবিগর্হিত রূপ প্রাপ্ত হইয়াছি। রাম ! বাহন সকল শ্রান্ত হইয়া উঠিলে, সূর্য্য যাবৎ অস্ত না যান, তাবৎ আমাকে গর্তে নিক্ষেপ করিয়া যথাবিধানে দক্ষ করুন। হে মহাবীর রঘুনন্দন ! আপনি শ্রামানুসারে আমাকে গর্তমধ্যে দক্ষ করিলে, যে ব্যক্তি রাবণকে অবগত আছে, তাহার কথা বলিব। হে রাঘব ! আপনি সেই শ্রাবস্তি-সম্পন্ন ব্যক্তির সহিত বন্ধুতা করিবেন এবং তিনিও আপনার সাহায্য করিবেন। হে লঘুবিক্রম ! ত্রিভুবনে ঐ ব্যক্তির কিছুই অবিদিত নাই। তিনি পূর্বে কোন অনির্ধরনীয় কারণে সমুদায় লোক পরিভ্রমণ করেন।

দ্বিসপ্ততিতম সর্গ । *

কবন্ধ এইপ্রকার কহিলে, নরবর বীর রাম ও লক্ষ্মণ তাহাকে গিরিগঙ্ধরে লইয়া গিয়া, অগ্নি প্রদান করিলেন । লক্ষ্মণ মহোঙ্কা-
 সমূহ প্রজ্বলিত করিয়া, চতুর্দিকে চিতায় অগ্নি সংযোগ করিলে, উহা সর্বতোভাবে জ্বলিয়া উঠিল । তখন কবন্ধের স্নতপিণ্ডসদৃশ মেদপূর্ণ সুবিশাল শরীর মন্দ মন্দ দন্ধ হইতে লাগিল । অনন্তর মহাবল কবন্ধ তৎক্ষণাৎ চিতা বিধূনিত করিয়া নির্মল বস্ত্র ও দিব্য মালা ধারণ পূর্বক ধূমশূন্য অগ্নির ন্যায়, উখিত হইল । এবং দিব্যকান্তিবিশিষ্ট কলেবরে বেগভরে প্রফুল্ল অন্তরে তৎক্ষণাৎ আকাশে আরোহণ করিল । তাহার সমুদায় অঙ্গ প্রত্যঙ্গ অল-
 কারে ভূষিত । অনন্তর সে অতিশয় উজ্জ্বল হংসযুক্ত বশঙ্কর বিমানে অবস্থান ও স্বীয় শরীরপ্রভায় দশ দিক্ বিরাজমান করিয়া আকাশে অধিষ্ঠান পূর্বক রামের প্রতি দৃষ্টিপাত করিয়া বলিতে লাগিল, হে রঘুনন্দন ! যেরূপ উপায়ে গীতাকে প্রাপ্ত হইবেন যথাতত্ত্ব শ্রবণ করুন । সন্ধি, বিগ্রহ, যান, আগমন, দ্বৈধাভাব ও সমাশ্রয় এই যে ছয়টি যুক্তি বা উপায় আছে, রাজারা ইহাদের সহায়ে সমুদায় বিষয় হস্তগত করিয়া থাকেন । তন্মধ্যে দুর্দশা সময়ে সমাশ্রয়নামক যে উপায় অবলম্বন করা বিধেয় বলিয়া উপদিষ্ট হয়, দুর্দশার শেষদশা উপস্থিত হইলে, লোকে তাহা আশ্রয় করিয়া থাকে । আপনার এখন তাহাই কর্তব্য হইয়াছে । কেননা, আপনি লক্ষ্মণের সহিত তাদৃশ দুর্দশায় পতিত ও রাজ্যাদি ভ্রষ্ট হইয়াছেন । এই ক্ষণ আপনার স্ত্রীহরণরূপ নিরতিশয় দুঃখও উপস্থিত হইয়াছে । অতএব হে স্নহৎপ্রবর ! আপনাকে সবাঙ্কবে অস্ত্রের সহিত অবশ্যই সৌহার্দ্যস্থাপন করিতে হইবে । আমি ভাবিয়া দেখিয়াছি, ঐরূপ উপায় অব-
 লম্বন না করিলে, আপনার সিদ্ধিলাভ সম্ভব নহে । রাম ! শ্রবণ করুন, বলিতেছি, সুগ্রীব নামে বানর, স্বীয় ভ্রাতা ইন্দ্রপুত্র বালী

কর্তৃক ক্রোধভরে তাড়িত হইয়া, অনরচতুষ্টয় সমভিব্যাহারে গিরিবর ঋষামুকে বাস করিতেছেন। ঐ ঋষামুক পম্পানদীর পর্য্যন্তপ্রদেশে অবস্থিত। মহাত্মা বালী রাজ্য নিমিত্ত সূত্রীবকে নির্ভাগিত করিয়াছেন।

সূত্রীব অতিশয় জিতচিত্ত, বীর, বানরগণের প্রধান, নিরতিশয় বীৰ্য্য ও তেজসম্পন্ন, এবং সত্যপ্রতিজ্ঞা, অনন্তসাধারণ কান্তি, বিনয়, দৈর্ঘ্য, বুদ্ধি, মহত্ত্ব, কার্য্যনৈপুণ্য, প্রগল্ভতা, দ্যুতি, সান্তি-শয় বল ও পরাক্রম ইত্যাদিগুণে অলঙ্কৃত। তিনি নিশ্চয়ই নীতার অধেষণে আপনার সহায় ও মিত্র হইবেন। আপনি আর শোকে টিঁট গম্বিবেশ করিবেন না। কোন ব্যক্তিই ভবি-তবোর অন্যথা করিতে পারে না। হে ইক্ষুকুপ্রবর! কালেরও অতিক্রম করা অনায়াসসাধ্য নহে। অতএব বীর! শীঘ্রই প্রস্থান হইতে মহাবল সূত্রীবের নিকট প্রস্থান করিয়া, সত্বর তাঁহার সহিত বন্ধুতা করুন। হে রঘুনন্দন! অতীত আপনি গমন করুন। পরস্পর বিজ্ঞোহ না ঘটে, এইজন্য প্রস্থানিত অগ্নির সমক্ষে তাঁহার সহিত প্রণয়বন্ধন করিবেন। বানররাজ সূত্রীবকে কোনমতেই অবজ্ঞা করিবেন না। কেননা, তিনি কৃতজ্ঞ, কামরূপী ও বীৰ্য্যবান; বিশেষতঃ নিজের সহায়ার্থী হইয়াছেন। আপনারাও তাহাতে অভিলষিত সাধন করিতে পারিবেন। ফলতঃ, কার্য্যার্থী সূত্রীব কৃতকার্য্য হইলে আপনা-দের কার্য্য সাধন করিবেন। তিনি ঋক্ষরাজার ক্ষেত্রে সূর্য্যের ঔরসে জন্মগ্রহণ করিয়াছেন। বালির সহিত শত্রুতা করিয়া, সর্বদা শক্তিতাবে পম্পাতটে বিচরণ করিয়া থাকেন। আপনি সত্বর অগ্নিসাগ্রিদ্যে আধুদহাপন পূর্ব্বক সেই ঋষামুকবাসী বন-চারী কপির সহিত সত্যপ্রমাণ সখিতা বন্ধন করুন। কপিশ্রেষ্ঠ সূত্রীব অতিশয় কার্য্যদক্ষ। তিনি সৎসারে মনুষ্যাংশাংশী রাক্ষস-গণের সমুদায় স্থান সর্ব্বতোভাবে অবগত আছেন। অগ্নি পরতপ রঘুনন্দন! সত্যপ্রমাণ সূর্য্য দেপর্ব্বন্তে তাপ দান করেন,

সে পর্য্যন্ত ইহলোকে তাঁহার অনিদিষ্ট কিছু নাই । তিনি সুবিশাল শৈল, গিরিভূগ, কন্দর ও নদী সমুদায় বানরগণসহায়ে অন্বেষণ করিয়া, আপনার ভাগ্যার সংবাদ আহরণ করিবেন । এবং আপনার বিয়োগবোগবশতঃ গতত শোকপরায়ণা সীতার সঙ্কানসজ্জটনমানসে মহাকাব্য বানরদিগকে দিক দিকে প্রেরণ করিবেন । অধিক কি, তিনি রাবণগৃহেও বরারোহা মৈথিলীর অন্বেষণ করিবেন । অথবা, অনিন্দিতা সীতা মেরুশৃঙ্গশীর্ষে গমন, কিংবা পাতালতলে প্রবেশ পূর্বক তথায় অবস্থান করিলেও, তিনি তাঁহার সংবাদ সংগ্রহ করিবেন । অথবা, তিনি রাক্ষসকুল নির্মূল করিয়া, আপনার পত্নীকে আনিয়া দিবেন ।

—৪০৪—

ত্রিসপ্ততিতম সর্গ ।

অর্থসিং কবন্ধ এই রূপে রাগকে সীতার অন্বেষণের উপায় প্রদর্শন করিয়া, পুনরায় অর্থ বাকে্য কহিল, রাগ ! এই যে পিয়াল, পনস, ন্যাগ্রোদ, প্লক্ষ, তিন্দুক, অশ্বথ, কর্ণিকার, চূত ধব, নাগ, তিলক, নক্তমাল, নীলাশোক, কদম্ব, করবী, অরুক্ষর, রক্তচন্দন, পারিভজ ও অন্যান্য মনোরম কুমুগিত পাদপ সকল প্রভীচী দিক্ আশ্রয় করিয়া, যে পথে শোভা পাইতেছে, এই পথেই নির্নির্মে ঋষামূকে গমন করা যায় । আপনারা ঐ সকল বৃক্ষে আরোহণ অথবা উহাদিগকে বলপূর্বক ভূমিতে নিপাতিত করিয়া, অমৃতায়মান ফল সকল ভক্ষণ পূর্বক গমন করিবেন । হে কাকুৎস্থ ! এই রূপে কুমুগিতপাদপপূর্ণ এই বন অতিক্রম করিয়া, পরে কাননান্তরে প্রবেশ করিবেন । সেই কানন সাক্ষাৎ উত্তরকুরু ও নন্দনের আয়, এবং তথায় চৈত্ররথ বনের নাম, পাদপ সকল সকল কালেই ফল প্রসব ও মধুক্ষরণ করিয়া থাকে । সকল ঋতুই এককালে বিরাজমান হয় এবং মেঘ ও পর্কভাষিত, সুরহৎ বিটপশালী, ফলভারনত বৃক্ষ সকল সর্বভোভাবে শোভা

বিস্তার করিয়া থাকে। লক্ষ্মণ ঐ সকল তরুতে আরোহণ
 অথবা অনায়াসে উচ্চাদিগকে ভূপাতিত করিয়া, অমৃতায়মান
 ফল সকল আপনাকে প্রদান করিবেন। আপনারা উভয়ে
 বন হইতে বন, পর্বত হইতে পর্বত এবং অন্যান্য উৎকৃষ্ট শৈল-
 সমূহে বিচরণ করিতে করিতে, পরে পম্পানামক পুষ্করিণীতে
 গমন করিবেন। ঐ পুষ্করিণী শর্করা, শৈবাল ও পিচ্ছিলভূমি-
 বিরহিত, সমতল ঘাটসমূহে অলঙ্কৃত, এবং কমল, উৎপল ও
 বালুকারাশিতে সুশোভিত। তথায় হংস, মণ্ডুক, ক্রৌঞ্চ ও কুরুর
 সকল-সলিলে বিচরণ পূর্বক মধুরস্বরে শব্দ করিতেছে। পূর্বে
 কেহ কখন তাহাদিগকে বধ করে নাই। সুতরাং সে বিষয়ে
 সম্পূর্ণ অনভিজ্ঞতা হেতু, মনুষ্য দেখিলে, তাহাদের উদ্বেগসংকার
 হয় না। হে রঘুনন্দন! আপনারা শূলকায় ও দ্রুতপিশুসদৃশ
 ঐ সকল পক্ষী এবং রোহিত, চক্রভূষণ ও নলজাতীয় মৎস্য-
 দিগকে ভক্ষণ করিবেন। রাম! তাহাদের পক্ষদেশ ভ্রুকুশুনা,
 এবং কলেবর শূল ও বহুকণ্টকবিশিষ্ট, তাদৃশ উৎকৃষ্ট মৎস্য
 সকলও শরপ্রয়োগে বিনষ্ট ও শূলপক করিয়া, আপনারা তথায়
 ভক্ষণ করিবেন। এতদ্বিধ, লক্ষ্মণ আপনার প্রতি ভক্তিবশতঃ,
 তদ্রত্য পদ্মাদি কুসুমকাননে বিচরণে আপনাকে উল্লিখিত
 মৎস্যসমূহ সম্প্রদান করিবেন। পম্পার জল পদ্মগন্ধি, রোগ-
 শূন্য, স্বাস্থ্যকর, স্নাত্তল, রৌপ্য ও স্ফটিকসদৃশ নির্মল
 এবং পান করিলে, কোন ক্লেশই উপস্থিত হয় না। তৎকালে
 লক্ষ্মণ পদ্মপট্রে ঐ বারি উদ্ধৃত করিয়া, আপনাকে পান করাই-
 বেন। এবং গান্ধারে বিচরণ সময়ে গিরিগুহাশায়ী শূলকায়
 বনচর বানরদিগকে দর্শন করাইবেন। হে নরোত্তম! আপনিও
 সঙ্কাসময়ে বিচরণ করিতে করিতে, জললোভে নদীতীরে সমা-
 গত, হ্রদের ন্যায় গর্জ্জনশীল উল্লিখিত শূলকায় বানরদিগকে
 অবলোকন করিবেন। এবং তদ্রত্য কুসুমিত পাদপুঞ্জ ও মুখী-
 তল গলিল সন্দর্শনপূর্বক আপনার শোকভার বিগলিত হইবে

যাইবে। হে রঘুনন্দন ! তব্ধ পুষ্পভারাবনত ভিলক, নক্ত-
গালক এবং প্রফুল্ল পঙ্কজ ও উৎপল সকলও আপনার শোক
নির্হরণ করিবে। তথায় এমন কেহ মনুষ্য নাই যে, ঐ সকল
কুসুমের মালায় করিয়া, পরিধান করে। হে রঘুকুমার ! মতঙ্গ-
শিষ্য ঋষি সকল পরম সমাহিত হইয়া, তথায় বাস করিয়া-
ছিলেন। তজ্জন্য, তব্ধ কুসুমপ্রাধিত মালাদাম কখন স্নান বা
শীর্ণ হয় না। ঐ সকল শিষ্ট ঋষি গুরুর জন্য বন্যভার আহরণ
সময়ে নিতান্ত পরিশ্রান্ত হইয়া উঠিলে, তাঁহাদের কলেবর হইতে
যে শ্বেদবিন্দুধারা বিনির্গলিত হইয়া, তৎক্ষণাৎ ভূপৃষ্ঠে পতিত
হয়, তাহারাই তৎকালে তাঁহাদের তপোবলে, মালাদামরূপে
পরিণত হইয়াছিল। হে রাজব ! ঋষিগণের শ্বেদবিন্দু হইতে
সমুদ্ভিত বলিয়া, উল্লিখিত মালা সকল অবিনশ্বর হইয়াছে।
ঋষিগণ যদিও তথা হইতে অন্তর্হিত হইয়াছেন, কিন্তু অত্মাপি
তাঁহাদের পরিচারিণী শ্রমণীনাম্নী চিরজীবিনী শবরী তথায় দৃশ্য
হইয়া থাকেন। রাম ! আপনি সাক্ষাৎ দেবতার ন্যায়, সকল
লোকের নমস্কৃত। নিত্যধর্মনিরতা শ্রমণী আপনাকে দর্শন
করিয়া, স্বর্গে গমন করিবেন। হে ককুৎস্থনন্দন ! আপনি
পম্পার পশ্চিমতীর আশ্রয় করিলেই, মহর্ষি মতঙ্গের গুহ আশ্রম
দেখিতে পাইবেন। পৃথিবীতে ঐ আশ্রমের ভুলনা নাই।
মতঙ্গ মুনির প্রভাবে নাগগণ ঐ আশ্রমকানন অতিক্রম করিতে
সমর্থ হয় না। এইজন্য উহা মতঙ্গকানন বলিয়া বিখ্যাত
হইয়াছে। রাম ! আপনি নানাজাতীয়বিহঙ্গমপূর্ণ, নন্দনাদি-
দেবারণ্যসদৃশ উল্লিখিত আশ্রমে বিচরণ করিলে, সর্পধা সুখী
ও পরম আক্লাদিত হইবেন।

পম্পার সম্মুখেই কুসুমিত পাদপসমূহে অলঙ্কৃত ও অতিশয়
দুরারোহ ঋষ্যমুক পর্কত। ক্ষুদ্র ক্ষুদ্র সর্প সকল ঐ পর্কত রক্ষা
করিতেছে। ত্রেকা সৃষ্টিকালে উহার নির্মাণ করিয়াছেন।
ঔদার্য্যগুণসম্পন্ন ঐ পর্কতশিখরে যে ব্যক্তি শয়ন করিয়া, স্বপ্নে

ধনলাভ করে, সে জাগরিত হইয়া, তাহা প্রাপ্ত হয় । বিষমচার-
 বিশিষ্ট পাপকর্ম্ম পুরুষ উহাতে আরোহণ করিলে, রাক্ষস-
 গণ, নিজা যাইবার সময় তাহাকে গ্রহণ করিয়া, সেইখানেই
 গ্রহণ করিয়া থাকে । রাম ! অনন্তর আপনি মতজ্ঞাত্রম-
 নিবাসী পম্পাবিচারী শিশু নাগগণের তুমুল শব্দ শ্রবণগোচর
 করিবেন । এতদ্ভিন্ন, তথায় দৈবদ্রবর্ণ মদধারায় পরি-
 ণ্মুত, জলদগবর্ণ, বেগবান্ মত্ত মাতঙ্গ সকল দলবদ্ধ হইয়া
 পৃথক্ পৃথক্ ইত্যন্ততঃ বিচরণ করিতেছে, দেখিতে পাইবেন ।
 ঐ সকল বনচর মহাগজ পম্পার অত্যন্ত স্পর্শ, সর্ষগজ-
 সমন্বিত, সুন্দর, শোভন, সুনির্ম্মল সলিল পান করিয়া, পুনরায়
 অরণ্যমধ্যে প্রবেশ করিয়া থাকে । আপনি তথায় ঋক্ষ, দ্বীপী
 এবং নীলমসিংশ কোমলকান্তিসম্পন্ন রুদ্র যুগদিগকে দর্শন
 করিয়া, বীতশোক হইবেন । ঐ সকল যুগ সাতিশয় নির্নিরুদ্ধ
 এবং মনুষ্য দেখিলে, কখন পলায়ন করে না । রাম ! ঐ
 শৈলের গুহা অতি প্রকাণ্ড ও শোভমান এবং উহার নাম শিলা-
 পিধানা । উহাতে প্রবেশ করা অতীব কষ্টজনক । ঐ গুহার
 পূর্নদ্বারে সুশীতলসলিলপূর্ণ সুবিস্তৃত হ্রদ নানাজাতীয় তরুতে
 পরিব্যাপ্ত এবং বহুবিধ ফল মূলে রমণীয় । ধর্ম্মাত্মা সুগ্রীব
 যানরগণের যুহিত ঐ গুহায় বাস করেন । তিনি কখন কখন
 পর্নতপিতরেও বাস করিয়া থাকেন । বীর্য্যশালী কবন্ধ রাম
 লক্ষণ উভয়কে এইপ্রকার অনুশাসন করিয়া, মালাদামভূষিত
 ভাস্করসবর্ণ কলেবরে আকাশমণ্ডলে বিদ্যোভিত হইতে লাগিল ।
 এইরূপে মহাবৈগ কবন্ধ স্বর্গানোহণে সমুদ্র্যত হইলে, রাম ও
 লক্ষণ তাহাকে কহিলেন, আমরা এক্ষণে সুগ্রীবের নিকট চলি-
 লাম, তুমিও স্বর্গে গমন কর । কবন্ধও তাঁহাদিগকে কহিল,
 আপনারা কার্য্যসিদ্ধির নিমিত্ত প্রস্থান করুন । রাম লক্ষণ নির-
 তিশয় প্রীতি প্রাপ্ত হইলেন । তখন কবন্ধ তাঁহাদের অনুমতি
 গ্রহণ করিয়া প্রস্থান ও স্বর্গে আরোহণ করিল । তৎকালে

পূৰ্ণস্বরূপপ্রাপ্তি নিবন্ধন তাহার সৰ্ব্বশরীর নিরতিশয় খোঁজায়
সমুদ্ভাসিত হইয়া উঠিল । অর্গারোহণ সময়ে প্রথমে পথাদির
উপদেশ বিধানপূর্বক পরে কিঞ্চিদূর গমন করিয়া, রাসের
প্রতি দৃষ্টিপাতপূর্বক বলিতে লাগিল, আপনি সুগ্রীবের সহিত
সখ্য স্থাপন করুন ।

চতুঃসপ্ততম সর্গ ।

অনন্তর রাম ও লক্ষ্মণ কবকের প্রদর্শিত পথ অবলম্বন পূর্বক
পম্পাসরোবর লক্ষ্য করিয়া, পশ্চিমদিকে প্রস্থান করিলেন ।
সুগ্রীবকে দর্শন করা তাঁহাদের উদ্দেশ্য । যাইবার সময় পরন্ত
সকলে মধুভূলা সুস্বাদ ফল ও পুষ্পবিশিষ্ট ভূরি ভূরি রক্ষ তাঁহাদের
নয়নপথে পতিত হইতে লাগিল । তাঁহারা শৈলপৃষ্ঠে অবস্থিতি
করিয়া পম্পার পশ্চিম তীরে উপস্থিত হইলেন । তথায় উপ-
নীত হইলে, শবরীর সমীপে আশ্রমপদ তাঁহাদের দৃষ্টিগোচর
হইল ! তাঁহারা রক্ষরাজিরাজিত তদীয় আশ্রমপদে পদার্পণ
পূর্বক তাহা দর্শন করিতে করিতে শবরীর সমীপে সমাগত
হইলেন । সিদ্ধা শবরী তাঁহাদের দর্শনমাত্র তৎক্ষণাৎ কৃতাজ্জি
পুটে উত্থান করিয়া, রাম ও লক্ষ্মণ উভয়েরই পদ গ্রহণ এৱং
যথাবিধি পাদ্য ও আচমনীয় সমুদায় প্রদান করিলেন ।

অনন্তর রাম ধর্মচারিণী শ্রমণীকে জিজ্ঞাসা করিলেন, অগ্নি
চারুভাষিণি তপোধনে ! তোমার বিগ্র সমুদায় নিরাকৃত, তপো-
রক্তি সমাগত, কোপ ও আহার সংযত, নিয়ম সকল সঞ্চিত,
হৃদয় নিবৃত্ত এবং গুরুশ্রবণের ফল সমুদ্ভূত হইয়াছে ?

রাম এইপ্রকার জিজ্ঞাসা করিলে, সিদ্ধগণের বহুমানাস্পদ
তপঃসিদ্ধা ব্রহ্মা তাপসী শবরী সম্মুখে অবস্থান পূর্বক তাঁহাকে
নিবেদন করিলেন, অদ্য আপনার সাক্ষাৎকারে আমার
তপঃসিদ্ধি লাভ হইল, জন্ম সফল হইল, গুরুগণের পূজা

সম্পন্ন হইল ও তপস্যাও সার্থক হইল । হে পুরুষোত্তম ! আপনি দেবগণের অগ্রগণ্য । এক্ষণে আপনার পূজা করিলে আমার স্বর্গলাভ হইবে । হে সৌম্য ! হে মানদ ! হে অরিন্দম ! আপনি প্রথম দৃষ্টি নিক্ষেপ করিলে, আমি তদ্বারা পবিত্র হইয়া, ভবদীয় অনুগ্রহে অক্ষয় লোক সকলও প্রাপ্ত হইব । আমি তাহাদের পরিচর্যা করিয়াছিলাম, তাহারা আপনার চিত্রকূট পর্বতে পদার্পণমাত্রেই অসদৃশ প্রভাশালী বিমানপরম্পরায় আরোহণ করিয়া, এই আশ্রম হইতে স্বর্গে অধিরূঢ় হইয়াছেন । সেই সকল মহাভাগ ধর্মজ্ঞ মহর্ষি আমায় বলিয়া গিয়াছেন, রাম তোমার এই পরম পবিত্র আশ্রমপদে পদার্পণ করিবেন । তুমি লক্ষ্মণের সহিত সেই অতিথিকে সবিশেষ পূজাদি করিও । তাহার দর্শনমাত্রেই তোমার অত্যাংকুষ্ঠে অক্ষয় লোক সকল প্রাপ্তি হইবে । হে পুরুষোত্তম ! তৎকালে মহাভাগ মহর্ষিগণ আমাকে এইপ্রকার উপদেশ করিয়াছিলেন । হে পুরুষাগ্রগণ্য ! তদবধি আমি আপনার পরিচর্য্যাভিজ্ঞ পশ্চাতীরসমুদ্ভূত নানাজাতীয় আরণ্য দ্রব্যজাত সংগ্ৰহ করিয়া রাখিয়াছি ।

নিত্যবিজ্ঞানাধিকারিণী শবরী এইপ্রকার কহিলে, ধর্মাত্মা রাম তদন্ত আত্মাদি প্রতিগ্রহ করিয়া, তাহাকে বলিতে লাগিলেন, আমি কবন্ধের নিকট হৃদীয় মহানুভাব আচার্য্যগণের মাহাত্ম্য যথাতত্ত্ব শ্রবণ করিয়াছি । এক্ষণে যদি উপযুক্ত বোধ কর, তাহা হইলে, উহা প্রত্যক্ষ করিতে ইচ্ছা করি ।

রামমুখবিনিঃসৃত এই বাক্য শ্রবণ করিয়া শবরী তাহাদের উভয়কেই সেই মহাবন প্রদর্শন করিলেন । এবং কহিলেন, হে রঘুনন্দন ! মৃগ ও পক্ষিগণে সমাচ্ছন্ন, মেঘের ন্যায় নিবিড়াকৃতি এই বন অবলোকন করুন । এই অরণ্যানী মতঙ্গবন বলিয়া বিখ্যাত । অগ্নি মহাদুতে ! আমার সেই ভাবিতাত্মা গুরুগণ গায়ত্র্যাদি জপ পুস্তক পূজা করিয়া, এই বনে মন্ত্রবৎ যজ্ঞ সম্পাদন করিয়াছিলেন । এই সেই প্রত্যক্ষলীনান্দ্রী নদী,

- ইহ নদীতে অধিষ্ঠান করিয়া, মদীয় পরম পূজ্য আচার্য্যগণ শ্রম বশতঃ প্রাক্ষিপ্ত হস্তে দেবতাদিগকে পুষ্পোপহার প্রদান করিতেন । হে রঘুবর ! অবলোকন করুন, এই অতুলপ্রভাশালিনী
- বেদী তাঁহাদের তপঃপ্রভাবে আজিও স্থায়ী প্রভায় সমুদায় দিক্ সমুদ্ভাসিত করিতেছে । তাহারা উপবাসপরিশ্রমে অলস হইয়া, গমন করিতে অসমর্থ হওয়াতে, তাঁহাদের চিন্তামাত্রেই এই সপ্তসাগর এখানে সমবেত হইয়াছে, দর্শন করুন । তাঁহারা স্নানান্তে এই প্রদেশে বক্ষোপরি যে বকুল ন্যস্ত করিয়াছিলেন, আজিও তাহা শুষ্ক হয় নাই । হে রঘুনন্দন ! তাঁহারা দেবকার্য্য সাধনার্থ সমুদ্যত হইয়া, কুবলয় সহিত এই যে সকল কুম্ভম দেবোদ্দেশে অর্পণ করিয়াছিলেন, আজিও ইহারা স্নান হয় নাই । আপনি সমুদায় বন সাক্ষাতে দর্শন ও যাহা শুনিবার তাহাও শ্রবণ করিলেন । এক্ষণে অনুজ্ঞা করুন ; এই দেহ ত্যাগ করিব ; ইচ্ছা করিয়াছি । যাহাঁদের এই আশ্রয় ও আগি যাহাদের পরিচর্যা করিতাম, সেই বিশুদ্ধাত্মা মহর্ষিগণের সমীপগমনে আমার অভিলাষ হইয়াছে ।

রাম লক্ষ্মণের সহিত শবরীর এই নিরতিশয় ধর্ম্মসঙ্গত কথা শ্রবণ করিয়া, সাতিশয় আত্মাদিত হইলেন এবং কহিলেন, ইহা অতীব নিস্বয়জনক । অনন্তর তিনি সেই সংশিতব্রতা শবরীকে কহিলেন, ভদ্রে ! তুমি আমার অর্চনা করিয়াছ । এক্ষণে যথাসুখে ও ইচ্ছানুসারে গমন কর ।

রাম এই বলিয়া অনুজ্ঞা প্রদান করিলে, জটা, চীর ও কৃষ্ণাজিনধারিণী শ্রমণী ছত্ৰাশনে আত্মাকে আচ্ছত করিয়া, প্রজ্বলিত-পাবক-প্রতিম কলেবরে স্বর্গে প্রস্থান করিলেন । তৎকালে দিব্য মালা, দিব্য অনুলেপন, দিব্য আভরণ ও দিব্য বস্ত্র পরিধান করাতে, তিনি দেখিতে ষারপরনাই মনোহারিণী হইলেন, এবং নিরতিশয় দ্যুতিশালিনী সৌদামিনীর স্যায়, সেই প্রদেশ আলোকময় করিতে লাগিলেন । তদীয় গুরু পরম-

পুণ্যাত্মা সেই পরমর্ষিগণ যে স্থানে বিহার করিতেছেন; শবরী
আজ্ঞাসমাদিপ্রভাবে পরমপবিত্র সেই প্রদেশে গমন করিলেন ।

পঞ্চসংতিতম সর্গ ।

শবরী স্বকীয় স্মৃতি সহায়ে স্বর্গে গমন করিলে, ধর্ম্মাত্মা
রাম ভাতা লক্ষ্মণের সহিত উল্লিখিত মহাত্মা মহর্ষিগণের প্রভাব
চিন্তা করিতে লাগিলেন । অনন্তর হিতকারী ও একাত্ম লক্ষ্মণকে
সম্বোধন করিয়া কহিলেন, সৌম্য ! আমরা পুণ্যাত্মা মহর্ষি-
গণের বহ্নাশ্চর্য্যময় এই আশ্রম দর্শন করিলাম । এখানে মুগ ও
ব্যাগ্রগণ বিশ্বস্তভাবে বিচরণ এবং নানাজাতীয় বিহঙ্গম বাস
করিতেছে । লক্ষ্মণ ! তাঁহাদের প্রতিষ্ঠিত এই সপ্ত সাগর-
তীর্থেও আমরা যথাবিধানে স্নান ও পিতৃলোকের তর্পণ করি-
লাম । ইহাতে, আমাদের যে অশুভ নাশ ও কল্যাণ সম্পন্ন
হইয়াছে, তদ্বারা আমার মন সম্প্রতি সান্ত্বিত হইতে হইয়া
উঠিয়াছে । এক্ষণে, সূর্য্যাস্তময় ধর্ম্মাত্মা স্ত্রীমব বালির ভয়ে
বানরচতুষ্টয় সমভিব্যাহারে যাহাতে বাস করিতেছেন, সেই
ঋষ্যমুক গিরি নাতিদূরে যে স্থানে বিরাজমান আছে, বানর-
রাজ সুগ্রীবের সহিত সন্দর্শনার্থ সেই স্থানে যাইবার জন্য আমি
ত্বরাপর হইয়াছি । কেননা, সীতার অন্বেষণব্যাপার একমাত্র
স্ত্রীমবের আয়ত্ত । রাম এইপ্রকার বাগ্বিন্ধ্যগে প্রবৃত্ত হইলে,
সৌমিত্রি তাঁহাকে কহিলেন, আমারও মন ত্বরাপর হইয়াছে ।
অতএব আমরা শীঘ্রই তথায় গমন করিব ।

অনন্তর পরমপ্রভাব নরপতি রাম মত্তলাশ্রম হইতে বিনির্গত
হইয়া, লক্ষ্মণের সহিত পম্পাসরোবরে প্রস্থান করিলেন । গমন-
সময়ে কোষাষ্টি, অর্জ্জুন, শতপত্র, কীচক ও অন্যান্য বিহঙ্গমগণে
প্রাতিনাদিত এবং সর্ষপ বিপুল ক্রম ও পুষ্পে আচ্ছন্ন উল্লিখিত
মহাবন এবং বিবিধ বৃক্ষ ও সরোবর তাহাঁদের নগ্ননপথে পতিত

হইতে লাগিল । তিনি তদ্বশনে কামাবির্ভাববশে নিতান্ত
 লম্বপ্ত হইয়া, পম্পার অন্তর্গত উৎকৃষ্ট হ্রদে সমাগত হই-
 লেন । ঐ হ্রদের জল অতিমধুর, শীতল ও নির্মল । এবং
 উহা মতঙ্গর নামে বিখ্যাত । তাঁহারা উভয়ে অব্যগ্র ও সমা-
 হিত হইয়া, তথায় গমন করিলেন । অনন্তর দশরথাস্বজ্ঞ রাম
 শোকসমাবিষ্ট হইয়া পদ্মসমাচ্ছন্ন পরমমনোহর পম্পাসরোবরে
 প্রবিষ্ট হইলেন । ঐ সরোবর তিলক অশোক পুন্নাগ বকুল ও
 উদ্দালক সমূহে সুশোভিত, রমণীয় উপবনসকলে পরিব্যাপ্ত,
 ক্ষুদ্রিকাদৃশ স্বচ্ছ ও পদ্মসমাচ্ছন্ন ললিতরাশিতে পরিপূর্ণ, মুছ-
 প্পর্শ বালুকাস্তূপে আচ্ছাদিত, রাশি রাশি মৎস্য কচ্ছপ ও
 ভীরজাত পাদপরাঞ্জিতে বিরাজিত, লম্বীর ন্যায় লতা সকলে
 সংবেষ্টিত ও আলিঙ্গিত, কিম্বর উরগ গন্ধর্ব্ব যক্ষ ও রাক্ষসগণে
 নিষেবিত, নানাজাতীয় ক্রম ও লতাজালে আচ্ছন্ন, সুশীতল
 ললিলে পরিপূর্ণ, নিরতিশয় সৌন্দর্য্য ও গোষ্ঠব সম্পন্ন, পদ্ম-
 সৌগন্ধিক, কুমুদ ও কুবলয়গণ্ডলের অধিষ্ঠান বশতঃ যথাক্রমে
 তাম্র শুক্ল ও নীল বর্ণে অলঙ্কৃত এবং তজ্জন্য বহুবর্ণবিচিত্রিত
 গজাচ্ছাদন চিত্র-কম্বলের ন্যায় বিরাজমান । দশরথনন্দন
 তেজস্বী রাম অরবিন্দ, উৎপল, পুষ্পিত আম্রকানন এবং
 ময়ূরগণের কেকারব এই সকলে অলঙ্কৃত উল্লিখিত পম্পা
 নয়নগোচর করিয়া, লম্বণের সহিত বিলাপ করিতে লাগিলেন ।
 তিনি পুনরায় অবলোকন করিলেন, তিলক, বীজপূরক, বট,
 শুক্লক্রম, করবীর, পুন্নাগ, মালতী, কুম্ভ, গুল্ম, ভাণ্ডীর, নিচুল,
 অশোক, গণ্ডপর্ণ, কেতক, অতিমুক্তক এবং অন্যান্য নানা-
 জাতীয় কুসুমিত পাদপসমূহের সান্নিধ্য বশতঃ প্রমদার ন্যায়
 পম্পার নিরতিশয় শোভা সমুদ্ভূত হইয়াছে । ইহারই ভীরে
 পূর্ককথিত ঋষামুক নামে বিখ্যাত ধাতুমণ্ডিত পর্কত কুসুমিত
 পাদপপরম্পরায় পরিব্যাপ্ত রহিয়াছে । মহাত্মা ঋক্ষরজার পুত্র
 মহাবীর সুর্য্যব ঐ পর্কতে বাস করেন ।

সত্যবিক্রম রাম তদর্শনে পুনরায় লক্ষ্মণকে কহিলেন, তুমি এক্ষণে বানররাজ সুগ্রীবের নিকট গমন কর । আমি সীতাবিরহে কিরূপে প্রাণধারণে সমর্থ হইব ? তিনি নিতান্ত কামাৰ্ভ হইয়া, সীতাগত চিন্তে লক্ষ্মণকে এইপ্রকার আদেশ করিয়া, নিরতিশয়শোকপ্রকাশপুরঃসর মনোহর পম্পা সরোবরে প্রস্থান করিলেন । এবং চতুর্দ্বিগ্বর্তী বনরাজি দর্শন করিতে রতে, ক্রমে গমন করিয়া, সুদৃশ্যকাননরাজিত উল্লিখিত সরোবর নেত্রগোচর করিলেন । অনন্তর তিনি লক্ষ্মণের সহিত বহুবিধ ও বহুগাংখ্য পক্ষিসকুল পম্পায় প্রবিষ্ট হইলেন ।

আরণ্যকাণ্ড সমাপ্ত ।



